

浆步

元 脱 脱 等撰

中 華 書 局

卷二五七至卷二七〇(傳)

# 宋史卷二百五十七

## 列傳第十六

吳廷祚 子元輔 元載 元扆 李崇矩 子繼昌 王仁膽 楚昭輔

李處耘

子繼隆

繼和

軍器庫使、知懷州,入爲皇城使。會天平符彥卿移鎭大名,以廷祚權知鄆州。 吳廷祚字慶之,幷州太原人。少頗讀書,事周祖,爲親校。 廣順初,授莊宅副使,遷內

守事。 征,權東京留守。是夏,河決鄭州原武縣,命廷祚發近縣丁壯二萬餘塞之。師還,以廷祚爲 巡檢使。師還,權判澶州,歸闕,加右監門衞大將軍。 俄遷宣徽南院使、判河南府、知西京留 左驍衞上將軍、檢校太傅,充樞密使。 世宗卽位,遷右羽林將軍,充內客省使。未幾,拜宣徽北院使。 汴河決,命廷祚督丁壯數萬塞之。因增築堤防,自京城至臨淮,數旬訖工。世宗北 恭帝即位,加檢校太尉。 世宗征劉崇,爲北面

列傳第十六 吳廷祚

險, 藪,魚脫 南 ,其衆敗走。 且阻太行,賊據之,未易破也。 於淵,因可擒矣。」太祖遂親征,以廷祚留守東京兼判開封府。 加 同中書門下二品,以其父名璋, 及討李重進,又爲東京留守。 筠素勇而輕,若速擊之,必離上黨來邀我戰,猶獸 故避之。 會李筠飯, 廷祚白太祖曰:「潞城嵒 筠果領兵來,戰澤州

波于 悅。 以 古伏羌縣之地。 離段左右爲憂,故先告卿。」卽以爲雄武軍節度。 | 率衆 建隆 是年 秋,以伏羌 三年夏,帝謂之曰:「卿掌樞務,有年于茲,與卿秦州,以均勞逸。 爭奪,頗傷役卒,防捕繫其黨,以狀聞。 高防知州日,建議就置采造務,調軍卒分番取其材以給京師。 地 來 獻 上令廷祚代防,齎詔赦尚波于等,夏人感 先是,秦州夕陽鎮 西北接大藪,多材植 明日 制出, 西夏酋長尚 恐卿

遣 中 使王 乾德 繼 二年來朝,改鎮京兆。 恩監視 之。 未幾卒,年五 開寶四年長春節來朝。 十四四 贈 侍中,官給 俄遇疾,車駕臨問,命爇艾灸其腹, 葬 事

廷 作謹 厚寡言 火 性 至孝,居母喪,絕水漿累日 好學, 聚書萬餘卷。 治家嚴肅,尤崇奉

釋氏。

元吉子昭允,太子中舍。 子 元輔 、元載、元範、 元慶子守仁,內殿崇班 元展、元吉、 元慶。 元範、 元慶仕皆至禮賓副使。 元吉,閤門祗候。

初, 授左聽衞將軍、澶州巡檢,累官至定州鈴轄。 元輔字正臣,頗好學,善筆札。 周廣順中,以父任補供奉官。 卒,年四十八。 子昭德、昭遜、昭普,並閣 世宗嗣位,遷洛苑使。

門祗候。

廷祚 卒,授供奉官。 元載, 建隆初,授太子右春坊通事舍人, 太平 興國 三年, 加閤門祗侯, 賜緋魚袋。 與太祝毋賓古使契丹。 廷祚出鎭秦、雍, 九年,擢爲西上 並補衙門都校。

閤門副使,出知陝州。

敗。 郡 物 益 舉進士,任光祿寺丞,詔除籍,終身不齒。 大怒,詔元載逮捕之。 遣 色急捕之,獲於河中府民郝氏家,鞫于御史府,具得其狀,斬之,盡沒其家。 吏短長,長東而下皆畏之。 民負息錢者數百家,郡爲督理如公家租 及炕屢表其事,又爲邸吏所匿,不得達,後因市馬譯者附表以聞,譯因入見,上其表。帝 奴數輩同仇按行市中,拽之下馬,因毁辱之。先是,益厚路朝中權貴爲庇護,故累年不 雍 熙三年,徙知秦州。 詔書未至,京師權貴已報益,益懼,亡命。 州民李益者,爲長道縣酒務官,家饒於財,僮奴數千指, 益之伏法,民皆飯僧相慶。 元載以聞,帝愈怒,詔州 調,獨推官馮伉不從。 益子仕衡先 恣横持 郡

列傳第十六 吳廷祚

蕩, 民無贏 拱 初, 餘,悉市 遷西上閤門使。 酒肉爲聲技樂,冗載禁止之; 淳化二年,加領富州刺史,俄徙知成都府。 吏民細罪又不少貸,人多怨咎。 蜀俗奢侈, 及王小波 好遊

亂,元載不能捕滅,受代歸闕,而<u>成都不守。</u>

元 載 拒 時李仕衡通判華州, 之,仕衡抗章疏其罪,坐責 常銜元載因事殺其父,伺元載至闞,遣人閱行裝,收其關市之稅 野州團練副使。 移單州,以疾授左衞將軍致政。 卒,年五

子昭明,爲內殿崇班;昭矩,太子中舍。

元晟字君華。 太平興國八年,選尙太宗第四女蔡國公主,授左衞將軍、駙馬都尉。 明

年正月,領愛州刺史。是多,領本州團練使。

觀察使。 特詔朝會序班次節 度使, 奉祿賜予悉增之。 劇郡,命知鄲州。 再 知 逾年召入, 河 陽 尋知河陽。還朝,改鄯州

躬 涉 淳化 泥滓,督工 元年,以主疾召還。 一補塞。 民多構木樹杪以避水,元晟命濟以舟楫,設餅餌以食。 主薨,復遣之任。 五 年,秋霖 河溢,奔注溝洫,城 時澶、陝悉罹 壘將壞,元晟

水災,元展所部賴以獲安。

善政 寧國 護河 十事,願借留樹碑,表其德政。 橋。 軍留後、知定州。 真宗即位,換安州觀察使,俄知澶州。 既而超輩果敗,遼人乘之,至橋,見陣兵甚盛,遂引去。考滿,吏民詣闕貢馬,疏其 時王超、王繼忠領兵踰唐河,與遼人戰,元扆度其必敗,乃急發州 詔褒之。屬歲旱, 吏白召巫以土龍請雨。 咸平三年,轉運使劉錫上其治狀,詔書嘉獎, 元晟日「巫 兵

本妖民,龍止獸也,安能格天?惟精誠可以動天。」乃集道人設壇,潔齋三日,百拜祈禱,澍

時上元欲觀燈,帝爲移次夕。 扈從,命祀靑帝,禮畢,加檢校太傅、 署,以內侍副都知閻承翰副之。出知潞州。初,持、代、澤、潞皆分轄戍卒,後幷於太原。 五月,制書下,元晟被疾卒,年五十,贈中書令,諡忠惠。 是,以元扆 景德元年代歸,拜武勝軍節度〔〕。三年,以陵域積水,議堙掘溝澗,命爲修諸陵都部 臨鎮,遂分領澤潞晉絳慈隰、威勝七州軍戎事〔三〕,委元晟專總之。 知徐州。 大中祥符四年,以祀汾陰恩,改領山南東道。 子弟進秩者五人。五年,葬元展, 東封,表求

雨沾洽。

得祿賜,卽給親族孤貧者。將赴徐州,請對言:「臣族屬至多,其堪祿仕者皆爲表薦,餘皆均 奉瞻之。」公主有乳媪,得入參宮禁,元扆盧其去後妄有請託,白上拒之。」眞宗深所嘉嘆,於 元扆性謹讓,在藩鎭有憂民心,待賓佐以禮。 喜讀春秋左氏,聲色狗馬,一不介意。所

列傳

第十六

吳

廷祚

李崇矩

八九五一

帝 壻 中獨 稱 其賢。 及 一歿,甚悼惜之。 且以元扆得疾,本州 不 以聞,韶 劾其官屬

守嚴子承嗣、承緒並爲殿直; 子 守禮,至六宅使、澄州 刺史,以帝甥特贈 守良爲內殿崇班 和 守讓閣門祗 州防禦使; 守嚴 至 內殿崇班 一,天禧中

肇時爲先鋒都校,聞崇矩名,召署親吏。乾酤初,弘肇總禁兵兼京城巡檢,多殘殺軍民,左 右 「懼,稍稍引去,惟崇矩事之益謹。 及弘肇被誅,獨得觅。 李崇矩字守則,潞州上黨人。幼孤貧,有至行,鄕里推服 漢祖 起晉陽,次上黨,史弘

帳下。 吾將恤之。」崇矩上其母弟福。 H 心 ,共獎王室,爲姦邪所構,史公卒罹大禍,我亦僅免。汝史氏家故吏也,爲我求其近屬, 周祖與弘肇素厚善,即位,訪求以肇親舊,得崇矩。謂之曰:「我與史公受漢厚恩,戮力 顯德 初、補供奉官。從征高平,以功轉供備庫副使,改作坊使。 崇矩素主其家,盡籍財產以付福,周祖嘉之,以崇矩隸世宗 恭帝嗣位,命崇矩告

哀於南唐。 宋 初,李筠叛,命崇矩率龍捷、驍武左右射禁軍數千人屯河陽,以所部攻大會砦,拔之, 還判 四方館

斬首 五百級。 改澤、潞南面行營前軍都監,與石守信、高懷德、羅彥壞同破筠衆於碾子谷。

護櫬 及平澤、潞, 歸京師 」許之,賜予甚厚。 遺崇矩先入城,收圖籍,視府庫。 師還,會判三司張美出鎭,拜右監門衞大將軍,充三司使。 因上言曰:「上黨,臣鄕里也。 臣父尚豪葬,願

從征李重進,還爲宣徽北院使,仍判三司。

戮,然案籍合誅者餘萬人。」|太|祖曰:「朕恐有被其驅率,非本心者。」 乃令盡釋之。 軍多亡命在其黨中, 乾德二年,代趙普拜樞密使。 言者請誅其妻子。 五年,加檢校太傅。 太祖疑之,以語崇矩。 時劍南初平,禁軍校呂翰聚衆構亂, 崇矩日:「叛亡之徒固當孥 |翰衆聞

還京師。 開寶初,從征太原。 崇矩叩頭言:「凉車乃至尊所御,是速臣死爾。」固辭得免 會班師,命崇矩爲後殿。 次常山, 被病, 帝遣太醫診視,命乘凉車

之,亦稍稍自歸。

未幾,翰敗滅

問,出爲鎭國軍節度,賜伸同進士出身,以爲酸棗主簿,仍賜器幣、襲衣、銀帶。 年, 性險詖無行,崇矩待之漸薄。伸銜之,因上書告崇矩陰事。 時趙普爲相,崇矩以女妻普子承宗,相厚善,帝聞之不悅。 有鄭伸者,客崇矩門下僅十 崇矩 不能· 自明。 六年,崇矩 太祖釋不

入爲左衞大將軍。

**潯、濱、橫、欽六州都巡檢使。** 太平興國二年夏,河防多決,詔崇矩乘傳自陝至滄、棣,按行河堤。 未幾,移瓊、崖、儋、萬四州都巡檢使,麾下軍士咸憚於行,崇 是秋,出爲邕、貴

八九五三

以己財遺其酋長,衆皆懷附。代還,拜右千牛衞上將軍。 仗兼六軍司事。 炬 盡出器 Ш 金帛 端拱元年,卒,年六十五。贈太尉,諡元靖 ,凡直數百萬,悉分給之,衆乃感悅。 時黎賊擾動, 雅熙三年,命代宋偓,判右金吾街 崇矩悉抵其洞穴 撫慰,

黄白術, 嶺海四五年,恬不以炎荒嬰慮。舊涉海者多艬舟以俟便風,或旬餘,或彌月,崇矩往來皆一 日而渡,未嘗留滯,士卒僮僕隨者皆無恙。 崇矩性純厚寡言,尤重然諾。嘗事史弘肇,及貴,見其子孫,必厚禮之,振其乏絕。 自遠迎其人,館於家以師之,雖知其詐,獨以爲神仙,試已終無悔恨。子繼昌 信奉釋氏,飯僧至七十萬,造像建寺尤多。又喜

輕矢,敎以射法。 自言不願。 繼昌字世長。 崇矩 建隆 **亟爲繼昌聘婦,太祖聞之,頗不** 初,崇矩與太祖同府厚善,每太祖誕辰,必遣繼昌奉幣爲壽。 三年,蔭補西頭供奉官。 悅。 太祖欲選尚公主,崇矩謙讓不敢當,繼昌亦 **嘗**畀弱弓

外艱,服 入爲 右班 開 至道二年,蜀賊平, 寶 ,殿直、東頭 五 年,選 授 西京作坊副使。 魏咸信爲駙馬都尉,繼昌同日 供奉官,監大名府 餘黨頗嘯聚,拜西京作坊使、峽路二十五州軍捉賊招安都巡檢使, 淳化 中,齊饑多盜,命爲登、萊、沂、密 商稅,歲課增羨。 遷 如京副使。 會詔 擇廷臣 崇矩出華州,補鎭國 七州都 有勞者 巡檢 ,府以名聞。 使 軍牙職。

旋改兵馬鈴 轄。 賊酋 喻雷燒者,久爲民患,以金帶遺繼昌,繼昌僞納之, 賊懈不設備, 因掩

殺之。進西京左藏庫使。

橋門, 帥命 遁, 繼昌急領兵追賊至資州,聞均梟首乃還。 僅以身免。 有終等各以所部徑入,繼昌覺,亟止之不聽, 。」是夕,有終馳報至,徙繼昌屯鴈 咸平 均脫走。 三年, 繼昌按堵如故,所部諸校聞城中戰聲, 繼昌入城,嚴戒部下,無擾民者。 王均亂蜀,與雷有終、上官正、石普同受韶進討,砦于城西門。 橋門。 以功領獎州刺史。 三月,破彌牟砦,斬首千級,大獲器仗,進逼 因獨還砦。 獲婦女童幼置空寺中,俟事平遣還其家。 泣請引去。 賊果閉關發伏,悉陷之, 俄知青州,入掌軍頭引 繼昌曰:「吾位最下,當俟 賊忽開城偽 見司 有終 魚

使。 使姚東之偕詣遼部,俄與韓杷同至行在, 三年,又副任中正使契丹。'是冬,將朝陵寢,以汝州近洛, 景德二年,將幸澶州,遣先赴河上給諸軍鎧甲。 及遼人聘至, 又命至境首接伴。 遼人請和,欲近臣充使,乃令繼昌 **衞兵所駐**, 尋擢 命知州事兼兵馬 爲西上 與其 閣 FF

針轄。 駕還,召歸,出知延州兼鄜延路鈴轄。

假 改 満 聽 仍給以奉。 大中祥符元年,進秩東上閤門使。 衞 大將軍,領郡 少愈,令樞密院傳旨,將眞拜刺史,復任延安。 如故。 祀汾陰,留爲京師新城巡檢鈴轄,改左神武軍大將軍、權判右 俄以目疾求歸京師。 入對,勞問再三,遺尙醫診 繼昌以疾表求休致。 未幾, 視,

列

第

1-

六

李

**崇**矩

王仁

金吾街仗。其子遵勗,尚萬壽長公主。

賜之。 殿直文旦爲侍禁。 諸陵,皆許之。 二年冬,卒,年七十二。 禧 翌日,主入對,帝問繼昌強健能飲食,拜連 初, 主誕 日,邀繼昌過其家,迎拜爲壽。 遣中使護櫬以歸。 州 帝知之,密以襲衣、金帶、器幣、珍果、 刺史,出知涇州 錄其子贊善大夫文晟爲殿中丞, 表求 兩朝御書及 、美饌 公謁拜

**貧餓,嘗詣繼昌乞丐,家人競前詬逐。** 正殘忍好殺,嘗有縣胥護獨糧,地遠後期,正令斬之,繼昌徐爲解貸焉。鄭伸者,早死,其母 繼昌 性謹厚, 士大夫樂與之遊。 繼昌召見,與白金百兩,時人稱之。 爲治尙寬,所至民懷之。 任峽路時, 興上官 IF. 聯

遵勗初尚主,韶升爲崇矩子,授昭德軍留後、駙馬都尉

王仁縣,唐州方城人。少倜儻,不事生產,委質刺史劉詞。 詞遷永興節度,署爲牙校。

詞將卒,遺表薦仁膽材可用。 太祖素知其名,請於世宗,以隸帳下。

高繼沖請命,以仁赡爲荆南巡檢使。 宋 初,授武德使,出知秦州,改左飛龍使。建隆二年,遷右領軍 繼沖入朝, 命知軍府。 乾德初, 遷左千牛衞大將軍。 **衞將軍,**充樞 密承旨。

不踰月,加內客省使。

營前 路、子女及發官庫分取珠 役,大將王全斌等貪財, 將 欲自解。 司、三司兼知開封府事。及召沈倫赴行在,以仁贍爲東京留守兼大內都部署。 也。 軍都監。 帝怒,令送中書鞫全斌等罪,仁瞻以新立功,第行降黜 帝曰:「納李廷珪妓女,開豐德庫取金寶,豈全斌輩邪? 召赴 蜀平, 闕,擢爲樞密 坐没 軍政廢弛, 金等事 入生口財貨、 副使。 ,盡得其狀。 寇盜充斥。 七月,加左衞大將軍。 殺降兵致蜀 及全斌等歸, 太祖 土擾亂, 知之,每使蜀來者,令陳全斌等所入賄 帝詰仁膽, 責授右衞大將 而已。 興師討蜀,命仁赡爲鳳州路 上仁瞻 帝幸洛,以 仁贍歷詆諸將過失, 不能對。 軍。 仁贍判留守 **鴻**還,遂判 初, 廷珪,故蜀 劍 南之

守司、三司、總轄裏外巡檢司公事 太平興國初,拜北院使兼判如故,加檢校太保。 ٥ 師還,加檢校太傅。 ħď 年,親征太原,充大內部署, 仍判留

三司,俄命權宣徽北院事

算 既至,厚結有司,悉官市之,倍收其直。一膽密奏之,帝怒,以三司副使范旻、戶部判官 貶晏爲房州 五 開封府 年,仁瞻廉得近臣戚里遣人市竹木秦、隴間,聯巨筏至京師,所過關 判官呂端屬吏。旻、載具伏罔上爲市竹木入官;端爲案府親吏喬璉請託 司戶,載均州 司戶,端商州司戶。 判四方館事程德玄,武德使劉知信,翰林 渡, 矯稱制 執 免

使杜彦圭 駕北巡,命|仁贍爲大內部署 衞 上將 軍祁廷訓 一, 日 騎、天武 ~,駙馬 四廂都指揮使趙延溥, 都尉王承衎、石保吉、魏咸信,並坐販竹木入官,責降罰 武德副使竇神興、左衞上將軍張永德、 奉。 是歲,車 左領

班持 是, 六十六。 合謀同奏,至帝前而宋琪猶附會仁贍,故亦左降。 口。 防禦使,月給奉錢三十萬。 會屬· 狀奏其事。 仁贍掌計司殆十年, 七 年春,以政 東陳恕等數人率以皦察不畏強禦自任, 帝詰之,仁瞻屈伏。 事 與僚屬相矛盾,爭辯帝前,仁膽辭屈,責授右衞大將軍。 态下吏爲奸, 仁贍之獲罪也, 帝怒甚,故及於譴,而恕等悉獎擢。 怙恩寵無敢發者 兵部 郞 因議本司事有不協者。 仁膽旣失權勢,因怏怏成疾,數日 中、 判勾院宋琪及三司 ; 前年發范旻等事 琪與恕等聯事 判官並 朝 參 , 翌日, 中 日 外 降 改唐州 益畏其 恕獨 秩。 了, 始 先 出

隱沒官錢以千萬計,殷悉令罷之,命使分掌。 **獲千緡者爲一二萬緡,萬緡者爲六七萬緡,其利數倍。** 後帝因言及三司財賦,謂宰相趙普等曰:「王仁贍領邦計積年, 恣吏爲姦, 仁膽再三言,恐虧舊數,朕拒之。 用度旣足, **爣遇水旱**,即可免民租 諸場院官皆 未踰年,舊

稅。 仁贍心知其非,頗亦慙悸,朕優容之。」子昭雍,爲崇儀副使

任之。 楚昭 陳橋 輔字拱辰,宋州宋城人。 師還,昭憲太后在城中,太祖憂之,遺昭輔問起居,昭輔具言士衆推戴之狀,太 少事華帥劉詞。 詞卒,事太祖,隸麾下,以才幹稱,甚信

后乃安

拜左驍衞 知揚州,使江表。 宋初, 大將軍、權判三司。 爲軍器庫使。 還,命鈎校左藏庫金帛,數日而 太祖親討澤、潞,及征淮揚,並以昭輔爲京城巡檢。 六年,遷樞密副使。 畢,條對稱旨。 九年,命權宣徽 開寶四 南院 事 一年,帝以其能心計, 建隆 四年,權

郊祀 帝 無子,錄其兄子一言爲供奉官,極爲殿直。 爾,令別市 親 學,罷爲驍騎衞上將軍。 臨問。 太平 與國初,拜樞密使。 第。 以所居湫隘, 四輔被疾,家居近一歲,始以石熙載代之。 命有司廣之, 逾年卒,年六十九。 三年,加檢校太傅。 昭輔慮侵民地,固讓不願治。 廢朝, 赠侍中, 從征太原,加檢校太尉。 昭輔不求解職,上亦不忍罷。 命中使護其喪歸葬鄉里。 ' 帝嘉其意,賜白金萬 俄以足疾請告,

會

藏中縱觀,且曰:「吾無汗馬勞,徒以際會得此,吾爲國家守爾,後當獻于上。」及罷機務,悉 昭輔性勤介,人不敢干以私,然頗吝嗇,前後賜予萬計,悉聚而畜之。嘗引賓客故舊至

以市善田宅,時論鄙之。

汝主 也 初, 宜謹 詞 事 昭輔 之,汝當貴矣。」及見太祖 來 京 師 問卜於瞽者劉悟。 ,狀貌 如悟言,遂委 悟爲眾卦,曰:「汝遇貴· 質 焉。 見奇表豐下 者削

班 店子隨,做子處,並進士及第,隨爲太常博士,咸屯田 咸平三年, 錄弟之子諒爲借職。 大中祥符 八年, 又錄從孫鼎爲右班殿直。吉至內殿崇 員 外郎。

略。 數人,鬥未解。 唐 師 處耘 不利, 李處耘 漢初,折從阮帥府州,召置門下,委以軍務。從阮後歷鄧、滑、陝、邠四節度,處耘皆從 年猶未冠,獨當里門,射殺十數人,衆無敢當者。 肇力戰死之。 潞州上黨人。父肇,仕後唐,歷軍校,至檢校司徒。 有所親握兵,聞難來赴,遂得釋,里中賴之。 晉末,處転尙幼,隨兄處疇至京師,遇張彥澤斬關而入,縱士卒剽 會暮夜,遂退。 從討王都定州, 迨曉復鬥, 契丹

在新平日 , 折氏甥詣闕誣告處耘之罪,周祖信之,黜爲宜祿鎮將。 從阮表雪其冤,詔

吏宴射,處耘連四發中的,繼勳大奇之,令升堂拜母,稍委郡務, 顯 德中,從阮遺表稱處転可用,會李繼勳鎮 河陽,詔署以右職。 俾掌河 繼勳初 津 處耘 不爲禮,因 白 繼 勳

此 (津往來者懼有姦焉,不可不察也。」居數月,果得契丹諜者,索之,有與西川、江南蠟書,

卽遣 處耘 部送闕下。

陳橋 旭,太祖拒之。 太 處耘 旭 時領殿前親軍,繼勳罷鎮,世宗以處耘隸太祖帳下,補都押衙。 見軍中謀欲推戴,遽白太宗,與王彥昇謀,召馬仁瑀、李漢超等定議,始入白太 俄而諸軍大課,入驛門,太祖不能却。 處耘臨機決事,謀無不中,太祖嘉之, 會太祖出征,駐軍

授客省使兼樞密承旨、右衞將軍 從平澤、潞,遷羽林大將軍、宣徽北院使。 討李重進,爲行營兵馬都監。 賊平,以處耘

詔歸京師,老幼遮道涕泣,累日不得去。 拜宣徽南院使兼樞密副使,賜甲第一區

大兵之後,境內凋弊,處耘勤於綏撫,奏減城中居民屋稅,民皆悅服

建隆三年,

知揚州。

朗州

是,朝廷遣內酒坊副使盧懷忠使荆南,覘勢強弱。使還,具言可取之狀,遂命處耘圖之。

軍亂,詔慕容延釗率師討之,以處耘爲都監。入辭,帝親授方略,令會兵漢上。

里外。 「転至襄州,先遣閤門使丁德裕假道荆南,請具薪水給軍,荆人辭以民庶恐懼,願供獨餼於百 處耘又遣德裕諭之,乃聽命。遂令軍中曰:「入江陵城有不由路及擅入民舍者斬。」

師 次荆門, 高繼沖遣其叔保寅及軍校梁延嗣奉牛酒犒師, 且來覘也。 處耘待之有加,

**渝**令翌日先還。 延嗣大喜,令報繼沖以無虞。荆門距江陵百餘里,是夕,召保寅等宴飲延釗

列 傳

第 +

六

李 覷 耘

迎,遇 擒者悉爲大軍所唱,則人大懼,縱火焚城而潰。 分昭之,黥其少健者,令先入朗州。 於澧江,擊敗之。 分麾下及江陵兵趨 兵已分據城 江 南砦僧寺中。 處耘 處 於江 密遣 中, 陵 |荆| 處耘遣麾下將田守奇帥師渡江獲之。 輕 逐北至敖山砦,賊棄砦走,俘獲甚衆。 北 人東手聽 岳州,大破賊於三江 + 數千倍 五 里。 命 道前進。 處耘 ò 卽 揖繼 調 會暮,宿砦中,遲明,延釗 發江陵卒萬餘人,幷其師, 繼沖但俟保寅、延嗣之還,遽聞大軍奄 沖, 令待 口 ,獲船七百餘艘, 延釗 會朗帥周保權年尚幼, 一、遂率 **遂入潭州,盡得荆湖之地** 處耘 親兵先入登北 斬首 大軍繼至。 釋所俘體肥者數十人,令左 晨夜趨朗州 四 一千級。 爲大將汪端劫匿 門。 黥者先入城言,被 又遇 至, 比 賊 又先遣別 繼 帥 即惶怖 沖還 張 從富 則 出

論 良 怒不受,往復三四,處耘遂命斬於市以徇。 几 区 奏。 态,王氏愬於處耘。 年卒,年四十七。 久,舍中人大呼求救, 初 一耘有度量,善談當世之務,居常以功名爲己任。 朝議以延釗 師 至 襄州 ,衢肆鬻餅者率減少,倍取軍人之直。 宿將貰其過,謫處耘爲淄州刺史。 廢朝,贈宣德軍節度、檢校太傅,賜地葬於洛陽偏橋村 處耘召義呵責,義又譖處耘於延釗。 遣捕之,即延剑圉人也,乃鞭其背,延剑怒斬之。 延釗所部小校司義舍於荆州客將王氏家, 處耘懼,不敢自明。 荆湖之役,處転以近臣護軍,自以受 處耘捕得其尤者二人送延 至白湖,處耘望見軍人入民舍, 由是大不協,更相 在州數年,乾德 釗 使 延

太祖之遇,思有以報,故臨事專制,不顧羣議,遂至於貶。 後太祖頗追念之。 及開寶中,爲

太宗納其次女爲妃,卽明德皇后也。

爲供備庫使。 子繼隆、繼和,自有傳; 處疇,官至作坊使,子繼凝。 繼恂,官至洛苑使、順州刺史,贈左神武大將軍。 繼恂子昭遜,

會長春節,與其母入貢,復舊官。時權臣與處耘有宿憾者,忌繼隆有才,繼隆因落魄不治 繼隆字霸圖,幼養於伯父處疇。 及長,以父蔭補供奉官。 處耘貶淄州, 繼隆亦除籍、

產,以游獵爲娛。

澗,深十餘丈,絓於大樹。 ·是行兒自有立,豈須此輩,願不以爲慮。」母慰而遣之。 代還,夜涉棧道,雨滑,與馬偕墜絕 乾德中平圖,選爲果、臘監軍,年方弱冠,母憂其未更事,將輔以處耘左右。 騎卒馳數十里外,取火引綆以出之。 繼隆日:

又與石曦率兵襲袁州,破桃田砦,追賊二十里,入潭富砦,焚其梯衝獨積。 力戰,賊遁去,手足俱中毒矢,得良藥而愈,部卒死傷者三之一。」太祖聞其勇敢而器重之。 會征江南,領雄武卒三百戍邵州,止給刀盾。蠻賊數千陣長沙南,截其道。 繼隆率衆

復從李符督 刑湖漕運,給征南諸軍。吳人以王師不便水戰,多出舟師斷餉道,繼隆屢

列傳第十

六

李

赴闕 與門, 糧 悉善 項 縣 達 而 病, 日 馳 斬其首以獻 四 五 百 里,常令往來覘候。 太祖 益嘉之。 與吳人戰,流矢中額, 一日中途遇虎,射殺之。 以所冠胄堅厚,得不 嘗獲吳將, 部送

傷。

努 江 見其來, 使 南平,錄功遷莊宅副使。 日,捷 軍 中者 太祖 奏至,太祖召謂曰:「如汝所料矣。」吳將盧絳聚衆萬 時城尚未 十數輩, 察其才,且追念其父, 皆伺 下, 甚訝之。 城陷 從幸 獻 捷, 欲拔用之, 西洛,改御營前 繼 隆 會有機事當入奏,皆不願 度 金 陵破在旦夕, 謂曰:「昇州平,可持捷書來,當厚賞汝。」時內 後巡 )檢使。 因言· 餘 在途遇大風 行,而繼隆 攻掠 州 獨 縣, 晦 請赴 暝, 命繼隆 城 闕 破 之兆 招 太祖 也 

竇 神寶治決河。 太平 興國二年, 逈體肥碩,所乘舟弊不能濟,繼隆易以己舟。 改六宅使。 嘗詔 與王文寶、李神祐 劉 承珪 已而繼隆 同護後京西 舟果覆, 河, 棲枯桑杪、 又 與梁逈

賴 他 舟 以 度。 地道攻城 西 面 「,機石 過

繼 隆 督 從 戰 征 太原, 無怠。 爲四面提舉都監, 討 幽 州 與郭守文領先鋒,破契丹數千衆。 與李漢瓊領梯衝 及圍范陽,又與守文爲先鋒,大 其旁,從 卒 仆死

敗其衆于湖翟河南。

後 為 鎭 州 都監,契丹犯邊,與崔翰諸將禦之。初,太宗授以陣圖,及臨陣有不便, 衆以

E 命 不可違。 繼隆曰:「事有應變,安可預定,設獲違詔之罪,請獨當也。」即從宜而行,敗之

于徐河。

改定州 几 年, 遷宮苑使、 駐泊都監。 領媽州刺史,護三交屯兵。 嘗領兵出上鐙砦,與賊戰,獲牛羊、 與潘美出征北邊,破靈丘縣,盡略其人以 車帳甚衆。 詔書褒美。

下,乃與尹憲襲擊之,夷其帳千餘,俘斬七千餘級。 多。 十里,斬三千餘級, 五. 軍戶三等三千餘衆,復破沒邵浪、悉訛諸族, 十九級, 俘獲數千計。 李繼 從 又出開光谷西杏子坪,破保寺、保香族,斬其 曹彬征 遷 叛,命繼隆與田仁朗、王侁率兵擊之。 幽州, 俘蕃漢老幼千餘, 率兵助先鋒薛繼昭破其衆數千於固安南,下固安、新城,進克涿州,矢 引師至監城,吳移、 ,梟代州刺史折羅遇及其弟埋乞首,牛馬、鎧仗 及濁輪川 越移四族來降,惟岌伽羅 副首領埋乜巳五十七人,降銀三族首 四月 俄改領環州 (日),出銀州 東、冤頭川西,生擒七十八人,斬首 團練使,又護高陽關屯兵 北,破悉利諸族, 腻十四族怙其衆不 い 所 獲 追 奔數 領 折

中左 敗 獨 繼 卒集城下,不知所向,繼隆按詔 股, 隆所部 血流至 振旅而還。 踵,獲契丹貴臣一人。|彬欲上其功,繼隆止之。 即命繼隆知定州,尋詔分屯諸軍,繼隆令書吏盡錄其詔 給券,俾各持詣所部。 太宗益嘉其有謀 俄而傳潛、米信軍敗衆潰, 旬餘、有

三年,遷侍衞馬 軍 都虞候、領武州防禦使任心。契丹大入邊,出爲滄州 都 部署。劉廷讓與

列

傳

第

+

大

李

處

壽, 敵戰君子 廷 譲 力不敵,全軍陷沒,裁以單騎遁免。 先約 繼隆以精卒後殿,緩急爲援。 上怒,追繼隆赴闕,令中書問 旣 而敵圍廷讓數重, 繼隆引麾下兵退保樂 狀,旣而 得釋。

加領本州觀察使

中黃門林延壽等五人以詔書止之。 至, 令堅壁淸野,勿與戰。 端拱 初,制授侍衞馬軍都指揮使、領保順節度。 一日,契丹驟至,攻滿城行,至唐河。 繼隆曰:「閫外之事,將帥得專。」乃與繼忠出兵, 九月,出爲定州都部署。 護軍袁繼忠康 初,朝議 慨請 出 有寇 師

合,擊走之。

徐河,俘獲甚衆。 人設伏城北十里,而與尹繼倫列陣以待。 二年冬,爰獨粟入威虜軍,蕃將于越率騎八萬來邀王師,繼隆所領步騎裁一萬,先命千 嘗有詔廢威虜軍,繼隆言:「梁門爲北面保障,不可廢。」遂城守如故,訖爲 敵衆方食,繼倫出其不意,擊走之。 繼隆追奔過

外侮。 不議於親巡,庶靡勞於天步。 肆孽,邊邑多虞,陛下不知臣不材,任以疆事,臣敢不講求軍實,震耀戎容,奉揚天聲, 淳化初,上遣使至定州,密諭繼隆:「若契丹復入寇,朕當親討。」繼隆上奏曰:「自北邊 然臣奉辭之日,曾瀝愚衷,誠以蜂蟻之妖,必就鯨鯢之戮。臣子之分,死生以之,望 今聆聖誨,將決親征,且一人旣行,百司景從,次舍驅馳,郡縣 以遏

供饋,勞費滋甚。 珍此微妖,當責將帥,臣雖駑弱**,誓**死爲期。」是歲,契丹不入邊,議遂 ئاد

謀, 食使 保忠,及出兵追之,繼隆曰:「保忠机上肉爾,當請於天子。 餉,宜養威持重,未易輕舉。」延廣等服其言。 朝廷患之,又綏州牙校高文怀舉城效順,河外蕃漢大擾,以繼隆爲河西行營都部署、尙 . 尹繼隆爲都監以討之。 四 年夏, 召還, 太宗 面獎之, 旣而繼遷遁去,擒保忠以獻。 改領靜難軍節度,復遣還屯所。 初,裨將侯延廣、監軍秦翰議請 今繼遷遁去,千里窮磧, 時夏州趙保忠與繼遷 艱於轉 誅 連

部之障蔽,而斷賊糧運。 窺覦之地,存之可依以破賊; 會密詔廢夏州,隳其城。 皆不報 幷請於銀、夏兩州南界山中增置保戍,以扼其衝, 繼隆命秦翰與弟繼和及高繼勳同入奏,以爲朔方古鎭, 且爲內屬蕃 賊所

之,知其必敗,因遣周瑩齎手詔切責,督其進軍赤檉。 **2**7 行十餘日,果不見賊而還。 路赴之。 使陳絳、梁鼎 **亟命繼隆爲靈、環十州都部署。是秋,五路討繼遷,以繼隆出環州,取東關鎮,由赤檉、苦井** 至道二年,白守宗守榮、馬紹忠等送糧靈州,爲繼遷所邀,敗於浦洛河(云)。 繼隆以所出道回遠乏水,請由橐駝路徑趨賊之巢穴。且遣繼和入奏,太宗召詰 軍儲 不繼,並坐削秩。 諸將失期,士卒困乏。 繼隆素剛,因慙憤,肆殺戮,乃奏轉運 瑩至,繼隆以便宜發兵,不俟報,與丁 上聞之怒,

列

熟倉族 蕃 官癿 繼 遇來告任了,繼隆遣劉承蘊、田 遷 以 蕃部 從 順 者衆, 遣其 軍 敏會癿遇討之, 主 史癿遇率兵屯橐 斬首數千 駝 口 西 級, 北 雙堆 獲牛 , 馬 以 退絕之。 槖 駝 萬

城 河 路 之,是爲鎭戎 便,衆議不一,繼隆固執論其事, 先是 受詔 送軍糧 赴靈州 ,必由旱海路,自冬至春,而芻粟始集。 太宗許焉。遂率師以進,壁古原州 繼隆請· 令如京使胡守澄 由 古原州 蔚茹

軍

鎭 南 召還,延見詢訪,因言:「醜類侵擾,蓋亦常事,願委將帥討伐,不煩親征。」眞宗慰諭之,改山 波稍息。 東 道節度,判許州 咸平二年,丁內艱,起復。 四年, 即位,改領鎭安軍節度、檢校太傅。 加檢校太師。 王師失利於望都,繼隆累表求詣闕面陳邊事, 會秋潦暴集,蔡水壞岸,繼隆乘危督士卒補塞,自辰訖午,衝 踰月召還,加同中書門下平章事,解兵柄歸 因乞自效。 俄 本

上。 見其所部整 敵數萬 景德 真宗幸澶淵 初,明德皇太后不豫,詔 l 騎 急 肅 、歎賞久之。 攻, 繼 隆 繼 表 隆 與石 求 扈從, 翌日,幸營中,召從臣飮宴。 保 吉 命爲 入省疾。 率衆禦之,追 駕前 九月, 東 西 奔數 排 復許會葬。 陣 里。 使, 二年春,還京,加開府儀同三司、食 先赴 及 上至, 澶州 是多,契丹大人,踰魏郡至河 幸 陳 北門 師於北城 觀 兵, 召問 外, 毀車爲 慰勞,

駕臨哭之慟,爲制服發哀。 邑、實封 詔始下,會疾作,上親臨問。 贈中書令, 諡忠武。 繼和時爲丼、代鈴轄,驛召省視。 以其子昭慶爲洛苑使, 從子昭□、 卒,年五十六。 昭遜, iji

並爲 內殿崇班 又錄其門下二十餘人。 乾興初,韶與李沆、王旦同配享眞宗廟庭

旅,優游近藩,恩禮甚篤。 名譽,賓禮儒士。在太宗朝,特被親信,每征行,必委以機要。。眞宗以元舅之親,不欲煩以軍 繼 隆出貴胄,善騎射,曉音律,感慨自樹,深沉有城府,嚴於御下。 然多智用,能謙謹保 身。 明德寢疾,欲面見之,上促其往。 好讀春秋左氏傳 繼 隆

但詣萬安宮門拜牋,終不入。 又管命諸王詣第候謁,繼隆不設湯茗,第假王府從行茶爐烹

飲焉。 昭慶改名昭亮,至東上閤門使、高州刺史。

友愛尤至, 繼 和字周叔,少以蔭補供奉官,三遷洛苑使。 每令入奏機事。 繼隆罷兵柄, 手錄唐李勣遺戒授繼和 淳化後, 繼隆多在 , 日:「吾門不墜者在爾 邊任, 繼和常從行

以繼 落, 爲中華襟帶,城之爲便。 和 初 知 ,繼隆之請城鎮戎 漢軍, 兼原、渭、儀都巡檢使。 軍也,朝廷不果於行。 」太宗乃許焉。 城畢, 後復 加領平州刺史。 繼和面奏曰:「平凉舊地,山川險阻, 不守。 咸平中,繼和又以爲言,乃命版築, 建議募貧民及弓箭手,墾田 旁扼夷

列

積 又屢 請 益 兵, 朝議 未許。 上曰:「苟緩急, 部署不爲濟師, 則或至失援矣。」命繼和兼

涇、原、儀、渭鈴轄。

遷未弭,命張 齊賢、梁顥經略,因訪繼和邊 事。 繼和上言

西凉 守 中所葺,今已數倍。 則賊 鎭 (戎軍) 必不 吐蕃、鲜逋、 爲涇、原、儀、渭北 · 敢過 此 軍;而 誠能常用 、賤遇、 緣 步 邊民戶不廢耕織,熟戶 馬臧、梁家諸族之路。 面扞蔽,又爲環、慶、原、渭、儀、秦熟戶所依,正當回鶻 騎 五千守之,涇、原、 、渭州苟 老幼有所歸宿 自置 軍已來,克張邊備,方於至道 有緩急, 會于 此 軍,幷 力戦

盧、大盧 儀州 州 泉 各爲備禦,不相 南去,則 制 此 勝 軍 關 荷廢,則 潘谷 由 東山砦故彭陽城 自瓦亭路南去, 入潘原縣; 過此新 會合,則兵勢分而 城,止皆廢壘。 若至潘原 西並 則 由 入原州 彈等峽 力不足禦矣。 加 西則入渭州 有數路來寇 入渭州 其餘細路不 故置 安 東則入涇州 國 若自隴山 此城以 鎭 可盡數。 ; 自清石嶺 扼 下南去,則 要路 如以五 若 東 自東石嶺 南 千步騎,令四 去, 由三百 東 則 公主 堡 由 小

州 攻,便思委棄,以爲良策,是則有盡之地,不能供無已之求也。 西 卽 取 令自 回 鶻 靈、環、慶、鄜、延、石、隰、麟、府等州以 則 吐 蕃 震懼, 皆爲吞噬, 西北邊民, 外河曲 將受驅劫。 之地, 皆屬 若以可惜之地, 於賊、若 吏 攻 廿受賊 陷

臣 盧議者以調發獨糧擾民爲言,則此軍所費,止出四州 (10),地里非遙,輸送甚易。

又劉琮方興 (屯田 ,屯田若成,積中有備,則 四 州稅物,亦不須得

平夏及山外黃河以東族帳,悉爲繼遷所吞,縱有一二十族,殘破奔迸,事力十無二三。 帳,賊來足以鬥敵,賊遷未盛,不敢深入。今則靈州北河外、鎭戎軍、環州並北徹靈武 內及平夏,次幷黃河以東以南、 況今繼遷強盛,有踰囊 日。 隴山 從靈州 內外接儀州界,及靈州以北 至原、渭、儀州界,次更取鐵子山以西接環州山 河外。 蕃部約數十萬

深遠,不惑羣議,復置此軍,一年以來,蕃部咸以安集,邊民無復愁苦。 聚萬子、米逋、西鼠等三千,以脅原、渭、靈、環熟戶,常時族帳謀歸賊者甚多。 徑來侵掠軍界蕃族, 自官軍瀚海 失利,賊愈猖狂,羣蕃震懼,絕無鬥志。 南至渭州安國鎭北一二十里, 西至南市界三百餘里,便於蕭 兼以咸平二年棄鎭戎後,繼遷 以此較之,則 賴 空謨 關 屯

存廢之說,相失萬倍矣。

昨朝廷訪問臣送獨糧道路,臣欲自蕭關至鎭戎城砦,西就胡盧河川運送。 盡,或至不守,清遠 者,誠恐滋大賊勢,使繼遷西取秦、成之羣蕃,北掠回鶻之健馬,長驅南牧, 叉 (靈州 遠絕,居常非有尺布斗粟以供王府,今關西老幼,疲苦轉餉,所以不可棄 固亦難保,青岡、白馬曷足禦扞,則環州便爲極邊。 若賊從蕭關、武 但恐靈州食 何以枝梧

列 傳

第

延、石門路入鎭戎,縱有五七千兵,亦恐不敵,卽回鶻、西凉路亦斷絕。

臣愚慮此賊他日愈熾,不若聽驍將銳旅屢入其境,彼或聚兵自固,則勿與鬥,妖黨 伏見咸平三年詔書,緣邊不得出兵生事蕃夷,蓋謂賊如猛獸,不怫其心,必且不

纔散,則令掩擊。 如此則王師逸而賊兵勞,賊心內離,然後大舉。

之憂,恩深則士有效死之志。古之帝王皆懸爵賞以拔英俊,卒能成大功。 姦邪之憎毁。 憂家則思為不廉,憂身則思為退迹,思不廉則官局不治,思退迹則庶事 無心,欲其奮不顧身,令出惟行,不可得已。良由賞未厚、恩未深也。賞厚則人無顧內 及靈州孤壘,戍守最苦,望比他州尤加存恤。且守邊之臣,內憂家屬之窘匱,外憂

州 產厚則 有以此事達于太祖者,即詔漢超私物所在,悉免關征。故漢超居則營生,戰則誓死,貲 固亦不少,苟能用皇祖之遺法,選擇英傑,使守靈武,高官厚賞,不吝先與;往日,留半 奉給其家,半奉資其用,然後可以責潔廉之節,保必勝之功也。 、城錢七八萬貫,悉以給與,非次賞賚,動及千萬。 漢超猶私販権場,規免商算,當時 大凡君子求名,小人狗利。臣爲兒童時,嘗聞齊州防禦使李漢超守關南,齊州屬 心有所繫,必死戰則動有成績。 故畢太祖之世,一方爲之安靜。今如漢超之材

又戎事內制,或失權宜,漢時渤海盜起,龔遂爲太守,尚聽便宜從事。 且渤海,漢

錄,但使法寬而人有所慕,則久居者安心展體,竭材盡慮,何患靈州之不可守哉 事 之內地,盜賊,國之饑民;況靈武絕塞,西鄙強戎,又非渤海之比。苟許其專制,則無失 一機,縱 有營私 . 冒利,民政不舉,亦乞不問。 用將之術,異於他官,貪勇知 愚,無不皆

軍須。 境,而入于邊廩,其利甚明。 也。 也,至於兵甲皮榦之物,其名益 五 以爲戍守。 年 - ,繼和領兵殺衞埋族於天麻川。 今若謂糧食自蕃界來, 又朝廷比禁青鹽,甚爲 況蕃戎所賴,止在青鹽,禁之則彼自困矣。 繼和因請移涇原部署於鎭戎,以壯軍勢, 允愜。 沉漠地不食青鹽,熟戶亦不入蕃界博易,所禁者非徒糧 雖鹽禁不能困賊, 一多。以朝廷雄富,猶言摘山煑海,一年商利不入,則或闕 或聞議者欲開其禁。 自是壠山 外諸族皆恐懼內附,願於要害處置族帳 此鬻鹽行賄者之妄談也。 望固守前韶爲便。 且鹽之不入中土,困賊之良策 叉請開 道環、 延爲 繼和 應援。 蕃 與都監 栗不入賊 眞宗 食 史

砦棚 以其精心戎事,甚嘉之。 重貴出 兵禦之,賊據險再突城隍,列陣接戰,重貴中重創,敗走之,大獲甲騎。 我人伺警巡驰備,一夕,塞長壕,越古長城抵城下。 有韶嘉獎,別

寇至 繼 及較閱之際,杖罰過當,人多怨焉。 和習武藝,好談方略,頗知書,所至幹治。 眞宗屢加勗勵,且爲覆護之。 然性剛忍, 御下少恩,部兵終日擐 **瞥上言:「保捷軍** 用,常. 如

出

良藥、鎌帛、牢酒以賜。

列

傳

新 罪,自有常制,不許其請。 以特旨給之。 到 屯所,多亡命者,請優賜緡錢; 上以繼和峻酷,欲軍士感其惠, 終以邊防之地,慮人不爲用,遣張志言代還。 荷有亡逸。即按軍法。」舊制,凡賜軍 特令以所奏著詔書中而 加賜之。 中,雖 既即路,軍 緣奏請者 且以計 中皆恐 清情定 「, 亦

衆,賊若入寇,但邀其歸路,自可致勝,不必率兵而往也。 又出爲井、代鈴轄。 將行請對,欲領兵去按度邊壘。 上曰:「河東巖險, 兵甲甚 其復來。

軍節 西上 每韶 有云 閣 書約 度 重斷、極 契丹請和,邊民猶未寧,又命副將張凝爲緣邊巡檢安撫使。 景德初, 門使。 () 遣諸 東邊事,或有當行極斷之語,官吏不詳深意,卽處大辟。 斷、處斬、決配之類,悉須裁奏。」先是,繼隆卒,繼和恥以遺奏得官。久之,遷 王率宗室素服赴弔。 北邊入寇,徙北平砦。 未幾,擢殿前都虞侯、 二子早卒。 領端州防禦使。 車駕駐澶淵,繼和受詔與魏能、 帝以其族盛大,諸姪皆幼,令三班選使臣爲 大中祥符元年卒,年四十六。 事平,復還丼、代。 繼和言其事,乃詔:「自今 張凝領兵赴趙州躡敵 贈鎭 時朝 國 廷

**弟繼恂**,至洛苑使、順州刺史,贈左神武大將軍。 子昭遜爲供備庫使。 主

事

始,功參締構,克荆山,靖衡、湘,勢如拉枯,而志昧在和,勳業弗究,良可惜也;幸聯戚畹之 繼昌,忘父仇以恤伸母之貧,雖非中道,亦人所難。 鬱鬱 感史弘肇之恩,保其叛亡之孥,然交鄭伸不知其傾險,坐謫炎海,固無先見之明矣,其子 令名克終,斯固可偉也。 吳廷祚策李筠之破,如目覩其事,誠有將略。 而斃, 及爲三司,善於心計,人不可干以私,然終以訐直, 論 曰:夫乘風雲之會,依日月之光,感慨發憤,效忠駿奔,居備要任,出握重兵,如是而 自貽伊戚,尚何尤乎?楚昭輔當陳橋推戴,太祖遣之入安母后,亦必可託以事 王仁瞻征蜀,殺降附之卒,肆貪矯之行, 取寡信之名,何歟?處耘於創業之 李崇矩秉純厚之德,

#### 校勘記

貴,秉旄繼世,抑造物之報,嗇此而豐彼歟?

景德元年代歸拜武勝軍節度 留知州吳元扆」,並稱「元扆在定州凡五年」,即自咸平三年知定州,至景德元年代歸。 「元年」原作「三年」。按長編卷五六,景德元年三月,定州民「乞 據改。

 $\Xi$ 分領澤潞晉絳慈隰威勝七州軍戎事 當爲屬河東路的慈州。 又長編卷六五,景德四年吳元扆分領的七州軍,乃爲「澤潞晉絳慈隰、威 「慈」原作「磁」。 按磁州屬河北路, 和晉、絳、隰州 相 接的

列

傳

第十六

校勘記

勝」,據改。

宋

史

卷

太祖 原作「太宗」。 按上下文都作「太祖」,東都事略卷二〇本傳也作「太祖」,據改

(四) 四月 按上文所載紀年爲太平興國 四年, 而李繼隆等出銀州北破悉利諸族, 事在雍熙二年四

月,見本書卷四九一党項傳,此處失書紀年。

(金) 折八軍 原作「析八軍」,吳廣成西夏書事卷四、戴錫章西夏紀卷一都改「析」爲「折」。 折氏為党

項大姓,當以改作「折」爲是。

三年遷侍衞馬軍都虞候領武州防禦使 州」。此處「三年」上失書「雍熙」紀元。 長編卷二七繫此事于雍熙三年七月壬申,「武州」作

雲

(子) 契丹驟至攻滿城 「滿城」原作「蒲城」。 按唐河附近無瀟城,遼史卷一二聖宗紀載,統和六年十

月辛卯攻滿城,甲午,拔其城。據改。

浦洛河 原作「洛浦河」,據本書二八〇田紹斌傳、卷四八五夏國傳改。

8 止出 熟倉 族蕃官癿遇來告 四州 原作「上出四川」,據長編卷五〇、東都事略卷二〇李繼和傳改。下文又有「四州稅 「熟」原作「執」,據本書卷四九一党項傳、宋會要兵一四之一五改。

物,亦不須得」語亦可證。

# 宋史卷二百五十八

## 列傳第十七

曹彬 子璨 瑋 琮 潘美 李超附

也。 淵,補供奉官,擢河中都監。 簡終日,未嘗旁視。 器,非常流也。」周太祖貴妃張氏,彬從母也。 及長,氣質淳厚。漢乾祐中,爲成德軍牙將。 之具羅於席, 觀其所取。 曹彬字國華,眞定靈壽人。父芸,成德軍節度都知兵馬使。 仁鎬謂從事曰:「老夫自謂夙夜匪懈, 彬左手持干戈,右手取俎豆,斯須取一 蒲帥王仁鎬以彬帝戚,尤加禮遇。 周祖受禪,召彬歸京師。 節帥武行德見其端慤,指謂左右曰:「此遠大 及見監軍矜嚴, 彬執禮益恭,公府讌集, 印,他無所視,人皆異之。 |彬始生周歲,父母以百玩 隸世宗帳下,從鎭澶 始覺己之散率

顯德三年, 改 潼關監軍, 遷西上閣門使。 五年,使吳越,致命訖卽還。 私觀之禮, 一無

列

八九七八

所受。 馬都 素胡床者乎?」審視之方信。 而籍之以歸,悉上送官。 曰:「孰爲曹監 吳越 一日,與主帥暨賓從環坐於野, 人以 軍?」有指彬以示之,使人以爲給已,笑曰:「豈有國戚近臣,而衣弋綈袍、坐 輕舟追遺之, 世宗強還之,彬始拜賜, 遷引進使。 至於數四,彬猶不受。 會鄰道守將走价馳書來詣,使者素不識彬,潛問 悉以分遺親舊而不留一 既而曰:「吾終拒之,是近名也。」遂受 錢。 出爲晉州 兵

親,復忝內職,靖恭守位,猶恐獲過,安敢妄有交結? 隆二年,自平陽召歸,謂曰:「我疇昔常欲親汝,汝何故疎我?」|彬頓首謝曰:「臣爲周室近 兵六萬騎來攻平晉,彬與李繼勳等大敗之於城下。 援,三戰皆敗之。遂建樂平爲平晉軍。乾德初,改左神武將軍。 河東樂平縣口了。降其將王超、侯霸榮等千八百人,俘獲千餘 初,太祖典禁族,彬中立不倚,非公事未嘗造門,羣居讌會,亦所罕預,由是器 俄兼樞密承旨。 」遷客省使,與王全斌、郭進領 人。 時初克遼州, 旣而賊將攷進 三 率兵來 河東召契丹 重焉。 S 騎 兵 攻

**摊衆十萬,彬復與光毅破之于新繁,卒**不蜀亂。 飲,不恤軍 咸欲屠城以逞其欲,彬獨申令戢下,所至 二年多,伐蜀,詔以劉光毅〔三爲歸州行營前軍副部署,彬爲都監。峽中郡縣悉下,諸將 士,部下漁奪無已,蜀人苦之。桃屢請旋師,全斌等不從。 一悅服。 時諸將多取子女玉帛,彬橐中唯圖書、衣衾 上聞,降詔褒之。 兩川平, 俄而 全師雄等構亂, 全斌等晝夜宴

彬 而 .入見,辭曰:「征西將士俱得罪,臣獨受賞,恐無以示勸。」上曰:「卿有茂功,又不矜伐,設 及還, 上盡得其狀,以全斌等屬吏。 謂彬淸介康謹,授宣徽南院使、義成軍節度使。

有微累,仁贍等豈惜言哉?懲勸國之常典,可無讓。

開寶二年,議親征太原,復命爲前軍都監,率兵先往,次團柏谷,降賊將陳廷山。 六年,遣李繼勳、党進率師征太原,命為前軍都監,戰洞渦河,斬二千餘級,俘獲甚衆。 又戰城南,

薄于濠橋,奪馬千餘。 及太祖至,則已分砦四面,而自主其北。 六年,進檢校太傅。

池州 十月, ,連克當塗、蕪湖二縣,駐軍采石磯。 詔以彬爲昇州 將伐江 南。 西南路行營馬步軍戰權都部署,分兵由荆南順流而 九月,彬奉詔與李漢瓊、田欽祚先赴荆南發戰艦,潘美帥步兵繼進。 十一月,作浮梁,跨大江以濟師。 東,破 十二月,大破其 峽 口 砦,進克

軍於白鷺洲

潤州 之,俘斬數萬計。 曰:「吳人必夜出兵來寇,爾亟去,令曹彬速成深溝以自固,無墮其計中。」旣成,吳兵果夜來 乞緩師,上不之省。先是,大軍列三砦,美居守北偏,圖其形勢來上。 八年正月,又破其軍於新林港。二月,師進次秦淮,江南水陸十餘萬陳於城下, 金陵受圍,至是凡三時,居人樵采路絕,頻經敗劇,李煜危甚,遣其臣徐鉉奉表詣闕, 及浮梁成,吳人出兵來禦,破之於白鷺洲 自三月至八月,連破之, 太祖指北砦謂使者

列

美率所部依新溝拒之,吳人大敗。 奏至,上笑曰:「果如此。」

所能 明日 治裝,彬以數騎待宮門外。 聚,若能歸命,策之上也。」城垂克,彬忽稱疾不視事,諸將皆來問疾。|彬曰:「余之疾非藥石 見,刺稱「奉敕江南幹事回」,其謙恭不伐如此。 已降,必不能自引決。」煜之君臣,卒賴保全。 愈,惟須諸公誠心自誓,以克城之日,不妄殺一人,則自愈矣。」諸將許諾,共焚香爲誓。 ,稍愈。 長 圍中, 又明日,城陷。 |彬每緩師,冀||煜歸服。十一月,||彬又使人諭之曰:「事勢如此,所惜者一城生 左右密謂彬曰:「煜入或不測,奈何?」「彬笑曰:「煜素慄無斷,旣 煜與其臣百餘人詣軍門請罪,彬慰安之,待以賓禮,請煜入宮 自出師至凱旋,士衆畏服,無輕肆者。及入

旣聞 也? 節度使。 十 「不然,夫是行也,仗天威, 萬。 」彬曰:「太原未平爾。」及還,獻俘。 此語,美竊視彬微笑。上覺,遽詰所以,美不敢隱,遂以實對。 初, |彬退日:「人生何必使相,好官亦不過多得錢爾。」未幾,拜樞密使、檢校太尉、忠武軍 |彬之總師也,太祖謂曰:「俟克李煜,當以卿爲使相。」副帥潘美預以爲賀。 **瓊廟謨,乃能成事,吾何功哉。** 上謂曰:「本授卿使相,然劉繼元未下,姑少待之。」 况使相極品乎?」 上亦大笑,乃賜彬錢二 美日:「何謂 ||彬日

太宗卽位,加同平章事。 議征太原,召彬問曰:「周世宗及太祖皆親征,何以不能克?」

孤 彬曰:一世宗時,史彥超敗于石嶺關,人情驚擾,故班師; 加 多疾,因是中止。」太宗曰:「今吾欲北征,卿以爲何如?」|彬曰:「以國家兵甲精銳,翦太原之 兼 |壘,如摧枯拉朽爾,何爲而不可。」太宗意遂決。 《侍中。 八年,爲弭德超所誣,罷爲天平軍節度使。 太平興國三年,進檢校太師,從征太原, 旬餘,上悟其譖,進封魯國公,待之 太祖頓兵甘草地,會歲暑雨,軍士

丹于 也。 州,多得山後要害地,彬亦連下州縣, 旬 悉衆救范陽,不暇援山後 遣彬與崔彥進、米信自雄州,田 |美之師但先趣雲、應,卿等以十萬衆聲言取幽州, 五月,戰于歧溝關,諸軍敗績,退屯易州,臨易水而營。 日食盡,因退 ,固安,破涿州,戎人來援,大破之于城南。 先是, 亟遣使止彬勿前,急引師緣<u>白</u>溝河與米信軍會,案兵養銳,以張西師之勢,俟美等盡 雍 熙三年,詔彬將幽州行營前軍馬步水陸之師,與潘美等北伐,分路進討。 賀令圖等言於上曰:「契丹主少,母后專政,寵倖用事,請乘其釁,以取幽薊。」途 師雄州以援餉餽。 重進 上聞之曰:「豈有敵人在前,反退軍以援獨栗,失策之甚 趣飛狐,潘美出鴈門,約期齊舉。 勢大振。 四月,又與米信破契丹于新城,斬首二百級。 每奏至,上已訝彬進軍之速。 且持重緩行, 上聞,亟令分屯邊城,追諸將歸闕。 不得貪利。 將發,上謂之曰:「潘 彼聞大兵至,必 及彬次涿州, 三月,敗契 、靈丘、蔚

兵 略 軍 不能 山後 乏困,糧 地, 有所攻取,謀議蜂起。 會重進之師 且盡,彬退軍,無復行伍,遂爲所躡而 而東,合勢以取幽州。 彬不得已,乃復裹糧再往 時彬部下諸將,聞美及重進累建功,而已握重 敗 攻涿州。 契丹大衆當前,時方炎暑,

寧軍 授 右 節 聽 彬 虚度使。 等至, 衞 Ŀ 一將軍,彥進右武衞上將軍,信右屯衞上將軍,餘以次黜。 詔鞫 淳化五年,徙平盧軍節度。 於尙書省, 令翰林學士賈黃中等雜治之,彬等具伏違韶失律之罪。 眞宗卽位,復檢校太師、同平章事。 匹 年, 起彬爲侍中、 數月,召拜樞 彬 武

高氏 十九。 7韓國 臣二子材器 咸平二年,被疾。 上臨 夫人 哭之慟,對輔臣語 官其親族、門客、親校 町 取,臣若 上趣駕臨問,手爲和藥,仍賜白金萬 內舉,皆堪 及彬, 必流 十餘 爲將。」上 涕。 人。 贈 中 問 八月,詔彬與趙普 書令, 其優劣,對日:「璨不 追 封濟陽郡王、諡武 兩。 問以後事,對日:「臣 配 劉太祖 . 如 」。」六月薨,年六 廟 惠; 庭。 且贈 一無事可 点其妻

薦 宗 不 族 隨軍轉運使沈倫廉謹可任。 以等威 ,無餘積。 彬 性 自 敬和 異。 平蜀 遇士夫於塗,必引車避之。 厚,在朝廷未嘗忤旨,亦未嘗言人過失。 回,太祖從容問官吏善否, 爲帥知徐州日,有吏犯罪,旣具案,逾年而後杖之,人莫知其 不名下 對曰:「軍政之外, ·吏,每白 伐二國、秋毫 事 了,必 非臣 冠 而後 所 無 聞 所 見。 也。 取。 居官,奉入給 固 位 問之,唯 兼 將 相,

故。 吾故緩其事 |彬曰:「吾聞此人新娶婦,若杖之,其舅姑必以婦爲不利,而朝夕笞詈之, 使不能自 ,,然法亦未嘗屈焉。」北征之失律也, 趙昌言表請行軍法。 及昌言自延安還,

劾,不得入見。

|彬在宥府,爲請於上,乃許朝謁

彬,韓王。 部員外郎,珣東上閤門使,琮西上閤門副使。 子燦、珝、瑋、玹、旺、珣、踪。珝娶秦王女興平郡主,至昭宣使。玹左藏庫副使,理尚書虞 **田**,吳王,諡曰安僖。 |
田之子佾、傅。 **玘之女,**即慈聖光獻皇后也。 **僧見外戚傳**。 傅,后兄也, 榮州刺史,諡恭 芸, 累贈魏王。

璨字韜光,性沉毅,善射,以蔭補供奉官。 常從彬征討,得與計議,彬以爲類己,特鍾愛

焉。

懐。

部署,拜趙州刺史,領武州團練使,充麟、府、濁輪副部署。 州,徙河西鈴轄,改引進使。 淳化二年,領富州刺史,徙知代州。 契丹入寇,屢戰有功。 遷宮苑副使,出爲高陽關及鎭、魏、井、代、趙五州都監。 諸將多欲窮追, 燦盧有伏, 力止之。 范廷召將兵出塞,命璨爲之副。 明年,擢爲鎭州行營鈴轄,徙綏、銀、夏、麟、府等州鈴 出蕃兵邀繼遷,俘馘甚衆。 丁外艱, 雍熙中,命知定州,改尚食使。 至道初,遷四方館使、 起復,爲鄜延路 知靈 副

列

樞密都承旨,改領亳州團練使。

武等軍節度使。 侍 衞 馬軍 契丹入寇,命爲鎭、定、高陽關三路行營都鈴轄,領康州防禦使,再知定州。 副 都指揮使、天德軍節度。 在禁衛十餘年,未嘗忤旨。 入爲東京舊城都巡檢使,連拜彰國四、保靜、武寧、忠 天禧三年春,以足疾授河陽節度使、同平章事。 明年多,拜

卒,年七十,贈中書令,諡武懿。

威 变。 璨起貴胄,以孝謹稱,能自奮厲,以世其家。 雖輕財不逮其父,而仁敬和厚,亦有父風。 習知韜略,好讀左氏春秋,善撫士卒,兼著 子儀,官至耀州觀察使。

祗候。 誰 可將者?」一挑曰:「臣少子」達可任。」即召見,以本官同知渭州,時年十九 瑋 字寶臣。 沉 勇有謀,喜讀書,通春秋三傳,於左氏尤深。 父彬,歷武寧、天平軍節度使,皆以輝爲牙內都虞候,補西頭供 李繼遷叛,諸將 救出 無功,太宗問彬 奉官、閣門

間, 以動諸羌。 知 鎭 周知虜動靜,舉措 真宗卽位, 改內殿崇班、 李繼 由是康奴等族請內附。 遷虐用其國人,瑋知其下多怨,卽移書諸部,論以朝廷恩信, 如老將。 知渭州。 彬卒, 請持喪, 繼遷略西蕃還,瑋邀擊于石門川,俘獲甚衆。 馭軍嚴明有部分, 不聽,改閣門通事舍人。遷西上閣門副 賞罰立決, 犯令者無所貸。 撫養無 以鎭戎軍 使,徙 所間, 善用

習 撲平地、便於騎戰,非中國之利,請自隴山以東,循古長城塹以爲限。 障 寒 蹊隧, 曉羌語, 耐寒苦, 官未嘗與兵械資糧, 而每戰輒使先拒賊, 恐無以責死力, 遂給 又以弓箭手皆土人,

以境內閒

Щ

春秋

、耕斂,州爲出兵護作,而蠲其租

復河 自歸, 進東上間 山,受降者內徙, 西 繼 諸將猶豫 為郡 今國危子弱,不卽崩滅,後更強盛,不可制。 遷死,其子德明請命于朝。 門使。 縣,此其時也。」帝方以恩致德明,不報。 不敢應。 德明不敢拒。 |瑋日:「德明野心,不急折其翮, 遷西上閤門使,爲環慶路兵馬都鈴轄, |瑋言:「繼遷擅河南地二十年,兵不解甲,使中國有西顧 願假臣精兵,出其不意,禽德明送闕下, 旣而 後必颺去。」卽日, 西延家、妙娥、熟魏數大族請拔 **兼知邠州。** 將騎 **士薄天都** 封泰山 帳

于武 督軍族。 留樞密院,一付本道,俾諸將得按圖 至是,帝以示左右,曰:「華夷山川城郭險固出入戰守之要,舉在是矣。」因敕別繪二圖,以一 延川,分兵滅撥臧于平凉,於是隴山諸族皆來獻地。 曰:「異時秦、潤有警,此必爭之地也。」祀汾陰,進四方館使。 帝以瑋習知河 帝不欲遽更守臣,以密詔敦諭之。改引進使、英州團練使,復知秦州, 北事,迺以爲眞定路都鈴轄, 計事 0 復爲 涇原路都鈴轄兼知渭州,與秦翰破章埋族 領高州刺史。 **韓築堡山外,爲籠竿城,募土兵守** 瑋嘗上涇原、 踰年,上表還州事, 環慶兩道圖 願 專

**、假、八個式線邊安撫使。** 

內寇 西羌 史。 可斷 十 言得之,何以處唃廝囉邪?且復有求,漸不可制。」迺以立遵爲保順軍節度使,恩如廝鐸督。 餘 日,果斷其首來。 以 將舉事,必先定約束,號爲「立文法」。唃廝囉使其舅賞樣丹與廝敦立文法於離王族,謀 璋陰結 **购** 断 。」瑋曰:「我知賞樣丹時至汝帳下,汝能爲我取賞樣丹首乎?」廝敦愕然應之。 囉強盛, 立遵佐之。 斯敦,解寶帶予之。 <u></u>
斯敦感激,求自效,間謂瑋曰:「吾父何所使?欲吾首,猶 **厮敦因獻南市地。** 立瓊乃上書求號「贊普」。瑋言:「贊普,可汗號也。 南市者,秦、渭之阨也,瑋城之,表廝敦爲順州刺 立
遵 後

定西 叱臈 贖罪 都谷,追奔三十里,斬首千餘級,獲馬牛、雜畜、器仗三萬 首 頟 湿 立 **廝雞波、李磨論私立文法,瑋潛兵滅其帳。** 、伏羌、永寧、小洛門、威遠十砦, 初,張佶 **棚野吳谷,瑋選募神武軍二百人,斬棚,獲生口、孳畜** 放地,至者數千人,每送馬六十匹,給綵 知秦州,置四門砦,侵奪羌地,羌人多叛去,畏得罪不敢出。 浚壕三百八十里,皆役屬|羌廂兵,工費不出民。 其年, 端。 築弓門、治坊、床穰 **唃廝囉率衆數萬大入寇,** 餘。 甚衆 遷客省使、 康州防禦使。 |瑋招出之,令入馬 (吾)、靜戎、三陽、 | 瑋 馬波

宗哥大首領甘遵治兵于任奴川,瑋遣間殺遵,及破魚角蟬所立文法于吹麻城。 旣而河

害地 州 州 大 洮蘭 人 也 直 以兵入拶囉唬來,幸爲我言,願罷兵,歲入貢,約蕃漢爲一家。」因 先是,瑋遣小吏楊知進 、妙敦、邈川 、黨逋諸城皆納質爲熟戶。 護賜物通甘州可汗王,還過宗哥界,立遵邀知進,語 時瑋作塹抵拶囉咙。 [使種人黨失卑陵 拶囉咙,西蕃 日:「秦 要

總管、 天禧三年, 環慶秦等州緣邊巡檢安撫使。 德明寇柔遠砦, 都巡檢楊承吉與戰不利。 委乞、 骨哔、 大門等族聞瑋至,歸附者甚衆。 以瑋爲 華州觀察使、鄜 延路副 拜宣 微 都

從

知

進

來獻

馬。

自是唃廝囉勢蹙,退保磧中不出。

秦

人請刻石紀

功,有詔

張之。

北院使、鎭 國軍節度觀察留後、簽書樞密院 事

弓韔 軍。 謫 左 拜 矢 衞 宰 昭 箙 相 大將軍、容州觀察使、 武 自 丁謂 軍節 隨 中,諡 逐寇準,惡瑋不附己,指爲準黨。 度使、 |謂 武 穆。 知天雄軍。以疾守河陽,數月,爲眞定府、定州都總管,改彰武軍節 復華 州 、知萊州 觀察使、知靑州 璋以宿將 為謂 徙天雄 除南院使、環慶路都總管安撫使。 所忌, 軍 ٠, 卽 以彰化軍 日 上道 節度觀察留後 從弱卒 十餘 人,不以 乾興初, 知永 興

賊至,<u>瑋奮起裹</u>創, 中坐失瑋所在,明日 |瑋用士, 得其死力。 披甲跨馬, ,徐出視 平居甚閒暇,及師出,多奇計,出入神速 賊望見、皆遯去。將兵幾四十年,未嘗少失利。 事 而 賊首已擲庭下矣。 嘗 稱疾,加砭艾,臥閤 不可 測 日, **唃厮囉聞瑋** 內不出。 張樂飲 僚 會

使。

卒,贈

侍

列

真宗慎 卽 望瑋所 兵事 在,東嚮合手加顙。 凡邊事, 必手詔詰難至十數反,而瑋守初議,卒無以奪。 契丹使過天雄,部勒其下曰:「曹公在此,毋縱騎馳驅也。」 後雖他將論邊事者

投其首境上。 渭州 有告戍卒叛入夏國者,瑋方對客奕棋,遽曰:「吾使之行也。」夏人聞之,卽斬叛者, 院殺邊民,入羊馬贖罪。 瑋下令曰:「完自相犯,從其俗,犯邊民者,論如律。」

自是無敢

犯

往往密付瑋處之。

法。 其峭絕治之, 使足以限敵, 敍進,以其習知<br />
羌情與地利,不可徙他軍 者,遷其家內地。所募弓箭手,使馳射,較強弱,勝者與田二頃。 族軍主,次爲指揮使,又其次爲副指揮使,不及百帳爲本族指揮使。 爲方田環之。 勝甲,然後官籍之,則加五十畝。 環、 人或以爲疑, 璋笑曰:「臨邊對敵, 斬不用命者, 所以令吾衆, 非好殺也。 慶屬羌田多爲邊人所市,致單弱不能自存, 立馬社,一馬死,衆出錢市馬。 後皆以爲法。 至三百人以上,團爲一 也。 天雄卒有犯盜者, 降者旣多, 開邊壕,率令深廣丈五尺; 因沒彼中。 指揮。 因制屬羌百帳以上, 衆謂 要害處爲築堡,使自塹 再更秋獲,課市一馬,馬必 璋盡令還其故田,後有犯 獄具必殺之, 其蕃落將校,止於本軍 山險 治內郡,安事 不 其 首 璋乃處以常 可暫者,因 領 為本 **其地** 

也。」瑋爲將不如其父寬,然自爲一家。 初守邊時,山東知名士賈同造瑋,客外舍。 | 曰:「已具。」旣出就騎,見甲士三千環列, 嘉祐八年,詔配享仁宗廟庭。 瑋欲按邊,即同舍,邀與俱。 初不聞人馬聲。 同歸,語人曰:「瑋殆名將 同問:「從兵安

琮字 寶章。 兄珝,娶秦王女興平郡主。 除幼時,從主入禁中,太宗置膝上,拊其背曰:

「曹氏有功我家,此亦佳兒也。」

使。 監,領內軍器庫,遷東上閤門使、榮州刺史。仁宗册踪兄女爲后,禮皆踪主辦, 院、 羣牧估馬司,市馬課有羨,再遷西上閤門副使。與曹利用連姻,利用貶,出爲河陽兵馬都 及彬領鎭海軍節度使,補衙內都指揮使。 彬卒,特遷西頭供奉官、閤門祗侯、勾當騏驥 除 族人敢因緣 衛州團 練

爲倉廩,大積穀古渭、冀城。 出 .為環慶路馬步軍總管、知州,遷秦州防禦使、秦鳳路副都總管兼知秦州。 生羌屢入鈔邊,琮懷以恩信,擊牛釃酒犒之,多請內屬。 度羨材

請託,願致于理。」時論稱之。

之,兼同管勾涇原路兵馬、定國 寶元初南郊, 召入侍祠。 會元昊反, 軍節度觀察留後。 拜同州觀察使,復知秦州,上攻、守、禦三策。 劉平、石元孫敗,關輔震 認。 踪請籍民為 久

列傳第十七

曹彬

潘

美

伏以待之, 馬 書曰:「我本唐甥, 義 帝善宗策,改陝西 軍 軍,以張兵勢,於是料簡鄉弓手數萬人。 副 都指揮使,以疾卒。 賊遂引去。 副都總管、經略安撫招討副使,拜步軍 天子實吾舅也。 琮 欲 帝臨奠,后丼出臨喪,就第 誘 吐蕃掎角圖 自党項 賊, 賊寇山外,還天都,劫儀、秦屬戶。 破甘、凉,遂與漢隔。 得 西 川舊賈,使諭意。 成 服。 副都指 贈安化軍節度使兼侍 揮 今願率首領爲朝廷擊 使。 而 與夏竦 沙州鎮王子遣 屯鄜州 **琮發騎士,設** 中, 一賊。」 諡忠 還爲 使奉

尙 魯國 踪 大長公主 小心謹畏,善贊謁,御軍整嚴,死時家無餘貲。 子佺,皇城使、嘉州防禦使。 怪子詩,

|美 物共盡,可羞也。」會周世宗爲開封府尹,美以中涓事世宗。 辽 ·日:「漢代將終,凶臣肆虐,四海有改卜之兆。 功遷西上閤門副使。 潘 美字仲詢, 大名人。父璘,以軍校戍常山。 出監陝州軍,改引進使。 大丈夫不以此時立功名、取富貴, 碌碌與萬 美少倜儻,隸府中典謁。 世宗將用師隨、蜀,命護永興屯兵,經度 及卽位,補供奉官。 嘗語其里 高平之戰,

嗜殺黷貨,且繕甲兵,太祖慮其爲變,遣美監其軍以圖之。美單騎往諭 先是,太祖遇美素厚,及受禪,命美先往見執政,諭旨中外。 陝帥袁彥凶悍,信任羣小, ,以天命旣歸,宜修

臣職,彥遂入朝。 上喜曰:「潘美不殺袁彥,能令來覲,成我志矣。」

以 任 數寇桂陽、江華,美擊走之。溪峒蠻獠自唐以來,不時侵略,頗爲民患。美窮其巢穴, |鎭撫,以功授泰州團練使。 李重進叛,太祖親征,命石守信爲招討使,美爲行營都監以副之。楊州平,留爲巡檢, 時湖南叛將汪端旣平,人心未寧,乃授美潭州防禦使。嶺南

多所殺獲,餘加慰撫,夷落遂定。乾德二年,又從兵馬都監丁德裕等率兵克郴州

劉

鋹

開 .寶三年,征嶺南,以<u>美</u>爲行營諸軍都部署、朗州團練使,尹崇珂副之。 進克富州 (<),

**銀**遣 美以 將率衆萬餘來援,遇戰大破之,遂克賀州。 功移南 面都部署,進次韶州 十月,又下昭、桂、連三州,西江諸州以次

韶 ,廣之北門也,賊衆十餘萬聚焉。 **美揮兵進乘之,韶州遂拔,斬獲數萬計。** 銀 窮 蹙,

四年 因諭以上意,以爲彼能戰則與之戰,不能戰則勸之守,不能守則論之降,不能降則死,不能 月, 遣其臣王珪詣軍門求通好, 又遣其左僕射蕭濯 、中書舍人卓惟休奉表乞降。

美卽令殿直冉彥袞部送濯等赴闕

死則

亡,非此

五者他不得受。

銀復造: 列 傳 第 其弟保興率衆拒戰,美卽率厲士卒倍道趨嫐頭,距廣州百二十里。 + 七 潘 美 長十五萬

會天 以 表遂安。 鋹盡焚其府庫,遂克之,擒鋹送京師,露布以聞。 依 五月,拜 銳 Ш 大 師 谷堅壁以待, 風 夾擊之,萬全策也。」遂分遣丁夫數千人,人持二炬,間道造其栅。 山南東道節度。 火勢甚熾。 美因築壘休士,與諸將計曰:「彼編竹木爲栅,若攻之以 **|低衆驚擾來犯,美揮兵急擊之, 優衆大敗,斬數萬計。** 五年,兼嶺南道轉運使。 即日, 土豪周思瓊聚衆負海爲亂,美討平之,嶺 命美與尹崇珂同知廣州 火,彼必潰亂。 及 夜, 長 兼市 萬 鰛 至 炬 ·舶使。 廣州, 俱發, 因

師。 | 鉉來乞緩師,上不之省,仍詔諸將促令歸附。 攻砦,不能克。進傳金陵,江南水陸十萬陳於城下,美率兵襲擊,大敗之。 分舟師守之。奏至,太祖遣使令亟徙置戰權,以防他變。美聞詔卽徙軍。是夜, 吳人果來 艦二十餘鳴鼓泝流來趨利。 限此一衣帶水而不徑度乎?」遂麾以涉,大軍隨之,吳師大敗。及采石磯浮梁成,吳人以戰 監,與曹彬偕往,進次秦淮 美率精銳以短兵接戰,因與大將曹彬率士晨夜攻城,百道俱進。 七年,議征江南(も)。 九月,遣美與劉遇等率兵先赴江陵。十月,命美爲昇州道行營都 j 美塵兵奮擊,奪其戰艦,擒其將鄭賓等七人,又破其城南水砦, 時舟楫未具,美下令曰:「美受詔,提廳果數萬人,期於必勝,豈 煜遷延未能決,夜遣兵數千,持炬鼓譟來犯我 金陵平,以功拜宣徽 李煜危甚,遣徐

北院使。

其勤敏云。

平。 之,自是北邊以寧。 府餞问三司。 三百里,地名固軍,其地險阻,爲北邊咽喉。 繼征范陽,以美知幽州 秋, 命副党進攻太原,戰于汾上,破之,且多擒獲。 四年,命將征太原,美爲北路都招討,判太原行府事。 美嘗巡撫至代州,旣秣馬蓐食, 行府事。 及班師, 命兼三交都部署,留屯以捍北邊。 美潛師襲之,遂據有其地。 俄而逐兵萬騎來寇,近塞,美誓衆銜枚 太平興國初,改南院使。 部分諸將進討,丼州 因積栗屯兵以守 三年,加開 三交西 遂 北

諡武惠。 校太師。 兵奄至,戰於陳家谷口,不利,驍將楊業死之。 雅熙三年,詔美及曹彬、崔彥進等北伐,美獨拔寰、朔、雲、應等州。 知真定府,未幾,改都部署、判幷州。 咸平二年,配饗太宗廟庭。 美坐削秩三等, 加同平章事,數月卒,年六十七。 責授檢校太保。 韶內徙其民。 明年, 贈中書令, 會意

奮擊,大破之。封代國公。

八年,改忠武軍節度,進封韓國公。

州 刺 史。 子惟應至宮苑使,惟固西上閤門使,惟正西京作坊使,惟淸崇儀使,惟熙娶秦王女,平 惟熙女,卽章懷皇后 也。 美後追封鄭王,以章懷故 也

惟吉,美從子,累資爲天雄軍駐泊都監。 雖連戚里, 能以禮法自飭, **敭歷中外,人咸稱** 

冀州信都人。 爲禁卒,常從潘美軍中,主刑刀。 美好乘怒殺人,超每潛緩之。

美怒解,輒得釋,以是全者甚衆,人謂其有陰德

澶淵 濟與字宗諤同歲同月後一日生,其卒也亦後一日,衆以爲異。 帝寵待之,擢樞密直學士。 F 「殷業已許之矣。」尋知開封,能檢察隱微,京師稱之。 ,頗上疏言便宜。 言事 子濬字德淵。 ,遷開封府推官,賜緋魚。 中進士,累擢秘書、知康州。 師還,命與陳堯咨安撫河北。 宰相王旦言:「濬雖有 景德初,拜虞部員外郎兼侍御史知雜事,賜金紫。 咸平中,入爲刑部詳覆、御史臺推直官。 剸劇才,然驟歷淸切,時望未允。」眞宗曰: 累遷至右司郎中,出知秦州,暴疾卒。 踰年,判吏部銓。 濟居憲府、未再歲, 從幸 屢

惠,皆與配饗,兩家子孫,皆能樹立,享富貴。 伐罪之體 素厚太祖 餽,悉用施子,而 論 曰:曹彬以器識受知太祖,遂膺柄用。平居,於百蟲之蟄猶不忍傷,出使吳越,籍 ,信任於得位之初,遂受征討之託。 則其威名之重,豈待平嶺表、定江南、征太原、鎭北門而後見哉?二人皆諡 不留一錢; 則其總戎專征,而秋毫無犯, 而光獻、章懷皆稱賢后,非偶然也。 劉鋹遣使乞降,觀美所喻, 不妄戮一人者,益可信矣。 辭義 嚴正, 君子謂仁 得奉辭 潘美 上私 武

**逐歷淸顯**。 恕淸愼,能保功名,守法度,唯彬爲宋良將第一,豈無意哉?若李濬者、亦以材幹自結主知, 謂爲陰德所致,理或然也。

校勘記

- (一) 樂平縣 原作「平樂縣」,據本書卷四八二北漢世家、長編卷四改。 下文「樂平」同。
- (三) 攷進 同上二書同卷作「蔚進」。
- 5 劉 光毅 原名光義,因與宋太宗同名,改名廷讓,又避諱作「光乂」或「光毅」。 見本書卷二五九

劉廷讓傳。

(至) 彰國 東都事略卷二七本傳作「彰德」。

- 三 冶坊床穰 原作「治坊床穰」,據本書卷八七地理志及元豐九城志卷三改。
- 六 富州 原作「富川」,據本書卷二太祖紀、長編卷一一、琬琰集下編卷一潘武惠公美傳改。
- <del>(1)</del> 七年議征江南 「七年」原作「八年」,據本書卷三太祖紀、本卷曹桃傳改。

## 宋史卷二百五十九

## 列傳第十八

張廷翰 張美 郭守文 皇甫繼明 尹崇珂 張瓊 劉廷讓 袁繼忠 崔彦進

專知, 張美字玄圭,貝州淸河人。 出爲澶州糧料使。 周世宗鎭澶淵,每有求取,美必曲爲供給。 少善書計,初爲左藏小吏,以強幹聞。 周祖聞之怒,將譴 三司薦奏,特補本庫

之,而恐傷世宗意,徙美爲濮州馬步軍都虞侯。

頃,內醞署火起,旣有備,卽撲滅之。 判三司。 世宗卽位,召爲樞密承旨。 世宗征淮南,留美爲大內部署。一 時宰相景範判三司,被疾,世宗命美爲右領軍衞大將軍,權 俄眞授三司使。 日,方假寐,忽覺心動,遽驚起行視宮城中。

四年,世宗再幸准上,皆爲大內都點檢。 列 縳 第 + 八 張 美 郭 守 文 北征,又爲大內都部署。 八九九七 師還,爲左監門衞上

以幹敏稱。 將軍,充宣徽北院使,判三司。 世宗連歲征討,糧魄不乏,深委賴焉。 美強力有心計,周知其利病,每有所條奏釐革,上多可之,常 然以澶淵有所求假,頗薄之,美亦自愧。

恭帝嗣位,加檢校太傅。

軍節度。 百萬,美獨不取。未幾,他郡有詣闕訴長東受率分錢者,皆命償之。 **積粟於懷、孟間。後筠果叛,太祖親討之,大軍十萬出太行,經費無闕,美有力焉。** 宋初,加檢校太尉。 縣官市木關中,同州歲出緡錢數十萬以假民,長吏十取其一,謂之率分錢,歲至數 初,李筠鎭上黨,募亡命,多爲不法,漸倔強難制。 美度筠必叛,陰 拜定國

侯,士宣爲禮賓副使。 恭惠。子守瑛,至供備庫使。 二、蔬圃六、亭舍六十餘區。 乾德五年, 移鎭滄州。 八年,請老,以本官致仕。 太平興國初來朝,改左驍衛上將軍。 孫士宗,至內殿承制。 士宗卒,士禹爲崇班,士安至閤門祗 雍熙二年,卒,年六十八。淳化初,諡 美獻都城西河曲灣果園

喪哀毀,周祖憐之,召隸帳下。 郭守文,幷州太原人。父暉,仕漢爲護聖軍使,從周祖征河中,戰死。 廣順初,補左班殿直,再遷東第二班副都知 守文年十四,居

南,會擒劉鋹,遣守文馳傳告捷,遷翰林副使。 有後至之責耶?」煜心遂安。改西京作坊使、領翰林司事。俄從党進破抖寇於團柏谷。 拒命頗自歉,不欲生見太祖。 宋初,遷西頭供奉官。 蜀平,選知簡州。 守文察知之,因謂煜曰:「國家止務恢復疆土,以致太平,豈復 時劍外多寇,守文悉招來集附。 從曹彬等平金陵,護送李煜歸闕下。 從潘美征嶺 時煜以

供、西八作副使石全振護塞靈河縣決河。 是夏,汴水決于寧陵,發宋、亳丁壯四千五百塞之,命守文董其役。是多,又與閤門副使王 太平興國初,秦州內附,蕃部騷動,命守文乘傳撫諭,西夏悅伏。 三年,遷西上閤門使。

遼人擾雄州,命守文率禁兵數萬人赴援,既至,遼人遁去。 門使、領澶州刺史。 依遼人之援以拒命,遣守文討平之。俄受詔護定州屯兵,大破遼人於滿城。 及征太原,守文與判四方館事梁迥分護行營馬步軍。會劉繼元降,其弟繼文據代州, 召還,擢拜內客省使。八年,滑州房村河決,發卒塞之,命守文董其役。 以功遷東上閣

爲 夏州 相 妼 率來降,凡銀、麟、夏三州歸附者百二十五族、萬六千餘戶,西鄙遂寧。三年春,大舉北伐, 州道 鹽城鎭岌羅膩行等十四族,斬首數千級,俘獲生畜萬計。又破咩嵬族,殲焉。諸部畏懼, 雅熙二年,詔<u>守文率兵屯三</u>交,俄加領武州團練使。 行營前軍步軍 水陸都監。 卒與遼人遇,爲流矢所中,氣色不撓,督戰益急,軍中服 屬夏人擾攘,命守文帥師討之,破

會大軍不利,坐違詔逗遛退軍,左遷右屯衞大將軍。 事具曹彬傳。

王,遣中使護喪,歸葬京師 改南院使、鎭州路都部署。 南侵,大破之唐河。 明 年復舊職、裁三月,拜宣徽北院使。 端拱二年至十月,卒,年五十五。太宗悼惜之,贈侍中,諡忠武,追封譙 又爲北面行營都部署兼鎭定、高陽關兩路排陣使。 又與田 欽祚並爲北面排陣使,屯鎭州。 是多,遼騎 端拱初,

之。 者多致寇以邀戰功, 守文沈厚有謀略,頗知書,每朝退,習書百行,出言温雅,未嘗忤人意。 河朔諸州殆無寧歲, 既敗歧溝關,乃命守文以內職總兵鎮常山以經略 先是,將臣戍邊

「守文得奉祿賜賚悉犒勞士卒,死之日,家無餘財。」 守文旣喪月餘,中使自北邊來言:「守文死,軍士皆流涕。」 帝嗟歎久之,賜其家錢五百萬,爲眞宗 帝問:「何以得此? 對日:

納其女爲夫人,卽章穆皇后也。

禮。 全州刺史,贈潤州觀察使。 崇德子承壽,至虞部員外郎。 子崇德至太子中舍。 崇信至西京左藏庫使、同知皇城司,贈 諸 司使無廢朝、 天禧五年,錄承壽子若水爲太常寺奉禮郎,崇仁爲解州 贈官之例,崇信、崇儼咸以后兄故, 福州觀察使。 崇嚴 特示 至 一崇儀 優

團

練使。

祗候。 州 南,遷都虞侯,轉都指揮使,改殿前都指揮使。 爲 賊 討湖南,爲行營前軍馬軍都指揮使。 於藩邸,以謹 西京作坊使,昭吉領會州刺史,崇珪領歙州 帥周思瓊、春恩道都指揮使麥漢瓊等據五州之地以叛。 **銀市舶轉運等使,錄功遷保信軍節度。** 數月、盡平其黨、還治所。 宋 初, 六年,卒(言),年四十二。 乾德中,征嶺麦,以崇珂爲行營馬步軍副部署。 初,出爲淄州刺史。 列 太宗在周朝娶崇珂妹,追諡淑德皇后。 僔 第 厚稱。 十 及卽位,補東 尹 崇 珂 有善政、民詣闕請刻石頌德、太祖命殿中侍御史李穆撰文賜之。 劉 贈侍中。 廷 西班都 譲 荆湘平,授朗州團練使。 遣中使護其喪,歸葬洛陽。 知。 未幾,南漢開府樂範、容州都指揮使鄧存忠、韶州 刺刺 從戰高平,有勞績,遷本班副點檢。 史。 昭吉至洛苑使。 克廣州,擒劉鋹,即日詔與潘美同知廣 崇珂 討之,太祖遣中使李神站督 又與潘美、丁德裕克郴州。 次子昭輯,至供奉官、 以其子昭吉、弟崇珪並 九〇〇 從征准

八

閣門

尹崇珂,

秦州天水人,後徙居大名。

父延勛,歷磁、同、滁三州刺史。

崇珂初事周世宗

都校。 與其父延進避難南奔。少有膂力,周祖鎭鄴,以隸帳下。廣順初,補內殿直押班,累遷龍捷 **遂據其城,昭宗授以節鉞。後其弟守光囚父仁恭,守文舉兵討之,軍敗,爲守光所殺。** 劉廷讓字光義,其先涿州范陽人。曾祖仁恭,唐盧龍軍節度。 從世宗征淮南,以功領雷州刺史。 再遷涪州團練使、領鐵騎右廂 祖守文,襲滄州盧彦威, 延讓

營前軍兵馬副都部署,率禁兵步騎萬人、諸州兵萬人,由歸州進討。入其境,連破松木、三 餘艘。又獲水軍三千人,因度南岸,斬三千餘級。 會、巫山等砦,獲蜀將南光海等五千餘人,擒戰櫂都指揮使袁德宏等千二百人,奪戰艦二百 都指揮使、領寧江軍節度。乾德二年春,詔領兵赴潞州,以備抖寇。多,興師伐蜀,爲西川 宋初,轉江州防禦使、領龍捷右廂。 從征李筠,爲行營先鋒使。 建隆二年,改侍衞馬軍

上,破州城,守將高彥儔自焚,悉如太祖計。遂進克萬、施、開、忠四州,峽中郡縣悉下。 勢卻,卽以戰權夾攻,取之必矣。」及師至,距鎖江三十里,舍舟步進,先奪其橋,復牽舟而 指鎖江曰:「我軍至此,泝流而上,愼勿以舟師爭勝,當先以步騎陸行,出其不意擊之,俟其 初,<u>變</u>州有鎖<br />
江爲浮梁,上設敵棚三重,夾江列礮具。<br />
廷讓等將行,太祖以地圖示之,

蜀平,王全斌等皆坐縱部下掠奪子女玉帛及納賄賂左降,惟<u>廷</u>讓秋毫無犯。 命之曰:「所得郡縣,當傾帑藏,爲朕賞戰士, 郡 明 縣相 年 正月,次遂州 應, 寇盜蠭起。 州將陳愈率吏民來降。盡出府庫金帛以給將士。 廷譲 又與曹彬破之,以功改領鎭安軍節度,從征太原。 國家所取唯土疆爾。」故人皆效命,所至 初出師也,太祖 及全師雄等作 開寶六 一成功。

出爲鎭

寧軍節度。

太平興國二年,入爲右驍衛上將

軍

數州 保樂壽,廷讓 雄 自 是 州 河朔 時廷讓與宋偓、張永德 雍 殺官吏,俘士民,所在輦 又徙瀛州兵馬都部署。 能數, 熙三年,曹彬敗於岐溝關,諸將失律,多坐黜免。旣而契丹擾邊,時議遣將,無愜上意 汉戍兵 契丹 一軍皆沒, 無鬥志, 圍廷讓數重。 又科鄉民為兵以守城, 死者數萬人, 並罷節鎭在環列,帝欲令擊契丹自效,乃遣分守邊郡,以 是多,契丹數萬 金帛而去。 廷讓先分精兵屬李繼 僅以 博、魏之北,民尤苦焉。 、數騎獲免。 一騎來侵,廷讓與戰君子館。 皆未習 段門。 隆爲後殿,緩急爲援。 先鋒 將賀令圖、楊重進皆陷於契丹。 契丹遂長 太宗聞之,下哀痛 驅 時天大寒,兵士弓 而 入,陷深、祁、德 至是,繼隆退 延護 之詔 知

問? 部 獄具。 初, 是秋以 廷讓詣闞待罪,太宗知爲李繼隆所誤,不之責。 下詔曰:「右驍衞上將軍劉廷讓,朕以其宿舊,荐董軍政,擢自環 )疾聞,帝遣內醫診 視,因上言求歸京師, 不俟報 四年,復命代張永德 迺離. 屯所。 尹 帝怒,下 (,付之成師,俾 知雄州 御 兼 史按 兵馬

從 中 控 寬 權 邊關,式 典, 列 燧相望,或虞於外侮。 可削奪在 防寇鈔。 身官爵, 而 乃以病爲解, 配隸商州 事機一失,咎責安歸。 不食,行至華州 不俟報命,委棄戎重,俶裝上道。 。」又黜其子如京 有 使永德爲豪州 司 議 刑, 當在 鄟 不赦。 矧萬 練 副 旅 使,崇儀副使永 錄其素效, 所 集, 實制 於

永規 並至閤門祗侯、永崇爲崇班、永寧及孫允忠並爲閤門祗侯 子永德 至內殿崇班,永恭至西京作坊副使,永和爲內殿承制,永錫至崇班,永保、永昌、

和

唐州

刺

史。

廷讓旣

黜,怏怏

卒,年五

+

九。

帝錄

其舊勳,贈

太

師

關屯兵。 軍,歷嘉、蜀二州監軍。 天平軍巡 及主將懼無功受譴,以誠告繼忠,繼忠以所獲分與之,遂與都巡檢郭進略地忻、代州,改 太祖 袁 繼 平澤、潞、討丼、汾、悉預攻戰。 忠,其先版武人,後徙幷州。 時河東拒命,繼忠累入其境,破三砦,擒將校二人,得生口、馬牛羊、鎧仗踰萬計。 開寶中伐廣南,爲先鋒壕砦。廣南平,以功遷供奉官,護隰州白壁 父<u>進</u>,仕周爲階州防禦使。 乾德中征圖,隸大將劉廷讓麾下。 旣克圖,知雲安 繼忠以父任補右班殿直。

近

太宗卽位,以爲閤門祗侯,令擊梅山洞賊,破之。 又巡遏邊部於唐龍鎮。 太宗征太原,

繼忠預 西上閣 答。 會趙保忠來朝獻其地,綏州刺史李克憲偃蹇不奉詔,遣繼忠諭旨,竟率克憲入朝。 門 破鷹揚軍,先登陷陣。 與崔彥進 副 使。 一破契丹長城口 韶與田仁朗率兵定河西諸州,大破西人於葭蘆川、巴,遷引進副使,護定州 契丹入代境,繼忠率兵擊走之。 ,殺獲數萬衆, 璽書褒美。 時有 以功遷通事舍人,護高陽關 勸繼忠自論其功者, 繼忠 遷

屯兵

繼忠 列基 寇, 領 播 優以廩給,使之盡節 城陷, 言於繼隆 州 領 雍 刺 熙 師 至定州 二年, 史,護屯兵如故。 取 卒妻子皆爲所俘。 飛狐 大至,駐唐河 曰:「此精卒,止可守城,萬 遷西上閤門使。 ,下靈丘 重進 欲 可也。」從之,衆皆感 ,平蔚州,擒其帥 斬降卒後期至 大將 繼隆 李繼 三年,大將田重進征契丹,命繼忠爲定州路行營馬步軍都 疑 此卒怨己, 隆以易州靜塞騎兵尤驍果,取隸麾下,留 者 大鵬翼以獻,事見重進傳。 ,繼忠諭以殺降不祥,皆救冤之。 敵至,城中 悅。 欲分隸諸 繼忠 ·誰與捍 因 自 軍。 I 請以 者?」繼隆不從。 繼忠 隸 麾下 日:「不 師還,繼忠爲後殿,行 可, 遷 判 其妻子 但 旣 几 奏 而 **|**方館 製丹入 升其軍 ,城中。

列 傳 第 + 八 袁 繼 忠 崔 彦 進 寇矣!

」辭氣

慷

慨,

衆壯

之。

靜塞軍摧鋒先入,契丹兵大潰。

剪滅,

令長

一驅深

入,

侵略他郡,

雖欲謀自安之計,

豈折

衝

禦侮

之用

乎?

我將

身

先

士卒,死

於

會契丹騎

北,

諸將欲堅壁待之。

繼忠曰:「今強敵

在

近,

城中

屯

重兵不能

太宗聞之,降璽書獎諭,

賜予

宋

九〇〇六

甚厚。 淳化 初,遷引進使,護鎭定、高陽關兩路屯兵。 三年,被病, 召赴尉,卒,年五 五

財,搢紳稱之。 忠長厚忠謹, 子用成,雍熙初登進士第,至太常博士。 、士大夫多與遊,前後賜賚 鉅 萬計, 悉以犒賞士卒。 身死之日,家無餘

宗鎭 澶淵,令領禁兵以從。 . 彥進,大名人。 純質有膽略,善騎射。 顯德初,爲控鶴指揮使。 漢乾祐中,隸周祖帳下。 從征淮南,以功遷散員都虞候。 廣順 初,補衞士。 世

瓦

闍

東西班指揮使、領昭州

刺

史。

鳳州 從平 察留後。 李 路 宋 行 重 初 1營前 太祖 進,改虎捷右廂。 改控鶴右廂指揮使、 郊 軍 祀 副 西洛,彦進 都部署 建隆二 |蜀平, 來朝,授彰信軍 領果州團練使。 年, 坐縱部下略玉帛、子 遷侍衞步軍都指揮使、領武信軍節度。 節 度。 征李筠,爲先鋒部署,以功遷常州防禦使。 女及諸不法事, 左 遷昭化軍節度觀 大舉伐蜀,爲

其西, 勳 攻其東, 太平 彰信軍節度劉遇、光州刺史史珪攻其北。 興國 彰德軍節 二年,移鎭 度李漢瓊、冀州 河陽。 四年正月,遣將 刺 史牛思進 少其 征 **彦進督戰甚急,太祖嘉之。** 太原,分命攻城,以彦進 南 ",桂州 觀 察使 曹翰、 翰林使杜 與郢州防禦使 晉陽平,從征幽 彦圭 攻

祗候李守斌領兵屯關南,以功加檢校太尉。 又與內供奉官江守鈞率兵攻城之西北。 是秋,契丹侵遂城,彥進與劉廷翰、崔翰等擊破 及班 (師, 詔彥進與西上閣門副使薛繼興、閣門

之,斬首萬級。 五年,車駕北巡,以彥進爲關南都部署,敗契丹於唐興口。

雍熙三年正月,命將北伐,分兵三路,詔彥進爲幽州道行營馬步軍水陸副都部署,與曹

桃、米信出雄州。 大軍失利,逐進坐違彬節制,別道回軍,爲敵所敗,召還,貶右武衞上將

軍,事具彬傅。 四年春,授保靜軍節度。 端拱元年,被病,召歸闕,卒,年六十七。 贈侍中。

爲決之,謂左右曰:「此細務, 股不宜親臨,但以 彥進嘗任節制,不欲令其子辱於父耳。」 **彥進頻立戰功,然好聚財貨,所至無善政。** 沒後,諸子爭家財,有司攝治。 太宗召見,

湜,娶<u>岐王女永壽縣主,爲西京左藏庫副使,後坐事除名。</u> 子懷邍至內殿崇班 懷淸至崇儀副使。 懷遵子上賢, 娶鎭王女崇安縣主。 懷清子從

護聖指揮使。 張廷翰,澤州陵川人。 從世宗平准甸, 初爲漢祖 以功遷鐵騎右第二軍都虞候。 親校。 漢祖入汴,補內殿直,遷東西班軍使。 顯德末, 改殿前散都頭都處 周初,改

列傳第十八 張廷翰 皇甫繼

明

候。

九〇〇八

衞馬 夔州 歸 領 果州 州 步軍 監 路 宋 行營馬 軍 惠 初 武 練使 都 權 公守謙 虞候、 爲 軍 鐵騎 **率所部** 都指 未幾, 領彰國軍節度。 左 揮使,隨劉 轉龍 第二軍都校、 來 拒 捷左 戰, 廂 廷 廷翰 都指 讓 開寶二年,寢疾, 領開州刺 由歸州路進 引 揮使、領 兵逆 擎, 史。 春州 討。 敗之於猪 從平揚州, 團 太祖親臨問, 師次夔州, 「練使。 頭 文以 鋪 乾德 乘勝拔 廷讓 功遷控鶴左 中,興 未幾卒,年五十三。 頓 其城 兵白 師 伐蜀 帝 廂都指 蜀 廟 ,以廷翰爲 平, 西, 揮使、 授侍 俄 触 而

侍中。

以隸 皇甫繼明,冀州蓨人。父濟,汾川令。 左 右 「薦於 太祖,補殿前指揮使,歷左右番押班都 繼明身長七尺,善騎射,以膂力聞郡中。 知 刺

廷

平 指 汝州 衞 虜 儿 揮 使、 太宗 橋岩兵馬都部署 馬 廂 步 都 領 指 軍 卽 澶 位 揮 都 州 使、 指 一,累遷 刺 **!**揮使。 史。 頟 至 羅州 ,改高陽關部署 捧 田 雍熙三年,召入爲馬步軍 重進 日軍都指揮使、領檀州刺史。 防禦使。 北征,繼 卽 明爲前鋒,以 日 命副高瓊爲丼代部署。 副 功加馬步軍 都 軍頭。 太平興國七年,坐秦王廷美事,出 四年,復爲捧日右廂第三軍 都軍頭。端拱二年,轉龍、 淳化二年, 又副范廷召爲 神 都

憚之。 與戎人接戰,因謂之曰:「我疾少間。」遂矍鑠被甲上馬,強行至清遠軍,卒, 守榮謂繼明曰:「君疾甚,不可行,恐失期會,守榮當率兵先往。」繼明宿將,慮守榮等輕佻, 至 道元年,改領洋州觀察使,充環慶路馬步軍都部署。 二年,受詔護送輜重赴靈州,繼明已先約靈州部署田紹斌率軍迎援,適被病, 繼明謹愿,御下嚴肅,七卒頗畏 年六十三,詔贈 神將白

彰武軍節度。

遷其子懷信爲供奉官。

世宗 南征,擊十八里攤砦,爲戰艦所圍,一人甲盾鼓譟而前,衆莫敢當,太祖命瓊射之,一發 張瓊,大名館陶人。世爲牙中軍。 1瓊少有勇力,善射,隸太祖帳下。 周顯德中,太祖從

而踣,淮人遂卻。

壯之。 開 股,死而復蘇。 封。 及攻壽春,太祖乘皮船入城濠。城上車弩遽發,矢大如椽,瓊亟以身蔽太祖,矢中瓊 及卽位、擢典禁軍、累遷內外馬步軍都軍頭、領愛州刺史。數日,太宗自殿前都處候尹 太祖曰:「殿前衞士如狼虎者不啻萬人,非瓊不能統制。」即命瓊代爲都虞候,遷嘉州 鏃著髀骨,堅不可拔。 瓊索杯酒滿飲,破骨出之,血流數升,神色自若。 太祖

防禦使。

帶以遺母。 齒,發瓊擅乘官馬, 尚幼,乃擢其兄進爲龍捷副指揮使。 曰:「汝言瓊有僕百人,今何在?」漢卿曰:「瓊所養者一敵百耳。」太祖遂優恤其家。 前都虞侯時事。 瓊性暴 漢卿卽奮鐵撾亂下,氣垂絕,曳出,遂下御史案鞫之。瓊知不免,行至明德門,解所繫 獄具,賜死於城西井亭。 建隆四年秋,郊禋制下,方欲肅靜京師,乃召訊瓊。 多所 納李筠隸僕, 凌轢。 時史珪、石漢卿方用事,瓊輕侮之,目爲巫 畜部曲百餘人, 恣作威福, 禁軍皆懼, 太祖旋聞家無餘財,止有僕三人,甚悔之。 瓊不伏,太祖怒,令擊 媪。 又誣毀太宗爲殿 二人銜之切 因責 漢卿

郭守文敦詩閱禮,輕財好施,愼保封疆,士卒樂用,終以勳舊蒙眷,聯姻戚里。 護 於斯別矣。 軍行, 論 日:崔彥進與王全斌征蜀,黷貨殺降,以致蜀亂,惟劉廷讓一軍秋毫無犯,紀律嚴否 純誠勇節,皆足嘉尙。 尹崇珂斤斤謹厚,臨淄攻守之績,嶺嶠廓淸之勞,至於瘁事。 張廷翰西征,未覩奇效。 張美雖稱幹敏,而初有自愧之行。 皇甫繼明力疾以 宋初諸將,要

終而論,臧否異趣,何昭昭若是哉

列 傳 第 十八八 校

> 勘 記

[]] 发羅膩 按本書卷二五七季處転傳、卷四九一党項傳皆作「岌伽羅膩」,此處疑脫「伽」字。

(三) 端拱二年 「二年」原作「三年」,據長編卷三〇、隆平集卷一一本傳改。

(三) 六年卒 (四) 葭蘆川 按長編卷一三、一四,尹討樂範在開寶五年,死於開寶六年,此處失書「開寶」紀元。 原作「葭蘆州」,據本書卷四八五夏國傳、太平治蹟統類卷二改。

## 宋史卷二百六十

## 列傳第十九

米信 曹翰 田重進 楊信 弟嗣 劉廷翰 費(二) 党進 崔翰 李漢瓊 劉遇 李懷忠

即入侍,以府事屬翰總決。 召,歸見世宗,密謂曰:「主上不豫,王爲冢嗣,不侍醫藥而決事於外廷,失天下望。」世宗悟, 奇之,以隸世宗帳下。 曹翰,大名人。少爲郡小吏,好使氣陵人,不爲鄕里所譽。 世宗鎭澶淵,署爲牙校,入尹開封,留翰在鎭。 乾祐初,周太祖鎭鄴,與語 會太祖寢疾,翰不俟

許遇之,慮劫兵器爲叛,矯殺之。 南、留鎧甲千數在匠陽,旣而得降卒八百,部送歸京師。 及世宗卽位,補供奉官,從征高平,參豫謀畫。 及見世宗,具言其事, 專遷樞密承旨,護塞決河。 世宗不悅。 時翰適從京師來詣,過正陽十數里 翰曰:「賊以困歸我,非 世宗征淮

列

傳第十九

曹

翰

並

改

德

州

刺

史。

師 心 服 留 彻 知 一,所 雄州 得 器 甲, 世宗 盡在 大 漸, 正陽, **渝范質等以王** 荷爲 所 劫, 一著爲相 是復生一 ,翰爲宣徽使。 淮南矣。」因不之罪。 質以著嗜酒 從征 |翰飾 瓦 橋 關 會班

令鑿 器 攻, 月 行營先鋒使, 等討平之。 主 頭 於京 助役, 全 而 翰戒 陷, 開 放 石 宋 寶一 師 軍 通 初 沉 知 屠城 道 二年,從征 所 從 更使 因 成 未幾 調 征 進克池州 乘 都 師 無 澤 白 緩,向晨 旋以濟 巨 噍 以 潞, 艦 馬以 類 軍校 平。 太原 百 父祭; 還改 殺 艘,載所 時全師 呂翰殺武 猶 兵 詔 金 二鼓,賊衆不 復爲行營都壕砦使。 陵平, 復決 濟州刺史。 兼 八 百 西南 雄 得 陽武,再護役, 懷 擁 江州 以歸 所略 諸 節,據嘉州以 衆 州 十 軍 集而 轉運 乾德二年,太祖親征 萬 金帛以 一校胡德 鎓 餘 功遷 使, 潰, 據鄉縣 皆有 億 桂 自 因而 叛 旣 萬 牙將宋德 州 石 班 成績。 計 叛, 觀 破之, 門 師, 翰 徑趨 察使、判 偽 言 欲 致 及諸將奪其城。 謀 將 會 明據 劍南 窺 西蜀 歸州 征 河 成 決澶州 江 逐平。 城 都 潁 廬山 南, 拒 移刺 州 餉運 命翰率兵 命 翰 東 師還, 均州 令翰 率兵會劉 不乏, 謀 林寺鐵 翰 知 遷蔡州 奕 董 賊約三鼓復來 澗谷 兵攻之, 先 其役 由夔、萬 羅 赴 漢像 深險, 荆南 更 輸出 練 凡  $\overline{H}$ 使。 會 銀

城, 翰攻東北, 平 興 國 四 而劉遇攻西北, [年,從 征 太原 , 爲 興劉繼 攻 城 南 元直, 面 都 城尤險固,遇欲與翰易處,翰言 部 署 與崔彦 進 李漢 瓊 劉 遇 :「觀察使班 節 度 分 部 攻

獻。 娘子廟,翰往禱之,穿渠得水,人馬以給。又從征幽州,率所部攻城東南隅,卒掘土得蟹以 不能當也。」翰乃奉詔,築土山瞰城中,數日而就,繼元甚恐。軍中乏水,城西十餘里谷中有 下,當部東北。」遇堅欲易之,數日不決。上盧諸將不協,造論翰曰:「卿智勇無雙,西北面非卿 翰謂諸將曰:「蟹水物而陸居,失所也。且多足,彼援將至,不可進拔之象。 况蟹者解

得巨木數萬以濟用,訖事歸鎭。 斥候,前遇丘陵、水澤、寇賊、煙火,則各舉其旗以為應,又起烽燧于境上,敵疑不敢近塞, 自雄達莫,以通漕運,議築大隄以捍之。 五年,從幸大名,拜威塞軍節度,仍判潁州,復命爲幽州行營都部署。 翰遣徒數萬,伐巨木於漢境,遣騎五,授五色旗爲 韶督役開南河,

也,其班師乎?」已而果驗。

貴官,其六子守讓、守贄、守澄、守恩、守英、守吉皆補殿直。 翰 五百萬,白金五千兩。淳化三年,卒,年六十九,贈太尉。上命遷其四子守謙、守能、守節、守 錮登州。 私市兵器,所爲多不法。 翰在郡歲久,征斂苛酷,政因以弛。上以其有功,每優容之。會汝陰令孫崇望詣闕,訴 雍熙二年,起爲右千牛衞大將軍、分司西京。 四年,召入爲左千牛衞上將軍,賜錢 韶遣御史滕中正乘傳鞫之,獄具,當棄市,上貸其罪,削官爵,流

**懒陰狡多智數,好夸誕,貪冒貨賂,飲酒至數斗不亂。** 列 傳第十九 曹 翰 楊 信 每奏事上前,雖數十條,皆默識 九〇一五

其意,故有銀錢之賜。 咸平元年,賜諡武毅。 不少差。 嘗作退將詩曰:「曾因國難披金甲,恥爲家貧賣寶刀。」<br/>
園直禁日,因語及之。

建隆 訊 年,散指揮 郊,為儀仗 而 誅之。 二年,領賀州刺史。改鐵騎、控鶴都指揮使,遷殿前都虞候,領漢州防禦使。 ,瀛州人。初名義。顯德中,隸太祖麾下爲裨校。 ,都知杜廷進等將爲不軌,謀泄,夜啓玄武門,召信逮捕,遲明,十九人皆獲,上親 都部署。 六年,遷殿前都指揮使,改領建武軍節度。 四年,信病瘖,上幸其第,賜錢二百萬。五 宋初,權內外馬步軍副都軍頭。 一年,改靜江軍節度。 乾德初,親 開寶二

上謂 度。 太平 曰:「吾敎水 太祖嘗令御龍直習水戰於後池,有鼓譟聲,信居玄武門外,聞之,遽入,服皂綈袍以見。 興國二年,改鎭寧軍,並領殿前都指揮使。 戦 爾,非有他也。」出,上目送之,謂左右曰:「眞忠臣也。」九年,授義成軍節 三年春,以瘍疾在告,俄卒,贈侍

字,玉因直達其意無失。 有 童 奴 田 玉 者, 能揣度其意, 信未死前一日,瘖疾忽愈,上聞而駭之,遽幸其第。 每上前奏 事 ,及與賓客談論, 或指揮部 下,必 迴顧玉, 信自言遭遇兩 書掌爲

信

雖

· 培疾而

質實自將,善部分士卒,

指顧

中做,

動有

紀律,

故見信任, 而終始

無疑焉。

恩寵隆厚,敍謝感慨,涕泗橫集。 上加慰勉,錫賚有差。 信弟嗣、贊。

治狀,優遷威處軍,改崇儀使,與曹思進同爲靜戎軍、保州、長城、滿城緣邊都巡檢使行己。 還,以吏民借留再任,俄遷高陽關戰權都監。 嗣, 建隆初以信薦爲殿直,三遷崇儀副使、 淳化二年,改知保州,門無私謁。 火山軍監軍。 雍熙四年, 就命知軍事。 轉運使言其

改如京使,再知保州,有戰功。

與延 戰 以善戰聞,時謂之「二楊」。嗣以武人治郡,不屑細務,又兼領巡徼, 馬 者,詔 眞宗 昭 輜重甚衆,以功眞拜保州刺史。 同官, 即位,加洛苑使。 供備 驟居其上,不可,願守舊官。」上嘉其讓,乃遷 庫副使趙彬代之,改深州 咸平初,領獎州刺史。 召還,授本州團練使。 團練都巡檢使兼保州鈴轄。 三年,與敵人戰於廉良,斬首二千級,獲 延昭官。 時楊延昭方爲刺史, 在 嗣與延昭久居北邊,俱 郡 日 少,城堞圮壞,有 嗣言:「嘗

明年 五 與防秋 年,邊人寇保州,嗣與楊延昭禦之,部伍不整,爲所襲,士馬多亡失,代還,特宥其罪。 之策,條陳北 面利害,以其練達邊事,出爲鎭、定、高陽關三路後陣鈴轄,移定

景惠仞,炎鎭州络副郯部署。上以嗣2州副都部署,留其家京師,假官第以居。

列

僔

第

+

九

楊

信

党進

景德 初, 改鎭州 路 副 都部署。 上以嗣耄年總軍政,盧有廢闕,旋命代之。 連爲趙、貝

卒,年八十一。錄其子承憲爲侍禁。

深三州部署。 大中祥符五年,復出爲天雄軍副都部署。 六年,以左龍武大將軍致仕。明年

| 攢稍知書,無異能,以兄故得掌禁族,累資朝著至牧守焉。

改領閬 刺史, 代領其務。 敗,進以膂力隸軍 党進,朔州馬邑人。 遷馬 州 步軍副 乾德 五年,領彰信軍節度兼侍衞步軍都指揮使。 初,改龍捷左廂都虞侯、領利州觀察使。 伍。 都軍頭、領處州團練使,改虎捷右廂都指揮使、領陸州防禦使。建隆二年, 周廣順初,補散指揮使,累遷鐵騎都虞候。宋初,轉本軍都校、領 幼給事魏帥杜重威,重威愛其淳謹,及壯,猶令與姬妾雜侍。 後四年,權步軍。 杜審瓊卒,命進 欽州 重威

又命將河東行營兵征太原,入其境,敗太原軍于城北。 會援兵至,緣縋入城獲免。 進主其東偏。 開實 元年, 師未成列,太原驍將楊業領突騎數百來犯,進奮身從數人逐業; 將征太原,以進將河東行營前軍。 上激賞之。 六年,改侍 衞馬 開寶二年,太祖師臨晉陽,置砦四 軍都指揮使、領鎭安軍 太祖崩,召還。 太平興國二年,出爲 **|**業急入隍中, 節度。 九年, 面,命

忠武 軍節度。 在鎭歲餘,一日自外歸,有大蛇臥榻上寢衣中,進怒,烹食之。 遇疾卒,年五

十一,贈侍中。

旭一 焉。 乎。」太宗嘗令親東臂鷹雛于市,進亟欲放之,東曰:「此晉王鷹也。」 進乃戒之曰:「汝謹 受詔巡京師,閭里間有畜養禽獸者,見必取而縱之,駡曰:「買肉不將供父母,反以飼禽獸 視。」小民傳以爲笑,其變詐又如此。 曰:「吾欲從吾便耳。」先是,禁中軍校,自都虞侯已上,悉書所掌兵數於梃上,如笏記焉。 日問進所掌幾何,進不識字,但舉梃以示於上曰:「盡在是矣。」上以其朴直,益厚之。嘗 子崇義閉廐使,崇貴閤門祗候。 進出戎行,形貌魁岸,居常恂恂,每擐甲胄,毛髮皆豎。 杜重威子孫有貧困者,進分月俸給之,士大夫或有愧 進名進,自稱日暉,人問之,

指揮使、領融州防禦使,遷侍衞馬軍都虞候、領洮州觀察使。 騎第二軍都校、領饒州刺史,遷控鶴左廂都校、領瀘州刺史,改澄州團練使, 士,遷內殿直。 李漢瓊, 河南洛陽人。曾祖裕, 周顯德中,從征淮南,先登,遷龍旗直副都知,改左射指揮使。 祁州刺史。 漢瓊體質魁岸,有膂力。 晉末, 轉虎捷左廂都 宋初,再遷 補西班衞 鐵

獲樓 船數百艘,沿流拔池州,破銅陵,取當塗,作浮梁於牛渚以濟大軍。 王 師 征 江南 命領行營騎軍兼戰權左廂都指 揮使, 自蘄春攻峽 口砦(三),斬首數千級, 分圍 金陵,率所部

度秦淮,取巨艦實葦其中,縱火攻其水砦,拔之。 江南平,以功領振武軍節度

進主 之。先是,攻城者以牛革冒木上,士卒蒙之而進,謂之洞子。 | 攻城南偏,漢瓊先登,矢集其腦,倂中指,傷甚猶力疾戰。 上召至幄殿,賜良藥以慰勞 太 平興國二年,出爲彰德軍節度。 四年,太宗親征太原,改攻城都部署。 上欲幸其中, 以勞士卒, 漢瓊與牛思 漢瓊

駕幸大名,漢瓊上謁,陳**邊**事 契丹數萬騎寇中山,漢瓊與戰于滿城四分大敗之,逐至遂城,俘斬萬計,加檢校太尉。車 **下稱旨,** 命爲滄州都部署, 加賜戰馬、金甲、寶劍、戎具以寵之。

極諫,以爲矢石之下,非萬乘之尊所宜輕往,上乃止。 太原平,改鎭州兵馬鈴轄

六年,以病還京,賜白 金萬兩,月餘卒,年五十五,贈中書令。

嘗監高陽關、平戎軍, 漢瓊性木強,使酒 「難近, 乘傳衢、婺二州,捕劇賊程白眉數十人,悉殲焉。 然善戰 有功。 無子,弟漢贇、漢彬。 太平興國初,漢贇補供奉 累仕崇儀使、知

寧州

大中祥符七年卒。

漢彬至禮賓副使。

領洮州 州團 其將朱令贇、王暉等,獲戎器數萬,金陵以平,錄功加領大同軍節度。 指 揮 「練使。 使。 劉遇,滄州淸池人。少魁梧有膂力。 觀察使。 宋初,遷御馬直指揮使,俄領漢州 從征太原,以功遷虎捷右廂,改領蔚州防禦使。 征江南,領步軍戰權都指揮使。 周祖鎭大名,隸帳下。 刺史,改領眉州。 時吳兵三萬屯院口,遇會諸路兵破之, 開實六年,轉侍衞 累遷控鶴右廂都指 廣順 初,補控鶴都頭,改 車駕雩祀西洛,命率 步軍都虞侯 揮使、 領瓊 副 擒

遇性淳謹,待士有禮,尤善射,太宗待之甚厚。 築保州、威虜、靜戎、平塞、長城五城。八年,徙鎭滑州。 火毒未去,故痛不止。遇即解衣,取刀割瘡至骨,曰:「火毒去矣。」談笑如常時,旬餘乃差。 師還,坐所部失律,責授宿州觀察使。 太平興國二年,出爲彰信軍節度。 五年,從幸大名,復保靜軍節度、幽州行營都部署,護 四年,征太原,與史珪攻城北面,平之。 雅熙二年,卒,年六十六,贈侍中,歸葬京師。 **晨興方對客**,足有灸瘡痛,其醫謂 進攻范陽,

禁衞以從。

使、 都虞侯、領開州 李 懷忠,涿州范陽人。 刺史。 乾德中,授東 初名懷義。 西班都指揮使,改領富州。 太祖掌禁兵時,隸帳下爲散都頭,累遷殿前都指揮 開實中,從太祖征晉陽,

列

傳

第十九

劉遇

李懷忠

米

信

困,若急攻之,破在旦夕,臣願奮銳爲士卒先。」會大熱,戰不利,懷忠中流矢,力疾戰益奮。 累月未下。 會盛暑,欲班師以休息士卒,懷忠謂:「賊嬰孤城,內無儲峙, 外無援兵, 其勢危

歲致江、淮米數百萬斛,禁衞數十萬人仰給於此,帑藏重兵皆在焉。 上幸西京,愛其地形勢得天下中正,有留都之意。 懷忠乘間進曰:「東京有汴渠之漕, 根本安固已久,一旦遽

還授散指揮使,遷富州團練使,改日騎左右廂都指揮使

欲遷徙,臣實未見其利。」上嘉納之。

使,五月,卒,贈侍中。錄其子紹宗等三人爲供奉官。大中祥符三年,又錄其子德鈞爲借職 太宗卽位,改領本州防禦使,稍遷侍衞步軍都虞候、領大同軍節度。三年,改步軍都指揮

磐。 功遷 即位,補殿前指揮使,遷直長。平揚州日,信執弓矢侍上側,有游騎將迫乘輿,射之,一發而 龍捷散都頭。太祖總禁兵,以信隸麾下,得給使左右,遂委心焉,改名信,署牙校。及 遷內殿直指揮使。 米信舊名海進,本溪族,少勇悍,以善射聞。周祖卽位,隸護聖軍。從世宗征高平,以 開實元年,改殿前指揮使、領郴州刺史。

太宗即位,轉散都頭指揮使,繼領高州團練使。 太平興國三年,遷領洮州觀察使。 四

顧親戚哉。」北望號慟,戒子姪勿復言。 宿留踰 其兄子全自朔州奮身來歸,召見,俾乘傳詣代州,伺間迎致其親屬,發勁卒護送之。 殺其將襲正。丼州平,遂移兵攻范陽。師還,以功擢保順軍節度使。時信族屬多在塞外,會 年,征太原,命爲行營馬步軍指揮使,與田重進分督行營諸軍。

| 抖人潛師來犯,信擊敗之, 年,邊境斥候嚴,竟不能致。 信慷慨嘆曰:「吾聞忠孝不兩立,方思以身徇國,安能復 五年,命與郭守贇等同護定州屯兵。六年秋,遷定 旣而 全

議當死,詔特原之,責授右屯衞大將軍。明年,復授彰武軍節度。 士多死。會暮,信持大刀,率從騎大呼,殺數十人,敵遂小却,信以百餘騎突圍得免。坐失律, 復來戰,王師稍却,信獨以麾下龍衞卒三百禦敵,敵圍之數重,矢下如雨,信射中數人,麾下 雍熙三年, 征幽薊, 命信爲幽州西北道行營馬步軍都部署, 敗契丹于新城。 契丹率衆

州

、駐泊部署。 八年,改領彰化軍節度使。

判左右 薄,嘗私市絹附上計吏,稱官物以免關征,上廉知之。 四年(三),召爲右武衞上將軍。 明年, 爲多暴橫,上命何承矩爲之副,以決州事。及承矩領護屯田,信遂專恣不法,軍人宴犒甚 端拱初,詔置方田,以信爲邢州兵馬都部署以監之。二年,改鎭橫海軍。信不知書,所 金吾街仗事。未踰月,吏卒以無罪被捶撻者甚衆。強市人物,妻死買地營葬,妄發 家奴陳贊老病, 箠之致死, 爲其家人所告。下御史鞫之, 信具伏。獄未上而卒,

列傳

第十

米

田

進

年六十七 贈橫海軍節度。 子繼豐,內殿崇班、閤門祗侯

陳橋 使。 還,遷御 六年,改侍衞步軍指揮使。八年,改領靜難軍節度使。九年,河決滑州韓、房村,重進總 田 重進,幽州人。形質奇偉,有武力。 馬軍使,積功至瀼州刺史。 周顯德中,應募爲卒,隸太祖麾下。 太平興國 四年,從征太原還,錄功擢爲天德軍節 從征契丹 度

護其役,以劉吉爲之副,河途塞。

鵬翼 里, 入遼境,攻下岐溝關, 吏民來附 及其監 連下飛狐、靈丘 雍 一熙中, 會曹彬之師不利, 軍馬齊、 出 師北征,重進率兵傳飛狐城下,用袁繼忠計,伏兵飛狐南口 いい等域。 副將 殺守城兵千 何萬通丼渤海軍三千餘人,斬首數千級,俘獲以萬計,逐北四 乃命重進董師駐定州,遷定州駐泊兵馬都部署。三年,率師 進攻蔚州,其牙校李存璋等殺酉帥蕭啜理(も)、執耿紹忠, 餘 及獲牛馬輜重以還。 四年春,改彰信軍節度。 ,擒契丹驍將大 卒

淳化三年,改真定尹、成德 軍 節度。 未幾,移京兆尹、永興軍節度。 五年,改知延州

還鎭。至道三年,卒,年六十九,贈侍中。

重進不事學,太宗居藩邸時,愛其忠勇,嘗遺以酒炙不受,使者曰:「此晉王賜也,何爲

不受? 守信六宅使,守吉閤門祗侯 」重進曰:「爲我謝晉王,我知有天子爾。」 卒不受。 上知其忠朴,故終始委遇焉。

紹 隱 力戰死焉。 劉 廷翰,開封浚儀人。父紹隱,後唐末隸兵籍。 周世宗鎭澶淵,廷翰以膂力隸帳下;卽位,補殿前指揮使,累從征伐,以戰 晉天福中,以隊長戍魏博。 范延光反,

功再遷至散指揮第一直都知。

本州團練使,遷雲州觀察使。 宋初,預平上黨、維揚,遷鐵騎都指揮使、領廉州刺史。 太平興國四年,從征太原,領鎭州駐泊都鈴轄 太宗卽位,遷右廂都指揮使、領

年,改領彰信軍節度。雍熙四年春,改鎭滑、邢。 後,崔翰、漢瓊兵繼至,合擊之,大敗其衆於滿城。 上特命廷翰代之。淳化三年,改大名尹、天雄軍節度。 崔翰屯定州。多,契丹果縱兵南侵。廷翰先陣於徐河,彥進率師出黑蘆堤北,銜枚躡契丹 有 太宗北伐,既班師,上以邊備在於得人,乃命廷翰、李漢瓊率兵屯眞定,崔彥進屯關南, 肌 未幾卒,年七十,贈侍中。 端拱中,鎭州駐泊馬步軍都部署郭守文卒, 廷翰以功領大同軍節度、殿前都虞候。八 三年,以病求解官,還闕,上親臨問,

列傳第

十九

劉廷翰

催翰

使、勤州團練使。 父以上皆不逮事, 忘其家諱, 上爲撰名親書賜之。子贊元, 宮苑使、澄州刺史, 贊明, 皇城 揮使,入朝,常行衆中,每歷宮殿門,少識之者。 嘗與郊祀恩,當追封三世,廷翰少孤,其大 廷翰 自衞 士至上將,頗以武勇自任,寬厚容衆,雖不事威嚴,而 長於御下。 爲殿前 都指

分配 河東降民以實陝西地,晉人勇悍,多習武藝,命翰差擇之。 征 准 天 南,平壽春,取關南,以功補軍使。 崔翰字仲文,京兆萬年人。少有大志,風麥偉秀,太祖 武 兩 軍。 九年,領端州 刺史。 宋初,遷御馬直副指揮使,從征澤、潞。 及閱試 見而奇之,以隸麾下。 河北鎭兵,取其聽果者以 開寶初,遷 從周世宗

周 命翰代之。 旋 太宗即 如 位,進本州團 翰分布士伍,南北綿 上 御臺臨 觀,大悅,以藩邸時金帶賜之,謂左右曰:「晉朝之將,必 「練使。 太平 亙二十里,建五色旗號令,將卒望其所舉, 興國二年秋,講武於西郊,時殿前都指揮使楊信病瘖, 以為進 無 如崔翰者。」 退,六師

即 軍 ·帳撫問之。 太原平,時上將有事幽薊,諸將以爲晉陽之役, 師罷餉匱, 劉繼元降,賞賚

命總侍衞馬步諸軍,率先攻城,流矢中其頰,

神色不

· 變,

督

戰

益急,上

几

年,

從征

太原,

謂然,定議北伐。 餘止之。 且未給,遽有平燕之議,不敢言。 翰請單騎往,至則諭以師律,衆徐以定,不戮一人。旣復命,上喜,因命知定州,得 旣而班師,命諸將整暇以還。 翰獨奏曰:「所當乘者勢也。不可失者時也, 取之易。」上 至金臺驛,大軍南向而潰,上令翰率衞兵千

擊之。 冬,契丹兵數萬寇滿城,翰會李漢瓊兵於徐河,河陽節度崔彥進兵自高陽關繼至,因合 契丹投西山坑谷中死者不可勝計,俘馘數萬,所獲他物又十倍焉。 以功擢武泰軍節

以便宜從事,緣邊諸軍並受節制,軍市租儲,得以專用。

度使。

福,羣盜感悟,散歸農畝,境內肅然。 之。至是,搆於上。 初,劉繼元降,上令翰往撫慰,俘略無得出城。 明年夏,出爲感德軍節度使。 至鎮時,盜賊充斥,翰誘其渠魁,戒以禍 時秦王廷美以數十騎將冒禁出,翰呵止

四年春,改鎭定國軍。二年(六),移鎭鎭安軍。淳化三年召還,以疾留京師。 雍熙二年,移知滑州。三年,北伐不利,上追念徐河之功,召翰爲威虜軍行營兵馬都部 稍間,

見上曰:「臣旣以身許國,不願死於家,得以馬革裹尸足矣。」上壯之,復令赴鎮,月餘卒,年

**翰驍勇有謀,** 

翰驍勇有謀,所至多立功。輕財好施,死之日家無餘貲。晚年酷信釋氏。 列 傳 第 +-九 雀 翰 校 勘 記 九〇二七 子繼顒,虞

部員外郎。 孫承業,內殿承制、閤門祗侯;承祐,內殿崇班。

然不可與古之良將同日而語者,崔之論奏平燕,未免出於率爾;而曹之殺降卒,屠江州,則 之,皆不害其爲驍果也。 信所爲雖多暴橫,党進恂恂類懷姦詐,懷忠論遷似昧大體;然以征太原、平江南、戰徐河觀 實,重進以忠朴, 又過於忍者也。 而皆精白一心,以立事功。 論曰:自曹翰而下,嘗任將帥居節鎭者凡十人,其初率由拳勇起家戎行,雖不事問學, 君子謂功莫優於二子,而過亦莫先於二子,信矣。 劉遇以淳謹,廷翰以武勇稱,故皆終始委遇而不替。 至於好謀善戰,輕財好施,所至立功,則未有優於曹翰、崔翰者也。 始終匹休,而無韓、彭之禍者,由制御保全之有道也。 漢瓊雖木強使酒,米 楊信以篤

#### 校勘記

- 一弟嗣贊 三字原脫,據本書目錄中補。
- 2 静戎軍保州長城滿城緣邊都巡檢使 緣邊,而本書卷八六地理志「保州」 條下註:「太平興國六年,析易州滿城之南境入焉。」可見此 「滿城」原作「蒲城」。 按蒲城,宋代隸屬陝西之華州,不在

處「蒲城」當作「滿城」,據改。

峽口砦 原作「岐口砦」,據本書卷二五八曹彬傳、長編卷一五改。

滿城

原作「蒲城」,按下文說:「大敗之,逐至遂城。」遂城在河北西路,蒲城在陝西路,此戰不可

能自蒲城追至遂城。又此次戰役劉廷翰、崔翰都參加,下文劉廷翰傳說:「廷翰先陣於徐河,(崔)

彦進率師出黑蘆堤北,銜枚躡契丹後,崔翰、漢瓊兵繼至,合擊之,大敗其衆於蒲城。」 淮翰傳說:

「契丹兵寇蒲城,翰會李漢瓊於徐河。」長編卷二〇記此次戰役會師情況,與上述二傳基本相同,

並說:「大軍次滿城,敵騎坌至。」按地理,徐河附近無蒲城,而有滿城,且滿城與逐城相近,當以

長編爲是。 此三傳之「蒲城」都應改爲「滿城」,下文不再出校。

至 四年 上文的紀元是「端拱」,但端拱無四年。下文說明年米信死,據宋會要禮四一之五三,米

死於淳化五年。 則此處「四年」應是淳化四年,失書「淳化」紀元。

(六) 靈丘 }傳 改。 原作「靈州」,於地理上不合,據本書卷五太宗紀、長編卷二七、東都事略卷二八田重進

(十) 蕭啜理 近; 又遼史卷一一聖宗紀作「蕭啜里」;作「理」是,據改。 原作「蕭啜埋」,本書卷五太宗紀作「蕭啜理」,長編卷二七譯作「蕭多羅」,「理」、「羅」音

上文已有確熙四年,此處不應又出「二年」。按「雍熙」只有四年,其下的紀元是「端拱」,

列

傳

笰

十九

校

勘 記 **)** 

127

## 宋史卷二百六十一

## 列傳第二十

孫若拙 李瓊 焦繼勳 郭瓊 陳承昭 子守節 劉重進 李萬超 袁彦 白重贊 **祁廷訓** 王仁鎬 張鐸 陳思讓

李萬全 田景咸 王暉附

<u>(秦秋,所謂以正守國,以奇用兵,較存亡治亂,記賢愚成敗,皆在此也。」周祖令讀之,謂瓊</u> 刺臂出血爲誓。 策詣|太原依||唐莊宗,屬募勇士,卽應募,與周祖等十人約爲兄弟。 曰:「兄當敎我。」自是周祖出入常袖以自隨,遇暇輒讀,每問難瓊,謂瓊爲師。 知非常人。 李瓊字子玉,幽州人。 因舉酒祝曰:「凡我十人,龍蛇混合,異日富貴無相忘,苟渝此言,神降之罰。」皆 周祖與瓊情好尤密,嘗過瓊,見其危坐讀書,因問所讀何書,瓊曰:「此闏外 祖傳正,涿州刺史。 父英,涿州從事。 瓊幼好學,涉獵史傳。 日會飲,瓊熟視周祖, 及討河中,乃 杖

列

傳

第二

+

李瓊

郭瓊

九〇三二

解 瓊兵籍, 令 參 西 征 軍 事 賊平, 表於朝,授朝散大夫、大理司直。 歲中,遷太子洗馬。 周

祖鎭鄴,表爲大名少尹。

州 團練使,改安州防禦使,治郡寬簡 廣 順初, 拜將作監,充內作坊使,賜金紫。 ,民請立 一碑頌 連知毫、陝二州,改濟州刺史。 德,詔中書舍人竇儀撰文賜之。 世宗初,遷洺

月八日、詣佛寺、遇疾歸、至暮卒、年七十三、贈太子少師。 宋初,召爲太子賓客。 建隆 三年,上章請老,改右驍衞上將軍致仕。 瓊信釋氏,明年四

|泰初 蕃 1,移階州,城壘未葺,蜀人屢寇,瓊患之,因徙城保險,民乃無患。 |漢都指揮使。 郭 瓊, 平州盧龍人。 後唐天成中,挈其族來歸,明宗以爲亳州團練使,改刺商州,遷原州。 祖海,本州兩冶使。 父令奇, 盧臺軍使。 瓊少以勇力聞,事契丹, 受韶攻文州,拔二十

餘砦,生擒數百人。

領滑 荆 以坊、虢、衞四州。 |福巾,移刺警州,屬羌、渾騷動,朔方節度張希崇表瓊爲部署,將兵共討平之。 銀東面 行營都虞候。 開運初,爲北面騎軍排陣使。 擒莫州刺史趙思以獻,改刺懷州。 陽城之役,戰功居多。 俄爲北面先鋒都監。 改沂州刺史,充 連

丹 陷中原,盜賊鑑起,山東爲甚,契丹主命瓊復刺沂州以禦盜,瓊卽日單騎赴郡。 **盗聞瓊威** 

名,相率遁去。

州結 因爲 治 酒召瓊、伏壯 稱疾不朝, 陳禍 荆、淮、廣南合兵攻湖南, 河 漢乾祐中,准人攻密州,以爲行營都部署,未至,准人解去。 北計 福,錄感其言,遂治裝。 度兵甲芻糧 將相大臣,懼其難制, 士幕下,欲害瓊。 韶瓊以州兵合王令温大軍攻光州, 俄詔 瓊知其謀,屏去從者,從容就席,略無懼色,餘 先遣瓊 至,卽 與衛 日上道。 州刺史郭超以所部兵屯青州。 瓊改潁州團 會平盧節度劉銖恃佐命之 練使,又加防禦使。 尋以內難不 果。 不敢發。 鉄不自 罷歸朝 時期 安, 瓊

使。 周 在 齊州 旭 祀 ,民饑,瓊以己俸賑之。 南 郊, 召權知宗正卿事。 人懷其惠, 世宗征劉崇, 相 率詣闕頌其德政,詔 爲北 面行營都監,歷絳、 許立 碑。 蔡、 齊三州: 防禦

起卒伍,而所至有惠政,尊禮儒士,孜孜樂善,蓋武臣之賢者也。 宋 、建隆 三年, 告老,加右 領 軍衞 上將 軍致 任, 歸 洛 陽。 乾德二年,卒,年七十二。 瓊雕

陳 列 昭 傳 江表人。 始事李景爲保義軍節度,周世宗征淮南,景以承昭爲濠、泗、楚、海水

衞 陸 追 上. 至 都 山 將軍,分司 應援 陽北,太祖親禽承昭以獻。 使。 世宗旣拔泗州,引兵 西京 世宗釋之,授右監門衞上將軍,賜錦袍、銀帶, 東下,命太祖領甲士數千爲先鋒,遇承昭於淮上擊敗之,

河成,賜錢三十萬。 宋初入朝,太祖以承昭習知水利,督治惠民、五丈二河以通漕運,都人利之。建隆二年, 承昭言其壻王仁表在南唐,帝爲致書於李景,令遣歸闕,歷左右神武統

乾德 於朱明門外,以習水戰。 元年,錄其孫宗義爲三班借職 五年,遷右龍武軍統軍。 匹 年春,大發近甸丁壯數萬,修畿內河堤,命承昭董其役。 從征太原,承昭獻計請壅汾水灌城,城危甚,會班師,功不克就。 開寶二年,卒,年七十四。贈太子太師,中使護喪。 又令督諸軍子弟數千,鑿池

杜 稍 遷 重威拒契丹於陽城,流矢貫手,萬超拔矢復戰,神色自若。 軍校。 李萬超,幷州太原人。幼孤貧,負販以養母,晉祖起拝門,萬超應募隸 從李守貞討楊光遠於青州,奮勇先登,飛石 中其腦,氣不 以功遷肅銳指揮使。 屬者 人之。 軍籍。 開 運中,從 戰累:

聞。 能乎? 部 服 欲殺守恩,以公爲帥,可乎? 征李守貞 風 堅壁拒命,萬超馳至城下,諭之曰:「今契丹北遁,天下無主,井州劉公仗大義,定中土,所向 人,自取其利,非宿心也。」弘肇大奇之,表爲先鋒馬步軍都指揮使。 靡,後服 :下曰:「我輩垂餌虎口,苟延旦夕之命,今欲殺使,保其城。 喪私第,從恩卽委以後事,遁去。及契丹使至,專領郡務,守恩遂無所預。 漢祖從其請,仍命史弘肇統兵先渡河至潞,見萬超,語之曰:「得復此州,公之力也。 契丹入中原,時萬超以本部屯潞州, 」衆皆躍然喜曰:「敢不唯命。」遂率所部大譟入府署,殺其使,推守恩爲帥,列狀以 ,以萬超爲行營壕砦使。 者族, 盍早圖之。」令奇乃開門迎納。 」萬超對曰:「殺契丹使以推守恩,蓋爲社稷計爾。 河中平,拜懷州 主帥張從恩將棄城歸契丹,會前聽衛將軍王守恩 弘肇即留萬超權州事,漢祖遂以爲刺史。及 刺史。 非止逃生,亦足建勳業, 路經澤州,刺史翟令奇 萬超奮然謂其 今若賊害於 汝曹 吾

平淮南,連移蘄、登二州,所至有善政。 不通,命繫之,將斬而 周 祖 開國 ,從征慕容彥超,又爲都壕砦使,以功授洺州團練使,預收秦、鳳,改萊州。 後聞。 陶懼遁去,由是境 屬 有詔 內肅 重 均 田 然 租,前牟平令馬陶,籍隸文登縣,隱苗

宋初,入爲右武衞大將軍,遷左驍衞大將軍。 開寶八年,卒,年七十二。

中,授義成 功 護 領 聖 端 一都指 白 州 重 贊,憲州樓煩 刺 揮 軍 史。 使。 節 度。 乾祐 周 初, 在 中, 鎭 人,其先沙陀部族。 轉護 日,河屢決,重贊親部丁壯,塞大程、六合二堤,詔 李守貞據 聖左廂都指 河中 叛, 揮 使。 重贊 隱帝以重贊 未幾, 少從軍,有武勇。 出為鄭州 爲行營先鋒都指 防禦使,改 漢初, 自散 揮使。 相州 書褒 員 留後。 美。 都虞候三遷 河中平,以 廣

盛 徽 親兵三千軍于潁上。 駕都部署,命重贊副之。 居陣 命重贊及符彥卿擊走之。世宗還京,改河陽三城節度、檢校太尉。 | 井人大敗。 世 宗征劉崇,以重 東 偏 既合戰,愛能 旣誅愛能等, 未幾,改准南道行營馬步軍都虞候。 其忻州監軍殺刺史趙皐及契丹大將楊耨姑,以城降,而契丹兵猶 與徽皆遁走,惟 重贊以功授保大軍節度使。 軍都指揮使,重贊與李重進居陣西偏,樊愛能、 重贊與重進率所部力戰,世宗自督親軍合勢薄 俄遷彰義軍節 及世宗征太原,以河陽劉詞爲 及征淮南,命重贊 度 隨 何

駭, 馬纓, 與部下閻 令驗視之, 宋 以 初,加檢校太師,改鎭涇州。 告都校陳延正曰:「使者致而去矣。」 承恕謀害重贊,密遣人市馬纓,偽造制書云重贊構逆,令夷其族。 率皆誕謬, 遂命六宅使陳思誨馳赴涇州, 有馬步軍教練使李玉,本燕人,凶狡,與重贊有隙。 延正具白重贊, 禽玉及承恕鞫問 重贊封其書 以 乃自持偽制丼 聞。 伏罪 太祖

延正擢領刺史以賞之,仍詔諸州, 乾德四年, 又爲定國軍節度。 開寶二年,改左千牛衞上將軍,奉朝請。 凡被制書有關機密, 則詳驗印文筆迹。 俄改泰寧軍節

門使。 其動靜。 乾祐中,歷昭義、天雄二軍節度副 王仁鎬,邢州龍岡人。後唐明宗鎭邢臺,署爲牙校,即位,擢爲作坊副使,累遷西上閣 清泰中,改右領軍衛將軍。 歷二年,或譖仁鎬于朝,改護國軍行軍司馬。 使。 晉天福中,青州楊光遠將圖 仁鎬至河中數月, 不軌,以仁鎬爲節度副使,伺 光遠反書聞。

唐州 視均定。 軍節度使。 刺史,遷棣州團練使,入爲右衞大將軍,充宣徽北院使兼樞密副使。 周 祖鎭鄴,表仁鎬爲副留守。 百姓苦之,多逃亡他郡,仁鎬抗論其事,乃止。 世宗嗣位、移河中。 會殿中丞上官瓚使河中還,言河中民多匿田租,遂遣瓚按 及起兵,仁鎬預其謀。 丁繼母憂,去官。 周祖即位,仁鎬爲王峻所忌, 顯德初,出爲永興 出爲

民扶老攜幼,迎於境上,有獻錦袍者四,仁鎬皆重衣之,厚酬以金帛。 五年,拜安國軍節度,制曰:「眷惟襄國,實卿故 鄉。 分予龍節之權,成爾錦衣之美。」郡 視事翌日, 省其父祖

列傳

第

**盗,仁鎬遣使遺以束帛,諭之,悉遁去,不復爲盜。** 周視! |松檟,涕泗嗚咽,謂所親曰:「仲由以爲不如負米之樂,信矣。」時人美之。 恭帝嗣位,移山南東道節度。 郡有羣

宋初, 加檢校太師。 建隆二年,以疾召還,次唐州,卒於傳舍,年六十九。

視事 仁鎬性端謹儉約,崇信釋氏,所得俸祿,多奉佛飯僧, 從事 劉謙責仁鎬曰:「公貴爲藩侯,不能勤恤百姓,孜孜事佛,何也? 每晨誦佛經 五卷,或至日旰方出 」仁鎬斂容遜

謝,無愠色。

當時稱其長者。

刺 繼勳領兵進討。遇從進之師於唐州花山下,急擊大破之,從進僅以身免。以功領獎州刺 |福中,改東頭供奉官,再遷作坊使。 史。 陳思讓字後已,幽州盧龍人。父審確,仕後唐至晉,歷檀、順、涿、均、沁、唐、郈、城八州 預征蜀,權利州節度,終金州防禦使。 安從進叛於襄陽,以思讓爲先鋒右廂都監,從武德使焦 思讓初隸莊宗帳下,卽位,補右班殿直。 晉天

營右廂兵馬都監,兵罷,改磁州刺史。 八年多,契丹謀入寇,以思讓監澶州軍,賜鞍勒馬、器帛。 會符彥卿北征契丹,思讓表求預行。未幾,改衞州。 討楊光遠於青州也,又爲行

從進平,授坊州刺史。

連丁 內外艱。時武臣罕有執喪禮者,思讓不俟韶,去郡奔喪,聞者嘉之。 起復隨州刺史。

旋屬內難,又周祖北征,乃分兵令思讓往郢州赴援, 漢 初 ,移淄州,罷任歸朝。 會淮南與朗州馬希夢合兵淮南口,攻湖南,馬希廣來乞師, 兵未渡而希廣敗。 思讓留於郢。

備邊,遣思讓率兵詣磁州,控扼澤、潞。 周 祖 卽位,遣供奉官邢思進召思讓及所部兵還。 未幾,授磁州刺史,充北面兵馬巡檢。 劉崇僭號太原,周祖思得方略之士以 未行, 陞磁州

團練,卽以思讓充使。

令率軍自烏嶺路至絳州與大軍合。崇燒營遁去,思讓又與藥元福襲之。俄命權知絳州。 崇偏將王璠、曹海金,馬五十匹。俄遣王峻援晉州,以思讓與康延沼〔三分爲左右廂排陣使, 讓與都監向訓、張仁謙等率龍捷、吐渾軍,至虒亭西,與瓌軍遇,殺三百餘人,生禽百人,獲 年春,遷絳州防禦使。 廣順元年九月,劉崇遣大將李慶領馬步軍各五都,鄉兵十都, 自團柏軍於窰子店。 明 思

州官吏、耆艾邢銖等四十人詣闕,求借留思讓,詔褒之。十二月,改義成軍節度觀察留後。 (觀察留後,充北面行營馬步軍排陣使。 六年春, 世宗將北征, 命先赴冀州以俟命。 及得瓦橋關,爲雄州, 命思讓爲都部署,率 顯德元年九月,改亳州防禦使,充昭義軍兵馬鈴轄,屢敗抖人及契丹援兵,遷安國軍節 五年,敗并軍千餘於西山下,斬五百級。 是秋,那

列 僔 第 陳 思 皱

兵 戍守。 世宗 不豫還京,留思讓爲關南兵馬都部署。 恭帝嗣位,授橫海軍三節度

人。開寶二年夏,改護國軍節度、河中尹。 宋初 加檢校太傅。 乾德二年, 又爲保信軍節 七年,卒,年七十二。 度。 時皇子興元尹德昭納思讓 贈侍中

思讓 累歷方鎮,無敗政,然酷信釋氏,所至多禁屠宰,奉祿悉以飯僧,人目爲「陳佛子」。

身沒之後,家無餘財。 弟思誨, 至六宅使。 子欽祚, 累遷至香藥庫使、 長州刺史。 欽祚子

能政, 歸。 辭。 奏爲通判,遷司封員外郎,部送芻糧至塞外,優韶獎之。 委以疏決,遷殿中侍御史、通判益州。 會李至守洛都,表法拙佐治,改度支員外郎,通判 若拙字敏之。 太平興國五年,進士甲科,解褐將作監丞、通判鄂州,改太子右贊善大夫、知單 就改太常丞,遷監察御史,充鹽鐵判官。 幼嗜學,思讓嘗令持書詣晉邸,太宗嘉其應對詳雅,將黶以府職, 淳化三年,就命爲西川轉運副使,未幾,改正 益州繫囚甚衆,太宗覽奏訝之,召若拙 西京留司。 久之,柴禹錫鎭涇州,復 若拙 州 使,召 面 以 懇

命李沆留守東京,以若拙爲判官。 入爲鹽鐵判官,轉工部郎中。與三司使陳恕不協,求徙他局,改主判開拆司。車駕北巡, 河決鄆州,朝議徙城以避水患,命若拙與閻承翰往規度,

若拙 梢木五 金紫。 用人,豈以親疎爲間,苟能盡瘁奉公,有所樹立,何患名位之不至也。」乃追苦拙所授告敕, 黃觀者,或稱其能,選爲西川轉運使, 士子操修, 知處州 命權京東轉運使,因發卒塞王陵口,又於齊州浚導水勢,設巨隄於采金山,奏免六州所科 自謂得之。及是大失望,因請對,言父母年老,不願遠適,求納制命。 百萬,民甚便之。 徙温州。 必須名實相副, 代還,復授刑部郎中, 河平, 頗聞若拙有能幹,特遷秩委以藩任,而貪進擇祿 眞授轉運使。 輒訴免,當時黜守遠郡。 再爲鹽鐵判官, 召還, 拜刑 部 改兵部郎中、 郎中、 今若拙復 知潭州。 爾,亦須譴降。 河東轉運使, 上怒,謂宰相曰: 時三司: 如 此。 使缺, 往 有 凡 賜

尋

黜

以 年,卒,年六十四。 職,擢拜右諫議大夫,徙知永興軍府。 濟。 會親祀汾陰, 又移 知鳳翔府,入拜給事 若拙以所部緡帛、 錄其子映爲奉 中、知澶州。蝗旱之餘,勤于政治,郡民列狀乞留。 禮 鄓。 時鄰郡歲饑,前政拒 其市糴 經度制置使陳堯叟言其幹 ,若拙至,則許貿易,民賴 天禧二

若拙多誕妄,寡學術,當時以第二人及第者爲牓眼,若拙素無文,故目爲「瞎牓」云。

侯。 歲餘,入爲右千牛衞大將軍,拜宣徽北院使,遷南 千餘人,援均州刺史蔡行遇,繼勳殺其衆七百,生禽百、獲從貴,斷腕放入 安從進自襄陽舉兵爲應 能復鎭。 服 禽其牙將安洪義、鮑洪等五十餘 謁 豈能 焦 見,晉祖 繼 孜 繼勳以功就拜齊州防禦使。 勳 学 孜 事筆硯 成 與語,悅之,留帳下。 績 許州 哉? 長社 」遂棄其業,游三晉間爲 晉祖命繼勳督諸將進討。 人。 少 人, 天福 讀書有大志, 少帝即位,從進平,藉繼勳威名鎭之,徙襄陽防禦使。 得山 初,授皇城兼宮苑使,遷武 南東道印, 院使。 輕俠,以飲博 嘗謂人曰:「大丈夫當 至唐州 從進 南, 單騎奔還。 爲務。 遇從進 一德使。 晉祖鎭 軍 立 城中,從進自 從進 萬 安重榮反鎭州 功 餘, 太原 異域,取 弟從貴 設 機勳以 伏擊敗 此不 | 率兵 萬

恩信、設方略招誘,諸郡酋長相率奉玉帛、牛酒乞盟,邊境以安。 西人寇邊,朝議發師致討,繼勳抗疏請行,拜秦州觀察使兼諸蕃水陸轉運使。 俄徙知陝州,就遷保義軍 既至,推

大名, 漢初, 勵奉隱帝逆戰於留子陂,戰不 留爲京城右廂巡檢使,俄改右羽林統軍。 鳳翔軍校陽彥昭據城叛,命繼勳率師討之,以功授保大軍節度。 ·利,遂歸周祖 隱帝末, 命繼勳領兵北征。及周祖舉兵向 召入,會漢祖幸

廣順 初, 改右龍武統軍。 世宗征淮南,爲左廂排陣使,又改右羽林統軍、左屯衞上將 闕

兵馬留後。

軍 ,以戰功拜彰武軍節度。

尉。 官李仁祚部修洛陽宮,命繼勳董其役。 被酒不出捕逐。 杜審瓊卒,命繼勳代之。 知留府事。 宋初,召爲右金吾衞上將軍,改右武衞上將軍。 仁珪領義州刺史,仁祚爲八作副使。 太祖選繼勳代之,月餘,京城肅然。 時向拱爲西京留守,多飲燕, 車駕還, 嘉其幹力,召見褒賞,以爲彰德軍節度,仍 繼勳以太平興國三年卒,年七十八,贈太 乾德三年,權知延州 太祖將幸洛,遣莊宅使王仁珪、內供奉 不省府事,羣盜白日入都市劫財, 四年,判右街仗 拱

繼 勳獵涉史傳,頗達治道,所至有善政。 然性吝嗇,多省公府用度,時論少之。 子守

節

擾 西川,命與上官正討平之。 守節字秉直,初補左班殿直,選爲江、淮南路採訪。 高、溪州蠻內寇,又命往 圖 還奏稱旨,擢閤門祗候。 方略, 守節言:「山 川 回 [險,非 李順 我 餘黨

之利。」詔許招納。

皆悔過內 咸平中, 列 傳 第 附,因 置江 + 爲 准 南、 焦 之畫界定約。 幽 荆湖路兵 勵 劉 重 馬都監, 進 還遷閣門通事舍人,監香藥権易院,三司言歲課增八十 首被選擢。 又討施、 夔州叛蠻,以 九〇四三 大義論

其酋

何以 餘萬 勸 時守節 邊 陲 効命者? 已爲衣庫副使, 」止以爲宮苑副 當遷閣門副使, 使。 眞宗謂輔臣曰:「守節緣財利羨餘而 遷橫行,

**免**所 求 神武 說 居官。 慚 奉 服。 大將軍致仕卒。 使契丹,館件丁求說指遠 久之,遷皇城副使, 一遷東上閤門使,加榮州 管勾軍頭引 口 謂 刺 日:「此黃龍府也。」守節應聲日:「燕然山 史。 見司 數請補外,歷知襄、鄧、汝三州,遷 坐以白直假樞密院副承旨 尹德潤 四方館使,以 距 此 幾許? 治

進 直 忠武 因賜是名。 劉 軍節度。 重 進 , 幽州人,本名晏僧。 遷 西 頭 供奉官, 再使契丹。 梁末隸軍籍。 契丹主以其敏慧 晉初,以 習 ,留爲帳 契丹語,應募使北 前 通 事 俄 邊,改右 南 侵, 署 班 殿

鼓, 重進杖遣之。 漢初, 移鎮 鄧州。 判 官 史在德謂重進 漢法, 禁牛 革 ·甚嚴, 不善用法,宜置 州民崔彦、 極典。 陳寶 選 及 大理、刑部詳覆, 八人自本鎮持革 指漢 重 進所 加 斷 廟 爲 鞔

乾祐 末, 罷鎭來朝。 周祖起兵至封丘, 韶重進與左神武統軍袁義率兵拒之, 重進 望塵

在德坐

一放入,杖

死之。

南 退 征 走 爲 周 右 廣順 廂 排 初, 陣 從征 使。 克州 顯德 三年, 未 幾, 世宗 封薛 聞 揚 國公。 州 無 備 俄召爲右神武統 ",遣宣 祖 韓令坤與重進等往 軍,累加檢校太師。 襲取 之,又 世宗

爲先 重進 鋒 其家,得玉 都 部署, 進 硯、玉杯盤、水晶盞 克 泰州。 初, 楊行密子孫居海陵, 、瑪瑙盌、翡翠瓶以獻。 號永寧宮, 俄命判廬州 周師渡淮、盡爲李景 行 .府事 兼行營都 所殺。 部

署,敗淮 者,重進殺三 人千餘于 千餘衆。 州境,又敗 及下 壽州,以 五百 1衆于 功 白 授武勝 城 湖 軍 節 及世宗再巡,吳師 度。 淮南 平,改鎭邠州 潰于紫金山 世宗北 有至 征,爲 東 山

鋒都指揮使。恭帝卽位,封開府。

旣退 徒善 譯語, ,謂左右曰:「觀 |宋 初 無他 進 一封燕國 才能, 重進 公。 値 製丹入 應對 建隆 三年 不逮常人,前朝以爲將帥, 中 秋,授右羽林統 原 , **遂至方鎭** 軍 及在 乾德 環 何足重耶? 衞, 五. 年,改 嘗從幸玉津 」六年,卒,年七十。 左領 軍 園, 衞 太祖 上將 軍。重 召與語

開 彦 置 封 麾 府 袁彦 步直 下, 河中 及 指 鎭 揮 河東 鄴 使。 ,以爲部直 人。 顯德 少以 初, 小將 趫 授內外步軍都軍頭,領泉州刺 勇 應 周 募從事, 廣順 中, 隸奉 世宗在澶淵 國 漢乾祐中, 史。 遷爲親 未幾,改岳州防禦使。 事 周祖 了都校。 領軍討李守貞,以 世宗尹京,改

列

傳

第

\_

軍職, 人,以 征 壽州 攻其城。 命彥爲武信軍節度,權侍衞步軍都指揮使。 爲城北 造 又命於渦口修 竹龍都部署。 橋 ·, 橋成, 竹龍者,以竹數十萬竿, 世宗幸焉, 因立爲鎭淮 又命爲淮南道行營馬步軍副都指揮使, 圍 而 相屬 軍 李繼勳以淮上失律,罷 設版屋 載 甲士數百

賜衣服、

金帶、鞍勒馬、鎧甲、器仗,遣赴軍前

信 仁贍降,從世宗攻濠、泗,又禽南唐將許文縝、邊鎬等以獻。 軍 節度。 太祖 下滌陽,禽皇甫暉、姚鳳,彥皆有勞績,詔褒之。 六年春,發近畿丁壯浚 五丈河,命彦董其役。 恭帝嗣位,移保義軍 又令率師屯下蔡以逼壽春。 師還,眞授步軍都指揮使,領彰 節 及劉

州 昭慶 宋 五 彦 年,罷鎮 初, 周朝所受告敕有二聖名諱者,特遷殿直。 加檢校太尉。 歸 闕,卒,年六十六。 是秋 來朝,改鎭曹州。 景德四年,特詔錄其孫昭慶爲借職。 乾德六年,爲靜難軍節 度。 開 大中祥符八年, 寶二年,移鄜

都指 祁 騎射, 揮使, 廷 訓 隸 本名廷義,避 遷內殿直都指揮使,繼領蘭、陸二州刺 周祖 帳 下。 太宗舊名改焉。 廣順 中,歷 東 西 班 河南洛陽 右 蕃 行 史。 人。 首 (四)、鐵 從征淮南, 父珪,梁左監門衞大將 騎 都 i 虞候。 賜以明光細甲, 世宗 刨 軍 位 令董舟 改 廷訓 東 西

班

平,以功遷 師巡江界。 吉州 吳人伏兵三江口葭菼中,掩擊廷訓,廷訓力戰大破之,俘馘千人,餘黨遁去。江北 團 練使,領鐵騎左廂 都指 揮使。 月餘,遷嵐州 防禦使,領龍捷右 厢都指 揮使。

宋初,爲安遠軍節度觀察留後,是秋,改河陽。乾德二年,又改彰德軍節度留後,俄權 知

鄧州 五年,就 拜義武軍節度

頟 一十八 軍 衞 開 上將軍。 寶二年, 太祖 五 年,坐私 征太原,以廷訓爲北面副都部署。 , 販竹木貴鬻入官, 責本衞大將軍。 太平 興國元 未幾,復舊官。 年來朝。 六年,卒,年 二年多,改 大

廷訓 形質魁岸,無才略,臨事多規避,時人目爲「祁橐駝」,以其龐大而無所取也。 五

周祖 是多,出爲 義軍,未幾,加檢校太尉。 通 爲 右 以 張 鐸, 廂 樞 都 密 密州防禦使,改 使鎭 河朔人, 指揮使; 鄴 少以材武應募隸 |鐸以所部從行,及起兵,鐸 俄並 亳州 兼 顯德三年,又移河中尹、護國軍節度 防禦使,鐸領永州 三年,授鎭 軍籍。 國 漢 通領 節度。 初,爲奉國右第 預 焉。 陸州 郊祀 廣順 畢, 初, 會改奉國爲虎捷,鐸 六軍都指 加檢校太傅。 鐸爲奉國左廂 揮使, 世宗初, 領澧州 都指 仍領 揮 其職。 使,韓 刺 移彰

常、 征 擅 熙三 借 河東,以鐸爲京城內外都巡檢,鄜州 習 太祖 公帑錢萬餘緡,侵用官麴六千四 |宋 年,卒, 初 得 以鐸宿舊,釋不問, 釋。 加檢校太師,俄復鎭 牟 七十二。 贈太傅。 罷鎭爲左 涇州 一百餅。 州官歲市 刺史高繼充、閑廐副使張守明分爲裏城左右廂巡檢。 屯衞上將軍,奉 事發, 馬,鐸厚增其直 召歸京. 朝 詔貰之。 請 師 而 已。 本州城緊其子保常及親吏宋 而私 俄命判左金吾街仗。 取之,累至 其所盜用,仍蠲除之,保 六萬 買, 及駕 及

授 位 嵐 州 內 殿直 子際 補 西 東 載至 人 都 西 虞候 勒 班 厥 左 承 旨, 一千牛衞 麻 領 誘衆叛,禹珪 恩州刺史。 改殿直, 大 將 軍。 帶御器械。  $\equiv$ 率 熙 年,出爲滁州 衆討之,俘六千餘 載子禹珪字天錫,粗 以材 勇擢居禁衞, 刺 史,知洛、瀛、 人,獲名馬孳畜甚 知書, 殿前散 霸 有方略, 三州, 祗候都虞候。 衆 幼事太宗藩邸, 並 兼 兵馬鈴轄,徙 卽

專 連 + 練使 餘 詔 人名 嘉 景 獎。 德 尋 付 初 知 會 中 授高 廣 書 河 信 「禹珪 堤決溢, 陽 軍 關 行營 天禧 預 禹珪 焉。 初, 副 | 率徒 都 遂 復爲高 部 知 塞之,宰相 署。 石 州,徙代、 易 契丹既 關 副都部 王旦使 |兗州 請 和 署 兗州 兼 又移 帝思守臣 知瀛州 澶州 還,言 頻 有武幹能鎮靜邊郡 其狀 明 年 勤 政治,以 召還,將授四廂之職, 優 詔 褒之。 瑞 麥生、 就 者, 拜 獄 親錄

卒,

年五

十九。

錄其二子。

李萬全,吐谷渾部人。 善左右射,隸護聖軍爲騎士,累遷至本軍都校,與田景咸、王暉

等從周祖入汴,號十軍主。顯德中,爲彰武軍節度。

挽強弓,老而不衰,帝亦以此賞之。 |宋 初,加檢校太尉、橫海軍節度。 乾德中代歸,太祖數召於苑中宴射。 萬全無將略,惟

改安國軍留後。 田景咸、王暉,皆太原人。 俄眞拜,陞本軍節度。 景咸仕漢,爲奉國右廂都校,從周祖入汴,爲龍捷左廂都校, 世宗時,拜武勝軍節度。 (宋初, 爲左驍衞上將軍。

開寶三年卒。

其意 ,引景咸徧閱囊儲,景咸方自釋。 景咸性鄙吝,務聚斂,每使命至,惟設肉一器, 在那州 日, 使者王班至,景咸勸班酒曰:「王班請滿 賓主共食。 後罷鎭,常忽忽不樂。 妻識

弗問焉,至右 飲。」典客曰:「是使者姓名也。」景咸悟曰:「我意『王班』是官爾,何不早論我。」聞者笑之。 暉性亦吝嗇, 神武統軍。 貲甚富, 而妻子 建隆四年,終右領軍衞上將軍。 飯疏糲,縱部曲誅求,民甚苦之。 世宗以先朝功臣,知而

列傳第二十 李萬全 校勘記

悍不可屈之氣,俛首改事, 論曰:太祖事漢、周,同時將校多聯事兵間,及分藩立朝,位或相亞。 且爲盡力焉。 揚雄有言:「御之得其道,則狙詐咸作使。」此太祖 宋國建、皆折其猛

### 校勘記

之英武而爲創業之君也歟。

會淮南與朗州馬希蕚合兵淮南 處所說不合,疑「合兵」下之「淮南」二字有誤。 月丙午,馬希廣請漢發兵援助,通鑑並有「乞發兵屯澧州以扼江南、荆南援朗州之路」一語,同此 南、淮南(通鑑作「江南」)、廣南(通鑑作「嶺南」)合謀,欲分割湖湖(通鑑作「湖南」),乾祐三年十 按舊五代史卷一〇三隱帝紀、 通鑑卷二八九後漢紀都說是荆

- 3 康 延沼 原作「康延昭」,據本書卷二五五本傳、通鑑卷二九〇改。
- 3 横海軍 至宋都是橫海軍節度使駐地,見五代會要卷二四、本書卷八六地理志。 原作「廣海軍」,按舊五代史卷一二〇周恭帝紀作「陳思讓爲滄州節度使」,滄州自後唐 據改。
- 四 東西班右蕃行首 「右蕃」,本書卷二七八馬全義傳作「右番」,當是。 參考該傳校勘記 (三)。

# 宋史卷二百六十二

列傳第二十一

李穀 趙上交子職 昝居潤 張錫 竇貞固 張鑄 李濤 邊歸讜 弟澣 孫仲容 劉温叟 子燁 王易簡 孫几

劉濤

邊光範

劉載

程羽

所困,發憤從學,所覽如宿習。年二十七,舉進士,連辟華、泰二州從事。 李穀字惟珍,潁州汝陰人。身長八尺,容貌魁偉。少勇力善射,以任俠爲事,頗爲鄉人

事中。 度支判官,轉吏部郎中,罷職。 守,加穀虞部員外郎,仍舊職。少帝爲廣晉尹,穀又爲府推官。及卽位,拜職方郎中,俄充 晉天福中,擢監察御史。少帝領開封尹,以穀爲太常丞,充推官。 爲馮玉、李彥韜所排。 會帝再幸河北,改三司副使,權判留司三司事 天福九年春,少帝親征契丹,詔許扈從,充樞密直學士,加給 晉祖幸鄴, 少帝居

列傳第二十一 李穀

謁者 至州 ,穀獨拜迎於路,君臣相對泣下。 開 穀禽斬之,密送款於漢祖,潛遣河朔酋豪梁暉入據安陽,契丹主患之,即議 二年秋,出爲磁州刺史、北面 水陸轉運使。 穀曰:「臣無狀,負陛下。」因傾囊以獻。會契丹主發使 契丹入汴,少帝蒙塵而 北,舊臣 北旋。 一無敢候

設 我疾甚,如 叡 刑具,謂之曰:「爾何背我歸太原?」「穀曰:「無之。」」契丹主因引手車中,似取所獲文字,而 知其詐, 會有告契丹以城中虛弱者,契丹還攻安陽,陷其城,穀自郡候契丹,遂見獲。 穀 能 詞不屈。 因請曰:「如實有此事, 乞顯示之。」契丹國制, 人未伏者不卽置死。 ||救我,則致爾富貴。」||穀曰:「實無術,蓋爲人所陷耳。」||穀氣色不撓,卒寬之。 契丹主病,且曰:「我南行時,人云爾謂我必不得北還,爾何術知之? 自後凡詰穀 契丹主先

令 中 握 在 甲 城中。 原 勁 有 兵, 俄 童 而 [其居以求略,旣得之,復欲殺|崧等滅口。 德光道殂 會李筠、何福 能 責 公以 死 節,雖逐 專殺,其 ,永康繼立,署穀給事中。 進率兵逐麻荅,推護聖指揮使白再榮權知留後。 契丹將,城中戰死者數千人,非獨 將 何辭以對? 」再榮甚懼,崧等獲免 時契丹將麻荅守眞定,而李崧、和凝與家屬皆 穀遽見再榮謂之曰:「今國亡主辱,公輩 公之力也。 再榮利崧等家財, 朝殺宰相 ··; 卽 日

京畿多盜,中牟尤甚,瀔誘邑人發其巢穴。 漢 初 拜 左 散 騎常侍。 舊制,罷外 郡 歸本官,至是進秩,獎之也。 有劉德興者,梁時屢攝畿佐,居中牟,素有幹材, 俄權 判開封

穀卽署攝本邑主簿。 狹旬, 製請侍衞兵數千佐[德輿, 悉禽賊黨, 其魁一 即縣佐史,一御史臺

搜其家,得金玉財貨甚衆,自是行者無 患。 俄遷工部侍 郞

漢乾祐 但對以人臣當盡節奉上而已。 祖兵入汴,命權判三司。 周 中,周祖討河中,穀掌轉運,時周祖已有人望,屬漢政紊亂,潛貯異志, 祖 西征,爲西南面行營水陸轉運使。 廣順初,加戶部侍郎。 故開國之初,倚以爲相。 關右平,改陳州 未幾,拜中書侍郎、平章事,仍判三司。 是歲, 刺史。 准陽吏民數千詣闕請立生 會有內難,急召赴闕。周 屢以諷穀,穀

用。 盡,穀生於外。旣貴,訪得舊地, 又奏罷屯田務,以民隸州縣課役,盡除宿弊。 先是,禁牛革法甚峻,犯者抵死。 建蘭若,又立垣屋,凡族人之不可仕者分田居之。 製乃校每歲用革之數,凡田十頃歲出一革,餘聽民私 穀父祖本居河南洛陽,經巢之亂, 韶改清 園廬蕩

祠,許之,穀懇讓得止。

肩輿, 召至便殿勉諭。 二年,晨起仆階下,傷右臂,在告,旬中三上表辭相位,周祖不允,覓朝參,視事本司 製不得已, 起視事。 征兗州, 為東京留守、判開封府事

風

郷高

陽里爲賢相鄉勳德里。

追 及 乘輿,世宗 顯德 初, 加 慰撫之。 右僕射、集賢殿大學士。從世宗征太原,遇賊於高平,匿山谷中,信宿而出, 世宗將趨太原,命穀先調兵食,又代符彥卿判太原行府事。 師還,

端明、 進位 之,命穀領護,刻期就 司空、門下侍郎,監修國 樞密直學士編記言動,爲內廷日曆,以付史官。 史。 穀以史氏所述本於起居注,喪亂以來遂廢其職,上言請令 是歲,河大決齊、軍,發十數州丁壯塞

功。

掠奪,准北役夫數百悉陷于壽春。世宗聞之怒,亟命李重進率師伐之,以穀判壽州行府。 數千于來遠,又破千餘人于山口鎮,進攻上窰,又敗千餘衆,獲其小校數十人,長圍壽春。 是秋,詔歸闕,得風痺疾,告滿百日,累表請致仕,優詔不允。每軍國大事,令中使就第問 初,世宗至圉鎭,已聞此謀,亟走內侍乘馹止之。|穀已退保正陽,仍焚芻糧,回軍之際,遞相 我師無水戰之備,萬一斷橋梁,隔絕王師,則腹背受敵矣。不如退守浮梁,以待戎輅之至。」 南唐遣大將劉彦貞來援,穀召將佐謀曰:「今援軍已過來遠,距壽陽二百里,舟櫂將及正陽。 度王彥超副之口了,韓令坤以下十二將率從。 一年多,議伐南唐,以穀爲淮南道行營前軍都部署,兼知廬、壽等州行府事,忠武軍節 穀領兵自正陽渡淮,先鋒都將白延遇敗吳軍

宗令范質、王溥就|製謀之。 平,賞賜甚厚。 几 年 春,吳人壁紫金山,築甬道以援壽春,不及者數里。 出製疏,令翰林學士承旨陶穀爲贊以賜之。是夏,世宗還,穀扶疾見便殿, 製手疏請親征,有必勝之利者三,世宗大悅,用其策。 師老無功,時請罷兵爲便,世 及准南

祿奉爲言。」穀愧謝而退。俄以平壽州,敍功加餧邑。 人有疾,棄而不養,非父之道也。 韶令不拜,命坐御坐側。 以抱疾既久,請辭祿位。 朕君臨萬方,卿處輔相之位,君臣之間,分義斯在,奈何以 世宗怡然勉之,謂曰:「譬如家有四子, 是秋,穀抗表乞骸骨,罷相,守司空,

同三司,進封趙國公。求歸洛邑,賜錢三十萬,從其請。 加邑封,令每月肩輿一詣便殿,訪以政事 五年夏,世宗平准南 回,賜穀錢百萬、米麥五百斛、芻粟薪炭等。 太祖即位,遣使就賜器幣。 恭帝卽位,加開府儀 建隆元

年,卒,年五十八。太祖聞之震悼,贈侍中。

後果如其言。|李昉嘗爲||穀記室,在淮上被病求先歸。||穀視之曰:「子他日官祿當如我。」| 昉 告穀曰:「若江東相我,我當長驅以定中原。」穀笑曰:「若中原相我,下江南探囊中物耳。」穀 爲之聳聽。人有難必救,有恩必報。好汲引寒士,多至顯位。 穀爲人厚重剛毅,深沉有城府,雅善談論,議政事能近取譬,言多詣理,辭氣明暢,人主 ,與韓熙載善,熙載將南渡,密

周 顯德中,扈載以文章馳名,樞密使王朴薦令知制誥。除書未下,朴詣中書言之。穀

後至宰相、司空。

知制誥,遷翰林學士,未幾卒。 世謂朴能薦士,瀔能知人。 製歸洛中,昭義李筠以製周朝名

列

第二十

孪

昝

居潤

相 ,遺錢五 十萬 他物稱是,穀受之。 既而筠叛,穀 憂恚而終。 子吉至 一補闕 |拱 至太子

滑 州 廩庚,遂 咎 居潤 ,博州 補 牙職 高 唐人。 會景延廣留守西洛,署爲右 善書計。 後 唐 長 興 中,隸 職。 樞 密院 延廣 爲 卒,居潤往依陝帥白文珂, 小 吏,以謹 愿 稱 晉初, 出 文 珂

致仕,乃表薦居潤於周祖。

宣徽北院使兼副留守。 秋,遷內客省使,代王朴知開封府。 <u></u>廷祚出塞河,命居潤權知開封府事。 州 從向拱 時世宗尹京,詔以補府中要職 西征,爲行營都監,秦、 五年夏,南征還,復判開封府。 鳳平,以居潤爲秦州, 四年,再幸壽州,命爲副留守。 廷祚爲樞密使,眞判開封府, 即位,擢爲 軍器庫使。 六年,征關南,爲東京副留守。 歷知鳳翔台、河中府。 從征高平,以功遷客省使, 改左領軍衞上將軍。 十月,幸准上,以居潤 顯德三 及吳 知青 年 爲

帝嗣位,加檢校太傅。

年,卒,年五十九,贈太師。

軍 建隆 太祖 立, 二年,又權 加檢校太尉。 知 澶州。 及征澤、潞, 八月,拜義武軍節度,在鎭數年, 命赴澶州巡警。 師還, 得 權知鎭州, 風痺, 韶還京師 加左 領軍衛上 乾德四 將

所執。 居潤 遼人在洛者遽欲恣摽掠,延廣僚吏部曲悉遁,獨居潤力保護,其家以安。居潤與太祖 .性明敏,有節槩,篤於行義。 初,晉室將亡,景延廣委其族自洛赴難,至則爲遼人

同 心事世宗,情好款狹,嘗薦沈倫於太祖,以為純謹可用,後至宰相,世稱其知人。

子惟質至內園使,弟居濟至水部員外郎。大中祥符三年,錄其孫建中爲三班借職

位,擢爲戶 萬全主簿。 **竇貞固字體仁,同州白水人。父專,後唐左諫議大夫。貞固幼能屬文,同光中舉進士,補** ,部員外郎、翰林學士,就拜中書舍人。 丁內艱去官,服除,授河東節度推官。時晉祖在藩,以貞固廉介,甚重之。及卽

尙聞擇善; 各司 加獎賞; 有 隱淪;昭代用材,政理固無紊亂。 議定一人,有何能識,堪何職官,朝廷依奏用之。 」,魯所以譏文仲。 天福三年,詔百僚各上封事,貞固疏曰:「臣聞舉善爲明,知人則哲。 如乖 十目所 其舉,或涉狗私,所奏之官,宜加殿罰。 視,必不濫 爲國之要,進賢是先。 知。 臣職在論思,敢陳狂狷。」書奏,帝深嘉之,命所司著爲令 求賢若渴,從諫如流,鄭所以譽子皮;□ 陛下方樹丕基, 自然官由德序,位以才升。三人同行, 若能符薦引,果謂當才,所奏之官,望 ,宜求多士。 聖君在位,藪澤豈 乞降詔百僚, 令

列

傳

第

\_

節、樂章及二舞行列。 改御史中丞,與太常卿崔梲、刑部侍郞呂琦、 歷刑部、門下二侍 郞 禮部侍郞張允同詳定正多朝會禮

改令書試,貞固以書晷短,難盡士材,奏復夜試。擇士平允,時論稱之。改刑部尙書,出爲 潁州團練使。 歲餘,復拜刑部尙書。 少帝卽位,拜工部尙書。遷禮部尙書,知貢舉。 舊制,進士夜試,繼以三燭。 長興二年

周之后稷,魏之武帝,晉之三廟是也。 廟。及自古聖王祖有功、宗有德、更立始祖在四廟之外,不拘定數,所以或五廟或七廟。今請 六世之義也。今陛下大定寰區,重興漢祚,旁求典禮,用正宗祧,伏請立高、曾、祖、爾四親 隋、唐,或立六廟,或立四廟,蓋建國之始,未盈其數也。禮曰『德厚者流光』,此天子可以祀 四也。』又曰:『七廟者,據周也。 有其人則七,無其人則五。』至|光武中興,及覷、晉、宋、齊、 帝以姓自漢出,遂襲國號,尊光武爲始祖,并親廟爲五。詔羣臣議,貞固上言曰:「按王制: 尊高皇帝、光武皇帝爲始祖,法文王、武王不遷之制,用歷代六廟之規,庶合典禮。」漢祖從 論者以天子建國,各從其所起,堯自唐侯,禹生大夏是也。 漢祖入汴,貞固與禮部尚書王松率百官見于滎陽西,漢祖駐駕,勞問久之。初營宗廟, ,七廟,諸侯五,大夫三,士一。』正義曰:『周之制七廟者,太祖及文王、武王之祧與親廟 高祖起於晉陽,而追嗣兩漢,徒以同姓爲遠祖,甚非 立廟皆祖其有功,商之契,

部尙書。

M、史弘肇、王章樹黨恣横,專權凌上,貞固但端莊自持,不能規救。 首, 臭聞百步外,人皆異之。 蠱,若贅在喉中,常鯁閡。及爲相日,因大吐,有物狀蜥蜴落銀盤中,毒氣衝盤,焚於中衢, 以貞固持重寡言,有時望,乃拜司空、門下侍郎、平章事、弘文館大學士。 初,帝與貞固同事晉祖,甚相得。 隱帝卽位,加司徒,改本貫永安鄉爲賢相鄉,班瑞里爲勳貴里。 時蘇逢吉、蘇禹珪自霸府僚佐驟居相位,思得舊臣冠 貞固少時中

役,齒爲編民。 改監修國 稱太后制,委貞固與蘇禹珪、王峻同掌軍國政事。 周祖兵起,貞固與蘇逢吉奉隱帝兵次于野,敗。 史。 俄罷相,守司徒,封沂國公。 貞固不能堪,愬於留守向拱,拱不聽 世宗卽位,以范質爲司徒,貞固遂歸洛陽,輸 周祖登位,加兼侍中。 逢吉倉黃自殺,貞固遂詣周祖。 會以馮道爲首相, 周祖

水,與布衣輩攜妓載酒以自適。 宋初,以前三公赴闕陪位,詣范質,求任東宮三少,預朝請,質不爲奏。 開寶二年病困,自爲墓誌,卒,年七十八。 乃還洛,放曠山

列

朱梁革命,元以宗 字信臣 ,京兆萬年人。唐敬宗子郇王瑋十一 室懼 一禍,挈濤避地湖南,依馬殷, 署濤衡陽令。 世孫。 祖鎮 " 臨濮 **濤從父兄郁仕梁爲閤門** 令。 父元,將作監。

使,上言濤父子旅湖湘,詔殷遣歸京師,補河陽令。

後 唐天成初,舉進士甲科,自晉州從事拜監察御史,遷右補闕。 宋王從厚鎭鄴,以濤爲

魏博觀察判官。歲餘,入爲起居舍人。

託, 當巢、蔡之亂,京師爲 |牢。 郞 止 罪繼 中 故齊王 濤 晉 表其事, 祚 天福初, 妻子。」從之。 全義子張繼祚者實黨之,晉祖將族其家。 晉 改考功員外郎、史館修撰。 祖嘉之。 墟 一,全義 嘗 奉 正辭坐 詔爲宋州 手披荆棘,再造都邑,垂五十年,洛民賴之。乞以 降一階, 括田使, 晉祖幸大梁,張從賓〔三以盟津叛,陷洛陽,扼虎 濤 遷羧儀令。 前雄州刺史袁正辭齎束帛遺濤, 濤上疏曰:「全義歷事累朝,頗著 改比部郎中、鹽判官(1),改刑部 全義之故, 以田 动效。 園 爲

晉 伏 鐵券,今復安在?」晉祖不能答,即拂衣起,濤隨之,諫不已。 閣 祖 抗 涇 :「吾與彥澤有 疏 帥張彥澤殺記 請 置 於法。 誓約,恕其死。」 室張式,奪其妻,武家人詣闕上訴。 晉祖召見諭 之, |濤 濤植 厲 聲曰:「彥澤 笏叩階,聲色俱 私誓,陛下 晉祖以彥澤有軍 厲, 晉祖不得已,召式父鐸、弟守 晉祖怒叱之, 不忍食其言; 功, **濤執笏如** 范延光嘗賜 釋其罪。

是,范延光據鄴叛,晉祖賜鐵券許以不死,終亦不免,故濤引之。 貞、子希範等皆拜以官,罷彥澤節制。 |濤歸||洛下,賦詩自悼,有「三諫不從歸去來」之句。 晉祖崩, 濤坐不赴臨, 停。 先

未幾,起爲洛陽令,遷屯田職方郎中、中書舍人。

|澤曰:「舍人懼乎?」|濤曰:「今日之懼, 之事。」彥澤大笑,命酒對酌,濤神氣自若 會契丹入汴,彥澤領突騎入京城,恣行殺害,人皆爲濤危之。 亦獨足下昔年之懼也。向使先皇聽僕言,寧有今日 濤詣其帳,通刺謁見。 彦

帥 稱旨,漢祖嘉之。至汴,以爲翰林學士。 不協。 漢祖起義至洛,濤自汴奉百官表入對,漢祖問京師財賦,從契丹去後所存幾何,濤具對 濤密疏請親征。 高祖覽奏,以濤堪任宰輔,即拜中書侍郞兼戶部尙書、平章事。 杜重威據鄴叛,高祖命高行周、慕容彦超討之,二

歸第。 旣寤,心異之。 濤 疏請出邪等藩鎭,以淸朝政。 隱帝不能决,白于太后,太后召邪等諭之。 隱帝卽位,楊邪、周祖共掌機密,史弘肇握兵柄,與武德使李鄴等中外爭權,互作威福 時中書廚釜鳴者數四,濤畫寢閣中,夢嚴飾廳事,羣吏趨走,云迎新宰相帶諸司 數日濤罷,以別爲相無樞密使。 及周祖舉兵,太后倉皇涕泣曰:「不用李濤 反爲所構, 冤相 使,

周初, 起爲太子賓客,歷刑部、戶部二尙書。 世宗晏駕,爲山陵副使。 恭帝卽位, 封莒 之言,宜其亡也。

國公。

六十四,贈右僕射。 尚書 斬 隊 了.坐視軍校無辜殺人,鳥得不奏? 家 長陳琲等十人,丁夫七十人皆杖一百,刵其左耳。 宋初,拜兵部尚書。 ·人謂濤曰:「公久病,宜自愛養, 建隆二年,濤被病。 」太祖覽奏嘉之,詔削奪勵官爵,配隸許州。 朝廷事且置之。」濤憤言曰:「人孰無死,但我爲兵部 有 軍校尹勳董浚五丈河,陳留丁壯夜潰,勳擅 濤聞之, ,力疾草奏,請斬勵以謝 濤卒,年 百

以孝 承休子仲容 友聞。 濤 慷 慨有大志,以經綸爲己任。 景 德三年,其孫惟勤詣闕自陳, 工爲詩,筆札遒媚,性滑稽,善諧謔,亦未嘗忤物,居家 韶授許州司士參軍。 子承休至尚書水部郎中,

|榮敗 會廢 侍 郎楊凝式撰 學士 濤弟澣字日新。 勒歸? 一院 田 里。 出為吏部員外郎, 公神道 久之,起爲校書郎、集賢校 一碑,令澣代草,凡萬餘言, 幼聰敏,慕王、楊、盧、駱爲文章。 遷禮部郎中、知制誥。 理。 文彩遒麗,時輩 晉 天福 復置翰林, 後唐長興初,吳越王錢鏐卒,韶兵 Ц1 , 稱之。 拜右拾遺, 遷中書舍人, 秦王從榮召至 俄召 爲 再爲學士。 翰 幕中,從 林學士。

時濤在西掖,縉紳榮之。

死,述律立,以其妻族蕭海貞爲幽州節度使。 契丹入汴, 澣與同職徐台符俱陷塞北。 永康王兀欲襲位,置澣宣政殿學士至。 海貞與澣相善,澣乘間諷海貞以南歸之計,海 兀欲

撫,仍命澣通信。 周廣順二年,澣因定州孫方諫密表言契丹衰微之勢,周祖嘉焉,遣諜者田重霸齎詔慰 | 澣復表述||契丹主幼弱多寵,好擊鞠,大臣雜貳,若出師討伐,因與通好,乃

**貞**納之。

收澣文章編之爲丁年集。澣二子,承確主客郎中,承續職方郎中。 | 澣在契丹嘗逃歸,爲其所獲,防禦彌謹。 契丹應曆十二年六月卒,時建隆三年也。

其時也,請速行之。屬中原多事,不能用其言。

史館、司農寺,復知制誥。及石中立、張觀補學士,始以爲翰林侍讀學士。久之,兼龍圖閣 學士,至戶部侍郞卒。 議大夫。 問題義,對稱旨,詔試中書,擢左司諫、直史館。天聖中,以起居與爲知制誥,累遷右諫 仲容字儀父,舉進士甲科,除大理評事、知三原縣。累擢監察御史,爲殿試進士考官。 在西掖八年,次當補學士,而不爲宰相張士遜所喜,罷爲給事中、集賢院學士、判

仲容性醇易,喜飲酒,不與物忤,與人言,未嘗及勢利。三弟早卒,字其諸孤十餘人如 傳第二十一 李 濡 王 易 簡 九〇六三

己子,當世稱其長者 然於吏事非所長。 自集制草為冠鳳集十二卷。

父貫,唐州刺史。 |友海鎭陝,易簡舉進士,詣府拔解,友誨贈錢二十萬。 觀察支使。 易簡字國寶, 府罷,華帥李保衡復辟從事。 易簡少好學,工詩。 京兆萬年人。性介特寡合。 會僖宗幸蜀,長安兵亂,避地山谷。 踰年,尹皓代保衡,易簡 會祖朏, 明年遂擢第,復隱華山。 唐劍州刺史。 仍在幕 府。 祖遠, 梁乾化中,邵王 |別的韓恭辟 連州 刺

旨,出爲鄧州 下令曰:「有敢復言者斬。」易簡 友謙遂遁去。<br />
皓卒,<br />
易簡歸田里。<br />
久之,<br />
召爲著作郎,<br />
數月棄去。 會朱友謙以河中叛歸莊宗,攻華州甚急,城中危懼,咸請築月城以自固。 節度推 官。 固請,乃許。 板築始畢,外城果壞,軍民賴之。 復召爲右拾遺, 會夜 皓恃勇不聽, 不能攻, 上書件

地。 記室 見志,好事 即召爲祠部員外郎,改水部郎中、知制誥,拜中書舍人。 後 唐 同光中,遺魏王繼岌伐蜀,以宰相郭崇韜爲招討使,辟易簡爲巡官,改魏王都督 者多傳誦。 **明宗**即位, 周帥 秦王 從榮聞 羅 周恭辟爲掌書記。 而 重之, 謂宰相 府罷, 馮道、李愚曰:「易簡有才,豈宜久居外 退居華陰,作小隱詩二十首 1 井 序 以 府

湫隘,易簡奏舉故事,一歲得光省錢二百萬,繕治省署及造器物,號爲舉職。 錄長定格取解條,下諸州,板置州院門,每取解時,準條式遵行。」從之。一晉祖在大梁,臺省 人詣都,親求解樣,往來跋涉,重可傷閔,傳寫少差,旋復驗放。 乞自今委南曹詳定解樣,兼 判吏部銓。嘗上言:「選門格敕條件具存,藩府官僚習熟者少,凡給文解,未曉規程,以致選 答,以論付史館。及廢翰林學士,易簡兼知內制,又拜御史中丞,歷右丞、吏部侍郎、左丞、 晉初, 賜金紫,判弘文館、史館事。晉祖爲治務求速效,易簡上漸治論以諫之,詔書褒

年,告老,以太子少保致仕,歸鄉里。 刑 語尙書。周祖將親郊,命判兵部,會册四廟,命爲副使。周祖晏駕,爲山陵副使。 周朝諱「簡」,易止名易。廣順初,遷禮部尚書。是多,合三銓爲一,令易簡權判,俄改 顯德四

七十九。子景讓,進士及第,至尙書郎。 宋初,召加少傅。 所居華陰,構一鳴堂、二品樓,優游自適。 建隆四年四月,無疾卒,年

趙上交,涿州范陽人。本名遠,字上交,避漢祖諱,遂以字稱。 祖光鄴,鄂州錄事參軍。

父簡章,涿州 列 傳 第 司馬。 二十 上交身長七尺,黑色,美風儀,善談論,負才任氣,爲鄉里所推 趙 上 交

|交由 表爲 世子、戾太子之事乎? 不遵禮法,好昵羣小。 李澣、張沆、魚崇遠皆白衣在|秦府,悉與上交友善。 是 判官, 上交不得志,因南游洛陽,與中官驃騎大將軍馬紹宏善。 後 唐 知名 同光中, 遷殿中丞。 嘗詣中山干王都。 」從榮怒出之,歷涇、秦二鎭州節度判官。 上交從容言曰:「王位尊崇,當修令德以慰民望,王忍爲此,獨不見恭 秦王從榮開府兼判軍衞,以上交爲虞部員外郎, 有和少微者亦在都門下,忌之,頗毀訾上 累遷司封郎中, 紹宏領北面 從榮及禍,僚屬皆坐斥,上 充判官。 充六軍 轉運制置 從榮性豪邁, 交,都遂 諸衞 推 大 H 使,

庶 外 庶 不 知 使 官, 限 絕 內 內 蕨 欺罔, 以存 外 |晉 並 外同 制 月赴選,許 初 加 旌賞。 召為 遷 ,律。 刑 激 部侍 左司郎中、度支判官,歷右諫議大夫。 韶從之。 勸。 諸道 个超資注官,仍賜章服。諸道州府給付公驗,躬赴行部投狀(fi),隨給優牒, 鄓。 載許元 州 縣委長吏抄案以聞。 掌上言:「伏覩長興中詔書:『州縣官 俄遷戶部侍 韶,止言州縣,未該 郎,拜 御 俟本 史中丞,彈舉 內外 人考满,即 職司。 會廢翰林學士,以上交爲中書舍人、 無 乞自今但 在任詳讞刑獄、昭雪人命者, 所 詣 刑 या 部投狀,毋得隔越年歲, 避 能雪活寃獄,不限中

**丹去**, 契丹入 上交請去僞號,稱梁王。 汴, 立明宗幼子許 王從益 漢祖將至,從益遣上交馳表獻款,授檢校禮部尚書、太僕卿, 爲帝 ",以 禮部尚書王崧爲 左丞 相, 上交爲右 丞相。

廣順初,拜禮部侍郎。會將試貢士,上交申明條制,頗爲精密,始復糊名考校。

王峻用事,常薦童子,上交拒之。峻怒,奏上交選士失實,貶商州司馬,朝議以爲太重,會峻 甲科,及取梁周翰、董淳之流,時稱得士。轉戶部侍郎。 明年再知舉,謗議紛然。 時樞密使 擢扈載

貶乃止,但坐所取士李觀、侯璨賦落韻,改太子詹事。 顯德初,遷賓客。二年,拜東部侍郎,多請告不朝,時出游別墅。 世宗因問陶穀曰:「上

|交豈衰老乎。」||穀對日:「上交昔掌貢舉,放鬻市家子||李觀及第,受所獻名園,多植花卉,優

游自適。」世宗怒,免其官。

輔器。 宋初,起爲尚書右丞。建隆二年正月,卒,年六十七。上交所蒞官以幹聞,當時稱有公 尤好吟詠,有集二十卷,張昭爲序。

補千牛備身,歷秘書郎、殿中丞、著作郎。卒,年二十六。有集十卷,太宗嘗取以入內。 子曮字可畏。七歲喪母,過哀。十二能屬文,與兄晙同舉進士,未成名而兄夭,遂以蔭

列 傳 第

二 十

趙

上 交

張 錫

張 饝

務,鄆以牙將主之,頗橫恣,民有犯麴三斤,牙將欲置于死,君鐸力不能救。 百斛私造麴,事覺,錫判曰:「麴犯三斤,求生不克,麥盜百斛,免死誠難。」時郡吏以使府牙 張錫 福州閩縣人。 梁末,劉君鐸任棣州刺史,辟爲軍事判官。 |棣爲||軍之屬郡,郡有麴 旣而牙將盜 麥

將乞免,錫不允,固置于法。

顯德中,以老疾求解官,授右諫議大夫致政。 獨全,棣人賴之。後爲淄川令,不畏強禦,專務愛民,刺史有所徵,不答, 拜右補闕,歷起居郎、刑部員外郎、開封府判官、浚儀令、司門駕部二郎中,並以淸節聞。 白其事於宰相馮道。 同光末,趙在禮舉兵於鄴,瀕河諸州多構亂,錫權知州事,卽出省錢賞軍,皆大悅,一郡 道知錫介直,即奏召爲監察御史,出爲陝、虢觀祭判官。 由是銜之。 晉開運二 及代, 居

往依鄉人鄧州觀察判官黃保緒。 宋初,改給事中。 錫無子,宰相范質嘗兄事之,館於別墅。 建隆二年六月,卒于穰下。 以執政之門,不欲久處,

士。楊至翰林學士承旨、天平軍節度、檢校吏部尙書。文蔚,中書侍郎、平章事,五代史有傳。 張鑄字司化,河南洛陽人。性淸介,不事生產。 曾祖居卿,祖裼,父文蔚,在唐俱舉進

鑄,梁貞明三年舉進士,補福昌衞〔+〕、集賢校理,拜監察御史,遷殿侍御史。仕後唐,歷

起居郎、金部員外郎,賜緋,改右司員外郎。

疇,用資倉廩。 墾蒔,俟及五頃已上,三年外始聽差科。」從之。 使兩浙還,遷考功郞中。 司以定色役,民畏責斂,捨之而去,殊乖撫恤之方,徒設招攜之令。 望令諸州應有荒田縱民 明宗初,轉金部郎中,賜金紫。 竊見所在鄉村浮戶,方事墾闢,甫成生計,種田未至二頃,植木未及十年,縣 **嘗上言曰:「國家以務農爲本,守令以勸課爲先,廣闢** 田

運二年, 禄卿, 司西京。 晉天福初, 又以祖名請避,改秘書監、判光祿寺。宋初,加檢校刑部尙書。 召爲太常少卿,避曾祖諱不拜,改秘書少監、判太常寺事。 周廣順初,入爲左諫議大夫、給事中,使朗州。 福州王延義奉表稱藩,遣鑄持節册爲閩國王。 顯德三年,授檢校禮部尙書、 少帝卽位, 踰年,轉右庶子, 建隆四年,卒,年 改河南令。 開

册文,皆詔鑄書之。及卒,身無兼衣,家人鬻其服馬、園圃,得錢十萬以葬 屬美麥儀, 善筆札, 老能燈下細書如蠅頭。 由晉以來,天地、宗廟及上徽號、封拜王公

|邪 晉 祖鎭太原,召置門下, 歸 讜 字安正 幽 州薊人, 表爲河東節度推官、試秘書省校書郎,改太原府推官、試大理 父退思,檀州 刺史。 歸讜弱冠以儒 學名。 後唐 末, 客遊井、

需,以豐傔從, 福 部郎中、知制誥 初, 拜監察御史。 多索人驢, 用遞行李。 歷右諫議大夫、給 歷殿中侍御史、禮部員外郎, 挾命爲勢, 事 中。 凌下作威, 供億稍 嘗上言:「使臣經過州縣,券料外妄自 充戶部判官。 遲, 遷水部 即加鞭箠, 郞 中, 賜 金 徴

辱,

寧冤怨嗟。

欲望察訪得情,嚴示懲戒。」從之。

俄遷右散騎常侍

明 匿 行 名 書及 條 周 漢 廣 制,禁遏 初 言風 順初,遷兵部、戶部二侍郎。 歷禮部、刑部二侍郎。 ,聞事,構害善良,有傷風化,遂使貪吏得以報復私怨,讒夫得以肆其虛誕。 誣 問。凡顯有披論,具陳姓名。 時史弘肇怙權專殺,閭 世宗聞其亮直,擢爲尚書右丞、樞密直學士,以備顧 其匿名書及風聞事者並望止絕。」論者韙之。 里告訐成風。 歸讜言曰:「邇來 請

間。 就 轉 左丞,世宗以累朝以來憲綱 不 振, 命爲御 史中丞

本村民,因獻策擢拾遺,有妻復娶,又言涉指斥,坐決杖配流,故歸讜語及之。 至 歸 於 讜 雖 杯 號 前 康 直, 加 世宗命黃門扶出之。 性 剛 介, 言多忤物。 歸 顯 讜 德三年多, 回 顧 曰:「陛下何不決殺 大宴廣德殿, 趙守 歸讜 微。」 酒酣, 翌日 ,伏閣請 守微者, 揚袂言

罪,詔釋之,仍於閤門復飮數爵,以愧其心。 五年秋,歸讜與百官班廣德殿門外,忽厲聲聞

於帝,詔奪一季奉。

雍熙二年進士及第。 宋初,遷刑部尚書。 建隆三年,告老,拜戶部尚書致仕。乾德二年,卒,年五十七。子定,

察御史,分司。時臺署廢弛,温叟作新之。未幾,召爲右補闕。 以蔭補國子四門助敎,河南府文學。清泰中,爲左拾遺、內供奉。以母老乞歸就養,改監 望,相昭宗。父岳,後唐太常卿。 兒風骨秀異, 所未知者壽耳。今世難未息, 得與老夫皆爲温、洛之叟足矣。」故名之温叟。 劉温叟字永齡,河南洛陽人。性重厚方正,動遵禮法。 温叟七歲能屬文,善楷隸。岳時退居洛中,語家人曰:「吾 唐武德功臣政會之後。 叔祖崇

堂下。 初, 岳仕後唐, 嘗居內署, 至是温叟復居斯任, 時人榮之。 温叟旣受命, 歸爲母壽, 候立 命典文翰,又改廣晉府巡官。少帝卽位,拜刑部郎中,賜金紫。改都官郎中,充翰林學士。 晉初,王松權知靑州,表爲判官,加朝散階。入爲主客員外郎。少帝領開封尹,奏爲巡官, 須臾聞樂聲,兩青衣舉箱出庭,奉紫袍、兼衣,母命捲簾見温叟曰:「此即爾父在禁中

列傳

第二十一

劉

溫曳

滿

加知制誥

日 內 庫所賜者。」温叟拜受泣下,退開影堂列祭,以文告之。 母感愴累日,不忍見温叟。 歲

趙延壽曰:「若學士才不稱職求解者,守本官可也,不可加貶出。」遂得罷職出院。 契丹入汴,温叟懼,隨契丹北遷,與承旨張允共上表求解職。 契丹主怒,欲出允等爲縣

南下,温叟自洛從至鄭州,稱疾不行。及入汴,温叟久之方至,授駕部郎 中。

國子 年,其被 知貢 (舉,得 ,祭酒 周 初,拜左諫議大夫,逾年,改中書舍人,加史館修撰,判館事 黜者 進士十六人。 相繼登第。 有譖于帝者,帝怒,黜十二人,左遷太子詹事。 温叟與張昭同修漢隱帝及周祖實錄,恭帝卽位,遷工部侍郎兼判 顯德初,遷禮 温叟實無私,後數 部侍郎、

吏部 在於 三選以下,仍須在司執行公事,及三十月卽許赴集, 在 不 - 還舊! 言] 者 攸 銓 宋 局 初 失於敎習,歷事 改改 因上言曰:「伏見兩京百司,漸乏舊人,多隳故事。 但稱 蓋 刑 因年限得官,歸司 前 部。 資,用圖 建隆九年(弘),拜御史中丞。 者 難於追還。 一免役。 者例 又有嘗因停任,切欲 伏望自今諸 與減選;多集赴 丁內艱,退居西洛,旋復本官。三年,兼判 司 職掌, 如理減外欠三選以上(去),及在官不成 歸 調,授任者尋又出京。 司, 除 m 官勒留及 雖檢閱具存於往册,而舉行須 元敕不該,無 歸 司 者 。無有裁滿初官, 由 復 如 職。 理 滅 遂使 外欠

無闕 資考者,即准元敕處分。 若在任停官及在司停職者,經恩後於刑部出給雲牒,却勒歸司,如 員,即令守闕,餘依敕格處分。」

六十三。 年, 軍亦 月賞公用茶, 不賞給。 屢求代。 温叟令傳呼如常過闕。 日晚歸由闕前, 臣所以呵導而 中丞受錢一萬, 太祖難其人, 太祖方與中黃門數人偶登明德門西闕, 不允。 過者,欲示衆以陛下非時不御樓也。」 翌日請對,具言:「人主非時登樓, 公用不足則以贓罰物充。 開寶四年被疾, 太祖知其貧, 温叟惡其名不取。 則近制咸望恩宥, 前騶者潛知之, 就賜器幣, 太祖善之。 任臺 數月卒, 憲府舊例, 丞十二 以白温 **輦下諸** 

獎,以女妻之。 望,精賞鑒,門生中尤器楊徽之、趙鄰幾,後皆爲名士。范杲幼時,嘗以文贄温叟, 温叟事繼母以孝聞,雖盛暑非冠帶不敢見。五代以來,言執禮者惟温叟焉。 立朝有德 大加稱

。知歸 明年重午,又送角黍、執扇(10),所遣吏卽送錢者,視西舍封識宛然,還以白太宗。太宗曰: 「我錢尙不用,况他人乎?昔日納之,是不欲拒我也;今周歲不啓封,其苦節愈見。」命吏輦 太宗在晉邸,聞其淸介,遣吏遺錢五百千,温叟受之,貯廳西舍中,合府吏封署而去。 是秋,太宗侍宴後苑,因論當世名節士,具道温叟前事,太祖再三賞歎。

列

傳第二十一

劉

溫

叓

九〇七三

歷判三司理欠、憑由司,江南轉運司,入朝爲司封郞中。 温 冤選以爲厚恩。」帝曰:「其父有淸操,錄其子登朝,庶足示勸。」擢炤太子右贊善大夫, 雍 熙 太宗愀然,召宰相語其事,且言當今大臣罕有其比。 初 5,子炤罷徐州觀察推官待選,以貧詣登聞求注官。 炳、燁並進士及第。 及引對,太宗問誰氏子,炤以 因問:「炤當得何官?」宰相

府, 誅殺不能禁。 「曙治狀與凌策孰愈?」燁曰:「策在閩,歲豐事簡,故得以寬假民。 恐道亡去,皆斬之。 |燁字耀卿, 然曙所行,亦未嘗出陛下法外。」帝善之。 進士及第。 衆服其果。 積官秘書省著作郞。 通判益州,召還,時王曙治蜀,或言其政苛暴。 知龍門縣,羣盜殺人,燁捕得之, 比歲小歉,盜賊竊發,非 眞宗問. 將械送

急 ; 出, 言。 民爭傳可以已疾,詔卽其地建祥源觀。 會歲荐饑,河決滑州,大興力役,饑殍相望。 天禧元年, 罷提點刑獄,禁民棄父母事佛老者。皆不報 始置諫官二言。 帝謂宰相曰:「諫官御史, **|燁言其詭妄不經,且亢旱,不可興土木以營不 | 購請策免宰相,以應天變。** 當識朝廷大體。」於是以燁爲右 都城 東 南 有泉 IE

居注,遷右司諫。 表請 補外,帝以燁屢言事,乃以判三司戶部勾院,出安撫京西。 以尚書工部員外郎兼侍御史知雜事,權判吏部流內銓。 還,直集賢院,同修 請京朝官遭父母 起

者論 憂,官司毋得奏留,故事當起復者如舊。 其罪。 改三司戶部副使,擢龍圖閣待制,提舉諸司庫務,權發遣開封府事。 因韶益、辟、利、虁路長吏,仍舊奏裁,餘乞免持服 累遷刑部

郎中、龍圖閣直學士、知河南府,徙河中府,卒。

之,經宿而還。嘗善河中處士李瀆,瀆死,爲陳其高行,詔以著作郞贈之。 初,王曙坐寇準貶官,在朝無敢往見者。 燁歎曰:「友朋之義,獨不行於今歟?」 往餞

濟中書侍郎環傷以下,仕者相繼,而世牒具存焉。 唐末五代亂,衣冠舊族多離去鄉里,或爵命中絕而世系無所考。 子儿。 惟劉氏自十二代祖北

几字伯壽,以燁任爲將作監主簿。 生而豪儁,長折節讀書,第進士。

陽城此州,荷外水可釃,何待今日。無爲虚費勞人也!」几不答。未幾,水果至,鑿五 從范仲淹辟,通判邠州。 |邠地鹵,民病遠汲,几浚渠引水注城中。 役興,客曰:「自郭汾 池于通

建,民大便利。

兵伏壘門以伺,夜半盡禽之。 孫沔薦其才堪將帥,換如京使、知寧州。 加本路兵馬鈴轄,知邠州。 俗喜巫,軍校仗妖法結其徒,亂有日。 几使他

**禮智高犯嶺南,几上書願自效,以爲廣東、西捉殺。** 道聞蔣偕、張忠戰沒,疾馳至長沙,

列

第二十

劉溫叓

見然青曰:「賊若退守巢穴, 來,大戰于歸仁鋪。 前鋒孫節死,几以右軍搏鬥,自辰至巳,勝負未决。 瘴毒方興, 當班師以俟再舉。 若恃勝求戰,此 成 几言於青,出勁 擒 耳。」賊 果悉

騎五千,張左右翼擣其中堅,賊駭潰

團練使爲太原、涇原路總管。 莫便焉。」命特賜冠帔。 進皇城使、知涇州。 領循州刺史,遷西上閤門使,再歸郎中班。 陛見,辭以母老,丐復文階歸養。 仁宗諭之日:「涇, 曾公亮薦之,復以嘉州 內地 也, 將母

古黜, 以 爲 手書。 秦 可得近,正 鳳 夏人寇周家堡,轉運使陳述古攝潤帥,几移文索援兵,不聽,率諸將偕請,又不聽,乃趣 几亦改鄜州。 總管。 述古怒,移几爲鳳翔,且劾生事。 |恐與|趙明爲讎爾。」帝曰:「明之子奔馬入城,幾爲所掩,卿料敵一何神也。」以 召判三班院。邊吏告夏人趨大順,英宗問几。几日:「大順天險,非夏 朝廷以總管非轉運使所得徙置,遣御史出按,述

元豐 請增之。」 三年,祀明 神宗卽位,轉四方館使、知保州,治狀爲河北第一。 樂成,予一 《堂,大臣言几知音,詔詣太常定雅樂。几曰:「古樂備四淸聲,沿 子官 踰六年,即請老,還爲秘書監致仕。 五 亂 離

几得謝二十年,放曠嵩、少間,遇唐末異人靖長官者得養生訣,故益老不衰。 間與人語

爲今役者不亦難乎?夫椎牛釃酒,豐犒而休養之,非欲以醉飽爲德,所以增士氣也。」耒敬 邊事,謂張耒曰:「比見詔書禁邊吏夜飮。此曹一旦有急,將使輸其肝腦,而平日禁其爲樂, 識其語。再加通議大夫,卒,年八十一。

寺,聞鐘聲,曰:「聲澌而悲,主者且不利。」是夕,主僧死。在保州,聞角聲,曰:「宮微而商 泥古,致詳於形名度數間,而不知淸濁輕重之用,故求於器雖合,而考於聲則不諧。」嘗游佛 離,至秋,守臣憂之。」及期,几遇疾。然所學頗雜鄭、衞云。 「律主於人聲,不以尺度求合。古今異時,聲亦隨變,獨以古冠服加於今人,安得而稱。儒者 几寫於風義,推父遺恩官從兄,已得任子,必先兄弟子之孤者。其議樂律最善,以爲一

時太常丞史在德上章,詞理鄙俗,仍犯廟諱。濤上言請正其罪,雖不允,時論是之。 Ш 南東道節度判官,召爲左補闕,遷起居舍人。 劉濤字德潤,徐州彭城人,後唐天成中,舉進士,釋褐爲鳳翔掌書記,拜右拾遺,賜緋。

藏庫。 晉 元福 時少帝奢侈, 初,改司勳員外郎、史館修撰,遷工部郎中,賜金紫。 常以銀易金,廣其器皿。 李崧判三司,令上庫金之數。 歷度支、職方二郎中,掌左 及崧以元簿較

九〇七七

九〇七八

之,少數千鎰。 盡數,以備宣索。」「整合有司劾濤,濤事迫,以情告樞密使桑維翰,乃止罰一月奉。 崧責曰:「帑庫通式,一日不受虛數,毫釐則有重典。」濤曰:「帑司常有報不 漢初,宰

顯德初,就改太常少卿,俄拜右諫議大夫。四年,再知貢舉。 相蘇禹珪薦爲中書舍人。 周廣順中,坐令子監察御史頂代草誥命,左遷少府少監,分司西京,頭亦貶復州司戶。 樞密使王朴嘗薦童子劉譜於

遷右詹事。 取士不精。 濤,濤不納,朴銜之。時世宗南征在迎鑾,濤引新及第人赴行在。 世宗命翰林學士李昉覆試,出者七人。濤坐責授太子右贊善大夫。恭帝卽位, 濤性剛毅不撓,素與宰相范質不協,常鬱鬱不得志,遂退居洛陽之清化里,杜門 朴時留守上都,飛章言濤

以書史自娛。

清泰初,中書舍人盧導受詔主文,將鎖宿, 濤力薦薛居正,以爲文章器業必至台輔, 導 太祖素知濤履行,開寶二年召赴闕,以老病求退,授秘書監致仕。 年七十二卒。

取之,後果爲相。世稱其知人。

**蹞子晟,晟子訥、譚,並進士及第。** 晟至屯田員外郎,訥爲殿中侍御史。

實繫治亂,必須得人。今則刺史或因緣世祿,或貢奉家財,或徼立軍功,或但循官序。 留中不出。 撫民無術, 曰:「臣聞唐太宗有言:『朕居深宮之中,視聽不能及遠,所委者惟都督、 後唐天成二年, 起家楡次令, 初 光範字子儀, ,服闋,授檢校戶部員外郞、 御吏無方,以此牧民,而民受其賜鮮矣。望選能吏以蘇民瘼,用致升平。」奏入, 俄爲册秦王李從嚴副使。張從恩以外戚爲河南尹,奏授判官。遷秘書監兼御 | 井州陽曲人。 召爲殿中丞, 性謙退和雅, 、北京留守判官兼侍御史。二年, 賜緋。 有吏材。父仁嗣, 長興四年, 改太常丞。 忠武軍節度副使。 拜太府少卿。 刺史。」 丁內艱。 則知此官 上書 實恐

史中丞,入拜大理少卿。

與契丹失歡,河溯連兵,命光範出使修好。會契丹復南入,光範行至趙州,召還。 位,拜右諫議大夫,權知開封府事,遷給事中。 因遊宴,見光範位翰林學士下,卽日拜尙書禮部侍郎、知制誥,充翰林 年,權知鄭州 漢 少帝尹京,改衞尉少卿,充開封府判官,又改光祿少卿,廣晉府判官,賜金紫。少帝卽 一初,改檢校刑部尙書、衞尉卿。上言:「伏見朝廷除刺史,不限年月,或未及期年,又 ,拜左散騎常侍。 二年,入爲樞密直學士。少帝以光範藩邸舊僚,待遇尤厚。 會蝗災,遺使亳州括借軍糧,稱爲平允。 :學士,仍直 樞密院 開運元

聞除代。 往來跋涉,豈暇撫懷。 望愼選良牧,立定年限,以責輯綏之効。」疏入,不報 乾祐

11年,連使宋州虞城、汝州 襄城,按視民田之傷稼者。 是多,爲吳越加 恩使。

日:「公晉末爲翰林、樞密直學士,勿避事也。」及期,光範辭疾不出,乃以翰林學士承旨徐台 言名第。 部 情 則 周 廣順 若他曹公事, 光範不敢辭; 若處文衡, 時禮部侍郎於貢部或掌或否,光範拜官,將及秋試,乃言於執政曰:「單門偶 初,出知陳州,遷秘書監,俄召拜御史中丞,賜襲衣、銀器、繒綵、鞍勒馬,復爲禮 校閱名賢, 品藻優劣, 非下 走所能。」執政 進,何

符掌之,時論多其自知。

遣使普均租稅,光範詣宋州。 世宗卽位,改刑部侍郎、權知開封府,俄遷戶部。 時韓通掌禁兵,領宋師修汴堤,訪郡民,皆言光範均平之狀, 顯德三年,命往大名檢民田。 五.

乃具以聞,世宗嘉之。

昭爲 吏部尚書,朝議以其耆老,令光範簽判選事 宋初 征澤、腦,命光範爲前軍轉運,計度鄭、洛、汝、孟、懷獨糧。 秋,拜太常卿。

祀, 建 四年,襄州節度慕容延釗征湖南,以光範權知州事,路當衝會,餉饋無闕。 判官李檝爲殿中侍御史,檝後坐事 會延釗卒,復知襄州。大軍數萬由陝路討蜀,出漢上,光範復當供億,人不知勞。 除籍,光範左遷太子賓客,仍知襄州 是多郊

**曾舉本鎭** 五 年,兼橋道使,朝廷遣使督治道,常六七輩,一使所調發民皆數百人,更緣爲姦,多私

擾。 取民課,所發不充數,而道益不修。 詔 書褒美。 開寶四年,復判吏部銓曹。 光範計其工,以州卒代民,官給器用,役不淹久,人以無 御史中丞劉温叟卒,以光範判御史臺事,數月,

眞拜中丞。六年,以疾解銓曹任。卒,年七十三。

光範 性至孝,謙退和易,雅有吏幹。 母病疽,光範嘗吮之。景德中,錄其孫易從同學究

出

身。

舉進 御史,丁 劉 (載字德興,涿州范陽人。) 內艱,服闋,復拜舊官。 晉初,解褐校書郎,遷著作佐郎,賜緋,拜左 判西京留臺,改倉部員外郎。 唐盧龍節度濟之六世孫。 拾遺、集賢殿直學士。 父昭,下蔡令。 嘗著五論, 日爲君 |漢 載,後唐清泰中 初,爲 **為相** 殿中侍

將、法讒、納諫,頗爲文士所稱。

遷給事中,使許州定田 周世宗初,擢知制誥。 租 顯德三年,拜右諫議大夫,與右拾遺鄭起、尚書博士李寧同校道 俄賜金紫,爲魏王符彥卿 加恩國信使

朝,遣載權知州事 宋初,浚五 立丈河, 光翰 自陳橋達曹州之西境, 歸鎭, | 載還, 知貢舉。 命護其役。 乾德初, 掌建安権貨務。 建隆四年,貝州節度使張光翰 六年,就爲江南 國

列

傳

第

二 十

劉

載

程

*77* 

宋

主生辰使,召還,令知鎭州。

太平興國初,復入爲給事中。 開 寶四年, 坐與何繼筠 不協, 三年,出知襄州,六年,代還。 改山南東道行 軍 ·司馬。 十年不召, 告老,改工部侍郎致仕,乃賜 **嘗受詔權點檢** 州事。

子出身。八年,卒,年七十一。

|載尤好學,博通史傳,善屬文。 嘗受韶撰<u>明憲皇后諡册文,又作</u>弔戰國賦萬餘言行於

世。雅信釋典,敦尙名節。

子宗言,至比部與中。 宗望, 景德二年進士及第。 大中祥符四年,其孫介以載文集來

獻,以爲試將作主簿。

鄉 作郎,出知興州 醴泉、新都令,皆有政績。 開寶中,選爲兩使判官,入對,太祖詢以時事,數奏稱旨,擢著 程羽字沖遠,深州陸澤人。少好學,能屬文。晉天福中,擢進士第,授陽穀主簿。 踰年,改知興元府。八年,詔歸闕,以本官領開封府判官 歷虞

出知成都府,爲政寬簡,蜀人便之。 羽性淳厚, 蒞事 恪謹。 時太宗尹京,頗以長者待之。 入朝,拜禮部侍郎。 及卽位, 上欲優以淸職。 拜給 事 中,知開 故事,端明殿 封府。

設學士二員,居翰林學士上,專備顧問, 馮道、趙鳳始居是職,累朝因之。 及是,卽殿名以

| 羽爲文明殿學士,位在樞密副使下,且卽泰寧坊營第以賜之。

太平興國五年,典試貢士,御試得人居多。六年,以老疾求解職,拜兵部侍郎,未幾致

仕,仍給全奉。 子希振,以蔭至尙書虞部員外郎。 雅熙元年,卒,年七十二。 贈禮部尚書。 大中祥符元年卒。 其子遹,賜同學宪出身。從孫琳,

別傳。

筠餽遺,懼其見殺,遂以憂死,又何繆耶?嗚呼,魏范粲、齊顏見遠,宜見褒於前史也。 異姓,不能以名節生死,倫義廢矣。 |製、邊歸讜、竇貞固、李濤輩,或在廟堂,或侍帷幄,世主之所寵任,社稷之所倚賴, 故唐方滅卽北面于晉,漢甫稱禪已相率下拜于周矣。 論曰:五季爲國,不四、三傳輒易姓,其臣子視事君猶傭者焉, 且穀以籌策自名,乃不能料藝祖有容人之量,及受李 君子傷之, 主易則他役,習以爲常。 此雜臣傳所繇立也。 而更事

## 校勘言

列傳第

= +

校勘記

忠武軍節度王彥超副之 「超」字原脫,據本書卷二五五本傳、舊五代史卷一一五周世宗紀、通

鑑卷二九二補。

 $\Xi$ 鳳翔 原作「鳳陽」,據東都事略卷二一咎居潤傳改。

 $\subseteq$ 張從賓 原作「張從賞」,據舊五代史卷九七本傳、通鑑卷二八一改。

鹽判官 三說:「國朝初承舊制,三司每部置判官一員。」可見當時鹽鐵合爲一部,「鹽」下應有一「鐵」字。 據本書卷一六二職官志,宋承前代設三司之職,包括鹽鐵、度支、戶部三部。職官分紀卷

宣政殿學士 「殿」字原置「學士」下,據遼史卷六穆宗紀乙正。 通鑑卷二九〇作「勤政殿學士」。

(子) 躬赴行部投狀 據文義和下文「卽詣刑部投狀」,疑「行」當作「刑」。

ていし 補 福 昌衞 按唐、五代、宋的縣官,都無縣衞之名,「衞」、「尉」晉近,疑當作「補福昌尉」。

**元** 建隆 劉温叟已以御史中丞繋衝上疏。 九年 按建隆無九年, 東都事略卷三〇劉温叟傳作「建隆初」; 長編卷三, 建隆三年四月, 疑「九」爲「元」字之誤。

へたし 如理減外欠三選以上 「減」原作「選」。 按上文有「理減外欠三選以下」語,按文義此處應作「理

據改。

8 執 長編卷一二作「紈扇」,疑以「紈扇」爲是。

減外欠三選以上」;張編卷三所載正如此。

 $\stackrel{\triangle}{=}$ 天禧 九 、東都事略卷三〇劉燁傳改。 元年始置 一諫官 「諫官」原作「監官」。 據下文和河南先生文集卷一三劉燁墓表、 長編卷八

## 宋史卷二百六十三

## 列傳第二十二

石熙載 子中立 昭 竇儀 弟儼 李穆 偁 弟肅 呂餘慶 劉熙古 子蒙正 蒙叟

職。 年不能得。 河朔,旣冠,以父失所在,時盜賊蠭起,道路榛梗,乃自溱抵圖,徒行丐食,求父所在,積 師範降梁,直脫難北歸,以潤易、春秋教授,學者自遠而至,時號逍遙先生。 張昭字潛夫,本名昭遠,避漢祖諱,止稱昭。 壽張令。 乃發哀行服,躬耕海濱。 青州王師範開學館,延置儒士,再以書幣招直,署賓 楚平生直,即昭父也。 初,楚平赴調長安,值巢寇亂,不知所終。 自言漢常山王耳之後,世居濮州范縣。 直幼避 地 祖

闊 視,以爲馬、鄭不己若也。 昭始七歲,能誦古樂府、詠史詩百餘篇;未冠,徧讀九經,盡通其義。 後至贊皇,遇程生者,專史學,以爲專究經旨,不通今占,率多 處儕類 中, 緩步

列

僔

纳

二 十 二

張昭

九〇八六

 看紀、國志等,後又盡得十三代史,五七年間,能馳騁上下數十百年事。 處亂世,躬耕負米以養親。 拘滯,繁而寡要;若極談王霸,經緯治亂,非史不可。因出班、范漢書十餘義商権,乃授昭 又注十代興亡論。

之,死且不朽矣。」相泣而去,憲途死之,時論重昭能成憲之節。 位至保釐,乃布衣之極。 茍靦顏求生,何面目見主於地下。」昭曰:「此古人之志也,公能行 合戍兵將應之。昭謂憲曰:「得無奉表勸進爲自安之計乎?」 憲曰:「我本書生,見知主上, 史裏行。憲爲北京留守,昭亦從至晉陽。莊宗及難,聞鄴中兵士推戴明宗,憲部將符彥超 文籍,每與昭燕語,講論經史要事,恨相見之晚,卽署府推官。同光初,奏授眞秩,加監察御 後唐莊宗入魏,河朔游士,多自效軍門,昭因至魏,攜文數十軸謁興唐尹張憲。 憲家富

御史、內供奉官,賜緋。天成三年,改安義軍節度掌書記。 日:「推官正人,無得害之。」又逼昭爲牓安撫軍民。 事寧,以昭爲北京留守推官,加殿中侍 時有害昭者,昭曰:「明誠所至,期不再生,主辱臣亡,死而無悔。」衆執以送彥超,彥超

|皇制詔九十餘篇,請以昭所撰送史館。」 拜昭爲左補闕、史館修撰,委之撰錄。 昭以懿祖、獻 事 迹。 時以武皇、莊宗實錄未修,詔正國軍節度盧質、西川節度副使何瓚、祕書監韓彥輝纘錄 瓚上言:「昭有史材,嘗私撰同光實錄十二卷,又聞其欲撰三祖志, 井藏昭宗朝賜武

旭 、太祖並不踐帝位,仍補爲紀年錄二十卷,又撰莊宗實錄三十卷上之。 優詔褒美,遷都官

員外郞。

時皇子競尙奢侈,昭疏諫日:

事,一歲之內,所記漸多,每月終,令師傅具錄聞奏。或皇子上謁之時,陛下更令侍臣 乎?臣請諸皇子各置師傅,陛下令皇子屈身師事之,講論道德。使一日之中,止記一 則廣增僕馬,親賓滿坐,食客盈門,箴規者少,諧謔者多。以此而欲託以主鬯,不亦難 臣見先帝時,皇子、皇弟盡喜無稽玩物之言,厭聞致治經邦之論,入則務飾姬姜,出 面問,十中得五,爲益良多,博識安危之理,深知成敗之由。 自至。儻非天資英敏,識本淸明,以此蕩心,焉能無惑。苟不豫爲敎道,何以置之盤牙? 帝王之子,長於深宮,安於逸樂,紛華之玩,絲竹之音,日接於耳目,不與驕期而驕

侍之際,依嫡庶而爲禮秩,據親疏而定節文,示以等威,絕其徼幸,保宗之道,莫大於 旭 不間親,禮秩有常,邪慝不作。近代人君,失於此道,以至邦家構患,釁隙萌生。昔隋 聰明,煬帝亦傾楊勇;太宗齊聖,魏王終覆承乾。 臣又聞古之人君,卽位而封太子、拜諸王,究其所由,蓋有深旨。使庶不亂嫡,疏 属階。 其於卜貳封宗,在臣未敢輕議。臣請諸皇子於恩澤賜與之間,婚姻省 臣每讀古書,深悲其事。願於聖

列

第

斯。

明宗覽疏而不能用。

四年,上武皇以來功臣列傳三十卷,以本官知制誥。 明宗好畋獵,昭疏諫曰:

**畋遊自** 太祖初鎭太原,每年打鹿於北鄙,先帝在位,暇日射鴈於近郊。 適。 **洎先帝膺圖啓祚,嚮明御宇,** 則宜易彼諸侯之事,肅乎萬乘之儀。 此蓋軍務之餘, 而稱因

習舊風,失其威重,馳逐原獸,殆無虛日。

弊猶 神武之量,其可以宴遊蒐狩之事, 因循 意。 海,宜以 馬 淳 **塗凍滑,萬** 來往 風, 貪,作法於貪,弊將 臣 如聞陛 御物以慈,節財以儉,有典有則,不矜不驕,彼必有三苗率服之心,七旬來格之 所 愚以爲事有可畏者四焉。洛都舊制,宮城與禁苑相連,人君宴遊,不離苑囿,御 德服萬邦。 可畏者三也。 一有銜橛之變,陛下縱自輕,奈宗廟社稷何?所可畏者一也。又陛下新有 下暫遊近甸 今則江、廣未平,淮夷尚梗,彼初聞陛下革先朝之失政,還太古之 如如 臣又聞「作事 彼卽以爲復好畋遊。 何? 」且打鹿射鴈之事新,敗軌傾輈之轍在,常宜 少累聖明,所謂「城中好廣眉,城外加半額」,爲法之 可法, 今則驅馳驂服,涉歷榛蕪,此後節氣嚴凝,徑 貽厥 所可畏者二也。 孫謀」。若以陛下 臣又聞「作法於涼, 齊聖廣淵之機, 取 、鑒,不 聰明 [4 几

弊,靡不由茲。所可畏者四也。

樹文王忠厚之基,約三驅之舊章,定四時之遊幸。始出有節,後不敢違。 伏望陛下居高慮遠,愼始圖終,思創業之艱難,知守成之不易,念老氏馳騁之戒,

疏奏,明宗嘉納之。

苦,御史彈事,諫官月給諫紙。 以錢幣。 長興二年,丁內艱,賻絹布五十匹,米麥五十石。昭性至孝,明宗聞其居喪哀毁,復賜 服除,改職方員外郎、知制誥,充史館修撰。 並從之。又奏請勸農耕及置常平倉等數事。 上言乞復本朝故事,置觀察使察民疾

審,以決萬機,庶可以臻至治。」明宗覽之稱善。 苛,興師審於德力,賞罰審於喜怒,毀譽審於愛憎,議論審於賢愚,嬖寵審於姦佞。 推是八 賞必罰,至公無私。其創業垂統之規,如貞觀、開元之始,然陛下有始有終,無荒無怠。臣 玄宗開元之際,焦勞庶政,以致太平。及國富兵消,年高志逸,乃忽守約之道,或貽執簡之 鮮克有終』者,前經之至戒。究觀列辟,莫不以驕矜怠惰,有虧盛德。恭惟太宗貞觀之初, 又伏念保邦之道,有八審焉,願爲陛下陳之:夫委任審於材器,聽受審於忠邪,出令審於煩 陛下以慈儉化天下,以禮法檢臣隣,絀姦邪之黨,延正直之論,務瓊純儉,以節浮費,信 明宗方務聽納,昭復上疏曰:「臣聞『安不忘危,治不忘亂』者,先儒之丕訓;『靡不有初,

列

閱三館書籍,校正添補。預修明宗實錄,成三十卷以獻。三年,遷禮部侍郎,改御史中丞 凊 泰 初,改駕部郎中、知制誥,撰皇后册文,遷中書舍人,賜金紫。 二年,加判史館 無點

崔稅。 等續成之,別置史院,命四兼判院事。 八年,遷吏部,判東銓,兼史館修撰、判館事。開運二年秋,唐書成二百卷,加金紫階,進爵 仕,至是卒。 郎,宰相桑維翰薦爲翰林學士。內署故事,以先後入爲次,不繫官序。特詔昭立位次承旨 三年,拜尙書右丞,判流內銓,權知貢舉。 晉天福初, 晉祖嘗幸內署,與昭語及抖、魏舊事,甚重之,錫賚頗厚。直以昭故,授著作佐郎致 歸西洛,賻賜加等。五年,服闋,召爲戶部侍郎。以唐史未成,詔與呂琦、崔悅 從幸汴州。 昭請創宮闕名額及振舉朝綱、條疏百司廨舍。二年,改戶部侍 昭又撰唐朝君臣正論二十五卷上之。改兵部侍郎。

數召 儒臣講論 乾祐二年,加檢校禮部尚書。少帝年十九,猶有童心,昵比羣小。昭上言請聽政之暇, |漢初,復爲吏部侍郎。 時追尊六廟,定諡號、樂章、舞曲,命|昭權判太常卿事,月餘卽

賓客。 沿達於敎化三科,職官、士流、黃衣、草澤並許應詔。 周 廣順 歲餘,復舊官。 初,拜戶部尙書。子康陽,爲陽翟主簿,抵罪,昭自以失敎,奉表引咎,左遷太子 **嘗奏請興制舉,設賢良方正能直言極諫、經學優深可爲師法、詳閑吏** 諸州依貢舉體式,量試策論三道,共以

三千字以上為準,考其文理俱優,解送尚書吏部,其登朝之官亦聽自舉。從之。

嘗詔撰制旨兵法十卷,又撰周祖實錄三十卷,及梁郢王均帝、後唐閔帝廢帝、漢隱帝五 顯德 元年,遷兵部尙書。世宗以昭舊德,甚重焉。二年,表求致仕,優詔不允,促其入

朝實錄;一至年祀寖遠,事皆遺失,遂不克修,餘三帝實錄,皆藏史閣

知於 當以此四士爲鑒戒。」世宗善之。詔令詳定經典釋文、九經文字、制科條式,及問六璽所出, 馬 井議三禮圖祭玉及鼎釜等。<br />
昭援引經據,時稱其該博。<br />
恭帝卽位,封舒國公。 周 明主,然太宗用之而國興,昭宗用之而國亡,士之難知如此。臣願陛下存舊法而用人, 起於徒步,太宗擢用爲相;其後,柳璨、朱朴方居下僚,昭宗亦加大用。此四士者,受 世宗好拔奇俊,有自布衣及下位上書言事者,多不次進用。 昭疏諫曰:「昔唐初,劉洎

說,遂三拜章告老,以本官致仕,改封陳國公。開寶五年,卒,年七十九。 禮畢,進封鄭國公,與翰林承旨陶穀同掌選。 宋初,拜吏部尚書。乾德元年郊祀,昭爲鹵簿使,奏復宮闕、廟門、郊壇夜警晨嚴之制。 製嘗誣奏事,引昭爲證,昭免冠抗論。

政,太祖遣近臣就其家問之,昭方臥病,口占以授使者。著嘉善集五十卷、名臣事迹五卷。 好纂述,自唐、晉至宋,專筆削典章之任。 嶺南平,擒劉鋹,將獻俘,莫能知其禮。 時昭已致 昭博通學藝,書無不覽,兼善天文、風角、太一、卜相、兵法、釋老之說,藏書數萬卷。尤

第

ニ ナ ニ

張昭

愛儀

子秉圖 進 士及第,秉謙至尚書郎。

皆以詞學名。 初,爲戶部郎中,賜金紫。 竇儀字可象。 禹鈞, <u>薊州漁陽人。曾祖</u>遜,玉田令。 唐天祐末起家幽州掾,歷沂、鄧、安、同、鄭、華、宋、澶州支使判官。 祖思恭, 媽州 司 馬。 父禹鈞,與兄禹錫 周

十五能屬文,晉天福中舉進士。 侍衞軍帥景延廣領夔州節度,表爲記室。 延廣後歷

顯德中,遷太常少卿、右諫議大夫致仕

貞等率兵萬 東岸與光遠兵合,則河南危矣。」俄而儒果導契丹渡河, 騎於馬家渡渡河。 外郎。 有所預慮,所以乘驛晝夜不息而來。 開運中,楊光遠以青州叛,時契丹南侵,博州刺史周儒以城降,光遠與儒遣人引契丹輕 一人,水陸並進,守汶陽,據要害。 時延廣掌衞兵,顏而知州 國家若 契丹果大至,擊走之。 事, 不以良將重兵控博州渡,必恐儒引 即遣儀入奏。 增置壘栅。 儀謂執政曰:「昨與衎 漢初,召爲右補闕、禮部 少帝軍河上, 即遺李守 契丹踰 論 事

周廣順初,改倉部員外郎、知制誥。 未幾,召爲翰林學士。 周祖幸南御莊宴射,坐中賜

金紫。歷駕部郎中、給事中,並充職。

選集。 場、<br />
份書爲一科,各對墨義三十道;<br />
<br />
毛詩依舊爲一科,亦對墨義六十 年 次爲第四等,殿三舉;以次稍可者爲第三、第二、第一等,並許次年赴舉。 通爲合格 制 ,廢明經、童子科。 俄以父病,上表解官。 解試之官坐其罪。 劉 諸科舉人,第一場十否,殿五舉;第二、第三場十否,殿三舉;三場內有九否, 温 叟知貢 却復畫試口。 舉,所取士有覆落者,加儀禮部侍郎,權知貢舉。 進士請解,加試論一首,以五百言以上爲準。」奏可。 進士省卷,令納五軸以上,不得有 其落第者,分爲五等:以詞理紕繆之甚者爲第五等,殿五 世宗親加慰撫,手封金丹,俾賜其父。父卒,歸葬洛陽。詔賜錢三 神道碑誌之類; 儀上言:「請依晉天福 道。 及第後,並減爲七 其學究, **帖經對義**,有三 請供周 中舉; 其 殿 五

充職 將罪之,宰相范質救解得免。 十萬,米麥三百斛。 儻以霑服失容,請俟他日。」 景卽拜命於庭。 俄使南唐, 既至, 將宣詔, 會雨雪, 李景請於廡下拜受, 儀曰:「儀獲將國命, 不敢失舊 終喪,召拜端明殿學士。 淮南平,判河南府 從征淮南,判行在三司,世宗以其餉饋不繼, 兼 知西京留守事。 恭帝卽位,遷兵部侍郎,

士王著以酒失貶官,太祖謂宰相曰:「深嚴之地,當待宿儒處之。」<br/>
· 「查等對曰:「竇儀清介重 建隆 元年秋,遷工部尚書,罷學士, 兼判大理寺。 奉詔重定刑統,爲三十卷。 會翰林學

列

僔

第二十二

躛

餞

厚,然已自翰林遷端明矣。」太祖曰:「非斯人不可處禁中,卿當論以股意,勉令就職。」即日

再入翰林爲學士。

省六官之長,可以署敕。 |太祖曰:「儀言是也。」即命||太宗署敕賜之。 曰:「質等已罷,普敕何官當署?」承旨陶穀時任尙書,乃建議相位不可以 乾德二年, 范質等三相並罷。 越三日, 始命趙普平章事。 儀曰:「瀔所陳非承平之制,皇弟開封尹、同平章事,卽宰相之任。」 俄加禮部尚書 制書旣下,太祖問翰林學士 久虚,今尚書乃南

合爲表首者六,而謂三師無所據。朝議是之。四年秋,知貢舉。是冬卒,年五十三,贈石 時御史臺議,欲以左右僕射合爲表首,太常禮院以東宮三師爲表首。儀援典故,以僕射 僕射。

**儀學問優博,風度峻整。** 弟儼、侃、偁、僖,皆相繼登科。 馮道與禹鈞有舊,嘗贈詩,有

「靈椿一 株老,丹桂五枝芳」之句,縉紳多諷誦之,當時號爲竇氏五龍

守,欲相之。趙普忌儀剛直,乃引薛居正參知政事。及儀卒,太祖憫然謂左右曰:「天何奪我 藏以給軍士,誰敢言者。今旣著籍,乃公帑物也,非詔不可取。」後太祖屢對大臣稱儀 太祖克滁州,世宗遣儀籍其府庫。太祖復令親吏取藏中絹給麾下,儀曰:「太尉初下城,雖 初,周祖平兗州,議將盡誅脅從者。儀白馮道、范質,同請於周祖 ,皆得全活。 顯德中, 有執

竇儀之速耶!

」蓋惜其未大用也

侃 ,漢乾祐初及第,至起居郞。 僖,周廣順初及第,至左補闕。

子諲、謁、誥,俱登進士第,諲至都官員外郞,謁至祕書丞。

端 |賢 疏 延信宿,不令就死。、寃聲上達,和氣有傷,望加禁止。」從之。 (校理,出爲天平軍掌書記,以母憂去職。 曰:「案名例律,死刑二,絞、斬之謂也。 淫刑之興,近聞數等,蓋緣外地不守通規,或以長釘貫人手足,或以短刀臠人肌膚,遷 嚴字望之,幼能屬文。 既冠、舉晉天福六年進士,辟滑州從事。 絞者筋骨相連,斬者頭頸異處,大辟之目,不出兩 服除,拜左拾遺。開運中,諸鎭恣用酷 府罷,授著作佐郎、集 刑,嚴上

錄。 改主客員外郎、知制誥。 嚴仕漢爲史館修撰。 周廣順初,遷右補闕,與賈緯、王伸同修晉高祖少帝、漢祖三朝實 時機自閣下入翰林,兄弟同日拜命,分居兩制,時人榮之。俄

加金部郎中,拜中書舍人。

和。三日熙政,政不熙則羣務不整。四曰正刑,刑不正則巨姦不懾。五曰勸農,農不勸則 疏曰:「歷代致理, 六綱爲首:一曰明禮, 禮不明則彝倫不敍。二曰崇樂, 樂不崇則二儀不 資澤不流。六日經武,武不經則軍功不盛。故禮有紀,若人之衣冠;樂有章,若人之喉舌; 顯德元年,加集賢殿學士,判院事。父憂去職,服闋,復舊官。時世宗方切於治道,儼上

列

斯六者,不可斯須而去身也。陛下思服帝猷,寤寐獻納,亟下方正之詔,廓開藝能之路。 有一技,必得自効。 統,若人之情性 故小臣不揆,輒陳禮、樂、刑、政、勸農、經武之言。」世宗多見聽納 刑有制,若人之呼吸;農爲本,若人之飮食;武爲用,若人之手足。

辨清濁上下之節,復舉律呂旋相爲宮之法,迄今遵用 征還,詔嚴考正雅樂,俄權 知貢舉。 未幾,拜翰林學士,判太常寺。 嚴校鍾磬筦籥之

阜,失其理者耗嗇。 如此 監察除授回 以下 以爲:「家國之方,守穀帛而已,二者不出國而出於民。 遷。 長 倫,在位官之無曠。 戶以上縣令爲縣大夫,升爲從五品下。 如 ,則士大夫足以陳力,賢不肖無以駕肩,各繫否臧,明行黜陟,利民益國,斯實良規。」又 四品,太常丞以下五品等,並得衣朱紫。 賓從之禮 其中廉幹之人,不無愧恥之意。 會詔 中外臣僚,有所聞見,並許上章論議。 日,即爲起居、侍御史、中行員外郎。 郞中、員外郞、起居、補闕、拾遺、侍御史、殿中侍御史、監察御史、 民之 嗣蒙,宜有勸敎。 今朝廷多士,省寺華資,無事有員,十乃六七,止於計月待奉,計年待 如非歷試,何展公才。 畿大夫見府尹如赤令之儀,其諸州府縣大夫見本部 請於齊民要術及四時纂要、韋氏月錄中,采其關 满日, | 儼疏曰: 「設官分職,授政任功,欲爲政之有 若前官不是三署,卽罷後 準在朝一任, 其道在天, 其利 請改兩畿諸縣令及外州 約舊官遷二等。 -'在地, 一年方得求仕。 得其 光祿少卿 自拾遺、 八理者蕃 府五千

於田蠶 園圃之事,集爲一卷,鏤板頒行,使之流布。」疏奏不報

宋初,就轉禮部侍郎,代儀知貢舉。 當是時, 祠祀樂章、宗廟諡號多儼撰定, 議者服其

該博。 車駕征澤、潞,以疾不從。卒,年四十二。

共通禮· 至二百篇,多以道義相敦勵,並著集。 **儼性夷曠,好賢樂善,優游策府凡十餘年。** 未及編纂而卒。 有文集七十卷。 | 假與儀尤爲才俊,對景覽古,皆形諷詠,更迭唱和 所撰周正樂成一百二十卷,詔藏於史閣

至司 '賓賤隸、候館小胥,皆盛服彯纓,與王人亢禮。 嚴顯德中奉使荆南。 荆南自唐季以來,高氏據有其地,雖名藩臣,車服多僭侈踰制,以 嚴諷以天子在上,諸侯當各守法度,悉

令去之,然後宣達君命。

無及相輔者,唯偁稍近之,亦不久居其位。」卒如其言。 儼有子早卒,以姪說爲嗣。 自 此天下太平,二拾遺見之,儼不與也。」又曰:「儼家昆弟五人,皆登進十第,可謂盛矣,然 尤善推步星歷,逆知吉凶。 盧多遜、楊徽之同任諫官,嚴嘗謂之曰:「丁卯歲五星聚奎,

判官。 冊字日章,漢乾祐二年舉進士。 周廣順初,補單州軍事判官,遷祕書郎,出爲絳州 宋初,歷武寧軍掌書記、西京留守判官、天雄歸德軍節度判官。 開寶六年,拜右補 防禦

列傳第

= +

愛儀

呂

餘慶

闕,知宋州 太宗嘗宴諸王,偁、 嘗作遂命賦以自悼。 |琰預會, 琰言矯誕,偁叱之曰:「巧言令色,心不獨愧乎。」上愕然, 太宗領開封尹,選冊判官。 時賈琰爲推官,儞不樂其爲

因能會,出解爲彰義軍節度判官。

以徐圖之,上從其言。 太平興國 五年,車駕幸大名府, 歸,以偁爲樞密直學士,賜第一區。 召至行在所, 拜比部郎中。 六年,遷左諫議大夫,充 時議北征,僻請休兵牧馬,

卿能以公正責賈琰,朕旌直臣爾。」是秋卒,年五十八。 年,參知政事。 上謂偁曰:「汝何能臻此?」 [ 日: 「陛下不忘舊臣。」 太宗曰: 「非也, 車駕臨哭,贈工部尙書。

不能及。 相、三公。 初,偁在涇州,與丁顥同官,顥子謂方幼,偁見之曰:「此兒必遠到。」以女妻之。 悟亦中人材爾, 解有操尚, 可嘉也。 太祖嘗謂宰相曰:「近朝卿士、竇儀質重嚴整,有家法,閨門敦睦,人無躝語,諸弟 後爲宰

晉兵部侍郎。 度,以餘慶爲推官。 呂餘慶,幽州安次人,本名胤,犯太祖偏諱,因以字行。 餘慶以蔭補千牛備身,歷開封府參軍,遷戶曹掾。 仕漢歷周,遷濮州錄事參軍。太祖領同州節制,聞餘慶有材,奏爲從事 祖克,橫海軍節度 晉少帝 弟 重睿領忠武軍節 判官。 父琦,

就

列

僔

第二十

呂

餘 慶

劉 熙 古

九〇九

劉 熙古字義淳,宋州寧陵人,唐左僕射仁軌十一世 孫 祖 實進, 嘗爲 汝 陰

三傳舉 熙 古 時翰林學士和凝掌貢舉,熙古獻春秋極論二篇、演例三篇,凝甚加賞, 年十五,通易、詩、書; ;十九,通春秋、子、史。 避 祖 諱,不舉進士 後唐長 興 I與進士 (中,以

試,擢第,遂館於門下。

支使。 官,領永興、渭橋、華州諸倉制置發運。仕漢,爲盧氏令。周廣順中,改亳州防禦推官,歷澶州 貫 隨 、鷃于 熙古善騎射,一日,有鴞集戟門槐樹,高百尺,鐸惡之,投以瓦石不去,熙古引弓一發, 清泰中,驍將孫鐸以戰功授金州防禦使,表熙古爲從事。 樹 鳳平,以爲秦州觀察判官。 鐸喜,令勿拔矢,以旌其能。後二歲,鐸卒,調補下邑令。 晉天福初,鐸移汝州, 俄為三司戶部出使巡 义辟以

名馬 移 部 建 秦 隆 侍 郞 州 、銀鞍以賜。歲餘,以足疾求解,拜戶部尙書致仕。 |太 ",徙 年,受詔制置 旭 州 領宋州,爲節度判官。 知 境所接多寇患,熙古至, 成 都府。 晉州権攀,增課 六年,就 拜端 即位, 諭以 八 明 殿 十餘萬 召爲左諫議大夫, 朝 學 士。 廷 .播。 恩信,取蕃部酋豪 丁 母憂。 乾德初, 九年,卒,年七十四。 知青州 開 遷刑部 寶 五 子弟爲質 ó 年,詔以 侍郎 車駕 征惟揚,追赴 本官 、 邊鄙 知 鳳 贈右僕射 參 翔 以寧。 府。 知 政 事 行 未 轉兵 選

熙古銀通陰陽象緯之術,作續書斯歌一卷、六壬釋卦序例一 歷官十八, 登朝三十餘年,未嘗有過。 嘗集古今事迹爲歷代紀要五十卷。 卷。 性淳謹,雖顯貴不改 頗精 小

學,作切韻拾玉二篇,摹刻以獻,詔付國子監頒行之。子蒙正、蒙叟。

蒙正字頤正,善騎射。 盧絳以舟師來援潤州,蒙正白部署丁德裕,請分精甲百人,出與絳戰,矢中左臂,戰愈 乾德中,以蔭補殿直,遷供奉官。 王師征江南,命乘傳軍中承奉

及下潤州,獲知州劉澄、監軍崔諒,部送關下。

嶺南陸運香藥入京,詔蒙正往規畫。蒙正請自廣、韶江泝流至南雄; 由大庾嶺步運至

南安軍,凡三鋪,鋪給卒三十人,復由水路輸送。

儀使。 又掌朝服法物庫,會重製繡衣、鹵簿,多其規式。 自創內藏庫,即詔蒙正典領,凡二十餘年。 太平興國四年,轉內藏庫副使,進崇

幾,以檀乘驛馬,責授亳州團練副使。咸平四年,卒,年七十二。 真宗初,改如京使,出知滄、冀、磁三州。 戎人犯境,蒙正調丁男乘城固守,有**勞。** 未

蒙叟字道民,乾德中,進士甲科。 列 傳 第二十 劉 煕 古 石 熙 載 歷岳、宿二州推官,以所知論薦,授太子中允、知乾 九一〇一

興,拜監察御史,徙知濟州。俄以秦王子德恭判州事,就命爲通判,郡事皆決於蒙叟。 補闕,轉起居舍人、戶部鹽鐵判官。再遷屯田郞中,歷知廬、濠、滁、汝四州,遷都官。

其終,思鮮克之言,戒性習之漸,則天下幸甚。」上嘉之,以本官直史館。 厚三軍之賜,輕萬姓之徭,使化育被於生靈,聲敎加於中外。且萬國已觀其始,惟陛下愼守 |咸平中,上疏曰:「陛下已周諒闇,方勤萬務,望崇儉德、守前規,無自矜能,無作奢縱,

常少卿致仕。 湟,後卒從之。 車駕北巡,令知中宮名。表獻宋都賦,述國家受命建號之地,宜建都,立宗廟。 時雖未 卒,年七十三。 會詔直館各獻舊文,以蒙叟所著爲嘉,改職方郎中。景德中,以足疾,拜太

蒙叟好學,善屬辭,著五運甲子編年曆三卷。

子宗儒,太子中舍,宗弼、宗誨,並進士及第。

遺,遷左補闕。 初,太宗以殿前都虞侯領泰寧軍節制,辟爲掌書記。 石 熙載字凝績,河南洛陽人。 丁外艱,將起復,以讒出爲忠武、崇義二軍掌書記。 周顯德中,進士登第。疎俊有量,居家嚴謹,有禮法。 及尹京邑,表爲開封府推官。 太宗卽位,復以左補闕 授右拾

同知貢舉。 時梅山洞蠻屢爲寇, 以熙載知潭州。 召還,擢爲兵部員外郎,領樞密直學

士。未幾,簽書樞密院事,詔賜官第一區。

尙書、樞密使,以病足在告,寢疾久之未愈。 八年,上表求解職,詔加慰撫,授尙書右僕射 太平 興國 四年,親征河東,以給事中充樞密副使從行,還,遷刑部侍郎。 五年,拜戶部

當委用,而奄忽至此,深爲可惜。 九年,卒,年五十七。贈侍中,諡元懿。 國朝大臣謝事而卒,車駕臨視者唯熙載焉。 上爲悲歎累日,且謂其事君之心,純正無他,適

訖不見。及居太宗幕下,頗盡誠節。典樞務日,上眷注甚篤,方將倚以爲相,俄遘疾不起。 游 學時,爲養負米。嘗行嵩陽道中,遇一叟,熟視熙載曰:「眞人將興,子當居輔弼之位。」言 熙載性忠實,遇事盡言,是非好惡,無所顧避。人有善,卽推薦之,時論稱其長者。

從弟熙古、幼弟熙政,皆登進士第,熙載撫之如一。熙載卒時,子中字、中立皆幼,熙政惡熙 熙載事繼母牛氏以孝聞。弟熙導,牛氏前夫子,隨母歸石氏。以熙載故,奏補殿直

導以異姓居己上,乃詐傳上旨,令己籍熈導家財,由是交訟。有司歸罪熈導,上召問中孚、 育熙導甚厚,雖令還宗,而不奪其官,復以財產量給之。 中立,令有司再鞫得實。熙導還本姓,中孚亦養子勿問,熙政坐除名。上素知熙載以母故

咸平二年八月,熙載配饗太宗廟庭。 熙政後至供備庫副使。 中字至尚書虞部員外郎,

列

第二十二

子行簡,大中祥符進士。

改 光祿寺丞。 中立字表臣,年十三而孤。 家財悉推與諸父,無所愛。 性疎曠,好諧謔,人不以爲怒。 **擢直集賢院**,與李宗諤、楊億、劉筠、陳越相 初補 西頭供奉官,後 厚善。 五

校讎 秘書,凡 更中立者,人爭傳之。 判三司理欠、憑由

中立 罷 獄, 官院。 事。 檢 祥源觀,以太子少傅致仕,遷少師。 l",以戶 関官 領三班院。 典張觀 明 帝 幸亳, 年,災異數見,諫官韓琦言:「中立 又同 部 改 侍 兼行 知禮部貢 判 郎爲資 命修所過圖 戶 外制, 歷右諫議 ,部句院,遷 政殿學士,領通 、舉,判集賢 遷尙 經。 大 戶 夫、 書禮部侍郞, 部 爲鹽鐵判官,累遷尙書禮部侍郎,判吏部南曹。 給事 郞 院。 中、 進、銀臺司 卒,贈太子 中, 坐舉官不當,落史館修撰,罷 史館修撰,糾察在京刑獄 在位、喜詼笑,非大臣體。」與王 入爲翰林學士, 爲學士 太傅、諡文定。 判尚書 一承旨 一兼龍圖 都省,進大學士。 判祕 閣學 閣。 寸。 以吏部郎 審官院。 會 知制 景站 隨、 遷 誥並知 更部侍· 中、知制 陳堯佐、韓億皆 頃之,復 儿 注釋御集, 年,拜 貢 郎、提舉 以糾察刑 浩領 参 舉, 知 爲 政

萬錢,末年費幾盡。 中立 練習臺閣故事 帝聞其病,賜白金三百兩。 ,不汲汲近名。 喜賓客,客至 旣死,其家至不能辦喪。 必與飲酒, 醉乃得去。 子居簡,至太子中 初,家產 是歲入百

精理,往往出吾意表。」且語人曰:「李上異日必爲廊廟器。」以所著易論三十三篇授之。 路得遺物,必訪主歸之。從酸棗王昭素受易及莊、老書,盡究其義。 李穆字孟雍,開封府陽武人。父咸秩,陝州大都督府司馬。 穆幼能屬文,有至行。行 昭素謂曰:「子所得皆

周顯德初,以進士爲郢、汝二州從事,遷右拾遺。

郡租輸河南,穆以本鎭軍食闕,不卽應命,坐免。又坐舉官,削前資。 穆將母就肅居,雖貧甚,兄弟相與講學,意泊如也。 宋初,以殿中侍御史選爲洋州通判。旣至,剖決滯訟,無留獄焉。 移陝州通判, 時弟肅爲博州從事, 有司調

豫。」對曰:「穆操行端直,臨事不以生死易節,仁而有勇者也。」上曰:「誠如是,吾當用之。」 辭以疾,且言「事大朝以望全濟,今若此,有死而已」」穆曰:「朝與否,國主自處之。 然朝廷 時將有事江南,已部分諸將,而未有發兵之端。乃先召李煜入朝,以穆爲使。穆至諭旨,煜 獨用雅正,悉矯其弊。穆與盧多遜爲同門生,太祖嘗謂多遜:「李穆性仁善,辭學之外無所 開寶五年,以太子中允召。明年,拜左拾遺、知制誥。 五代以還,詞令尚華靡,至穆而

列

切。

江南

亦謂其言誠實

甲兵精銳 ,物力雄富,恐不易當其鋒,宜熟思之,無自貽後悔。」使還,具言狀,上以爲所論要

太平 興國 初,轉左補闕。 三年多,加史館修撰、判館事,面賜金紫。 四年,從征太原還,

拜中 草朝辭笏記,爲言者所劾,責授司 書舍人。 預修太祖實錄,賜衣帶、銀器、繒綵。 封員 外郎 七年,以與盧多遜款狎,又爲秦王廷美

月, 所 中 事 假貸,由是豪右屏迹,權貴無敢干以私,上益知其才。 ·書舍人、史館修撰、判館事。 **晨起將** 月餘,丁母 八 年春,與宋白等同 朝, 風眩 憂, 暴卒, 未幾, 年五 知貢舉,及侍 起復本官 十七七 五月, 召爲翰林學士。 穆 上御崇政殿親試進士, 三上表乞終制,詔強起之,穆益哀毀盡禮。 六月, <del>+</del> 月, 知開封府, 上憫其顏貌癯瘁, 擢 拜左諫議大夫、 剖判精敏, 卽 日復拜 九年正 参 姦 猾 知 無

謂 近 臣曰:「穆國之良臣, 穆自責授 員 外郎,復 中書舍人, **股方**倚用, 入翰林,參知政事,以至于卒,不及周歲。 遽茲淪沒, 非斯人之不幸, 乃股之不幸也。」贈工 上聞其死,哭 部尚

惟簡給 穆性至 祖母以穆奉韶鞫獄臺中。 一孝,母 嘗臥疾,每 動 止 轉側,皆親自扶掖,乃稱母 及責授爲省郎,還家,亦不以白母。 意 初,穆坐秦王 每隔日, 陽爲 事 屬 入直,即 吏,其子

訪 親友,或游僧寺。 発歸,暨于牽復,母終弗之知。 及居喪,思慕以至滅性。

談名理,好接引後進,多所薦達。尤寬厚,家人未嘗見其喜愠。所著文章,隨卽毀之,多不 |穆善篆隸,又工畫,常晦其事。質厚忠恪,謹言愼行,所爲純至,無有矯飾。深信釋典,善

留稿

太子中舍。 特拜太子中允致仕,後加太常丞。 <u></u>
眞宗素聞其有履行,景德 子惟簡,以父任將作監丞,多材藝,性沖澹,不樂仕進。 三年,詔授惟簡子|郯將作監主簿。 天禧四年,卒,賜其家錢十萬,仍給郷月奉終制。鄉後爲 去官家居二十餘年,人多稱之。 大中祥符七年多,召惟簡入對,

**邢幽憂子文、病雞賦**,意皆有所規焉。 作大宋樂章九首,取九成、九夏之義, 濮、博二州從事,遷保靜軍節度推官。 肅字季雍,七歲誦書知大義,十歲爲詩,往往有警語。 以頌國家盛德,其文甚工。 韶方下,一夕與親友會飲, 舉進士,登甲科。 酣 又作代周顒答北山移文、 寢而卒,年三十三。 性嗜酒。

歷

尙之而不能從。 論 曰:張昭居五季之末,專以典章譔述爲事,博洽文史,旁通治亂,君違必諫,時君雖嘉 宋興,敦獎碩儒,多所詢訪,庶幾獲稽古之效矣。竇氏弟昆以儒學進,並馳

也。 衆所傾,乃能爲之辯釋。 京,偁實元僚,沖淡回翔,晚著忠讜。若其門族宦業之盛,世或以爲陰德之報,其亦義方之效 時望。儀之剛方淸介,有應務之才,將試大用而遽淪亡。嚴優游文藝,修起禮樂。 文學孝行見稱於時。 餘慶當太祖居潛,歷任幕府,名亞趙普、李處耘;及二人登用,一不介意,其後相繼爲 數賢雖當創業之始,而進退之際,藹然承平多士之風焉。 熙古居大任,自處如寒素。 熙載立朝,言無顧避,喜薦善人。 宜宋治之日 太宗尹 穆以

校勘言

進於盛也。

畫試 試,貞固以畫晷短難盡士材,奏復夜試。」「畫試」,殿、局本改作「盡試」,非。 當作「畫試」。本書卷二六二竇貞固傳說:「舊制進士夜試, 繼以三燭。 長興二年改令書

九一〇八

## 宋史卷二百六十四

## 列傳第二十三

薛居正 子惟吉 沈倫 子繼宗 盧多遜 父億 宋琪宋雄

薛居正字子平,開封浚儀人。父仁謙,周太子賓客。 居正少好學,有大志。 清泰初,舉

進士不第,爲遣愁文以自解,寓意倜儻,識者以爲有公輔之量。踰年,登第。

支推官。 晉天福中,華帥劉遂凝辟爲從事。遂凝兄遂淸領邦計,奏署鹽鐵巡官。開運初,改度 宰相李崧領鹽鐵,又奏署推官,加大理司直,遷右拾遺。桑維翰爲開封府尹,奏署

判官。

抵法。 鹽禁,法當死。獄將決,居正疑其不實,召詰之,乃吏與民有私憾,因誣之,逮吏鞫之,具伏 漢乾帖初,史弘肇領侍衞親軍,威權震主,殘忍自恣,無敢忤其意者。其部下吏告民犯 弘肇雖怒甚,亦無以屈。 周廣順初,遷比部員外郎,領三司推官,旋知制誥。 周祖征

列傳第二十三 薛居正

兗州, 六年,使滄州定民租。 韶居正從行,以勞加都官郎中。 未幾,以材幹聞於朝,擢刑部侍郎,判吏部銓。 顯德三年,遷左諫議大夫,擢弘文館學士,判館事。

軍使疑城中僧千餘人皆其黨,議欲盡捕誅之。 年,入爲樞密直學士,權知貢舉。 汪端,詰之,僧皆不預,賴以全活。 宋初, 遷戶部侍郞。 太祖親征李筠及李重進, 初平湖湘,以居正知朗州。會亡卒數千人聚山澤爲盜,監 居正以計緩其事,因率衆翦滅羣寇,擒賊帥 並判留司三司, 俄出知許州。 建隆三

穀方登,庶物豐盛,若非上天垂佑,何以及斯。 修五代史,踰年畢,錫以器幣。六年,拜門下侍郎、平章事。八年二月,上謂居正等曰:「年 年,兼淮南、湖南、嶺南等道都提舉三司水陸發運使事,又兼判門下侍郎事,監修國 憂之,命居正馳傳招集,狹旬間民盡復業。以本官參知政事。 志。」居正等益修政事,以副上意焉 乾德初,加兵部侍郎。 車駕將親征太原,大發民餽運。時河南府饑,逃亡者四萬家,上 所宜共思濟物,或有闕政,當與振舉,以成股 五年, 加吏部侍郎。 史; 開寶 又監 五

取水至,不能飲,偃閤中,吐氣如煙燄,輿歸私第卒, 六年六月也, 年七十。贈太尉、中書令, 事,覺疾作,遽出。 興國初,加左僕射、昭文館大學士。從平晉陽還,進位 至殿門外,飲水升餘,堂吏掖歸中書,已不能言,但指廡間 司空。 因服丹砂遇毒,方奏 儲 水器。 左右

蓋文惠。

子以此多之。自參政至爲相,凡十八年,恩遇始終不替。 居正氣貌瓌偉,飲酒至數斗不亂。性孝行純,居家儉約。 爲相任寬簡,不好苛察,士君

及居正卒,而沈倫責授,多遜南流,論者以居正守道蒙福,果符太祖之言。 者,由忠正也。」開寶中,居正與沈倫並爲相,盧多遜參知政事,九年冬,多遜亦爲平章事。 不恥。以朕所見,不若自不爲之,使人無異詞。又觀古之人臣多不終始,能保全而享厚福 後代,而身陷不義,子孫罹殃,蓋君臣之道有所未盡。吾觀唐太宗受人諫疏,直詆其非而 先是,太祖嘗謂居正曰:「自古爲君者鮮克正己,爲臣者多無遠略,雖居顯位,不能垂名

居正好讀書,爲文落筆不能自休。子惟古集爲三十卷上之,賜名文惠集。咸平二年,

韶以居正配饗太宗廟庭。

不能知。蔭補右千牛衞備身,歷太子通奉舍人,改西頭供奉官。 少有勇力,形質魁岸,與京師少年追逐,角抵蹴踘,縱酒不謹。雅好音樂,嘗與伶人游,居正 惟吉字世康,居正假子也。居正妻妬悍,無子,婢妾皆不得侍側,故養惟吉,愛之甚篤。

太宗卽位,三相子皆越次拔擢,沈倫、盧多遜子並爲尙書郞,惟吉以不習文,故爲右千

傳第二十三

薛居正

沈倫

牛衞 令知澶州,改揚州。 謝 改行否? 絕所與游者,居喪有禮。 大將 恐不能負荷先業,奈何! 軍 及居正卒,太宗親臨,居正妻拜於喪所,上存撫數四, 上表自陳,遷左千牛衞大將軍。 旣而多接賢士大夫,頗涉獵書史,時論翕然稱之。 」惟古伏喪側,竊聞上語,懼赧不敢起。 丁內艱,卒哭,起復本官,懇求終制,不 因問:「不肖子安在,頗 自是盡革故態, 上 知其改行,

安撫之,乃命惟吉與仲舒對易其任。 淳化 五年, 秦州温 |仲舒以伐木爲蕃戶攘奪,驅其部落徙居||非, 未幾,遷左領軍衞大將軍。至道 二年,移知延州,未行, 頗致騷動。 韶擇守臣

财 致訟,妻子辨對於公庭云 惟古旣知非改過,能折節下士,輕財好施,所至有能聲。 然御家無法,及其死,家人爭 卒,年四十二。

俄詔

知河南府,又知鳳翔府

洛間,以講學自給。漢乾祐中,白文 沈倫字順宜,開封太康人。 舊名義倫, 河鎮 陝, 倫往依之。 以與太宗名下字同, 止名倫。 少習三禮於嵩

周顯德初, 太祖領同州節度,宣徽使咎居潤與倫厚善, 薦於太祖, 留幕府。 太祖繼領

郡 滑、滸、宋三鎭,皆署從事,掌留使財貨,以廉聞。 栗濟民,自當召和氣,致豐稔,豈復有水旱耶?此當決於宸衷。」太祖卽命發廩貸民 中軍儲尙百餘萬斛,儻貸於民,至秋復收新粟,如此則公私俱利,非公言不可。」還具以 朝論沮之曰:「今以軍儲振饑民,若荐饑無徵,孰任其咎?」太祖以問,倫曰:「國家以廩 奉使吳越歸,奏便宜十數事,皆從之。道出楊、泗,屬歲饑,民多死,郡長吏白於倫曰: 及受周禪,自宋州觀察推官召爲戶部郞

是,王全斌、崔彥進之入成都也,競取民家玉帛子女,倫獨居佛寺蔬食,有以珍異奇巧物爲 侍郎、樞密副使。 獻者,倫皆拒之。東歸,篋中所有,纔圖書數卷而已。太祖知之,遂貶全斌等,以倫爲戶部 建隆三年,遷給事中。明年春,爲陝西轉運使。王師伐蜀,用爲隨軍水陸轉運使。先 親征太原,領大內都部署、判留司三司事。

第,因遣中使按圖督工爲治之。 倫私告使者,願得制度狹小,使者以聞,上亦不違其志。 啓於上前。 先是,倫第庫陋,處之晏如。時權要多冒禁市巨木〉、隨間,以營私宅,及事敗露,皆自 倫亦嘗爲母市木營佛舍,因奏其事。」太祖笑謂曰:「爾非踰矩者。」 知其未葺居

劍南 水陸發運 開寶二年,丁 事。 母憂,起復視事。 雩祀西洛,以倫留守東京**兼大內都**部署。 六年,拜中書侍郎、平章事、集賢殿大學士兼提點荆南、 俄召赴行在,令預大禮

太平興國 初, 加右僕射棄門下侍郎,監修國史。 親征太原,復以倫爲留守、 判開封府

列傳第

= +

 $\equiv$ 

沈倫

事 師還,加左僕射。 六年,加開府儀同三司。是歲疾作,自是多請告。 五年,史官李昉、扈蒙撰、太祖實錄五十卷,倫爲監修以獻, 賜襲衣、

其心。 降授工部尚書。其子都官員外郞繼宗,本由父蔭,不宜更在朝行,可落班簿。 興,上表謝。 盧多遜事將發,倫已上表求致仕。 雍熙四年,卒,年七十九。 未幾,倫 再奉章乞骸骨,復授左僕射致仕。 贈侍中。 明年多遜敗,以倫與之同列,不能覺察, 韶加切責, 上以倫國初舊臣,遽復繼宗官以慰 時倫病不能

童子秉箑至, 輒叱之, 冀以徼福。 倫 清介醇謹, 車駕每出, ,多令居守。 在相位日,值歲饑,鄉人假粟者皆與之,殆至千斛,歲餘盡 好釋氏,信因果。 **嘗盛夏坐室中,恣蚊蚋噆其膚,** 

微時娶閻氏,無子,妾田氏生繼宗。 及貴,閻以封邑固讓田,倫乃爲閻治第太康,田遂

爲正室,搢紳非之。

若以臣父起家不 叨遇明時, 初,有司議諡倫日恭惠,繼宗上言曰:「亡父始從冠歲,即事儒業,未遑從賊,遽赴 陟 於相位。 ·由文學,卽嘗歷集賢、修史之職,伏請改諡曰文。」 伏見國朝故相, 薛居正諡文惠, 王溥諡文獻,此雖近制, 實爲典常。 沒招,

判太常禮儀院趙昂、判考功張泊駁曰:「沈倫逮事兩朝,早升台弼,有祗畏謹守之美,有

下問日『文』,德美才秀日『文』,修治班制日『文』。昔張說之諡文正,楊綰之諡文簡,人不謂 博聞曰『文』,忠信接禮曰『文』,寬不慢、廉不劌曰『文』,堅強不暴曰『文』,敏而好學、不恥 皆爲美諡。如唐相温彥博之出納明允,止諡曰『恭』 矜恤周濟之心。 沈倫備位台衡,出於際會,徒能謹飭以自保全,以『恭』配『惠』,厥美居多。 相兼領之任,非必由文雅而登。,其沈倫諡,伏望如故。」從之。 居正、王溥爲比,則彼皆奮跡辭揚,歷典誥命,以『文』爲諡,允合國章。至於集賢、國史,皆宰 之司爲虛器,而彰善癉惡之義微矣。繼宗以其父曾任集賢殿學士及監修國史之職,輒引薛 云,慈民好與,與夫柔質慈民、愛民好柔、寬裕不苛、和質受諫,數者皆謂之『惠』。由漢以來, 蓋行義有所未充,雖蒙特賜,誠非至公。若夫大臣子孫,許其爲父陳請,則曲臺、考功 遠恥辱、賢而不伐、尊賢貴讓、愛民長悌、 案諡法:不懈于位,與夫謹事奉上、執事堅固、執禮御賓、率事以信、接下不 不懈爲德、旣過能改,數者皆謂之『恭』。又 竇易直之公舉無避,乃諡曰『恭惠』。而 又按諡法:道

**頁銀,課民織造,不折省稅**, 遷都官、職方,知浚儀縣,轉屯田郎中,出知單州。 繼宗字世卿,倫爲樞密副使,以蔭補西頭供奉官。 | 郷| 節度配屬縣納藥物,皆爲民病。繼宗歸,歷言於上以除其 倫作相,授水部員外郎, 代歸,命使京東計度財賦。 加朝散大 濮州

列傳第

+

Ξ

沈倫

盧

遜

弊。至道末,領淮南轉運使。

繼宗貴家子,倦於從吏, 既因疾,以將作少監致仕。 東封歲, 求扈從,復授職方郎中。

禮畢,改太僕少卿、判吏部南曹,遷光祿少卿、判三 司三勾院。

五年,卒,年五十五。前後錄其子惟温、惟清、惟恭,並爲將作監主簿。 繼宗善營產業,厚於養生,不飲酒,不嗜音律, 而喜接賓客, 終日宴集無倦。 惟温後至祕書丞; 大中祥符 惟

清娶密王女宜都縣主,至內殿承制。

盧多遜,懷州河內人。會祖得一、祖眞啓皆爲邑宰。

「公位銀將相, 取民財以助軍, 唯億淸介自持。 校 理。 父億字子元,少篤學,以孝悌聞。舉明經,調補新鄉主簿。秩滿,復試進士,校書郎、集賢 晉天福中,遷著作佐郎,出爲鄆州觀察支使。 旣富且貴。今國帑空竭,不得已而取貲於民,公何忍利之乎?」延廣慚 會景延廣鎭天平, 河南府計出二十萬緡,延廣欲並緣以圖羨利,增爲三十七萬緡。 表億掌書記; 留守西洛, 節帥杜 |重威驕蹇黷貨,幕府賄賂 又表爲判官。 時 國 用窘乏, 憶諫日: 公行,

而止。

軍士成美以 漢 初 以魏王承訓爲開封尹, 驢 負 授億水部員外郎, 充推官。 時侍衞諸軍驕恣, 柔自誣伏, 朝廷姑息 論當棄

億察其**第**,言於漢祖 而釋之。

爲京 兼 附 文, 同 億 河 編 弘文館直 與刑部員外郎曹匪躬、大理正段濤同加議定。 凡改點 敕, 宋 城門,明德等爲皇城門,啓運等爲宮城門,昇龍等爲宮門,崇元等爲殿門。 南 周 初, 初 府 自爲大周續編敕,詔行之。 ,長安、萬年改爲次赤縣,開封、浚儀、大名、元城改爲赤縣。 ,爲侍御 畫及義理之誤字二百一 學士。 遷少尹。 史。 世宗晏駕,爲 億性恬退, 漢末兵亂,法書亡失。 山陵判官,出爲 聞其子多遜知制誥, 十有四。 俄以本官知雜事,加左司員外郎, 又以晉、漢及周初事關刑法敕條者,分爲二卷, 至是,大理奏重寫律令格式,統類編敕。 河南 舊本以京兆府改同五府, 令 卽上章求解。 又定東京諸門薰風 乾德二年, 遷主客度支郎中,並 開封、大名府 廟諱書不成 以少府監 乃詔 改

致仕。

官 知 制誥 多 遜, 顯德 歷 闹 初, 部 員 舉進 外郎。 上,解褐 乾德二年,權知貢舉。 心秘書. 郎、集賢校理,遷左拾遺、 三年, 加兵部郎 集賢殿修撰。建隆 中。 四 年, 復權 三年,以本 知貢舉。

列

儜

第

+

Ξ

盧

多

遜

六年,加史館修撰、判館事。

狀。 士 請復修時政記,詔多遜專其事。 受詔同修五代史,遷中書舍人、參知政事。 開寶二年,車駕征太原,以多遜知太原行府事。 三年春,復知貢舉。 四年冬,命爲翰林學士。 金陵平,加吏部侍郎。 丁外艱, 六年,使江南還,因言江南 移幸常山,又命權知鎭州 數日起復視事 會史館修撰扈蒙 衰弱可 師還 圖之 直

太平 興國 初,拜中書侍郎、平章事。 四年,從平太原還,加兵部尚書。

史館 伏焉 多遜 多遜 博涉經史,聰明強力,文辭敏給,好任數,有謀略,發多奇中。 預戒吏令自己,知所取書,必通夕閱覽,及太祖問書中事,多遜應答無滯, 太祖好讀書,每取書 ,同列皆

|陽。 闕成婚禮 先是, 太宗踐 多遜 祚,普入爲少保。 未踰月,多遜白遣歸任,普由是憤怒。 知制誥,與趙普不協,及在翰林日,每召對,多攻普之短。 數年, 普子承宗娶燕 國長公主女,承宗適知潭州行了,受詔歸 未幾,普出鎭河

至是,普復密奏:「臣開國舊臣,爲權倖所沮。」因言昭憲顧命及先朝自愬之事。 矧 昭憲皇太后大漸之際,臣實預聞顧命 初,普出鎮 河陽,上言自愬云:「外 人謂臣 知臣 1輕議 .者君,願賜昭鑒。」太祖 皇弟開封尹, 皇弟忠孝全德, 手 封其書, 上於宮中訪 豈有! 藏於宮中。 間

得普前所上表,因感悟,即留承宗京師。 未幾,復用普爲相,多遜益不自安。 普屢諷多遜令

引退,多遜貪固權位,不能決。

不道,干紀亂常,上負國恩,下虧臣節,宜膏鈇鉞,以正刑章。其盧多遜請依有司所斷,削奪 案兵部尚書盧多遜,身處宰司,心懷顧望,密遣堂吏,交結親王,通達語言,咒詛君父,大逆 雜事滕中正雜治之。獄具,召文武常參官集議朝堂,太子太師王溥等七十四人奏議曰:「 在身官爵,準法誅斬。秦王廷美,亦請同盧多遜處分,其所緣坐,望準律文裁遣。」 部尙書。 會有以多遜嘗遣堂吏趙白交通秦王廷美事聞,太宗怒,下詔數其不忠之罪,責授守兵 明日,以多遜屬吏,命翰林學士承旨李昉、學士扈蒙、衞尉卿崔仁冀、膳部郎中知 謹

位,久事明廷,特寬盡室之誅,止用投荒之典,實汝有負,非我無恩。其盧多遜在身官爵及 窺伺 在量移之限。 獄已成,有司定刑,外廷集議,僉以梟夷其族,汚瀦其宮,用正憲章,以合經義。 尚念嘗居重 參大政, 洎予臨御, 俾正台衡, 職在變調, 任當輔弼。深負倚毗, 不思補報, 而乃包藏姦宄, 一封贈、妻子官封,並用削奪追毀。一家親屬,並配流崖州,所在馳驛發遣,縱經大赦,不 君親,指斥乘輿,交結藩邸,大逆不道,非所宜言。爰遣近臣,雜治其事,醜跡盡露,具 遂下韶曰:「臣之事君,貳則有辟,下之謀上,將而必誅。兵部尚書盧多遜,頃自先朝擢 春周 已上親屬, 並配隸邊遠州郡。 部曲奴婢縱之。餘依百官所議。

列傳

第

= +

=

虛

遜

九一二〇

趙白 、秦王府吏閻 密、 王繼勳、樊德明、趙懷祿、閻懷忠並斬都門外, 仍籍其家, 親屬流配海

島。」

信, 白金、釦器、絹扇等,廷美又嘗遺懷忠齎銀器、錦綵、羊酒詣其妻父潘璘營宴軍 嘗使求訪聲妓,繼勳因怙勢以 又累遣懷祿私召同母弟軍器庫副使趙廷俊與語。 閻 密初給事廷美左右,太宗即位, 多遜累世墓在河内口,未敗前,一夕震電,盡焚其林木,聞者異之。 取貨: 賄 補殿直,仍隸秦邸,恣橫不法。 德明素與趙白游處,多遜因之傳達機事 懷忠嘗爲廷美使詣准海 王繼勳尤廷美所親 國王 了,以結 一錢俶 至是皆 廷

州,未幾,復移置荆南。端拱初,錄其子確爲公安主簿,還其懷州籍沒先塋。 多遜至海外,因部送者還,上表稱謝。 雅熙二年,卒于流所,年五十二。 韶徙其家於容 雍 卒, 諸弟皆

特敕除州縣官。

世 儒 初,億性儉素,自奉甚薄。及多遜貴顯,賜賚優厚,服用漸侈,愀然不樂,謂親友曰:「家 旦富貴暴至,吾未知稅駕之所。」後多遜果敗,人服其有識。

大中 咸平五年,又錄雅弟寬爲襄州司士參軍。 一祥符 二年, 始 改 簿 尉。 三年,察奉多遜喪歸葬襄陽,又詔本州賜察錢三十萬。 寬弟察,中景德進士, 將廷試, 特韶授以州 四

年,仍錄其孫又玄爲襄州司士

宋琪 字叔寶, 幽州薊人。少好學,晉祖割燕地以奉契丹, 契丹歲開貢部, **琪舉進士中** 

第,署壽安王侍讀,時天福六年也。

排陣使,復辟琪從征。及金陵歸款,以攢鎭廬州,表爲觀察判官。 授晉昌軍,皆署琪爲記室。 幽 帥趙延壽辟琪爲從事,會契丹內侵,隨延壽至京師。 周廣順中,贊罷鎮,補觀城令。 世宗征淮南,贊自右龍武統軍爲 延壽子贊領河中節度, 部有冤獄,其辨之,冤死 漢初改

乾德四年,召拜左補闕、開封府推官。太宗爲府尹,初甚加禮遇,琪與宰相趙普、樞密 特加朝散大夫。贊仕宋,連移壽陽、延安二鎮,皆表爲從事

使李崇矩善,出入門下,遂惡之,乃白太祖出琪知龍州〔三〕,移閬州。 開寶九年,爲護國軍節

度判官。

年,與三司使王仁贍廷辨事忤旨,責授兵部員外郎,俄通判開封府事,京府置通判自其始。 年,授太子洗馬,召見詰責,與拜謝,請悔過自新。 加擢用, 太宗卽位, 爲盧多遜所沮,改都 召赴闕。 時程羽、賈琰皆自府邸攀附致顯要,抑琪久不得調。 官 郎 中, 出 知廣州, 遷太常丞,出知大通監。 將行,復以藩邸舊僚留 判三司 五. 年, 太平興國三 勾院。 召

列

**傳**第

+

=

宋

琪

**昉**同拜不章事。 將以工部尚書|李昉參預國政,以| 以大入,乃遷| 其爲刑部尚書。十月,趙普出鎭 即無不治; 年春 正月,擢拜右諫議大夫、同判三司。三月,改左諫議大夫、參知政事。 謂爲飾喜怒之具,即無不亂,卿等愼之。」 自員外鄓歲中四遷至尙書爲相。 上謂曰:「世之治亂,在賞當其功,罰當其 南陽 ,琪遂與 是秋,上

也。 味皆甘, 其年多,郊祀禮畢,加門下侍郎、昭文館大學士 九年九月,上幸景龍門外觀水磑,因謂侍臣曰:「此水出於山源,淸冷甘美,凡近河水 豈非餘潤之所及乎? 」其等對曰:「實由地脉潛通而然,亦猶人之善惡以染習而成

學出 徵使柴禹錫有別第在表 牒進人,上批曰::「可右贊善大夫。」]琪勉從命,上滋不悅。 舊第,上益鄙之。 曰:「臣等非才,待罪相府,陛下曲賜温顏, 周旋款 身,一 曲,商権時事,蓋欲通上下之情,無有壅蔽。 日 , 上 任幕職,例除 |謂琪等日:「在昔帝王多以崇高自處,顏色嚴毅,左右無敢貢言者。 先是,簡州 識內,上言願易官邸, 七寺丞。 軍事推官王澣引對, 上曰:「吾已許之矣,可與東宮官。」」與執不從,擬大理丞告 令盡愚懇, 上覽奏不悅。 上嘉其雋爽, 卿等 敢 不傾竭以副 但直道而行,無得有所顧避。」與 禹錫陰結琪,欲因白請盧多 面 授朝官。 聖意。」會詔廣宮城,宣 翌 日 琪 **股與卿等** 奏澣經 遜

上令與娶馬仁瑀寡妻高繼沖之女,厚加賜與以助采。

廣南轉運王延範,高氏之親

譜,無大臣體,罷守本官, 禹錫授左驍衞大將軍。 知其端, 也,知廣州徐休復密奏其不軌,且言其依附大臣。 盛言延範強明忠幹,禹錫旁奏與琪同。 上意琪交通,不欲暴其狀,因以琪素好詼 上因琪與禹錫入對,問延範何如人,其未

之不去,及是罷相,人以爲先兆云。

端拱初,上親耕籍田,以舊相進位吏部尚書。 二年,將討幽薊,詔羣臣各言邊事。 | | | | |

疏謂

冰以 離於輜重,賊來莫測其淺深。 路直進,未免更有陽城之圍。 舍,此是周德威收燕之路。 (西,挾 大舉精甲,以事討除,靈旗所指,燕城必降。 山 [而行,援糧而進,涉<u>涿水,並</u>大房,抵桑乾河,出安祖砦,則東瞰<u></u>燕城,裁及 蓋界河之北, 陂淀坦平, 北路行師, 非我所便。 况軍行不 欲望回轅,西適山路,令大軍會於易州,循孤山之北,漆 但徑路所趨,不無險易,必若取雌、霸

之,我馬之來,二十里外可悉數也。 則林麓平岡,非戎馬奔衝之地,內排槍弩步隊,實王師備禦之方,而於山上列白幟以望 自 易水距此二百餘里,並是沿山,村墅連延,溪澗相接,採薪汲水,我占上游。

東

從安祖砦西北有盧師神祠,是桑乾出山之口,東及幽州四十餘里。 趙德鈞作鎭之

降,蓋勢使然也。 來援,已隔水矣。 |郊亭淀,三五日瀰漫百餘里,即幽州隔在水南。王師可於州北繋浮梁以通北路, 賊騎 城下,於燕丹陵東北橫堰此水,灌入高梁河,高梁岸狹,桑水必溢。 此是新州、嬀川之間,南出易州大路,其桑乾河水屬燕城北隅,繞西壁而 此斷彼之右臂也。 欲遏 西衝, 曾壍此 視此孤壘, 狹旬必克。 仍慮步溪爲寇,可分雄勇兵士三五千人,至青白軍以來 水。 況河次半有崖岸,不可徑度, 幽州管內洎山後八軍,聞薊門不守,必盡歸 其平處築城護之, 守以偏師, 可於駐蹕寺東引入 轉。 山中防遏, 大軍 如至

等州 恨。 **車服戈甲≦以優遣之,必竭赤心,永服皇化。** 製丹小醜,克日殄平。 獲,必貸其死,命署置存撫,使之懷恩,但以罪,契丹爲名。如此則蕃部之心,願報私憾, 刺 渤海 面爲義兒,服燕軍指使,人馬疆土少劣於契丹,自被脅從役屬以來,常懷骨髓之 然後國家命重臣以鎭之,敷恩澤以懷之。溪、霫部落,當劉仁恭及其男守光之時, 沙陀、吐渾元是割屬,咸非叛黨。 兵馬土地,盛於溪帳,雖勉事契丹,俱懷殺主破國之怨。其薊門泊山後雲、朔 其奚、霫、渤海之國,各選重望親嫡,封册爲王,仍賜分器、鼓旗、 此蕃漢諸部之衆,如將來王師討伐,雖臨陣擒

俟克平之後,宣布守臣,令於燕境及山後雲、朔諸州,厚給衣糧料錢,別作禁軍名

額,召募三五萬人,敎以騎射,隸於本州。 此人生長塞垣、語練戎事、乘機戰鬥,一以當

十,兼得溪、霫、渤海以爲外臣,乃守在四夷也。

盛也 貫,懷安者因而撫之,申畫郊圻,列爲州縣,則前代所建松漠、饒落等郡,未爲開拓之 編 戶數十萬,耕墾千餘里,旣殄異類,悉爲王民。變其衣冠,被以聲敎,願歸者俾復舊 然自阿保機時至於近日,河朔戶口,虜掠極多,並在錦帳。 平盧亦邇柳城,遼海

以本<u></u>燕人,以故究知<u>蕃部兵馬山川形勢。</u> 俄又上奏曰:

五、命將,六、排陣討伐,七、和蕃,八、饋運,九、收幽州,十、滅契丹。 國家將平燕薊,臣敢陳十策:一、契丹種族,二、料賊衆寡,三、賊來布置,四、備邊,

殺於火神淀至。德光之子述律代立,號爲「睡王」。二年,爲永康子明記所篡。 幼主代立。 南侵還,死於殺胡林,季日自在太子。東丹生永康,永康代德光爲主,謀起軍南侵,被 自 阿保機始強盛,因攻渤海,死於遼陽。 契丹,蕃部之別種,代居遼澤中,南界橫水,西距邢山,疆土幅員,千里而近。其主 明記妻蕭氏,蕃將守興之女,今幼主,蕭氏所生也。 妻述律氏生三男:長日東丹; 次日德光,德光 明記死,

晉末,契丹主頭下兵謂之大帳,有皮室兵約三萬,皆精甲也,爲其爪牙。 國母述律

于越、麻苔、五押等。 借得三五千騎,述律常留餘兵爲部族根本。 |氏 頭 下, 謂之屬珊,屬珊有衆二萬,乃阿保機之牙將,當是時半已老矣。 于越,謂其國舅也。大者千餘騎,次者數百騎,皆私甲也。 其諸大首領有太子、偉王、永康、南北王、 南來時,量分

以陷蕃之地也。蕃漢諸族,其數可見矣。 部落,吐渾、沙陀,洎幽州管內、鴈門已北十餘州軍部落漢兵合二萬餘衆,此是石晉割 竊爲契丹之飾。復有近界尉厥里、室韋、女眞、党項亦被脅屬,每部不過千餘騎。其三 送劉琋、崔廷勳屯河、洛者也。 別族則有奚、霫,勝兵亦萬餘人,少馬多步。 又有渤海首領大舍利高模翰步騎萬餘人,並髠髮左衽, 溪,其王名阿保得者,昔年犯闕時,令

子馬。 堅,此其所長也。中原所長,秋夏霖霪,天時也;山林河津,地利也;槍突劍弩,兵勝 之,多伏兵斷糧道,冒夜舉火,土風曳柴(+),饋餉自齎,退敗無恥,散而復聚,寒而 俟近我師,卽競乘之,所以新羈戰蹄有餘力也。且用軍之術,成列而不戰,俟退而乘 不設槍營壍栅之備。每軍行,聽鼓三伐,不問昏晝,一匝便行。未逢大敵,不乘戰馬, 大帳前及東西面,差大首領三人,各率萬騎,支散遊奕,百十里外,亦交相偵邏,謂之關 每審部南侵,其衆不啻十萬。 契丹主吹角為號,衆即頓合CO,環繞穹廬,以近及遠。 契丹入界之時,步騎車帳不從阡陌,東西一概而行。 折木梢屈之爲弓子鋪,

也;財豐士衆、力強也。乘時互用、較然可知。

敵也。 備。 馬相持,氊褐之利。所宜守陴坐甲,以逸待勞,令騎士並屯於天雄軍、 必自奔北。 人,堅壁固守,勿令出戰。 來,若分在邊城,緩急難於會合;近邊州府,只用步兵,多屯弩手,大者萬卒,小者千 戈,其詞無措。 俟其陽春啓候,虜計旣窮,新草未生,陳荄已朽,蕃馬無力,疲寇思歸,逼而逐之, 王 師備邊破敵之計,每秋多時,河朔州軍緣邊砦栅,但專守境,勿輒侵漁,令彼尋 國家別命大將,總統前軍,以遏侵軼,只於天雄軍、邢洛貝州以來,設掎戎之 或戎馬旣肥,長驅入寇,契丹主行,部落萃至,寒雲翳日,朔雪迷空,鞍 彼以全國之兵,此以一郡之衆,雖勇懦之有殊,慮衆寡之不 具磁相州以

後,更有馬步人五千,分爲十頭,以撞竿、**鐙弩俱進,爲回騎之舍。**陣梢不可輕動,蓋防 之時,無問厚薄,十分作氣,槍突交衝,馳逐往來,後陣更進。 使、押當,每隊用馬突或刃子槍一百餘,並弓劍、骨朵。 其陣身解鐙排之,俟與戎相 排陣、先鋒等職,臨事分布,所貴有權。 追戎之陣,須列前後,其前陣萬五千騎,陣身萬 人,是四十指揮,左右梢各十指揮,是二十將。每指揮作一隊,自軍主、都虞侯、指揮 前軍行陣之法,馬步精卒不過十萬,自招討以下,更命三五人藩侯充都監、副戎、 彼若乘我深入,陣身之 搏

列

傳

横 前 騎 陣不得過三五 奔衝,此陣以都監主之,進退賞罰,便可裁決。 里,展梢實心,布常山之勢,左右排陣分押之。 後陣以馬步軍八萬,招討董之,與 或前陣擊破寇兵,後陣

亦禁其馳驟輕進,蓋師正之律也。

之。若精選使臣,不辱君命,通盟繼好,弭戰息民,此亦策之得也。 鬼方,詩美宣王薄伐玁狁,是知戎狄侵軼,其來尙矣。然則兵爲凶器,聖人不得已而用 甘,亦和戎爲便。。魏絳嘗陳五利,奉春僅得中策,歷觀載籍,前王皆然。。易稱高宗用伐 當,爲彥澤之所誤。 三四年間,雖德光爲戎首,多計桀黠,而無勝晉軍之處,蓋倂力禦之。 教誓云:「四伐五伐,乃止齊焉。」慎重之戒也。 如將來殺獲驅攘之後,聖人務好生之德,設息兵之謀,雖降志難 是以開運中晉軍掎戎,未嘗放散, 一
厥
後
以
任
人
不

爲晚。 弟,戮力津擎裹送,則一月之糧,不煩饋運。俟大軍旣至,定議取捨,然後圖轉饟,亦未 調發,惟作糗糧之備,入蕃旬狹,軍糧自齎,每人給麨斗餘,盛之於囊以自隨。 臣生居邊土,習知其事。況幽州爲國北門,押蕃重鎭,養兵數萬,應敵乃其常事。每逢 匹給生穀二斗,作口袋,飼秣日以二升為限,旬日之間,人馬俱無饑色。 臣每見國朝發兵,未至屯戍之所,已於兩河諸郡調民運糧,遠近騷然,煩費十倍。 臣去年有平燕之策,入燕之路具在前奏,願加省覽。 更以牙官子 征馬每

疏奏,頗采用之。

軍都指揮使李繼隆爲河西兵馬都部署以討之。 二年,詔百官轉對,琪首應詔,建明堂、辟雍之議。 西川賊帥李順攻劫州縣, 五年,李繼遷寇靈武, 以昭宣使王繼恩 命侍衞馬

爲劍南西川招安使。 琪又上書言邊事曰:

往,遇有戰鬥,則同惡相濟,傳箭相率,其從如流。 界、入州城者謂之熟戶,居深山僻遠、橫過寇略者謂之生戶。其俗多有世讎,不相來 漫山川,居常不以爲患。 虛月,蕃部之事,熟於聞聽。大約党項、吐蕃風俗相類,其帳族有生戶、熟戶,接連漢 臣 頃 任 |延州節度判官,經涉五年,雖未嘗躬造夷落,然常令蕃落將和斷公事,歲無 雖各有鞍甲,而無魁首統攝,並皆散

呼韓邪所處河南之地,幅員千里。從銀、夏至青、白兩池,地惟沙磧,俗謂平夏;拓拔 蓋 蕃姓也。 党項界東自河西銀、夏,西至靈、鹽,南距鄜、延,北連豐、會。厥土多荒隙,是前漢 自廊、延以北,多土山柏林,謂之南山;野利,蓋羌族之號也

安城,出洪門至宥州四五百里,是夏州西境。 正 北 一從金明縣入蕃界,至盧關四五百里,方入平夏州南界(云); 從 延州 入平夏有三路:一、東北自豐林縣葦子驛至延 我師如入夏州之境,宜先招致接界熟戶 川縣接綏州,入夏州界; 一、西北歷萬安鎮經永

山偵邏 而復隘陿不得成列,躡此鄉導,可使步卒多持弓弩槍鋸〔五〕隨之,以三二千人登 鄉導,其強壯有馬者,令去官軍三五十里踏白先行。緣此三路,土山柏林,溪谷相 ,俟見坦塗寧靜,可傳號勾馬遵路而行,我皆嚴備,保無虞也。

鎭, 議欲攻取,軍儲不繼,遽命班師。 <u>彝超據夏州,固不奉詔,朝廷命邠州藥彥稠總兵五萬送從進赴任。時頓兵城下,</u> 長興四年, 夏州李仁福死, 而振旅之時,不能嚴整,失戈棄甲,遂爲邊人之利 有男彝超擅稱留後。當時詔延州安從進與李彝超換

除無噍類矣。 府、鄜、延、寧、慶、靈、武等州約期會兵,四面齊進,絕其奔走之路,合勢擊之,可以剪 挫其銳。 爲養勇,亦足安邊。凡烏合之徒,勢不能久,利於速門,以騁兵鋒。 運艱難,窮追則窟穴幽隱,莫若緣邊州鎭,分屯重兵,俟其入界侵漁,方可隨時掩擊,非 臣又聞党項號爲小蕃,非是勍敵,若得出山布陣,止勞一戰,便可盪除。 彼無城守,衆乏餱糧,威賞不行,部族分散,然後密令覘其保聚之處,預於麟、 仍先告諭諸軍,擊賊所獲生口、資畜,許爲己有,彼爲利誘,則人百其 莫若持重守疆,以 深入則饋

安泊,所求賂遺無幾,謂之「打當」,亦如漢界遊旅之家宿食之直也。此時大軍或須入 靈 武路自通遠軍入青岡峽五百里,皆蕃部熟戶。向來使人、商旅經由,並在部族 勇也。

其境,則鄉導踏白,當如夏州之法。 七程,不煩供饋, 止令逐都兵騎COO,裹糧輕齎,便可足用。 况彼靈州便是吾土, 獨粟儲畜, 率皆有備。 **諺所謂「磨鎌殺馬」,劫一** 緣路五

時之力也,旬狹之餘,固無闕乏矣。

鎭守之。 艾於此破濁,至今廟貌存焉。其外三泉、西縣,興、鳳等州,並爲要衝,請選有武略重臣 ,去劍門百里,東南去閬州,水陸二百餘里,西北通白水、淸川,是龍州入川大路,鄧 义臣曾受任西川數年,經歷江山,備見形勢要害。利州最是咽喉之地,西過桔柏

奏入,上密寫其奏,令繼逢擇利而行。

筆,授辭作多幸老民敍,大抵謂洪範五福,人所難全,而己兼有之,實天幸也。又口占遺表 **貽序上表乞終喪制,從之。 天禧初,錄其孫宗諒試祕書郞** 數百字而卒。贈司空,諡惠安。起復貽序爲右贊善大夫,貽庥爲大理評事,貽廣童子出身。 右僕射,特令月給實奉一百千,又以其衰老,詔許五日一朝。是年九月被病,令其子貽序秉 至道元年春,大宴於含光殿,上問琪年,對曰:「七十有九。」上因慰撫久之。二年春,拜

所求請,多面折之,以是取怨於人。 琪 素有文學,頗諧捷。 在使府前後三十年,周知人情,尤通吏術。 在相位日,百執事有

列

貽序嘗預修删府元龜,筆札遒勁。 未幾,坐事左遷復州副使,起爲殿中丞卒。

宋雄者,亦幽州人。 初與琪齊名燕、薊間,謂之「二宋」。

知河渠利害,因命領護汴口,均節水勢,以達轉漕,京師賴之。改太子詹事,復爲光祿少卿, 觀察使,以雄爲鴻臚少卿同 雄仕契丹爲應州從事。 知州事。 雍熙三年, 王師北伐, 雄與其節度副使艾正以城降, 授正本州 改光祿少卿,歷知均、唐二州。 未幾, 護河陰屯兵,以

雌涉獵文史,善談論,有氣節,士流多推許之。 景德元年,卒,年七十六。錄其子可久爲

太常寺奉禮郎,賦祿終制。

遷將作監。所至職務修舉,公私倚任焉

而僧不與,卒賴以活。 國家以廩粜濟民,自當召和氣,致豐稔,豈復有水旱?」得請乃已。太祖每取書史館,盧多 初,朗州亡卒嘯聚爲盜,監軍使疑城中僧千餘人皆與謀,欲盡殺之,居正緩其事,賊禽 論曰:自薛居正而下,嘗居相位者凡四人,其始終出處雖不同,然觀於其行事,概可見 沈倫使吳越還,請以揚、泗軍儲百萬餘斛貸饑民,朝論難之。 倫日

**竄死者非不幸也**。 呼,自昔懷材抱藝,而抑鬱下僚以終其身者多矣,豈特宋雄爲然哉 遜所忌,其後自員外郎歲中四遷至尚書,居相位。 **遜預**戒 吏令白己,知所取,必通夕閱覽,以是答問多中。 宋雄善持論,有氣節,雖與琪齊名,而爵位不侔者,所遇不同焉爾。 卽此而觀,則守道蒙福者非幸致,而投荒 宋琪始爲程羽、賈琰所抑,繼爲多 鳴

## 校勘記

- 潭州 原作「澤州」,據本書卷二五六趙普傳、長編卷二二改。
- 多遜累世墓在河內 當在懷州河內,下文「還其懷州籍沒先塋」可證。 「河內」原作「河南」,據長編卷二三改。 按盧多遜懷州河內人,累世祖墓
- 2 太祖出琪知龍州 「龍州」,東都事略卷三一宋琪傳所載同;太宗實錄卷七九、長編卷一九都作

「隴州」。

- (目) 仍賜分器鼓旗車服戈甲 「車服」原作「軍服」,據長編卷二七、宋會要蕃夷一之一八改。
- (至) 火神淀 原作「大神淀」,據通鑑卷二九〇、宋會要蕃夷一之一四改。
- 2 衆卽頓合 「合」原作「舍」,據長編卷二七、宋會要蕃夷一之一五改。
- (4) 土風 曳柴 「土風」,長編卷二七、宋會要蕃夷一之一五都作「上風」,疑以「上風」爲是。

二十三 校勘記

列

傳

第

(九) 弓弩槍鋸 「鋸」,長編卷三五作「鲲」,疑是。

(10) 止令逐都兵騎 「都」,長編卷三五作「部」,疑是。

## 宋史卷二百六十五

## 列傳第二十四

李昉 子宗訥 宗諤 孫昭述等 呂蒙正 張齊賢子宗誨 賈黄中

子,以防爲後〔〕,蔭補齋郎,選授太子校書。 |李昉字明遠,深州||饒陽人。父超,||晉工部郎中、集賢殿直學士。從父右資善大夫||沼無 漢乾祐舉進士,爲秘書郞。 宰相馮道引之,與

呂端同直弘文館,改右拾遺、集賢殿修撰

所作,及見相國寺文英院集,乃昉與扈蒙、崔頌、劉衮、竇儼、趙逢及昉弟載所題, 田郎中、翰林學士。 史館修撰、判館事。 而稱賞之曰:「吾久知有此人矣。」師還,擢爲主客員外郎、知制誥、集賢殿直學士。 周顯德二年,宰相李穀征淮南,昉爲記室。 是年冬,世宗南征,從至高郵, 六年春,丁內艱。 恭帝嗣位,賜金紫。 世宗覽軍中章奏,愛其辭理明白,已知爲防 會陶穀出使, 內署書韶填委, 乃命為屯 益善助詩 四年,加

列 僔 第 = + 四 李 昉

歲當 踰 **発**冠 年代歸。 宋初 內徙,盼不願。宰相薦其可大用,開寶二年,召還,復拜中書舍人。未幾,直學士院 上 前, 抗聲云:「穀罔上。」上疑之不釋,出助爲彰武軍行軍司馬,居延州爲生業以老。三 加 陶穀 中書舍人。 誣奏防爲所親求京畿合,上怒,召吏部尚書張昭面質其事。 建隆三年,罷爲給事中。 四年,平湖湘,受詔祀南嶽,就命知衡州, 昭老儒,氣直,

爲,非臣所知。」普尋出鎮,多遜遂參 判 旣 「多遜學士,昉直殿爾。」 吏部銓。 奏對失次,防坐左遷太常少卿,俄判 知貢 時趙普爲多遜所構, 、舉。五年,復知貢舉。 即令眞拜學士,令居多遜上。 數以其短聞於上,上詢於時,對曰:「臣職司書詔,普之所 知 秋,預宴大明殿,上見昉坐盧多遜下,因問宰相,對 政 國子監。 明年五月,復拜中書舍人、翰林學士。多, 昉之知貢舉也,其鄉人武濟川 預

預湯。 與琪俱拜平章事。 時趙普、宋琪居相位久,求其能繼之者,宿舊無踰於時,遂命參知政事。 駕次常山、常山 太宗即位,加昉戶部侍郎,受詔與扈蒙、李穆、郭贄、宋白同修太祖實錄。 雅熙元年郊祀,命昉與琪並爲左右僕射,昉固辭,乃加中書侍郎。 王師討幽薊不利,遣 七日而罷,人以爲榮。 即防之故里,因賜羊酒,俾召公侯相與宴飮盡歡,里中父老及嘗與遊從者咸 未幾,加監修國史,復時政記 師還,以勞拜工部尚書兼承旨。 先進御而後付有 太平興國中,改文明殿學士。 司,自昉議始也 十一月,普出鎮,昉 從攻太原,車

作。 須少緩,密奏取裁,庶免後患。」上嘉納之。 使分詣河南、東,籍民爲兵,凡八丁取一。一助等相率奏曰:「近者分遣使籍河南、東四十餘郡 嘯聚,更須剪除。 之民以爲邊備,非得已也。然河南之民素習農桑,罔知戰鬥,一旦括集, 陛下若以明詔旣頒,難於反汗,則當續遣使臣,嚴加戒飭,所至點募,人情若有不安,卽 如此,則河北閭閻旣困於戎馬,河南生聚復擾於崔蒲,矧當春和,有妨農 必致動搖,若 因而

宴樂。 好、弭兵息民爲言,時論稱之。 斯爲得體。」上然之。會邊警益急,詔文武羣臣各進策備禦,昉又引漢、唐故事,深以屈已修 僚師長,實宰相之任,今自工部尚書而遷是職,非黜責也。 端拱初,布衣翟馬周擊登聞鼓,訟昉居宰相位,當北方有事之時,不爲邊備,徒知賦詩 屬籍田禮方畢,乃詔學士賈黃中草制,罷昉爲右僕射,且加切責。」黃中言:「僕射,百 若日文昌務簡,以均勞逸爲辭,

何以示勸?」上覽奏,乃令罷守本官。 授昉左僕射,罷相,洎言:「昉居爕理之任,而陰陽乖戾,不能決意引退,俾居百僚師長之任, 求解機務,詔不允,遣齊賢等諭旨,復起視事。後數月,罷爲右僕射。 賢、賈黃中、李沆同居宰輔,以爕理非材,上表待罪,上不之罪。四年,昉以私門連遭憂戚, 淳化二年,復以本官兼中書侍郎、平章事,監修國史。三年夏,旱蝗,旣雨。時助與張齊 先是,上召張洎草制,

列傳

贊善大夫。 其子璨自蘇州常熟縣令赴調,昉爲訟其父冤,且言:「周太祖已爲昭雪贈官,還其田宅,錄璨 及衰微之祚,則已往之寃獲伸於下,而繼絕之恩永光簡册矣。」詔授璨著作佐郎,後官至右 而官之。 晉侍中<br />
樹者,與<br />
助同宗且同里,<br />
時人謂<br />
据為東李家,<br />
防為西李家。 然璨年幾五十,尙淹州縣之職,臣昔與之同難,豈宜叨遇聖明。 漢末, 崧被誅。至是, **儻推一視之仁,澤** 

若今日四海清晏,民物阜康,皆陛下恭勤所致也。」上曰:「勤政憂民,帝王常事。 時人不聊生,雖欲營繕,其暇及乎?」時謂:「晉、漢之事,臣所備經,何可與聖朝同日而語。 道元年正月望,上觀燈乾元樓,召昉賜坐於側,酌御罇酒飲之,自取果餌以賜。 盛,指前朝坊巷省署以諭近臣,令拓爲通衢長廊,因論:「晉、漢君臣昏闇猜貳, 華爲樂,蓋以民安爲樂爾。」因顧侍臣曰:「李昉事朕,兩入中書,未嘗有傷人害物之事,宜其 明年,防年七十,以特進、司空致事,朝會宴饗,令綴宰相班,歲時賜予,益加厚焉。 如此,可謂善人君子矣。」 。上觀京師繁 枉陷善良, 股不以繁

徒,諡文正 二年,陪祀南郊,禮畢入賀,因拜舞仆地,臺吏掖之以出,臥疾數日薨,年七十二。 今日所享

150和厚多恕,不念舊惡,在位小心循謹,無赫赫稱。 爲文章慕白居易,尤淺近易曉。 好

之,而佖朔望必詣昉。或謂佖曰:「李公待君素不厚,何數詣之?」|佖曰:「我爲廷尉日,李公 接賓客,江南平,士大夫歸朝者多從之遊。 方秉政,未嘗一有請求,此吾所以重之也。」 雅厚張洎而薄張佖,及昉罷相,洎草制深攻詆

仕李運年八十,水部郎中朱昂年七十一,廬州節度副使武允成年七十九,太子中允致仕張 部尚書宋琪年七十九,左諫議大夫楊徽之年七十五,郢州刺史魏丕年七十六,太常少卿致 好問年八十五,吳僧贊寧年七十八,議將集,會圖寇而罷。 助所居有園亭別墅之勝,多召故人親友宴樂其中。 既致政,欲尋洛中九老故事,時吏

多遜事,昉頗爲解釋。帝曰:「多遜居常毀卿一錢不直。」昉始信之。上由此益重昉。 <u></u>
昉素與盧多遜善,待之不疑,多遜屢譖<br />
防於上,或以告昉,不之信。及入相,<br />
太宗言及

歸於上。 顏温語待之。 1昉居中書日,有求進用者,雖知其材可取,必正色拒絕之,已而擢用; 或不足用,必和 若不用者,旣失所望,又無善辭,取怨之道也。」 子弟問其故,曰:「用賢,人主之事;若受其請,是市私恩也,故峻絕之,使恩

太子太師,謝氏鄭國太夫人。 防再相,因表其事,求贈所生父母官。 初, 沼未有子(三),昉母謝方娠,指腹謂叔母張曰:「生男當與叔母爲子。」故昉出繼于 韶贈其祖温太子太傅,祖母權氏莒國太夫人,超

列傳第二十四 李昉

位, 益加憂畏。 · 防素病心悸,數歲一發,發必彌年而後愈,蓋典誥命三十餘年,勞役思慮所致。 有文集五十卷。子四人: 宗訥、宗誨、宗諤、宗諒。 宗誨,右贊善大夫。 及居相

諒,主賓客員外郞。

宗訥爲尚書郎,昉懇辭,以爲非承平故事,止改祕書丞,歷太常博士。 辭,語之曰:「苟援筆成六韻詩,雖不試書判,可入等矣。」宗訥易之,光範試詩賦,立就。 集神醫普救方,宗訥暨劉錫、吳淑、呂文仲、杜鎬、舒雅皆預焉。 後數百章,皆宗訥繕寫,上愛其楷麗,問知爲宗訥所書,故有是命。 日,擬授祕書省正字;又明日,上命擢國子監丞。蓋上居藩邸時,每有篇詠,令|昉屬和,前 宗訥字大辨,以蔭補太廟齋郎,遷第四室長。代謁吏部銓,邊光範意其年少,未能屬 雍熙初, 太平興國初,詔賈黃中 昉在相位, 上欲命 明

宗訥頗習典禮。 子昭迴,大中祥符五年獻文,召試賜進士第,後爲屯田員外郎。 淳化中,呂端掌禮院,引宗訥同判,累遷比部郎中。咸平六年,卒,年五 昭遜,太子中舍。

遷秘書郎、集賢校理、同修起居注。先是,後苑陪宴,校理官不與,京官乘馬不得入禁 宗諤字昌武,七歲能屬文,恥以父任得官,獨由鄉舉,第進士,授校書郎。 明年,獻文自

門。至是,皆因宗諤之請復之,遂爲故事。

此時也。惟陛下圖之。然後下哀痛之詔,行蠲復之恩,回鸞上都,垂衣當宁,豈不盛哉。」 兵,欲安用哉?臣以爲臨軍易帥,拔卒爲將,在此時也。有功者拔於朝,不用者戮於市,亦 後能制六師生死之命乎?今陛下選任非不至也,權位非不重也,告戒非不丁寧也,處置非 擇將帥。 塞關爲上計,孤君父之重委,致生靈之重困,興言及此,誠可嘆息。自古行軍出師,無不首 糧,分道掩殺,言之甚易,行之則難。始受命則無不以攻堅陷陣爲壯圖,及遇敵則惟以閉壘 謀,將帥之短長,兵衞之衆寡,宸算廟謨,盡在吾術中矣。今之言事者,不過請陛下益兵貯 詰之,往復再三,宗諤執言兩省故事與臺司不相統攝者凡八。事聞,卒如宗諤議。 不專一也;而外敵犯塞,車駕親征,曾不聞出丁人一騎爲之救助,不知深溝高壘,秣馬厲 眞宗卽位,拜起居舍人,預重修太祖實錄。從幸大名,上疏曰:「國家馭邊之術,制勝之 遷知制誥、判集賢院,纂西垣集制,刻石記名氏。嘗牒御史臺不平空,中丞呂文仲移文 夫將帥隨材任使,守一郡,控一城,分領驍勇,爭據要害,又豈直三路主帥之名,然

具,更署職名,條上利病二十事,帝省閱而賞歎之。事具樂志。又著樂纂以獻,命付史館 遷補,至有抱其器而不知聲者。宗諤素曉音律,遂加審定,奏斥謬濫者五十人。因修完器 景德二年,召爲翰林學士。是秋,將郊,命判太常大樂、鼓吹二署。先是,樂工率以年勞

列傳

第

四

妨

自是月再肄習焉。

時 諸 神祠壇多闕外壝之制,因深塹列樹以表之,營葺齋室, 舊典因以振起。 屬契丹遣

使來賀承 ,天節,詔宗諤爲館伴使,自郊勞至飮餞,皆刊定其儀。

知審官院。 大中祥符初,從封泰山,改工部郎中。二年,始建昭應宮, 屬祀汾陰后土,命爲經度制置副使,同權河中府事。 命副丁謂爲同修宮使。 禮成,優拜右諫議大

保守門戶也。」又曰:「翰林,淸華之地,前賢敭歷,多有故事,卿父子爲之,必周知也。」宗諤嘗 著翰林雜記,以紀國朝制度,明日上之。 嘗侍宴玉宸殿,上謂曰:「聞卿至孝,宗族頗多,長幼雍睦。 朕嗣守二聖基業,亦如卿之

宗諤究心典禮,凡創制損益,靡不與聞。 修定皇親故事、武舉武選入官資敍、 閣 門 儀

制、臣僚導從、貢院條貫,餘多裁正。

惜也。」旣厚賻其家,以白金賜其繼母,又錄其子若弟以官焉 國 「朝將相家能以聲名自立,不墜門閥,唯昉與曹彬家爾。 五年,迎眞州聖像,副丁謂爲迎奉使。 五月,以疾卒,年四十九。 宗諤方期大用,不幸短命,深可 帝甚悼之,謂宰相曰:

初,昉居三館、兩制之職,宗諤不數年,皆踐其地。 風流儒雅,藏書萬卷。 內行淳至,事

賢不肖,恂恂盡禮,獎拔後進,唯恐不及,以是士人皆歸仰之。 從,及歿而已子有未仕者。 繼母符氏以孝聞。二兄早世,奉嫂字孤,恩禮兼盡。 程宿早卒,有弟無所依,宗諤爲表請於朝而官之。 與弟宗諒友愛尤至,覃恩所及,必先羣 勤接士類,無

宗諤工隸書。有文集六十卷,內外制三十卷。嘗預修續通典、大中祥符封禪汾陰記、諸

路圖經,又作家傳、談錄,並行于世。子昭遹、昭述、昭適。

博士知開封縣,特遷尙書屯田員外郎、開封推官。 支判官,改河北轉運使。 秘書丞。 昭述字仲祖,以父蔭爲祕書省校書郎。 羣牧制置使<u>曹利用薦爲判官,</u>鄆州牧地侵於民者凡數千頃,昭述悉復之。以太常 江陵屯兵讙言倉栗陳腐,欲以動衆。昭述取以爲奉,且以飯其僚 召試學士院,賜進士出身,爲刑部詳覆官,累遷 坐嘗被曹利用薦,出知常州,遷爲三司度

遂寢。 徙湖南潭州,戍卒憤監軍酷暴,欲構亂,或指昭述謂曰:「如李公長者,何可負?」其謀 昭述聞之,以戒監軍,監軍自是不復爲暴。 比去,衆遮道羅拜,指妻子曰:「嚮非公,

徙淮南轉運使兼發運使,加直史館。 列 第 徙陝西轉運使,糾察在京刑獄,爲三司戶部副使, 無

噍類矣。」

傳

+ 兀

李

昉

屬,衆遂定。

九

累遷 刑部 郎中。 陝西用兵,提點陝西計置糧草,還授度支、鹽鐵副使,以右諫議大夫爲河北

都轉運使。

學士、陝西都轉運使。 疾置日行數舍,開論父老,衆始安。宣撫使表其能,除龍圖閣直學士、知澶州,又爲樞密直 旬而 就。 河 決澶淵,久未塞。會契丹遣劉六符來,乃命昭述城澶州,以治隄爲名,調兵農八萬,逾 初,六符過之,眞以爲隄也,及還而城具,甚駭愕。 初置義勇軍,人情汹汹,昭述乘

府。 糜,活飢民數萬計。改龍圖閣學士、知秦州。 三班,累遷尙書右丞。從祫享致齋於朝堂,得暴疾卒。 居四年,入領三班院,以翰林侍讀學士知鄭州。未幾,知通進銀臺司,判太常寺,復領 河北始置四路,以爲眞定府路安撫使、 知成德軍。 諫官、御史言昭述庸懦,不可負重鎭,留眞定 贈禮部尚書、諡恪。 大水,民多流亡,籍僧舍積栗爲粥

李氏居京城北崇慶里,凡七世不異爨,至昭述稍自豐殖,爲族人所望,然家法亦不隳。

昭遘字逢吉,宗諤從子也〔三〕,以蔭爲將作監主簿。

薦之,召試,授館閣校勘,改集賢院校理。 幼時,楊億嘗過其家,出拜,億命爲賦,旣成,億日:「桂林之下無雜木,非虛言也。」其後 坐失誤落秩。未幾,復爲鹽鐵判官。

卿言是也。」遷直史館、知陝州。 之實,昭彟爭不屈,遂罷判官,爲白波發運使。因入奏事,仁宗謂曰:「前所論罷職田等事 初 議罷天下職田及公使錢,昭遘以爲不可。三司使姚仲孫惡其異己,請詰所以與利 諫官歐陽脩言:「陝府,關中要地,昭遘無治劇材,不宜遣。」

改判三司理欠司,徙度支判官。

Ш .險輸礦炭,苦其役,爲奏罷鑄錢。 又言:「河東鐵錢眞僞淆雜,不可不革。」 使契丹還,道除陝西轉運使。 坐家僮盗遼人銀酒盃,降知澤州。 陽城冶鑄鐵錢,民冒

累遷尙書工部郞中。 諫官吳及言,復改知陝州,徙鄭州卒。 昭遘至,立廟祠之。歸爲三司戶部判官,糾察在京刑獄,進直龍圖閣,改集賢殿修撰, 後復直史館、知陝州。城中舊無井,唐武德中,刺史長孫操始疏廣濟渠水入城,衆賴其 歷知鳳翔河中府、晉州,遷管勾登聞檢院。擢天章閣待制、知滄州,用 昭遘性和易,不忤物,能守家法。

進士 代還,會征太原,召見行在,授著作郎、直史館,加左拾遺。 |第一,授將作監丞,通判||昇||州。 呂蒙正字聖功,河南人。祖夢奇,戶部侍郎。父龜圖,起居郞。 陛辭,有旨,民事有不便者,許騎置以聞,賜錢二十萬。 五年,親拜左補闕、知制誥。 蒙正,太平興國二年擢

列

傳

第二

十四四

呂蒙正

朕固不以崇高自恃,使人不敢言也。」蒙正初入朝堂,有朝士指之曰:「此子亦參政耶?」<u>蒙</u> 忘,不若毋知之爲愈也。」時皆服其量。 于心;及列於位,得以獻可替否,當盡其所蘊,雖言未必盡中,亦當愈議而更之,俾協于道。 正陽爲不聞而過之。同列不能平,詰其姓名,蒙正遽止之曰:「若一知其姓名,則終身不能 諫議大夫、 參知政事,賜第麗景門。上謂之曰:「凡士未達,見當世之務戾于理者,則怏怏 迎二親,同堂異室,奉養備至。 ,龜圖多內寵,與妻劉氏不睦,丼蒙正出之,頗淪躓窘乏,劉誓不復嫁。及蒙正登仕, 龜圖旋卒,詔起復。未幾,遷都官郎中,入爲翰林學士,擢左

以正 蒙正後進,歷官一紀,遂同相位,普甚推許之。俄丁內艱,起復。 |道自持。遇事敢言,每論時政,有未允者,必固稱不可,上嘉其無隱。|趙普開國元老, 李昉罷相,蒙正拜中書侍郎兼戶部尚書、平章事,監修國史。蒙正質厚寬簡,有重望,

甲科及第,釋褐止授九品京官。况天下才能,老於巖穴,不霑寸祿者多矣。今臣男始離襁 褓,膺此寵命,恐罹陰譴,乞以臣釋褐時官補之。」自是宰相子止授九品京官,遂爲定制。 先是,盧多遜爲相,其子雍起家卽授水部員外郞,後遂以爲常。至是,蒙正奏曰:「臣忝

大,安用照二百里哉?」聞者歎服。 士有藏古鏡者, 自言能照二百里,欲獻之蒙正以求知。蒙正笑曰:「吾面不過楪子

沒,太宗自運土木攻城,如此卒無所濟。且治國之要,在內修政事,則遠人來歸,自致安 武,則天下之人熸亡盡矣。」蒙正對曰:「隋、唐數十年中,四征遼碣,人不堪命。陽帝全軍陷 年,昉罷,蒙正復以本官入相。因對,論及征伐,上曰:「殷比來征討,蓋爲民除暴,苟好功黷 淳化中,左正言宋沆(四)上疏忤旨,沆,蒙正妻族,坐是罷爲吏部尚書,復相李昉。 兀

靜。」上韙之。

嘗見都城外不數里,饑寒而死者甚衆,不必盡然。 上天之貺,致此繁盛,乃知理亂在人。」蒙正避席曰:「乘輿所在,士庶走集,故繁盛如此。 掠,下則火災,上則彗孛,觀者恐懼,當時謂無復太平之日矣。 股躬覽庶政,萬事粗理,每念 色不言。 嘗燈夕設宴,蒙正侍,上語之曰:「五代之際,生靈凋喪,周太祖自\**鄴南歸,**士庶皆罹剽 蒙正侃然復位,同列多其直諒。 願陛下視近以及遠,蒼生之幸也。」上變 臣

人不及。臣不欲用媚道妄隨人主意,以害國事。」同列悚息不敢動。 氣量,我不如。」旣而卒用蒙正所薦,果稱職。 三以其人對。 上嘗欲遣人使朔方,諭中書選才而可責以事者,蒙正退以名上,上不許。 上曰:「卿何執耶? 」蒙正曰:「臣非執,蓋陛下未諒爾。」固稱:「其人可使,餘 上退謂左右曰:「蒙正 他日,三問,

至道初,以右僕射出判河南府兼西京留守。 蒙正至洛,多引親舊歡宴,政尚寬靜,委任

四

呂

正

僚屬,事多總裁而已。

公,改封徐至,又封許。 葬日,伏哭盡哀,人以爲得大臣體。 三入相者,惟趙普與蒙正焉。 眞宗卽位,進左僕射。 會營奉熙陵,蒙正追感先朝不次之遇,奉家財三百餘萬以助用。 郊祀禮成,加司空兼門下侍郎。 咸平四年,以本官同平章事、昭文館大學士。 六年,授太子太師,封萊國 國朝以來

蒙正至洛,有園亭花木,日與親舊宴會,子孫環列,迭奉壽觴,怡然自得。大中祥符而後,上 朝永熙陵,封泰山,祠后土,過洛,兩幸其第,錫賚有加。 弭兵省財,古今上策,惟願陛下以百姓爲念。」上嘉納之,因遷從簡太子洗馬,知簡奉禮郎。 曰:「諸子皆不足用。有姪|夷簡,任|潁州推官,宰相才也。」|夷簡由是見知於上。 景德二年春,表請歸洛。 **陛辭日,肩輿至東園門,命二子掖以升殿,因言:「遠人請和,** 上謂蒙正曰:「卿諸子孰可用?」對

子,即弼也。後弼兩入相,亦以司徒致仕。其知人類如此 及見,驚曰:「此兒他日名位與吾相似,而勳業遠過於吾。」令與諸子同學,供給甚厚。 言之 富言者,蒙正客也。一日白曰:「兒子十許歲,欲令入書院,事廷評、太祝。」 蒙正許之。

許國之命甫下而卒,年六十八。贈中書令,諡曰文穆。

蒙正初爲相時,張紳知察州,坐贓免。或言於上曰:「紳家富,不至此,特蒙正貧時勾索

及蒙正再入相,太宗謂曰:「張紳果有贓。」蒙正不辨亦不謝。在西京日,上數遣中貴人將命 不如意,今報之爾。」上命卽復紳官,蒙正不辨。 後考課院得紳實狀,復黜爲絳州團練副使。

至,蒙正待之如在相位時,不少貶,時人重焉。

簡,亦國子博士;居簡,殿中丞;知簡,太子右贊善大夫。 子從簡,再爲國子博士;惟簡,太子中舍; 承簡,司門員外郎;行簡,比部員外郎;務

蒙正弟蒙休,咸平進士,至殿中丞。

後歷下蔡、武平主簿。至道初,考課州縣官,蒙亨引對,文學、政事俱優,命爲光祿寺丞,改 龜圖弟龜祥,殿中丞,知壽州。子蒙亨,舉進士高等,旣廷試,以蒙正居中書,故報罷。

大理寺丞,卒。 次子蒙巽,虞部員外郎,蒙周,淳化進士及第。蒙亨子即夷簡也。次子宗簡,

亦進士及第。

令結狀保證以聞,介事乃白。<br />
居簡長者,其行事多類此。 中使曰:「於君何如?」居簡曰:「介死,當時必有內外親族及門生會葬,問之可也。」中使乃 走鄰國矣。」乃遣中使發棺驗之。居簡謂曰:「萬一分果死,則朝廷爲無故發人之墓,奈何?」 慶曆中,居簡提點京東刑獄,時夏竦有憾於石介,介死,竦言於上曰:「介未嘗死,北

徐州妖人孔直温挾左道誘軍士爲變,或詣轉運使告,不受詞。 居簡令易其牒、盡捕究

傳第

二 十

四

呂蒙正

張齊賢

黨與,貸詿誤者,請於朝,斬直温等。 圖閣直學士、知廣州,陶甓甃城,人以爲便。 兵享勞,姦不得發。 用二事,遷秩鹽鐵判官,拜集賢院學士,知梓州、應天府,徙荆 濮州復叛,都民驚潰,居簡馳往,獲首惡誅之。 以兵部侍郎判西京御史臺,卒,年七十二。 南,進龍 因大閱

張齊賢,曹州寃句人。 生三歲,值晉亂,徙家洛陽。 孤貧力學,有遠志,慕唐李大亮之

爲人,故字師亮。

爾。 旨,齊賢堅執以爲皆善,上怒,令武士拽出之。及還,語太宗曰:「我幸西都,唯得一張齊賢 日富民,日封建,日敦孝,日舉賢,日太學,日籍田,日選良吏,日愼刑,日懲姦。 我不欲爵之以官,異時可使輔汝爲相也。」 太祖幸西都,齊賢以布衣獻策馬前,召至行宮,齊賢以手畫地,條陳十事:日下井、汾, 內四說稱

評事 數千戶,困於郵役,衣食多不給,論奏減其半。四年,代還,會親征晉陽,齊賢上謁,遷祕書 通判衡州。 忻州新下,命知州事。明年召還,改著作佐郎,直史館,改左拾遺。 冬,車駕北征,議者 太宗擢進士,欲置齊賢高第,有司偶失論選,上不悅,一榜盡與京官,於是齊賢以大理 時州鞫釼盜,論皆死,齊賢至,活其失入者五人。自荆渚至桂州,水遞鋪夫

皆言宜速取幽薊,齊賢上疏曰:

勝,若重之愼之,則契丹不足吞,燕薊不足取。 武谷來爭小利,此其智力可料而知也。聖人舉事,動在萬全,百戰百勝,不若不戰而 可虞。及國家守要害,增壁壘,左控右扼,疆事甚嚴,恩信已行,民心已定,乃於鴈門陽 運爲勞?臣愚以爲此不足慮也。 不足也。 山後轉般以授河東。以臣料,契丹能自備軍食,則於太原非不盡力,然終爲我有者,力 方今海內一家,朝野無事。 河東初平,人心未固,嵐、憲、忻、代未有軍砦,入寇則田牧頓失,擾邊則守備 關聖慮者,豈不以河東新平,屯兵尙衆,幽燕未下,董 自河東初下,臣知忻州,捕得契丹納米典吏,皆云自

地而爲寇哉? 息,則田業增而蠶績廣,務農積穀,以實邊用。且敵人之心固亦擇利避害,安肯投諸死 力不如任人。如是則邊鄙寧,邊鄙寧則輦運減,輦運減則河北之民獲休息矣。民獲休 壘深溝,畜力養銳,以逸自處,寧我致人,此字收所以用趙也。 所謂擇卒不如擇將,任 自古疆埸之難,非盡由敵國,亦多邊吏擾而致之。若緣邊諸砦撫御得人,但使峻

而後末,安內以養外。人民,本也;疆土,末也。五帝三王,未有不先根本者也。 撓、 臣 聞家六合者以天下爲心,豈止爭尺寸之事,角強弱之勢而已乎?是故聖人先本

列傳

第

= +

四

張

齊賢

遠人之歸,可立而待也。 故常者,重置之法。使天下耳目皆知陛下之心,戴陛下之惠,以德懷遠,以惠利民,則 濟,可經久而行,爲聖朝定法;除去舊弊,天下諸州有不便于民者,委長吏以聞。 江南、荆湖、西川、嶺南、河東,凡前日賦斂苛重者,改而正之,因而利之,使賦稅課利通 之心,眞堯、舜也。臣慮羣臣多以纖微之利,尅下之術,侵苦窮民,以爲功能。 舜之道無他,在乎安民而利之爾。民旣安利,則遠人斂袵而至矣。陛下愛民人、利天下 民疾苦,見之如不見,聞之如不聞,斂怨速尤,無大于此。伏望愼擇通儒,分路採訪兩浙、 至于生 敢循

銅、鐵、鉛、錫之所,推求前代鑄法,取饒州永平監所鑄以爲定式,歲鑄五十萬貫,凡用銅八 十五萬斤,鉛三十六萬斤,錫十六萬斤,詣闕面陳其事,敷奏詳確,議者不能奪。 六年,爲江南西路轉運副使,多,改右補闕,加正使。 齊賢至官,詢知饒、信、虔州土產

視之,率非首犯,悉伸其寃抑。因力言于朝,後凡送囚至京,請委強明吏慮問,不實,則罪及 先是,諸州罪人多錮送闕下,路死者十常五六。齊賢道逢南劍、建昌、虔州所送,索牒

原問官屬。自是江南送罪人者爲減太半。

浮居者名水場錢,皆前代弊政,齊賢悉論免之。 先是,江南諸州小民,居官地者有地房錢,吉州緣江地雖淪沒,猶納勾欄地錢,編木而

清淨,前敕旣放營農,不若且仍舊貫。」<u>齊</u>賢居使職,勤究民弊,務行寬大,江左人思之不忘。 避。克復之後,便放歸農,久被皇風,並皆樂業。若逐戶搜索,不無驚擾。法貴有常,政尙 乞遣使選充軍伍,幷其家屬送闕下。齊賢上言:「江南義軍,例皆良民,橫遭黥配,無所逃 之,日支糧二升,名爲義軍。旣內附,皆放歸農。至是,言者以爲此輩久在行伍,不樂耕農, 召還,拜樞密直學士,擢右諫議大夫、簽書樞密院事。 初,李氏據有江南,民戶稅錢三千已上者戶出丁一人,黥面,自備器甲輸官庫,出卽給

右,誓衆慷慨,一以當百,遼兵遂却。 馬正以所部列南門外,衆寡不敵,副部署盧漢贇畏懦,保壁自固。齊賢選廂軍二千,出正之 即授給事中、知代州,與部署潘美同領緣邊兵馬。是時遼兵自湖谷入寇,薄城下,神衞都校 **雍熙初,遷左諫議大夫。三年,大舉北伐,代州楊業戰沒。上訪近臣以策,齊賢請行,** 

所乘。 意謂抖師至矣,駭而北走。齊賢先伏步兵二千於土磴砦,掩擊大敗之,擒其北大王之子一 發兵二百,人持一幟,負一 戰,已還州矣。于時遼兵塞川,齊賢曰:「賊知美之來,而不知美之退。」乃閉其使密室,中夜 先是,約潘美以丼師來會戰,無何,間使爲遼人所得。齊賢以師期旣漏,且虞美衆爲遼 旣而美使至,云師出抖州,至柏井至了,得密詔,東師敗績于君子館,抖之全軍不許出 束芻,距州城西南三十里,列幟然芻。遼兵遙見火光中有旗幟,

列

第二

十四四

張

齊賢

人,帳前舍利一人,斬數百級,獲馬二千、器甲甚衆。 捷奏,且歸功漢贇

時、崞縣。 端拱元年多,拜工部侍郎。 下令曰:「代西有寇,則崞縣之師應之;代東有寇,則繁畤之師應之。 。遼人又自大石路南侵,齊賢預簡廂兵千人爲二部,分屯繁 比接戰,則

郡兵集矣。」至是,果爲繁畤兵所敗。

謁禁中,上歎其福壽、有令子,多手詔存問,加賜與,搢紳榮之。 政事,數月,拜吏部侍郎、同中書門下平章事。 二年,置屯田,領河東制置方田都部署,入拜刑部侍郎、樞密副使。 齊賢母孫氏年八十餘,封晉國太夫人,每入 淳化二年夏,參知

俄 菓。 州,以母老不願往。 爲請於齊賢,齊賢以聞。太宗以延德嘗事晉邸,怒其不自陳而干祈執政,召見詰責。 助業皆諱不以實對, 齊賢不欲累 流,獨任其責。 徒襄州,移荆南,又徙安州。 時閣門祗候趙贊以言事得幸,提點關中芻糧,所爲多豪橫。 尋復轉禮部尚書、知河南府。 初,王延德與朱貽業同掌京庾,欲求補外,貽業與參政李沆有姻婭,託之以請於沆,沆 未幾,丁內艱,水漿不入口者七日,自是日啖粥一器,終喪不食酒肉蔬 踰年,加刑部尚書 時獄有大辟將決,齊賢至,立辨而釋之。 四年六月,罷爲尙書左丞。 齊賢論列其罪,卒抵於法。 三日,徙知永興 十月,命知定 延德、

真宗卽位,召拜兵部尚書、同中書門下平章事。嘗從容爲上言皇王之道,而推本其所以

命具欵。乃召兩吏,令甲家入乙舍,乙家入甲舍,貨財無得動,分書則交易之。 自治。」上俞之。齊賢坐相府,召訟者問曰:「汝非以彼所分財多、汝所分少乎?」曰:「然。」 道則近之矣。」時戚里有分財不均者更相訟,又入宮自訴。齊賢曰:「是非臺府所能決,臣請 然,且言:「臣受陛下非常恩,故以非常爲報。」上曰:「朕以爲皇王之道非有跡,但庶事適治 上大悅曰:「朕固知非君莫能定者。」郊祀,加門下侍郞。與李沆同事,不相得。 坐冬至朝會 明日奏聞,

被酒失儀,冤相

靈州 十數萬。但彼出則我歸,東備則西擊,使之奔走不暇,何能爲我患哉?今靈武軍民不翅六 臣所領十二州軍,見二萬餘人,若緣邊料柬本城等軍,更得五萬餘人,招致蕃部,其數又踰 能略以官爵,誘以貨利,結之以恩信,而激之以利害,則山西之蕃部族帳,靡不傾心朝廷矣。 也。以事勢言之,加討則不足,防遏則有餘。其計無他,蕃部大族首領素與繼遷有隙者,若 乞封潘羅支爲六谷王而厚以金帛者,恐繼遷旦暮用兵斷彼賣馬之路也。苟朝廷信使得達 七萬,陷於危亡之地,若繼遷來春於我兵未舉之前,發兵救援靈武,盡驅其衆,并力攻圍,則 言謂:「淸遠軍陷沒以來,靑岡砦燒棄之後,靈武一郡,援隔勢孤,此繼遷之所覬覦而必至者 孤城必難固守。萬一失陷,賊勢益增,縱多聚甲兵,廣積財貨,亦難保必勝矣。臣所以 四年,李繼遷陷淸遠軍,命爲涇、原等州軍安撫經略使,以右司諫梁顥爲之副。 齊賢上

列

萬山聞之,必不敢於靈州、河西頓兵矣。萬山旣退,則賀蘭蕃部亦稍稍叛繼遷矣。 淺蕃,原、渭、鎭戎(七)之熟戶,自然歸化。 潘羅支,則泥埋等族、西南遠蕃,不難招集。 然後使之與對替甲兵及駐泊軍馬互爲聲援,則 西南既稟命,而緣邊之勢張,則鄜、延、環、慶之 若日名

齊賢又請調江淮、荆湘丁壯八萬以益防禦,朝議以爲動搖,兼澤國人民,遠戍西鄙亦非

人,爵賞不可以濫及,此乃聖人爲治之常道,非隨時變易之義也。」

便,

計遂寢。

器不可以假

西邊 成 謂兵鋒未交,而靈州之圍自解。 設若繼遷分兵以應敵,我則乘勢而易攻。 來,危困彌甚。 如 之民何由 (功不難矣。」 時不能用。 此 | 則蕃漢土人之心有所依賴。 屯駐、對替之兵,從以原、渭、鎭戎之師,率山西熟戶從東界而入,嚴約師期,兩路交進。 齊賢又言:「靈州斗絕一隅,當城鎭完全、磧路未梗之時,中外已言合棄,自繼遷爲患已 而出,城中之兵何由而歸?欲全軍民,理須應接。 南去鎮戎約五百餘里,東去環州僅六七日程,如此畏途,不須攻奪,則城中 未幾,靈武果陷 然後取靈州軍民,而置砦於蕭關、武延川 裁候平寧,却歸舊貫,然後縱蕃漢之兵,乘時以爲進退,則 且奔命途道,首尾難衞,千里趨利,不敗則禽。 爲今之計,若能增益精兵,以合 險要處以僑寓之, 臣

閏十二月,拜右僕射、判MM(K),不行,改判永興軍兼馬步軍部署。

時薛居正子惟吉

理,命司 妻柴氏無子早寡,盡畜其貨產及書籍論告,欲改適齊賢。 門員外郞張正倫就訊,柴氏所對與安上狀異。下其事於御史,乃齊賢子太子中舍 惟吉子安上訴其 事。 上不欲置于

齊賢坐責太常卿、分司西京,宗誨貶海州別駕

宗誨教柴氏爲詞。

庶満 尙 往之事以明本末。 臣慮德明 支射殺, 臣思繼遷須是得 路,復撓緣邊城池,數年之間,靈州終爲吞噬。 謂封獎未厚。 六谷名目 在,則德明未足爲虞;今潘羅支已亡,廝鐸督恐非其敵。 其意 景德 上疏言曰:「臣在先朝,常憂靈、夏兩鎭終爲繼遷丼吞,言事者以臣所慮爲太過,略舉旣 乘大駕東幸之際,去攻六谷,則瓜、沙、甘、肅、于闐諸處漸爲控制 封潘羅支,俾其展効。 初,起爲兵部尙書、知靑州。 邊患謂可少息。 爾後攻級不已,直至降鱗、府州界八部族蕃酋,又脇制賀蘭山下帳族,言事者猶 消陛下賜以殿、厦土壤,寵以節旄, 一兩處強大蕃族與之爲敵, 當時臣下皆以繼遷 今其子德明依前攻捌, 析逋遊龍鉢等盡在部下, 其志又似不小。 其時近臣所見,全與臣謀不同,多爲沮撓。 上幸澶淵,命兼青、淄、潍州安撫使。二年,改吏部尚 只是懷戀父祖舊地,別無他心,先帝與以銀州廉察, 此乃以蠻夷攻蠻夷, 當靈池、清遠軍 自此 一姦威愈滋,逆志尤暴。 望委大臣經制其事 垂欲陷沒,臣方受經略之命。 古今之上策也。 矣。 及繼遷為潘羅 屢斷 向使潘羅支 **遂**請 靈州 糧

從 ·東封還,復拜右僕射。時建玉清昭應宮,齊賢言繪畫符瑞,有損謙德,又違奉天之 列 第二 + 四 張 齊 賢 九 五五

意,屢請罷其役。

三年,出判河陽,從祀汾陰還,進左僕射。 五年,代還,請老,以司空致仕。 入辭便坐。

方拜而仆,上遽止之,許二子扶掖升殿,命益坐茵爲三。

歸洛,得裴度午橋莊,有池榭松竹之盛,日與親舊觴詠其間,意甚曠適。 七年夏,薨,年

七十二。贈司徒,諡文定。

時家貧,父死無以爲葬,河南縣吏爲辦其事,齊賢深德之,事以兄禮,雖貴不替也。仲兄昭度 於此。」上大悅,遂大用。一种放之起,齊賢所薦也。 趙普嘗薦齊賢於太宗,未用,普卽具前列事,以謂:「陛下若進齊賢,則齊賢他日感恩,更過 嘗授<u>齊賢經,及卒,表贈光祿寺丞。又嘗依太子少師李肅家,</u>肅死,爲營葬事,歲時祭之。 康 寧福壽,時罕其比。 齊賢姿儀豐碩,議論慷慨,有大略,以致君自負。 留心刑獄,多所全活。 居相日,數起大獄,又與寇準相傾,人或以此少之。 齊賢四踐兩府,九居八座,以三公就第, 喜提獎寒雋。少

候 宗訥,太子中舍,宗禮最賢,雖累資登朝,而畏覊束,故多居田里。 齊賢諸子皆能有立:宗信,內殿崇班;宗理,大理寺丞;宗諒,殿中丞; 宗簡, **閤門**祗

宗誨字習之,齊賢第二子也。少喜學兵法,陰陽、象緯之書無不通究。 以父任爲秘書

省正字,遷至太子中舍,貶海州別駕。 騒 動,宗誨將郡兵攻破之。擢開封府判官、三司度支勾院。 嘗通判河陽,徙知富順監 宗誨在開封日 會夷人斗郎春飯,羣獠皆 御史王沿劾其

嗜酒廢事,及爲河北轉運使,乃發沿居喪假官舟賈販,朝論惡之。

人心 州 復徙永興鈴轄兼知邠州,以秘書監致仕。 奔將無所歸,激之則爲亂矣。」乃納之,拘德和以聞。是時廊城不完,且無備,傳言寇兵至, 不安。 元昊寇延安,劉平、石元孫敗沒,鈴轄黃德和遁還,延州不納,又走鄜州。 會以調發擾民,徙知徐州。 宗誨乃嚴斥候,籍入而禁出,使老幼倂力守禦之,敵亦自引去。領興州防禦使, 累遷太常少卿,後爲永興軍兵馬鈴轄,又徙鄜延路兼知鄜 宗誨日:「軍

以 時以爲名言 優游 雖 嘗 無鑑湖,而嵩、少、伊、瀍天下佳處,雖非朝廷所賜,皆閉逸之人所有爾。 ,何必更事請謁乎?」宗誨曰:「吾作白頭老監祕書而眠,何以賀老流沙之服爲哉? 事干謁,其子曰:「昔賀祕監以道士服東歸會稽,明皇賜以鑑湖,以爲休老之地。今洛 大人盍衣羽服

事貨殖,以至于卒。 初 ,齊賢守代州,宗誨嘗預計畫,其保任親族不問疎近,以年爲先後。 然性貪,雖謝事,

猶

列 傳第 子阜字叔謨, 二 十 四 張 齊 少有才名而不自負,人樂與之游。 賢 質 黄 中 最善尹洙,洙曰:「吾交天下 九一 五九

士多矣,不以通否易意者,子阜也。」舉進士,試祕書郎、知新鄭縣。 以齊賢相,遷校書郎,館

閣獻碩,擢著作佐郎,進直史館,累官至尚書司封員外郎。

光祿卿,加直祕閣、知廬州,遷祕書監,累職徙揚州,卒。 戍卒逐其帥韓綱,餘黨作亂,子憲招降之。征稅重,人多逋負,子憲奏除之。 三司鹽鐵判官、直史館、知洪州。 子憲字彥章,以蔭將作監主簿,以獻文賜同進士出身,累遷尚書刑部郎中、 遷右諫議大夫、知桂州,不赴,御史劾之,降祕書監。 歷太常 知光化軍。 少卿、

謁,必諄諄誨誘之。 宋初,爲刑部郎中, 賈黃中字媧民,滄州南皮人,唐相耽四世孫。父玭字仲寶,晉天福三年進士,解褐。 終水部員外郎、知浚儀縣,年七十卒。 初,通判鎭州,葬鄉黨羣從之未葬者十五喪,孤貧不自給者,咸敎育而 **玭**嚴毅,善教子,士大夫子弟來

書郎、集賢校理,遷著作佐郎、直史館。 子科,七歲能屬文,觸類 <u>黄</u>中幼聰悟,方五歲,班每旦令正立,展書卷比之,謂之「等身書」,課其誦讀。 《賦詠。 父常令蔬食,曰:「俟業成,乃得食肉。」十五舉進士,授校 六歲舉

婚嫁之。

建隆三年,遷左拾遺,歷左補闕。 開寶八年,通判定州,判太常禮院。 黄中多識典故,

每詳定禮文,損益得中,號爲稱職。

表,選知宣州。 嶺南平,以黃中爲採訪使,廉直平恕,遠人便之。 歲饑,民多爲盜,黃中出己奉造糜粥,賴全活者以千數,仍設法弭盜,因悉解 還奏利害數十事,皆稱旨。 會克江

矣。」賜錢三十萬。丁父憂,起復視事。五年,召歸闕。 氏宮閣中遺物也,即表上之。上覽表謂侍臣曰:「非黃中康恪,則亡國之寶,將汙法而害人 太宗卽位,遷禮部員外郞。 一日,案行府署中,見一室扃鑰甚固,命發視之,得金寶數十匱,計直數百萬,乃李 太平興國二年,知昇州。 時金陵初附,黃中爲政簡易,部內

貢舉,遷司封郎中,充翰林學士。<u>纏熙二年,又知貢舉,俄掌吏部選。端拱初,加中書舍人</u>。 並 二年,兼 拜給事中、參知政事。 有薦黃中文學高第,召試中書,拜駕部員外郎、知制誥。 史館修撰。 凡再典貢部,多柬拔寒俊,除擬官吏, 品藻精當。 太宗召見其母王氏,命坐,謂曰:「教子如是,眞孟母矣。」作詩以賜 八年,與宋白、呂蒙正等同知 淳化二年秋,與李沆

黃中素重呂端爲人,屬端出鎭襄陽,黃中力薦於上,因留爲樞密直學士,遂參知政事。

列

之,頒賜甚厚。

當世文行之士,多黃中所薦引,而未嘗言,人莫之知也。 然畏愼過甚,中書政事頗留不決。

嘗念其母有賢德,七十餘年未覺老,每興之語,甚明敏。 天下,獎及人親,臣實何人,膺茲榮遇。」 目參知政事蘇易簡曰:「易簡之母亦如之。 曰:「夫小心翼翼,君臣皆當然;若太過,則失大臣之體。」黃中頓首謝。上因謂侍臣曰:「朕 四年多,與沆並罷守本官。 明年,知襄州,上言母老乞留京,改知澶州。 自古賢母不可多得。」易簡前謝曰:「陛下以孝治 黄中終日憂畏,必先其母老矣。」因 辭日,上戒之

閣,甚以爲慰。 疾,改命李至、李沆兼賓客,黃中亦特拜禮部侍郎,代至兼祕書監。黃中素嗜文籍,旣居內 至道初,黃中遘疾,詔令歸闕。會建儲宮,擇大臣有德望者爲賓友,黃中在選中。 以久

三十萬。旣葬,其母入謝,又賜白金三百兩。上謂之曰:「勿以諸孫爲念,殷當不忘也。」 二年,以疾卒,年五十六,其母倘無恙,卒如上言。贈禮部尙書。上聞其素貧,別賜錢

|太宗召見,訪以時政得失,黃中但言:「臣職典書詔,思不出位,軍國政事,非臣所知。」上益 重之,以爲謹厚。及知政事,卒無所建明,時論不之許。有文集三十卷。 黃中端謹,能守家法,廉白無私。多知臺閣故事,談論亹亹,聽者忘倦焉。在翰林日,

子守謙,雍熙二年進士;守正,獻文召試,賜進士第,後爲虞部員外郎;守約,國子博

禮,皆以善終,非盛德君子,其孰能與於斯? 各盡其道者矣。君子謂李昉爲多遜所毀而不校,蒙正爲張紳所汚而不辨,齊賢爲同列所累 迭居相位;復進黃中,俾參大政。 是臣則足以相是君也。太宗勵精庶政,注意輔相,以昉舊德,亟加進用;繼擢蒙正、齊賢, 而不言,黃中多所薦引而不有其功,此固人之所難也。 論曰:詩云:「允也天子,降予卿士,實維阿衡云,實左右商王。」言有是君則有是臣,有 而四臣者將順德美,修明庶政,以致承平之治,可謂君臣 而况四臣者皆賢宰輔,又能進退有

#### 校勘記

- 從父右資善大夫沼無子以昉爲後 實錄卷七六也說:「助自襁褓,叔父沼養爲己子。」據此李沼實爲李昉從父,「大」字衍,故删。 「從父」,原作「從大父」。按下文有「當與叔母爲子」句,太宗
- $\exists$ 沼未有子 助出繼于沼」句同改。 「沼」原作「超」,據上下文和宋會要儀制一〇之一四、太宗實錄卷七六改。下文「故

列傳第二十四 校勘記

- (三) 宗諤從子也 按東都事略卷三二李宗諤傳,昭遘是宗諤之子。
- 左正言宋沈 原作「右正言宋抗」,據本書卷二八七宋湜傳、長編卷三二改。
- 略卷三二本傳改。 蒙正封萊國公,又見本書卷七眞宗紀、長編卷五五。

「萊」原作「蔡」,「徐」原作「隨」。 據琬琰集上編卷一五呂蒙正神道碑、東都事

金

封萊國公改封徐

**公** 柏井 原作「北井」,琬琰集下編卷二張齊賢傳、長編卷二七都作「柏井」,據改。

**元** 邠州 原作「汾州」,據長編卷五一、東都事略卷三二本傳改。 原作「振戎」,據長編卷四九、本書卷八七地理志、武經總要前集卷一八上改。

(4)

鎭戎

實維阿衡 「維」原作「爲」,據詩商頌長發改。

# 宋史卷二百六十六

## 列傳第二十五

錢若水 從弟若沖 蘇易簡 郭贄 李至 辛仲甫

温仲舒

王化基 子舉正

舉元

孫詔

借留。 酆都尉、扶風令、相州錄事參軍。先是,府帥多以筆牘私取官庫錢,韓重贇領節制,頗仍其 遠,謂朝廷不知爾。 召見講武殿,謂曰:「瀘州近蠻境,尤宜綏撫。 文敏不從,重贇假他事廷責之,文敏不爲屈。 錢若水字澹成,一字長卿,河南新安人。父文敏,漢青州帥劉銖辟爲錄事參軍,歷長水 韶改殿中丞,許再任。三遷司封員外郎,又知洺州、建昌軍。卒,年七十二。 至,爲朕鞫之,苟一毫有侵於民,朕必不赦。」至郡,有政迹,夷人詣闞 聞知州郭思齊、監軍郭重遷掊斂不法,恃其荒 太祖嘉其有守,授右贊善大夫、知瀘州,

**若水幼聰悟**,十歲能屬文。 列 傳 第 = + 五 錢 若 水 華山陳摶見之,謂曰:「子神淸,可以學道,不然,當富貴, 九一六五

選,薦居水洎王扶、程肅、陳充、錢熙五人文學高第,召試翰林,若水最優,擢秘書丞、直史 俄知審官院、銀臺通進封駮司。 員外郎。 館。 光嗣,持首鼠之兩端。」太宗大以爲當。 但忌太速爾。」確熙中,舉進士,釋褐同州觀察推官,聽决明允,郡治賴之。 歲餘。遷右正言、知制誥。 詔詣原、鹽等州制置邊事,還奏合旨,翌日改職方員外郎、翰林學士,與脹泊 會置理檢院於乾元門外,命若水領之。俄同 嘗草賜趙保忠詔,有云:「不斬繼遷,開狡**冤之三**穴; 淳化初,寇準掌 知貢舉, 加 .並命。 潛疑 屯田田

|柴成務、宗度、吳淑、楊億同修,成八十卷。 |眞宗覽書流涕,錫賚有差。 解機務、韶不許。「若水請益堅、遂以本官充集賢院學士、判院事。 至道初,以右諫議大夫同知樞密院事。 眞宗卽位, 加工部侍郎。 俄詔修太宗實錄,若水引 數月,以母老上章求

| 若水援國初詔令,廷諍數四乃定。 諤、梁顥、趙安仁,未周歲畢。安仁時爲宗正卿,上言<u>變</u>王於太宗屬當爲兄,實錄所紀繆誤。 事、欲居水書之以戒浮俗、居水不從。 若水稱詔旨及唐朝故事以折之,時議不能奪。既又重修太祖實錄,參以王禹偁、李宗 初,太宗有畜犬甚馴,常在乘輿左右。及崩,鳴號不食,因送永熙陵寢。 呂端雖爲監修,以不涖局不得署名,至抉其事以爲專 李至嘗詠其

俄判吏部流內銓。從幸大名, 若水陳禦敵安邊之策, 有日:

有死,豈獨思遁,抑亦來歲不敢犯邊矣。 陣不用命者斬。 民,上孤委注之恩,下挫銳師之氣,蓋潛輩不能制勝,朝廷未能用法使然也。 也; 柄,使將萬人,間以強弩,分路討除,孰敢不用命哉?敵人聞我將帥莫不用命〔〕,退 用法者,以朝廷能賞罰不私也。 孫武著書, 今若斬潛以徇,然後擢如楊延朗、 以伐謀爲主,漢高將將, 今傅潛領雄師數萬,閉門不出, 如此則可以坐淸邊塞,然後鑾輅還京,天威懾 以用法爲先。 楊嗣 者五七人,增其爵秩,分授兵 伐謀者, 以將帥能料敵制勝 坐 一視邊寇俘掠 軍法,臨 則 生

高平。 鳳,平關南,特席捲爾。 分兵擊太原。 臣 嘗讀前史,周世宗卽位之始,劉崇結敵入寇,敵遣其將楊衮領騎兵數萬,隨崇至 當時懦將樊愛能、何徽等臨敵不戰,世宗大陳宴會,斬愛能等,拔偏將 劉崇聞之,股慄不敢出,即日遁去。 以陛下之神武,豈讓世宗乎?此今日禦敵之奇策也。 。自是兵威大振。 其後收准甸,下秦、 十餘人,

於四海

超 立 遠軍,王彥昇在原州,但授緣邊巡檢之名,不加行營部署之號,率皆十餘年不易其任。 在 ]功者厚加賞賚,其位皆不至觀察使。 關南,何繼筠在鎮定,賀惟忠在易州,李謙溥在隰州,姚內斌在慶州,董遵誨在通 若將來安邊之術,請以近事言之,太祖朝制置最得其宜。止以郭進在邢州,李漢 蓋位不高則朝廷易制,任不易則邊事盡知。

列

傳

第

二十五

錢若水

九一六八

統轄;置巡檢之名,俾遞相救應。如此則出必擊寇,入則守城,不數年間,可致邊烽 和,此皆陛下之所知也。 然後授以聖謀,來則掩殺,去則勿追,所以十七年中,北邊、西蕃不敢犯塞,以至屢使乞 苟能遵太祖故事,愼擇名臣,分理邊郡; 罷部署之號,使不相

罷警矣。

俄 知開封府。 時北邊未寧,內出手札訪若水以策。 若水陳備邊之要有五:

日擇郡守,二日募鄉兵,三日積獨粟,四日革將帥,五日明賞罰。

郡 各務安靜。 障,明斥候,每得事宜, 刺史,令兼緣邊巡檢,許召勇敢之士爲隨身部曲。 廩贍不充則官爲支給。 然後嚴亭 何謂擇郡守?今之所患,患在戰守不同心。望陛下選沉厚有謀諳邊事者,任爲邊 苟無大過,勿爲替移;儻立微功,就加爵賞。如此則戰守必能同心,敵人 密相報示。 寇來則互爲救應,齊出討除; 寇去則不令遠追,

蠲其 (賦租 何謂 募鄉兵?今之所患,患在不知敵情。 彼兩地之中,各有親族,使其懷惠,來布腹心。 望韶逐州沿邊民爲招收軍,給與糧賜, 彼若舉兵,此必預知,苟能

預知,則百戰百勝矣。

不敢近塞矣。

何謂積芻粟?今之所患,患在困民力。 望陛下令緣邊各廣營田,以州郡長官兼其

使額,每歲秋夏,較其課程,立鼓旗以齊之,行賞罰以勸之。仍縱商人入粟緣邊。 爣鎭

戍有三年之備,則敵人不敢動矣。

藩。 不屯一處,進退動靜,無施不可矣。 舊 「事節制邊兵、未能削部署之名、望且減行營之號;有警則暫巡邊徼、無事則却復舊 **豈惟不啓戎心,况復待勞以逸。** 何謂革將帥?今之所患,患在重兵居外,輕兵居內。去歲傳潛以八萬騎屯中山, 則城邑危矣。望陛下愼選將臣任河北近鎮,仍依 如此則不失備邊之要,又無舉兵之名,且使重兵

之止善,罰不懲謂之縱惡。」又曰:「法不可移,令不可違。」臣嘗聞郭進出鎭西山,太祖 此,况臨大敵乎?望陛下以此言示將帥, 俾申嚴號令, 以警其下。古人云:「賞不勸謂 邊上亡命軍卒,人數甚多。臣試訊之,皆以思親爲言,此蓋令之不嚴也。 每遣戍卒,必諭之曰:「汝等謹奉法。我猶赦汝,郭進殺汝矣。」其假借如此,故郭進所 何謂明賞罰?今之所患,患在戎卒驕惰。臣自知府以來,見侍衞、殿前兩司送到 平時尙敢如

合則有戰,不合則無戰;合於東則主勝,合於西則客勝。陛下能用臣言以謹邊備,則邊部 若水又言:「邊部用兵,唯視太白與月爲進退者,誠以太白者將軍也,星辰者廷尉也。

至,未嘗少蚵。陛下能鑒前日之事,即今日之元龜也。

列

傳第二十五

錢若水

不 m 召 備 而 禦有方也。 自 來 矣。 太祖 唑 下 臨御十七年間,未嘗生事疆場,而敵人往往遣使乞和者, 荷思兵者 区 【器,戰· 者危 事,而 不倒持太阿,授人以柄, 則守在四夷, 以其任用得

而

常獲靜

勝,此

備禦之上策

也。

兵,輸 過 之,即須 又遣巡撫陝西緣邊諸郡,令便宜制置邊事 山 上言:「綏州頃爲內地,民賦登集,尙須旁郡轉餉。 害,前後遣使數輩按視 林, 川 未 分布軍伍, 咸有節制, 深爲戍將推服。 材木匱乏。城之甚勞,未見其利。」復詣闕面 送 幾,出 (增戍。 艱 阻。 知 天雄 且其地險,若未葺未完,邊寇奔衝,難於固守。 軍 不能 兼兵馬部署。 全仰 决。 河 東。 時已大發丁夫,將興其役,詔若水自大名馳往 時言事者請城綏州,屯兵積穀以備党項。 其地隔越黃 0 還拜鄧州觀察使、井代經略使、 上謂左右曰:「若水,儒臣 陳其事,上嘉納之,遂罷役。 河、 自賜 鐵碣二 地趙保忠以來, Щ 况城邑焚毁,片瓦不存, 無定河在其城下,緩急用 中知 人戶 兵 , 凋殘, 者也。」是秋, 初,若水 視之。 邊城互言 事 若 李衆 所 岩 復 過 城 利

赴 刺謁,因與僚友會食僧舍,假寢而卒,年四十四。 六年春,因疾灸兩足,創潰出血數斗,自是體貌 羸 贈戶部尚書,賜其母白金五 察,手詔慰勞之,俾歸 京師 百 數月,始 子延

年甫七歲,錄爲太常奉禮郎。

雅善談論、尤輕財好施。 所至推誠待

物,委任 永,故懇避權位。 僚佐,總其綱領,無不稱治。 其死也,士君子尤惜之。 汲引後進,推賢重士,襟度豁如也。 有集二十卷。 精術數,知年壽不

問,賜緡、綿、羊、酒; 博士、集賢校理。 刀夜潛室中,斷其臂,若冲大呼,又害其幼子。 兄若愚,比部員外郎。 且賜若沖帛三十端,補孟州別駕。 從弟若沖,大中祥符中,調河陽令。 詔磔僕於其門。 延年後以獻文賜進士出身,歷太常 有僕酗酒,杖之百數。 真宗念若水母老, 遺使存 僕挾

縣兵曹參軍,俄遷光祿寺丞,卒,特贈秘書丞。 蘇易簡字太簡,梓州銅山人。父協舉蜀進士,歸宋,累任州縣,以易簡居翰林,任開封

息。 監 心 丞,通判 儒 術,貢士皆臨軒覆試。易簡所試三千餘言立就,奏上,覽之稱賞,擢冠甲科。 二年,與賈黃中同 易簡少聰悟好學,風度奇秀,才思敏膽。 昇州,遷左贊善大夫。 知貢舉。 有詔,凡親屬就舉者,籍名別試。 八年,以右拾遺知制誥。 太平興國五年,年踰弱冠,舉進士。 雅熙初,以郊祀恩進秩 易簡 妻弟崔範,匿父喪充 祠 太宗方留 解褐將作 部 員 外

列

傳

第二十

五

蘇易

簡

簡充貢、宋白掌貢部、至是裁七年。 千里罪。 貢,奏名在上第;又王千里者,水部員外郞字之子,協爲字門生,千里 易簡緣是罷知制誥,以本官奉朝請。 易簡幼時隨父河南, 未幾,復知制誥。 賈黃中來使,嘗教之屬辭;及是, 三年,充翰林學士。 預 薦。 上聞,坐範及 初,易

悉爲同列。 易簡連知貢舉,陳堯叟、孫何並甲廷試

欲器。 飛白 至是,易簡請之,皆復舊制。易簡續唐李肇翰林志二卷以獻,帝賜詩以嘉之。帝嘗以輕綃 林學士皆預坐,梁逈啓太祖罷之;又皇帝御丹鳳樓,翰林承旨侍從升樓西南隅, 中使賜宴甚盛,至等各賦詩紀其事,宰相李昉等亦作詩頌美之。他日,易簡直禁中,以水試 終如始,以固丕基,則天下幸甚。」 取試之。 ·大書「玉堂之署」四字,令易簡牓於廳額。 易簡會韓伾、畢士安、李至等往觀。上聞,遣 淳化元年,丁外艱。二年,同知京朝官考課,遷中書舍人,充承旨。 上密聞之,因晚朝,問曰:「卿所玩得非欹器耶?」易簡曰:「然,江南徐邈所作也。」命 易簡 奏曰:「臣聞 日中則昃,月滿則虧,器盈則覆,物盛則衰。 願陛下持盈守成,愼 先是,曲宴將相,翰 禮亦廢。

吏部選、遷給事中、參知政事。 會郊祀,充禮 知審官院, 儀使。 言初任京朝官,未嘗歷州縣,不得擬知州、通判。詔可。 先是,扈蒙建議以宣祖升配。易簡引唐故事,請以宣祖、太祖同配。 時趙昌言亦參知政事,與易簡不協,至忿爭上前,上皆優容 改知審 刑院 ,俄掌

未幾, 昌言出使劍南, 中路命改知鳳翔府。 明年, 易簡亦以禮部侍郎出知鄧州, 移陳

州。至道二年,卒,年三十九,贈禮部尚書。

簡爲承旨,錫賚均焉。 誥命,頗自刻勵。 易簡外雖坦率,中有城府。 在翰林八年,眷遇敻絕倫等。李沆後入,在易簡下,先參知政事,故以易 太宗遵舊制,且欲稔其名望而後正台輔,易簡以親老急於進用,因亟 由知制誥入爲學士, 年未滿三十。 屬文初不達體要,及掌

言時政關失,遂參大政。

之,易簡 書以聞,逮捕光逢,獄具,坐棄市。 人充試以取貲,易簡於稠人中屛出之。光逢遂造謗書,斥言朝廷事,且譏易簡。 何以教子成 易簡 蜀 人何光逢,易簡之執友也,嘗任縣令,坐賂削籍,流寓京師。 · 泣曰:「不謂及此,易簡罪也。」及易簡參知政事,召薛氏入禁中,賜冠帔,命坐,問曰: 性 嗜酒, 《此令器?」對曰:「幼則束以禮讓,長則敎以詩書。」上顧左 初入翰林,謝日飮已微醉,餘日多沉湎。 易簡以殺光逢非其意,居常怏怏。 上嘗戒約深切,且草書勸酒二 會易簡典貢部,光逢代 母薛氏以殺父執切責 右曰「眞孟母 易簡得其 也。」

常居 章以 三子曰宿、曰壽、曰耆,大中祥符間,皆祿之以官云。 賜,令對其母 雅善筆札,尤善談笑,旁通釋典,所著文房四譜、續翰林志及文集二十卷,藏於秘閣 讀之。 自是每入直,不敢飲。 及卒,上曰:「易簡果以酒死,可惜也。」易簡

列

入、受代歸闕官,悉考校勞績,銓量才品,命贄洎滕中正、雷德驤領之。 拜中書舍人,賜金紫。五年,復與程羽、侯陟、宋白同知貢舉。置京朝官差遣院,凡將命出 解,且令委曲講說,以喻諸王。三年,與劉兼、張洎、王克正同知貢舉,遷右補闕,與宋白並 擢爲著作佐郎、右贊善大夫。 俄兼皇子侍講,賜緋魚。 太宗至東宮,出滅子篇命贄注 郭贄字仲儀,開封襄邑人。乾德中,舉進士,中首薦。太宗尹京,因事藩邸。 太平興國

州,坐河決免所居官。久之,起爲給事中,復工部侍郎,知審官院、通進銀臺封 逋欠犯人,雖死猶繫其子孫。 贄條陳其事,多所蠲貸。 之具。贄始至,命悉撤去,投之江,不數日大雨。 奏曰:「臣受不次之遇,誓以愚直上報。」太宗曰:「愚直何益於事?」贄言:「雖然,猶勝姦邪。」 無何,以入對宿酲未解,左遷秘書少監、知荆南府。府俗尙淫祀,屬久旱,盛陳禱 七年,以本官參知政事。曹彬爲弭德超所誣,贄極言救解,深爲宰相趙普所重。嘗因論事 就加左諫議大夫,入爲鹽鐵使。 籍田,超拜工部侍郎。 一颗司 淳化中, 時諸路積 知澶 雨

宜 眞宗卽位,拜刑部,出知天雄軍。 翌日,贄入對,懇辭。 上曰:「全魏之地,所寄尤 知河南府,歸朝,獻詩自陳,進

秩吏部,俄兼秘書監。

舊學之故,特親臨哭之,贈左僕射,諡文懿。錄其子昭度爲大理寺丞,昭升、昭用並大理評 |贄純厚長者。至是,在秘府,屢賜對,詢訪舊事。且愍其已老,特拜工部尚害、翰林侍讀學 事,昭允左贊善大夫。 令屬和。<br />
眞宗嘗訪其賜本,贄集爲四卷以獻,詔獎之。<br />
大中祥符三年,卒,年七十六。上以 士, 作詩賜之, 有「啓發沖言曉典常」語。 東封, 遷禮部尚書。 太宗在晉邸時, 凡製篇咏, 多 初,眞宗未出閣,實已授經,上嘗至其家,後楊可法繼其任,上以爲輔導不及贄,嘗稱

首,後卒貴顯。實初充賦有聲,邑人同在籍中者忌之,潛加構毀,自是連上不中選。消贄再 薦中第。然吝嗇,切於治生,晚節不事事,人頗以是少之。 白以文學沉下位,贄薦引之,遂同掌誥命。趙昌言兒時,一見器之,及掌貢部,以爲奏名之 知貢舉,邑人子以明經充薦,詔下日,悔泣而去。」贄聞之,命其所親召還,慰論俾就舉,遂預 贄屬文敏速而不雕刻,昭度集爲三十卷上之,賜名文懿集。性温和,頗能延譽時雋。 宋

李至字言幾,真定人。母張氏,嘗夢八仙人自天降,授字圖使吞之,及寤,猶若有物在胸 第二十 五 李 至 九一七五

舉進士, 中,未幾,生至。七歲而 右補闕、知制誥。 釋褐將作監丞,通判鄂州。 太平興國八年,轉比部郎中,爲翰林學士。多,拜右諫議大夫、參知 孤,鞠於飛龍使李知審家。 旋擢著作郎、直史館。 幼沉靜好學,能屬文。及長,辭華 會征太原,命督澤、潞獨糧,累遷 政事。 ·典赡。

禮部侍郎,進秩吏部。 之慮,則曳裾之懇切,斷鞅之狂愚,臣雖不肖,恥在二賢後也。」至以目疾累表求解機政,授 鑾輅,揚言自將,以壯軍威,策之中也。 若乃遠提師族,親抵邊陲,北有<u>契</u>丹之虞,南有中原 養銳,觀釁以伐謀,更縱彌年,亦未爲晚。 陽之傍,坦無陵阜,去山旣遠,取石尤難。 恭守宗廟,不離京國,示敵人以閒暇,慰億兆之仰望,策之上也。一大名,河朔之咽喉,或暫駐 雅熙初,加給事中。 幽州爲敵右臂,王師所嚮,彼必拒張,攻城數萬,兵食倍之。今日邊庾未充,况范 時議親征范陽,至上疏以爲:「兵者凶器,戰者危事,用之之道,必 。必若聖心獨斷,在於必行,則京師天下之本,陛下 金湯之堅,必資機石,儻有未備,願且繕完。 畜威

閣,出草書千字文爲賜,至勒石,上曰:「千文乃梁武得破碑鍾繇書,命周興嗣次韻而成,理 下,上必遣使賜宴,且命三館學士皆與焉。至是昇秘閣,次於三館,從至請也。上嘗臨幸秘 無足取。若有資於教化,莫孝經若也。」乃書以賜至。薦潘愼修、舒雅、杜鎬、吳淑等入充直 會建秘閣,命兼秘書監,選三館書置閣中,俾至總之。 至每與李昉、王化基等觀書閣

直講崔頤正、孫奭、崔偓佺皆勵精強學,博通經義,望令重加讎校,以備刊刻。」從之。後又 言:「五經書疏已板行,惟二傳、二禮、孝經、論語、爾雅七經疏未備,豈副仁君垂訓之意。今 館校理。請購亡書,間以新書奏御,必便坐延見,恩禮甚厚。淳化五年,兼判國子監。至上

引吳淑、舒雅、杜鎬檢正譌謬,至與李沆總領而裁處之。

宗謂曰:「太子賢明仁孝,國本固矣。 以護調,蓋將勗以謙冲,故乃異其禮數。勿飾當仁之讓,副予知子之心。」至等相率謝。 至等上表,不敢當禮。 必須力言。至於禮、樂、詩、書義有可裨益者,皆卿等素習,不假朕之言論也。」 至道初,眞宗初正儲位,以至與李沆並兼賓客,詔太子事以師傅禮。 眞宗每見必先拜, 詔答曰:「朕旁稽古訓,肇建承華,用選端良,資於輔導。藉卿宿望,委 卿等可盡心規誨,若動皆由禮,則宜贊助, 事有未當,

雖 胥哉?昨鄭文寶絕青鹽使不入漢界,禁粒食使不及羌夷,致彼有詞,而我無謂,此之失策, 雜居,是以先王置之度外。繼遷異類,騷動疆場,然臍不足弭其患,擢髮不足數其罪。 人之道,務屈己含垢以安億民,蓋所損者小,所益者大。望陛下以元元爲念,不以巨憝介 何追。 料彼脅從亦厭兵久矣,苟朝廷舍之不問,啖以厚利,螺以重爵,亦安肯迷而不復訖於淪 眞宗卽位,拜工部尙書、參知政事。 今若復禁止不許通糧,恐非制敵懷遠、不戰屈人之意。昔唐代宗雖罪田承嗣而 一日,上訪以靈武事,至上疏曰:「河湟之地,夷夏 然聖

列傳

第二十

五.

李

辛仲甫

能 州爲咽喉之地,西北要衝,安可棄之以爲敵有,此不智之甚,非臣之所敢知也。」後靈武卒不 哉 ! 遠夷,必然向化,互相誥諭。 不禁魏鹽,陛下宜行此事,以安邊鄙。 守。 今靈州 不可不棄,非獨臣愚以爲當然,若移朔方軍額於環州,亦一時之權也。 一旦懷恩,舍逆效順,則繼遷豎子孤而無輔,又安能爲我蜂蠆 使其族類有無交易,售鹽以利之, 通糧 以濟之, 或指 彼雖 靈

府。 等奉終制。 四年,以病求歸本鎮,許之。詔甫下,卒,年五十五。贈侍中,詔給其子惟良、惟允、惟熙 咸平元年,以目疾求解政柄,授武信軍節度(三),入辭節制,不允。 居二年,徙知河南

資。<br />
知審因<br />
至亦至右<br />
金吾<br />
衞大將軍。 李穆作也。 至嘗師徐鉉,手寫鉉及其弟鍇集,置於几案。 至剛嚴簡重,人士罕登其門。 性吝嗇。 又賦五君詠,爲鉉及李昉、石熙載、王祐、 幼育於知審,及貴,卽逐其養子以利其

官。 辛仲甫字之翰,汾州孝義人。曾祖實,石州推官。 仲甫少好學,及長,能吏事,偉姿儀,器局沉厚。 祖迪,壽陽令。 父藩,河東節度判

崇所親 逮,鞫之,吏故稽其獄,仲甫曰:「民被寇害而使自誣服,蠧政甚矣,焉用僚佐爲?」請易吏以 周 廣順中,郭崇掌親軍,領武定節制,署仲甫掌書記。 更爲廂虞候,部民有被扨殺者,訴陰證賊魁,卽捕盜吏也, 顯德初,出鎭澶淵,仍署舊職。 官不敢詰。 仲甫請自 捕

雪寃憤。

節, 節度判官。 辨矣。」崇如其言。使者至,視崇無他意,還奏,上大喜,歸罪於思誨。 憂懣失據,謂賓佐曰:「苟王人不察,爲之奈何?」 軍民處置,率循常度,且何以加辭。 |太祖受命,以||崇爲監軍||陳思誨密奏||崇有姦狀,上怒且疑,遣中使馳往驗之。 |崇悟,移鞫之,乃得實狀。|崇移鎭|眞定,改深、趙、鎭觀祭判官。 **|崇卒,改惲、齊觀察判官,累雪寃枉** 第遠偵使者,率僚屬盡郊迎禮, 皆愕相視。 仲甫曰:「皇帝膺運,公首效 仲甫又隨崇爲平盧軍 聽彼伺察, 未至, 崇 久當自

節宴集日爲亂。 爲三司戶部判官。 之,名爲「補闕柳」。太祖問羣臣文武兼資者爲誰,趙普以仲甫對。徙益州兵馬都監,代還,選 仲甫集船數百艘,軍資民儲,皆賴以濟。 有自首者。禽百餘人,盡斬之。先是州少種樹,暑無所休。 乾德五年,入拜右補属,出知光州。 屬春初,仲甫出城巡視,見壕中草深,意可藏伏,命燒薙之。兇黨疑謀泄, 六年,移知彭州。 州有橫河與城直(三), 。州卒誘營兵及諸屯戍,謀以長春 仲甫課民栽柳蔭行路,郡人德 會霖潦暴疾, 水溢潰廬舍。

列

傳

留, 令自縛詣吏者凡百餘人,餘因散去。 酤,政尙寬簡,蜀人安之。八年,加右諫議大夫。 曰:「國家名將輩出,如進鷹犬材耳,何足道哉!」遼主欲留之,仲甫曰:「信以成命,義不可 有死而已。」遼主竟不能屈。 太平 興國 初, 遷起居舍人,奉使契丹。 使還,以刑部郎中知成都府。 遼主問:「党進何如人?如進之比有幾?」仲甫 時彭州盜賊連結爲害,詔捕未獲。 既至,奏冤歲輸銅錢,罷權 仲甫誘

尚書,出知陳州。代歸,會蜀有寇,以仲甫素著恩信,將令興疾招撫,以疾未行。 虚、渃蒙、渃濟、渃渝,皆能其官。孫有孚、有隣,俱中進士。 子少保致仕。眞宗卽位,加太子少傅。咸平三年,卒,年七十四,贈太子太保。 鄓。 時呂蒙正以長厚居相位,王沔任事,仲甫從容其間而已。 九年,入知開封府,拜御史中丞。 雅熙二年, 拜給事中、參知政事。 淳化二年,以足疾罷爲工部 端拱中, 進戶部侍 子若沖、 無何,以太

年春,與宋白、賈黃中等同知貢舉,擢膳部郎中、樞密直學士。遷右諫議大夫、同簽書樞密 於行在,授著作郎、直史館。 王沔字楚望,齊州人。太平興國初,舉進士,解褐大理評事。 遷右拾遺,出爲京西轉運副使。明年,加右補闕、知懷州。 四年,太宗親征太原,見

院事,賜第崇德坊。 雅熙元年,加左諫議大夫、樞密副使。 端拱初,改戶部侍郎、參知政事。

務,頗不叶,齊賢出知代州,沔遂爲副使,參預政事。 是疑大臣以私也,疏駁之。太宗追還前詔,沔暨恕因是罷守本官。翌日,蒙正亦罷。沔見 今宰相及樞密使不得於本廳見客,許於都堂延接。」洒喜,卽奏行之。 直史館謝泌以爲如此 齊賢洎恕參知政事,沔不自安,慮僚屬有以中書舊事告齊賢等。會左司諫王禹偁上言:「自 「呂蒙正有大臣體,王沔甚明敏。」毀者慙而止。 上,涕泣,不願離左右。未幾,鬚鬢皆白。會省吏事發,連中書,因有奏毀者。上語毀者曰: 淳化初,宰相趙普出守西洛。 呂蒙正以寬簡自任,政事多决於沔,沔與張齊賢同掌樞 陳恕好苛察,亦嘗與沔忤。

视事,以暴疾卒,年四十三,贈工部尚書。 乞令刑部條報,以贓及公私罪分三等以聞。 三年,上欲黜陟官吏,命沔與謝泌、王仲華同知京朝官考課。沔上言,應京朝官殿犯, 立法苛察,欲因是以求再用。受命甫旬日,方

暢,經讀者多中高第。 沔聰察敏辯,有適時之用,上前言事,能委曲數繹。每對御讀所試進士辭賦,音吐明 性苛刻,少誠信。掌機務日,凡謁見者必唱以甘言,皆喜過望,旣而進

洒弟淮,太平興國五年進士,任殿中丞,嘗掌香藥権易院,坐贓論當棄市。 列 傳 第 二 十 五 王 沔 溫 仲 舒 以沔故、韶

退非允,人胥怨之。

杖一百,降定遠主簿。河以是頻爲寇準所詆云。

樂輸 減耗。 北。 部憑由司。三年,拜工部郎中、樞密直學士,知三班院。秋,彗星見,召對別殿,仲舒 「國家平太原以來,燕、代之交,城守年深,殺傷剽掠,彼此迭見。」大河以北,農桑廢業,戶口 知汾州,坐事除名。 温仲舒字康陽,河南人。太平興國二年,舉進士,爲大理評事,通判吉州。 凋弊之餘,極力奉邊。丁壯備徭,老弱供賦。 加以兵卒踐更,行者辛苦,居者怨曠。 未幾,復起爲右贊善大夫,通判睦州。 願推恩宥,以綏民庶」。太宗嘉納之,遂赦河 遺廬壞堵,不亡卽 端拱 初,拜右正言、直史館、判戶 死。 邪人媚上, 猶云 再遷秘書丞、 以

一院、我,有兩馬家、朵藏、梟波等部,唐末以來,居於渭河之南,大路、小洛門砦,多產良木,爲 其所據。 至,部兵歷按諸砦,諭其酋以威信,諸部獻地內屬。 民感其惠,爲畫像祠之。 淳化 歲調卒采伐給京師,必以貲假道於羌戶。然不免攘奪,甚至殺掠,爲平民患。 二年,拜右諫議大夫、樞密副使,改同知樞密院事。 會有言仲舒生事者,上謂近臣曰:「仲舒嘗總機密之職,在吾 既而悉徙其部落於渭北,立堡砦以限 四年,罷知秦州。 先是,俗雜 仲舒

久,一旦擅意斥逐,或至騷動,又煩吾關右之民。」乃命知鳳翔薛惟吉與仲舒對易其任。連 知興元、江陵 左右,當以綏懷爲務。古者伊、洛之間,尚有羌、渾雜居,况此羌部內屬,素居渭南,土著已 二府,加給事中。 會內侍藍繼宗使秦州還,言得地甚利。乃召仲舒,拜戶部侍

郎,尋參知政事。

二砦後爲內地,歲獲巨木之利。

及被任用,反攻蒙正,士論薄之。 中,進秩戶部尙書。 本官兼御史中丞,尋遷刑部尚書、知天雄軍,徙河南。 大臣鎭撫,非張齊賢、温仲舒不可,令宰相諭旨,皆不願往。 仲舒敏於應務。 咸平初,拜禮部尚書,罷政,出知河陽。 三年,判昭文館大學士,命下,卒,年六十七。贈左僕射,諡恭肅 少與呂蒙正契厚,又同登第。仲舒黜廢累年,蒙正居中書,極力援引, 自爲正言至貳樞密,皆與寇準同進,時人謂之「温寇」。 踰年,知開封府。 景德中,幷州缺守,上以北門重鎭須 未幾,復知審官院。 五年,以京府務劇求罷,遂以 大中祥符

嗣宗、嗣良、嗣先、嗣立。 仲舒旣卒,帝憫其孤弱,並祿以官。

**贊善大夫、知嵐州。** 王化基字永圖,真定人〔四〕。太平興國二年,舉進士,爲大理評事,通判常州。 列 傳 第二十 Ŧī. 時趙普爲相,建議以驟用人無益于治,改准南節度判官,入爲著作郞, 王 化 基 九一八三 遷太子右

遷右拾遺,抗疏自薦。太宗覽奏曰:「化基自結人主,慷慨之士也。」召試,知制誥,以右諫議 幹不足憂。 大夫權御史中丞。一日,侍便殿,問以邊事,對曰:「治天下猶植木焉,所患根本未固,固則枝 朝廷治,則邊鄙何患乎不安?」又嘗令薦士,卽一疏數十人,王嗣宗、薛映、耿

化基嘗慕范滂爲人, 獻澄淸略,言時事有五:

望,皆其人也。

院選名幹有淸望者,依資除之。其二十四司公事,若繁簡不同,望下本省府屬參酌其 州郡吏局之名也。六卿如闕,卽選名品相近、有才望者權之;郞官如闕,則於兩省三 類,均而行之。 皆州郡吏局之名。請廢三司,止於尚書省設六尚書分掌其事;廢判官、推官,設郞官 擬喉舌之官,鄓吏應星辰之位,斯實乾文昭著,故事具明。方今省署,名實未稱。 史;廢勾院、開拆、磨勘、憑由、理欠等司歸比部及左右司。 分掌二十四司及左右司公事,使一人掌一司;廢孔目、勾押、前後行爲都事、主事、令 司使額,乃近代權制;判官、推官、勾院、開拆、磨勘、憑由、理欠、孔目、勾押、前後行, 其一,復尙書省,曰: 國家立制,動必法天。 尙書省上應玄象,對臨紫垣,故六卿 如此卽事益精詳,且盡去

其二,愼公舉,曰:朝廷頻年下詔,以類求人。但聞例得舉官,未見擇其舉主。 欲

官、實著康能、則特旌舉主;若所舉貪冒敗事,連坐舉主。 望自今先責朝官有聲望者,各舉所知,其舉得官員則置籍,并舉主名姓籍之。所舉之 七經選論,得人多矣。然下僚遠官,不無沉滯。 望令採訪司及州郡長吏,廉察以聞,籍 陛下自登寶位,十年于茲,

以待用,則下無遺材矣。

能備顧問,且足爲外官之勸也。 府、軍、監長更得失,俟其澄清部內,則待以不次之擢,置於侍從之間。所貴周知物理, 於木之受蠹。若乃用非其人而不繩以法,雖夷、濟、顏、閔不能自見。蓋中人之性,如 水之在器,方員不常,顧用之者何如爾。望令諸路轉運使副兼採訪之名,責以覺察州、 其三,懲貪吏,曰:貪吏之於民,其損甚大。 屈法煩刑,徇私肆虐,使民之受害甚

揚、煙最居要衝,務穰事衆,地廣民繁。然止設知州一人署領官事,其餘通判官、推官 臣及縣令、簿、尉等高卑相折而計之,一人月費不啻十千,以千人約之,歲計用十餘萬 朝廷添置監臨、使臣等職,實踰本州官數。 及州官等,悉皆分筦権務、倉庫。當時事無不集,兼少獄訟。其後十年,臣任揚州時, 而 分設庶官實倍常數,意欲盡籠天下之利,而民物轉加凋弊。二十年前,江、准諸郡, 其四,省冗官,曰: 古人建官, 初不必備者, 惟得其人也。國家封疆雖踰前世, 諸州冗員,似此非一。今以朝官、諸色使

列傳

第二十

五

王化基

又加倍焉。 千, 更倍萬約之, 萬又過倍。 使皆廉吏, 止糜公帑; 設或貪夫參錯其間, 則取於民者 望委各路轉運使副,與知州同議裁減。 若縣令、簿、尉等官自前多不備置,

可兼者兼之,如此則冗官汰矣。

以往,西川、廣南長東不任負罪之人,則遠人受賜矣。 之官,其或怙惡不悛,恃遠肆毒。小民罹殃,卒莫上訴,甚非撫綏遠人之意也。 其五,擇遠官,曰: 負罪之人, 多非良善, 貪殘凶暴,無所不至。 若授以遠方牧民 若自今

書奏,太宗嘉納之。

河南 宗怒,引囚訊其事,化基爲辨其誣。 直、舉善、舉元皆有所立。 愠 官考課,遷工部侍郎。 不形,僚佐 府,進禮部尚書。 初,柴禹錫任樞密,有奴受人金,而禹錫實不知也。 |有相凌慢者,輒優容之。 大中祥符三年,卒,年六十七。贈右僕射,諡惠獻。 至道三年,超拜參 太宗感悟,以化基爲長者。 在中書,不以蔭補諸子官,然善教訓,故其子舉正、學 知政事。 咸平四年,以工部尚書罷知揚州。 參知政事陳恕欲因以中禹錫。 淳化中,拜中丞, 化基寬厚有容,喜 俄 知京朝 移知

舉正字伯仲,幼嗜學,厚重寡言。 化基以爲類己,器愛異諸子,以蔭補秘書省校書即。

度支員 進 土 及第,知伊闕、任丘 縣,館閣校勘、集賢校理、眞宗實錄院檢討、國史編修官。 同修起居注,擢 知制誥。 其妻父陳堯佐爲相,改龍 三遷尙書

閣待 吏有馳報者, 制 外郎、直集賢院,修三朝寶訓, 堯佐罷,以兵部郎中復知制 舉正方燕居齋舍,徐謂 東曰:「安得漏禁中語?」旣入謝, 仁宗曰:「卿恬於進 語,爲翰林學士,拜右諫議大夫、參知政事。 前一日,

取,未嘗干朝廷以私,故不次用卿。」

知許州 謀 遷 給 國 何 事 時陝西用兵,呂夷簡以宰相判樞密院,舉正曰:「判名重,不可不避也。」乃改兼樞密使。 中。 ? 光化軍叛卒轉寇傍境, 歐陽脩等亦論舉正懦默不任事,舉正亦自求去,遂以資政殿學士、尙書禮部侍郎 御史臺舉李徽之爲御史,舉正友壻也,格不行。 而州兵有謀起爲應者,舉正潛捕首惡者斬之。 徽之訟曰:「舉正妻悍不能 徙知應天 制,如

府,累遷左丞

郡刺 不報 也。」御史唐介坐言事貶春州,舉正力言之,介得徙英州。居半歲,堯佐復爲宣徽使。家居 生民休戚賴焉。 史。今所用未盡得人, ·,舉正因留班廷諍,乃奪宣徽、景靈二使。又曰:「先朝用人,雖守邊累年者, 皇祐初,拜御史中丞,乃奏:「張堯佐庸人,緣妃家,一日領四使, 命甫下而數更,不終歲而再易,恩澤所以未宣,民疾所以未瘳者,職此 而尅期待遷, 使後有功者何所勸耶?且轉運使察官吏能否, 使賢士大夫無所勸。」 官止遙 故

列 傳

\_ 十

五

王

化

基

九一八八

其得 凡 七 上疏。 風 憲體,遣賜就第,賜白金三百兩,除觀文殿學士、禮部尙書、知河南府,入兼翰林侍讀 及狄青爲樞密使,又言青出兵伍不可爲執政,力爭不能奪,因請 解言職。 帝 稱

中書制集、內制集五十卷。 以 太子少傅致仕,卒,贈太子太保,諡安簡,賜黃金百兩。 文章雅厚如其爲人,有平山

每進

讀及前代治亂之際,必再三諷

諭

之。舉元請立監以較賞罰,自是全活者衆。 度河、設幕與之議、示以赤心,夏人感服 其妄,已而果然。歷羣牧、戶部判官至、京東轉運使。沙門島多流人,守吏顧貨橐, 事,盜旣獲,乃治隄。爲河陰發運判官。或言大河決,將犯京師。 舉元字懿臣,以上父章賜進士出身。 知潮州,江水敗隄,盜乘間竊發,舉元夜召里豪計 徙淮南、河東。 夏人來爭屈野地。 舉元適入對,具論地形 舉元從數騎 陰殺

境上,有窺我意。 勞。」俄進 登於舊。 治平中,又徙成都。邙井鹽歲入二百五十萬,爲丹稜卓箇所侵〔云〕,積不售,下令止之,鹽 /鹽鐵副使,拜天章閣待制,知滄州,改河北都轉運使, 召提舉在京修造, 英宗勞之曰:「官廬舍害於水,僅有存者, 卿究心公家, 毋憚其 舉元使二裨將以千騎扼其要害。長安遣從事來會兵涇原,戒勿輕舉。 知永興軍。慶人(七)夏人屯

策,舉元請省官減戍,益備去兵,勿營亭障。 將竇舜卿銳意請行,不聽。 舉元曰:「不過三日,虜去矣。」至期果去。 興論不合,遂引疾求解,徙陳州,未行而卒。 神宗以細札諮攻守

至給.

事中,年六十二。

子認。

乎? 殺丼贖罪法,以携其黨。 封府推官。 乃疆 餘。 水淫爲菑,民人流徙,賴發廩振贍恩,稍蘇其生,謂宜安之,未可以力役傷也。 」詔曰:「夏人侮邊,旣正其罪矣,何預兩朝和好事?」入賀,故事,跪而飮,蓋有誤拜者, 爲度支郎中,使契丹。時方討西夏,迓者耶律誠欲嘗我,言曰:「河西無禮,大國能容之 出爲滑州。 韶字景獻,用蔭補官,通判廣信軍事,知博州。 韶曰:「南北百年,所守者禮,其可紛更耶?」卒跪飮之。 富民貸後絕僧牒爲緡錢十三萬,踰期復責倍輸,身死貲籍,又錮其妻子,詔請 州屬縣有退灘百餘頃,歲調民刈草給河隄,民病其役,詔募人佃之,而收其 元祐初,朝廷起回河之議,未决,而開河 魏俗尙椎剽,姦盜相囊橐,詔請開反告 之役遽興。詔言河朔秋潦, 從之。 擢 免 開

深、克二州,徙同州,過闕,留爲左司郎中,遷衞尉、太府卿、刑部侍郎,詳定敕令。 旋 知汝州,鑄錢卒駡大校,詔斬以徇,而上章待罪。 除直秘閣,言者復抉滁州 事,罷去。起 舊借緋紫 知

崇寧中,由大理少卿爲卿,徙司農。

御史論詔在滌日請蘇軾書醉翁亭碑,罷主崇福宮。

列傳

第二十

五

王

化

基

者不佩魚,詔言:「章服所以辨上下,今與胥吏不異。」遂皆佩魚。 歷工、兵、戶三部侍郞,

開封 尹。 時子璹使京西,攝尹洛。父子兩京相望,人以爲榮。

韶皇恐,於是但朝朔望。 進刑部尚書,拜延康殿學士,提舉上清寶籙宮,復爲工部尚書。 俄以銀青光祿大夫致仕,卒,年七十九。 徽宗閔其老,命毋拜,

事精密,能遠私謁,而考課之議,頗傷苛刻; 則盡善矣。 正繼踐台佐,得風憲體; 辨曹彬之誣、化基伸禹錫之枉同日而語也明矣。 相掩也。 論曰:自昔參大政、贊機務,非明敏特達之士,不能勝其任。 仲舒見舉於蒙正,而反攻其短; 若水機鑒明敏,儒而 舉元任職邊郡,有持重稱。 知兵; 李至 易簡不能周恤光逢,而置之死地, 一剛嚴 仲甫以吏事爲時用,未免苟容之誚, 簡重,好古博雅, 此純厚長者之稱,所以獨歸於二子歟 矧韶之父子又並尹兩京,克濟其美,何 若又飭以文雅,濟以治具, 其於柄用宜矣。 其不 瑕 可與郭贄 王沔臨 瑜固不

王氏子孫之多賢也!

(二) 敵人聞我將帥莫不用命 「莫」字原脫,據長編卷四五 補。

「武信軍」,本書卷六真宗紀、長編卷四八、宋宰輔編年錄卷三、東都事略卷三六李

(至)傳 都作「武勝軍」,疑此誤。 (三) 武信

軍節度

之誤 州有横河 與城直 按光州與城相直的河流,只有黃水,亦名橫河,此處「橫」字疑爲「黃」或「潢」

(四) 眞定人 原作「鎮定人」,據隆平集卷六、東都事略卷三七本傳、長編卷二七改。

() () 羣牧戶部判官 爲之。」舉元資歷正 寺」 條有羣牧判官;宋會要職官二三之七,羣牧判官 「羣」原作「郡」。 與相合。「郡」字當爲「羣」字之訛,據改。 按宋代職官無「郡牧判官」之名,本書卷一六四職官志 「以朝臣歷一任知州、館職一任通判者 一、太僕

(云) 集卷三四和同上朝野雜記。 宋會要食貨二三之一一,眉州有卓筒井鹽七井。 邙井鹽歲入二百五十萬爲丹稜卓箇所侵 按宋無「邙井鹽」,據本書卷八九地理志,成都府路IT 州 蒲江縣有鹽井,朝野雜記甲集卷一四蜀州官鹽條謂爲大井,疑此「邙井」爲「邛井」之誤。 丹稜爲眉州屬縣,此處之「丹稜卓箇」疑當爲「丹稜卓筒」。 卓筒係民間小井采用的取鹽之法,見文同 熙寧前, 丹淵 叉據

\_ + 五 校 勘 5

列

成都府曾閉卓筒井以保障官鹽, 見本書卷一八三食貨志, 亦同舉元此事相類。

(+) 慶人 按長編卷二〇八、東都事略卷一二八西夏傳,都有治平三年夏人進攻慶州大順城的記

載,疑此二字有誤。

九一九二

# 未更卷二百六十七

### 列傳第二十六

#### 張宏 趙昌言 陳恕 魏羽附 劉昌言 張洎 李惟清

城令。 張宏字巨卿,青州盆都人。 父峭,業春秋,一舉不第,退居丘園, 高祖茂昭,唐易、定節度使。 後唐天成中以賢帥後補協律郎,至平利令。 曾祖玄,易州刺史。 祖持,蒲

州,以勤幹聞,入爲度支員外郞。 緋魚,預修太平御覽,歷左拾遺。 宏,太平興國二年,舉進士,爲將作監丞,通判宣州。改太子中允、直史館,遷著作郎,賜 六年,出爲峽路轉運副使,就加左補闕。 會省副使,知遂

鄭州, 充樞 密直學士,賜金紫。太宗召對便殿,謂曰:「成都重地,卿爲殷鎭之。」因厚賜以遣。 **雍熙中,呂蒙正、李至、張齊賢、王沔薦其文行,改主客郞中、史館修撰。** 促召歸闕,拜右諫議大夫、樞密副使。 會太宗親試禮部不合格貢士,令樞密院給牒, 數日,以本官 至

列傳第二

十六

張宏

趙

昌

言

臣

頗有沮議。

非股獨斷,豈能及此乎?

因謂宏曰:「朕自御極以來,親擇羣材,大者為棟梁,小者為榱桷。卿與呂蒙正皆中朕選,大

」宏頓首謝。

聞鼓院,再掌吏部選。 宗尹京,宏罷奉朝請。 銓, 大理評事,可道太祝,可度奉禮郎。 初,還朝,知審官院、通進銀臺封駮司。 丞,兩更其任。 權知開封府。 時 河朔用兵,宏居位無所建白, 端拱初,改工部侍郎,再爲樞密副使。 太宗御便殿慮囚,以府獄多壅,詔劾其官屬,宏等頓首請罪,乃釋之。 四年,卒,年六十三。廢朝,贈右僕射,命中使蒞葬事。 至道初,出知路州。 御史中丞趙昌言多言邊事,乃以昌言副樞密, 。二年,眞宗以上封者衆,慮其稽留,命宏與王旦知登 二年,就轉右丞。 淳化二年,以吏部侍郎罷,俄判吏部 眞宗即位,加工部尚書。 錄其子可久 宏爲中 咸平

士,可度太子中舍。 宏循謹守位,不求赫赫之譽,歷踐通顯,未嘗敗事。 可久至虞部員外郎,可道國子博

趙昌言字仲謨,汾州孝義人。父叡,從事使府,太宗尹開封,選爲雍丘、太康二縣令,後

終安、申觀察判官。

方員外郎,知制誥,預修文苑英華。 朕之生辰,必獻詩百韻爲壽,善訓其子,亦可嘉也。」擢置甲科,爲將作監丞,通判鄂州。 右拾遺、直史館,賜緋魚。 場屋,爲貢部首薦。 昌言少有大志,趙逢、高錫、寇準皆稱許之。太平興國三年,舉進士,文思甚敏,有聲於 廷試日,太宗見其辭氣俊辯,又覩其父名,謂左右曰:「是嘗爲東畿宰, 選爲荆湖轉運副使,遷右補闕,會省副職,改知靑州。入拜職 雍熙初,加屯田郎中。 明年,同知貢舉,俄出知天雄軍。

召 拜御史中丞。 時曹彬、崔彥進、米信失律于歧溝,昌言遣觀察支使鄭蒙上疏,請誅彬等。優詔褒答, 太宗宴金明池,特召預焉。憲官從宴,自昌言始也。

宏爲 以爲唐馬周復出也。其言多毁時政,自薦爲大臣,及歷舉數十人皆公輔器,期昌言爲 更, 陳王尹開封,廉知以聞,詔捕潁繫獄,鞠之,盡得其狀。昌言坐貶崇信軍節度行軍司馬,潁杖 董半夜。」有傭書翟穎,性險誕,與旦狎,旦爲作大言之辭,使潁上之,爲潁改姓名馬周 同年, 樞密副使,遷工部侍郎。 河朔用兵,樞密副使張宏循默守位,昌言多條上邊事,太宗卽以昌言爲左諫議大夫,代 右正言梁顥嘗在大名幕下。 時鹽鐵副使陳象興與昌言善, 四人者,日夕會昌言之第。 知制誥胡旦、度支副使董儼皆 京師爲之語曰:「陳三 內應。

初, 太宗厚遇昌言,垂欲相之。 趙普以勳舊復入,惡昌言剛戾,乃相呂蒙正。 脊黥

列

傳 第

٦.

六

趙 昌 音 面,流海島,禁錮終身。

會有類獄,普以昌言樹黨:丹勸太宗誅之,太宗特寬焉。淳化二年,起昌言知蔡州,逾年,召 太宗不納,趣昌言往。 拜右諫議 大夫。或議弛茶鹽禁,以省轉漕。命昌言爲江淮、兩渐制置茶鹽使,昌言極 昌言固執如初。 即以戶部副使雷有終代之,卒以無利而罷。 言非便,

昌言怒曰:「府城將墊,人民且溺,汝輩食厚祿,欲坐觀耶?敢不從命者斬。」衆股慄赴役,不 决,流入御河,漲溢浸府城,昌言籍府兵負土增隄,數不及千,乃索禁卒佐役,皆偃蹇不進。 狹旬城完。|太宗手詔褒諭之,召拜給事中、參知政事,俾乘疾置以入,卽赴中書。 昌言知之。一日,隄吏告急,命徑取豪家廥積以給用,自是無敢爲姦利者。屬澶州河 言復知天雄軍,賜錢二百萬。 大河貫府境,豪民峙芻茭圖利,誘姦人潛穴隄防,歲仍

滋蔓,廷論未决。會嘉、眉連陷,始命王繼恩等分路進討。昌言攝祭太廟,宿齋中,因召對滋 懇辭,敦踰不許,賜精鎧、良馬、白金五千兩,別賜手札數幅,皆討賊方略。 知意 復有陷者。 敵 福殿,復贊兵計,遂遣使督繼恩戰。 必不至。」太宗從之。未幾,王小波、李順構亂于蜀,議遣大臣撫慰。 ,即前指畫攻取之策。 太宗喜,命昌言爲川峽五十二州招安行營馬步軍都部署。 時京城連雨,昌言請出廐馬分牧外郡。或以盛秋備敵,馬不可闕。 太宗意頗厭兵,召昌言謂曰:「西川本自一國,太祖平之,訖今三十年矣。」昌言 繼恩御衆寡術,餘寇未殄,握兵留成都,士無鬥志,郡縣 昌言獨請發兵,無使 昌言曰:「塞下積水, 自繼恩以下,並

鳳 北 翔,止遣內侍衞紹欽齎手書指揮軍事,亦可濟也。」詔書追及,昌言已至鳳州,留候館百餘 苑門曰:「昨令昌言入蜀,朕思之有所未便。 既行,有奏昌言無嗣,鼻折山根,頗有反相,不宜遣握兵入蜀。 且蜀賊小醜,昌言大臣,未易前進。 後旬日,召宰相於 且令駐

日。 賊平,改戶部侍郎,罷政事,知鳳翔府。 、徙澶、涇、延三州。

蒙正 不才在人,豈以寒進世家爲限,遂罷其議。 、寇準同召,以本官兼御史中丞、知審官院。 **真宗卽位,遷兵部侍郎、知陝州,表求還京,不許。未幾,移知永興軍。** 加工部尚書,仍兼中丞。 有言門資官不宜任親民,昌言手疏,以才 咸平三年,與呂

以聞。 款聞奏,付刑部詳覆,用刑乖理者皆行按劾。 刑不當、嚴示懲罰、授以遠官、若有罪被問不卽引伏者、 審刑院趙安仁、判大理寺韓國華斷獄失中解職,昌言因上言:「詳斷官宜加愼擇,自今有議 行。」從之。 更,知府、判官、 先時,<br />
多遣臺更巡察羣臣踰越法式者,<br />
昌言建議請準故事,<br />
令左右巡使分領之。 欽若自訴,詔邢昺覆按,坐昌言故入,奪官,貶安遠軍行軍司馬,移武勝軍 會孟州民常德方訟臨津尉任懿以賄登第,事下御史,乃知舉王欽若受之,昌言 推官、檢法官皆不及責,則何以辨明枉濫,表則方夏?望自今如外州 惟開封府未嘗奏案,或斷獄有失,止罪元勘官 許令追攝。 又天下大辟斷訖,皆錄 例施 會知

景德初, 拜刑部侍郎。 求兼三館職,命判尚書都省。眞宗幸澶淵,以盟津居要,增屯

列

第

十六

趙昌言

陳恕

密使王 戶部侍 兵, 命 知 機英以 郎。 河陽 大中祥符二年,卒,年六十五。贈吏部尚書,諡日景肅。錄其子慶嗣 爲小盜不當擅爲賞格, 歷 知天雄軍府。 境內有小盜,昌言牓諭:「能告賊者給賞,牙吏卽遷職。」樞 乃詔昌言易其牓,有勞者俟朝旨。 未幾,徙知鎭州,遷 爲 國子監丞,

岳州 平江,昌言一見,識其遠大,以女妻之,後皆爲賢相。 言喜推獎後進,掌漕湖外時,李沆通判潭州,昌言謂有台輔之量,表聞于朝。 王禹偁自卑秩擢詞職,亦昌言所 王旦宰

愎縱率,對僚更倨慢,時論以此少之。 昌言強力尙氣概,當官無所顧避,所至以威斷立名,雖屢經擯斥,未嘗少自抑損。 慶嗣至太子洗馬。 然剛

薦也

賦

禄終喪。

姪孫

允明同學究出

身。

恕以鄉 儒 服 見,明與語,大奇之,因資送令預計偕。 陳恕字仲言,洪州南昌人。少爲縣吏,折節讀書。 里辭。 改灃州。灃自唐季爲節鎭兼領,吏多緣簿書乾沒爲姦。恕盡擿發其弊,郡中稱 太平興國二年進士,解褐大理評事、通判洪州, 江南平,禮部侍郎王明知洪州,恕以

爲強明,以吏幹聞

召入,爲右贊善大夫,同判三司勾院,遷左拾遺,充度支判官。 與判使王仁瞻廷爭本司

事,仁赡屈伏,坐貶秩;擢恕爲度支員外郎,仍舊職。

**徽府中大豪一人,會將更將斬之。** 違期甘死。 再遷工部郎中、知大名府。 恕令械之以徇,民皆恐慄,無敢後期者,數日功就。 時契丹內寇,受詔增浚城隍,其器用取於民者不時集,恕立 宗族號愬,賓佐競前請救,大豪叩頭流血,請翌日集事,

陳恕。」 代州,入判吏部選事,拜鹽鐵使。 以募致,衣食仰給縣官,若使之冬持兵禦寇,春執耒服田,萬一生變,悔無及矣。」太宗曰: 田 「卿第行,朕思之。」」恕行數日,果有詔,止令修完城堡、通導溝瀆而已,營田之議遂寢。 制置使。 會契丹引去,召入爲戶部郎中、戶部副使,遷右諫議大夫、知澶州。 太宗諭以農戰之旨,恕對曰:「古者兵出於民,無寇則耕,寇至則戰。今之戎士皆 恕有心計,釐去宿弊,太宗深器之,親題殿柱曰:「真鹽鐵 驛召爲河北東路營 俄知

款洽、密以語之、欲知古修舉其職。 江陵府,大發羣吏姦贓,坐徒、流、停、廢者甚衆,郡內惕息。 遷給事中、參知政事。 數月,太宗言及戶部使樊知古所部不治。 知古愬於太宗,太宗怒恕泄禁中語,罷守本官。 恕與知古聯事,情好 旋出知

淳化四年,太宗從魏羽、段惟一之請,分三司爲十道,置左右計使,以魏羽、董儼分主

列

傳第二十六

陳恕

召恕爲工部侍郎,充總計使,判左右計事。左右計使分判十道事,凡議論、計度並令恕 恕以官司各建,政令互出,難以經久,極言其非便。 歲餘,果罷,復以恕爲鹽鐵使。

乃以貴下賤,先有司之義。」 剛強,終不肯降意詢問。」呂端對曰:「耕當問奴,織當問婢。」|寇準曰:「夫子入太廟,每事問, 利病, 頗自幼至長寢處其中, 必周知根本。 太宗謂宰相曰:「溥等條奏事頗有所長。朕嘗語恕等,若文章稽古,此輩固不 貴監議,令中書籍其事,專檢舉之,無致廢格。 十一事,詔以四十四事付有司行之,其十九事下恕等議可否。 煩多,不可以口占,願給筆札以對。 時太宗留意金穀,召三司吏李溥等二十七人對於崇政殿,詢以計司利害。 太宗遣中黃門送詣相府,限五日悉條上之。溥等共上七 卿等但假以顏色,引令剖陳, 賜溥等白金緡錢,悉補侍禁、殿直,領其職。 遣知雜御史張秉、中使張崇 必有所益。 可望; 若錢穀 溥等言條目 恕等

所不逮。臣等騖力,惟盡心簿領,終不足上裨聖治。」太宗曰:「卿等淸而不通,專守繩墨,終 下陵上替,經制隳壞。若前代爲得,即已致太平,豈復煩股心慮也。」因召慰等責以職 恕等對曰:「今土宇至廣,庶務至繁,國用軍須,所費浩瀚,又遇諸州凡有災診,必盡蠲 後數日,太宗又曰:「國家歲入財數倍於唐。 臣等每舉権利,朝廷必以侵民爲慮,皆尼而不行。 唐中葉以降,藩鎭擅命,征賦多不入公家, 縱使耿壽昌(三、桑弘羊復生,亦 事曠

列傳第二十六 陳恕

悉從恕奏。

恕條 責尤嚴,官吏救過不暇。 至十年五年不决,以致貧無資給,轉徙溝壑。 五年,賜三司錢百萬,募吏有能言本司不便者,令恕等量事大小,以錢賞之,錢盡更給 能爲國家度長絜大,剖煩析滯。 列其事以聞。 至道二年,欲倂三司,命官總判。 恕奏曰:「伏以封域寖廣,財穀繁多,三司之中,簿牒塡委,朝廷設法,督 若爲三部各設主司,擇才非難,辦事亦易。 只如京城倉庫,主東當改職者,簿領中壹處節目未備,卽 其勾院、磨勘、理欠、憑由、支收、行帳、提點等司,令 此卿等之過,豈不傷和氣哉?」恕等頓首謝。 事辦過鮮,不撓上心,

處,命官無判。 是中旨特置,提振三司廢怠之事,固非有司敢得擬議也。」詔三司都憑由、理欠司宜令爲一 雖非舊設,自理欠失序,憑由散落,故設二司專令典掌。 此亦一時之良策也。 簿書取捷之門,亦爲尤當。 司,專行檢轄,凡支撥官物,便給除破文憑,却於所司置簿記錄,催到收附文記,即乃勾銷 轄支收司,先因從京支度財貨,轉輸外地,此除彼附,照驗稽滯,若京城得賢主史,使居此 之名,憑由鮮流散之弊,實亦要切,不可廢除。 應諸道逋負官物,令三司逐部理約(三),理欠司但總其所逋之數糾督之。餘 其勾院、磨勘兩司,出於舊制,關防之要,莫加於此。 其行帳司近日權置,了絕舊帳,帳目告盡,司額自除。 若兩司倂委一官,方及判官一員之事。 綱目咸具,制置有倫,逋欠無失理 理欠、憑由二司, 提點司 其主

之,可以經久。」於是始爲三法行之,貨財流通 等固滅裂無取。 恕將 於立茶法,召茶商數十人,俾各條利害,恕閱之第爲三等,語副使宋大初曰:「吾觀下 上等取利太深,此可行於商賈,不可行於朝廷。惟中等公私皆濟,吾裁損

按覆,即便宜行之。 前後擊登聞鼓陳訴,歷二十年,詔下本道官吏,因循不理。 峽路諸州,承孟氏舊政,賦稅輕 恕奏嘩擅改法,計果州一歲虧上供絹萬餘,嘩坐削一任免。 重不均,閬州稅錢千八百爲一絹,果州六百爲一絹。 轉運副使張曄年少氣銳,會受詔 民

宗卽位,加戶部,命條具中外錢穀以聞。恕久不進,屢趣之,恕曰:「陛下富於春秋,若知府 意 庫充實,恐生侈心,臣是以不敢進。」眞宗嘉之。 一稍解復進,<br />
蒙執前奏,終不改易,如是或至三四。<br />
太宗以其忠,多從之。 恕每便殿奏事,太宗或未深察,必形消讓。 恕斂板踧縮,退至殿壁負立,若無所容。 遷禮部侍 郎。

貢舉非其人之條,故所取甚少,而所取以<u>王曾爲首,及廷試糊名考校,曾</u>復得甲科,時議稱 下封駮事隸銀臺司。」從之。五年,知貢舉。 審官院。 |恕每自歎曰:「吾得曾,名世才也,不愧於知人矣。」 咸平二年,帝北巡,充行在轉運使。俄以母老求解,拜吏部侍郎,知通進銀臺封駮司、 上言:「封駮之任,實給事中之職,隸於左曹。 恕自以洪人避嫌,凡江南貢士悉被黜退。 雖別建官局,不可失其故號。請以門 又援

院事 代者, 押。 恕亦 恕事 恕已病,猶勉強親職,數月增劇,表求館殿之職,獲奉以濟其貧。 聽卿去。」是時寇準罷 |準 |即 不 ·母孝,母亡,哀慕過甚,不食葷茹,遂至羸瘠。 ·讓,一一押之,自是計使無不循其舊貫。 檢尋認前後改革興立之事,類以爲册,及以所出榜,別用新板,躬至恕第請 樞密使,恕卽薦以自代,遂以準爲三司 至李諮爲三司使,始改茶法,恕之規模 起復視事,遷尙書左丞、權知開封 使,恕爲集賢學士、 真宗曰:「卿求 一人可 纠 纠

及約 祝,執古爲奉禮 束後事,送終之具,無不周悉。眞宗悼惜,廢朝,贈吏部尙書。 帝 重恕,詔太醫診療。 郎。 百日,有司請停奉,不許,未幾,卒,年五十九。恕將卒,口占遺 錄其子執中爲太常寺太 奏

漸革

切。 力幹事,胥吏畏服,有稱職之譽。善談論,聽者忘倦。 眞宗曰:「三教之興,其來已久,前代毀之者多矣,但存而不論可也。」 恕頗涉史傳,多識典故,精於東理,深刻少恩,人不敢干以私。 素不喜釋氏, **嘗請廢譯經院,辭甚激** 前後掌利柄十餘年,強

後竟以賄敗。 州 軍 校。 |恕性吝,怒子|淳私用錢。及寢疾,上言|淳不率敎導,多與非類遊,常習武藝,願出爲外 執中至同中書門下平章事,別有傳; 執古至虞部員外郎; 執方、執禮,並太 恕卒,召復舊官,

列

傳

第

= +

子中舍

雄遠軍、以羽爲判官。 魏羽者,字垂天,歙州婺源人。少能屬文,上書李煜,署弘文館校書郎。 宋師渡江出其境,羽以城降,太祖擢爲太子中舍,仍舊職。 時建當塗縣爲 金陵平,

入朝,出知興州。

便。 上 改膳部員外郎。 遠何由聞達,請罪典司,以肅欺弊。」上賜詔褒論。 言:「本州錄事參軍郭震十年未代,河間令崔能前任卽墨,未滿歲遷秩。 疏 改鹽鐵判官。 言三司職官頗衆,願省其半,可以責成,仍條列利病凡二十事。 太平興國初,知棣州,改京兆府。 丁外艱,起復蒞事,入判大理寺。 時北邊多警,朝議耕戰之術,以羽爲河北東路營田副使,改兩浙轉運使, 六年,受詔詣瀛州覆軍市租,得隱漏數萬計。 復命,遷太常博士、知宋州,又徙閬州,就 歷度支、戶部二判官,召拜本曹郎中。 韶下有司詳議,皆以爲 有司調選失平, 疏 因上 因

言:「依唐制天下郡縣爲十道,兩京爲左右計,各署判官領之。」制三司使二員,以羽爲左計 司,以羽判三司。 淳化初,選爲秘書少監,踰月,遷左諫議大夫,俄拜度支使,改鹽鐵使。 先是,三司簿領堆積,吏緣爲姦,雖嘗更立新制,未爲適中。 四年,倂三 是冬,羽上 一部爲

遷兵部郎

中。

加給事· 使,董儼爲右計使,中分諸道以隸焉。 中,徙潭州,遣使諭旨。 眞宗卽位,遷工部侍郎,連徙忧、揚二州,召權知開封府。 未久,以非便罷,守本官,出知滑州。 丁內艱,起復,

駕北巡,判留司三司,再爲戶部度支使。

五十八。 咸平四年,以疾解職,拜禮部侍郎。 謝日,召升便殿,從容問論,勉以醫藥。 月餘卒,年

未甚於是。」太宗嘉納之,繇是被劾者皆獲輕典。嘗建議有唐以來,凡制詔皆經門下省審, 更,將窮究之。 羽乘間上言曰:「漢戾太子竊弄父兵,當時言者以其罪當笞耳。今許王之過, 有非便者許其封駁,請遵故事,擇名臣專領其職,迄今不廢。 |羽涉獵史傳,好言事。 淳化中,許王暴薨,或有以宮府舊事上聞者。 太宗怒, 追捕僚

推移耳。 羽強力有更幹,尤小心謹事。 |太宗嘗謂左右曰:「羽有心計,亦明吏道,但無執守,與物 歷劇職十年,始踰四十,鬚鬢盡白,亦可憐也。」羽出入計司凡十八年,習知金穀之

丞; 景德二年,長子玠卒,其妻自陳家貧無祿,上憫之。 ·中舍。 孫平仲,天禧三年同進士出身。 次子校書郞瓘爲奉禮郎,後爲殿中

事,然頗傷煩急,不達大體。

羽 同 列 僔 時有劉式者,亦久居計司,創端拱中三年磨勘之法,首以式主之。 第 二 十 六 陳 恕 劉 昌 言

式字叔度, 袁州 人也。 李煜時,舉三傳中第。 歸宋,歷遷大理寺丞、贊善大夫、監通州

遷秘書丞,與陳靖使高麗。 豐利監及主三司都磨勘司, 至道中,併三勾院爲一,命式領之。再轉工部員外郎,賜金紫。 仍賜緋。 式又建議置主轄支收司,以謹財賦出納,時以爲當。

式深究簿領之弊,江、淮間舊有橫賦,逋積至多,式奏免之,人以爲便。

然多所條

奏,檢校過峻,爲下吏所訟,免官,卒。

遷刑

部。

眞宗追錄前效,賜其子立本學究出身。 次子立之,後爲國子博士。 立德、立禮,並進士

及第,立禮爲殿中丞。

洪進遣子文顯入貢,令昌言偕行,太祖親勞之。 劉昌言字禹謨,泉州南安人。少篤學,文詞靡麗。 本道節度陳洪進辟功曹參軍,掌牋

曾留守西京,表爲通判,委以府政。 普疾,屬昌言後事。 第,止授歸德軍掌書記。 言有吏幹。錢俶帥鄧,表薦之。 太平興國三年〔三〕,洪進歸朝,改鎭徐州,又辟推官。 八年,復舉得第,遷保信、武信二鎭判官。 移泰寧軍節度判官。入爲左司諫、廣南安撫使。 普卒,昌言感普知己,經理其家事。 五年,舉進士入格,太宗初惜科 宰相趙普鎭南陽,重昌 淳化 初,趙

郎中,踰月,守本官,充樞密直學士,與錢若水同知審官院。 二十八日,遷右諫議大夫、同知 能揣人主意,無不稱旨。 太宗謂宰相曰:「昌言質狀非偉,若以貌取,失之子羽矣。」遷工部 太宗以爲忠於所舉,拜起居郎,賜金紫、錢五十萬。連對三日,皆至日旰。昌言捷給詼詭,

樞密院事。

路、潭泉、福建、嶺南,皆令迎侍,敢有違者,御史臺糾舉以聞。 又有光祿丞何亮家果州,秘書丞陳靖家泉州,不迎其親。下詔戒諭文武官,父母在劍南、峽 里,十餘年不迎侍,別娶旁妻。太宗旣寵之,詔令迎歸京師,本州給錢辦裝,縣次續食。時 昌言驟用,不爲時望所伏,或短其閩語難曉,太宗曰:「惟朕能曉之。」又短其委母妻鄉

事,臣從便宜,不如詔書,盧讒慝因而浸潤,願陛下察之。」太宗下詔責其不循舊章,斂怨於 許所在縣驛輸納以便民。 不自安。 惡其爲人。 昌言自以登擢非次,懼人傾奪。 因太宗言及近侍有與贊交者,昌言蹶然出位,頓首稱死罪。 以給事中罷,出知襄州。 獲盜當部送闕下,臣恐吏柔懦不能制,再亡命,配隸軍籍。 上言:「水旱民輸稅愆期。 會誅凶人趙贊,昌言與贊素善,前在河南嘗保任之,心 舊制六月開倉,臣令先一 太宗慰勉之,然自此 。 此 二 月

至道二年,徙知荆南府。 第二十 劉 昌 言 眞宗卽位,就拜工部侍郎。咸平二年,卒,年五十八,贈工部尙 張 泊

民,自今敢背棄詔條,譴責不復恕。

書。子有方,比部員外郎;有政,虞部員外郎。

張洎,滁州全椒人。曾祖政,澄城尉。 祖蘊,泗上轉運巡官。 父煦,滁州司 法掾

室,不得從。 論 泊議以爲世子之禮, 事稱旨,遂肆彈擊無所忌,大臣游簡言等嫉之。會景遷國豫章,留煜居守,即薦洎爲煜記 洎 ,少有俊才,**博通**墳典。 未幾,景卒,煜嗣。 但當問安視膳,不宜以「武」爲稱。 江南舉進士,解褐上元尉。 擢工部員外與、試知制誥;滿歲,爲禮部員外與、知制誥。 旋命改諡,擢監察御史。 李景長子弘冀卒, 有司諡 泊自以 武宣

遷中書舍人、清輝殿學士,參預機密,恩寵第一。 泊舊字師黯,改字偕仁。

以諮之。每兄弟宴飲,作妓樂,消獨得預。 清輝殿在後苑中,煜寵泪,不欲離左右,授職內殿,中外之務 爲建大第宮城東北隅,及賜書萬餘卷。 煜嘗

至其第,召見妻子,賜予甚厚。

苟一旦不虞,卽臣當先死。」旣而城陷,洎攜妻子及豪裝,自便門入止宮中,給光政使陳喬同 城 危甚,消勸煜勿降,每引符命云:「玄象無變, 泊 尤好建議,每上言,未卽行,必稱疾,煜手札慰諭之,始復視事。 金湯之固, 未易取也。 北 及王師圍城,踰年, 軍旦夕當自引 退

誰能爲主白其事,不死,將有以報也。」 升閣,欲與俱死。 喬自經氣絕, 消反下見煜曰:「臣與喬同掌樞務,國亡當俱死。又念主在,

貝州。 州進士。未幾,使高麗,復命,改戶部員外郎。太平興國四年,出知相州。明年夏,徙 替昔日之忠也。」拜太子中允,歲餘,判刑部。|太宗卽位,以其文雅,選直舍人院,考試諸 得死,臣之分也。」辭色不變。上奇之,貸其死,謂曰:「卿大有膽,不加卿罪。今之事我,無 同知貢舉。 生,不責以吏事,詔不問。 上江救兵蠟丸書也。泪頓首請罪曰:「實臣所爲也。犬吠非其主,此其一爾,他尙多有。今 歸朝,太祖召責之曰:「汝敎煜不降,使至今日。」因出帛書示之,乃圍城日涫所草詔,召 是多,又知相州。 部內不治, 令以本官知譯經院,遷兵部員外郎、禮戶二部郎中。 轉運使田錫言其狀,代還。泊求見廷辯,上以其儒 雅熙二年,

詰消。 爲要略。會錢俶薨,太常定諡忠懿。洎時判考功,爲覆狀,經尙書省集議。虞部郎中張佖奏駮 居尊位,終是藩臣,故名不可稱龍,位不可爲亢。其『亢龍無悔』四字,請改正。」事下中書,以 曰:「按考功覆狀一句云『亢龍無悔』,實非臣子宜言者。况錢俶生長島夷,夙爲荒服,未嘗略 端拱初,契丹寇邊,詔羣臣言事。 對狀曰:「竊以故秦國王明德茂勳,格于天壤,處崇高之富貴,絕纖介之譏嫌。太常 消上奏,以練兵聚穀,分屯塞下,來則備禦,去則勿追

列

禮院稽其功行,定茲嘉諡,考功詳覆之際,率遵至公,故其議狀云:『茲所謂受寵若鶩,居亢 無悔 上體之下,履重剛之險,因時而惕,不失其幾,可以無咎。 者也。』蓮按摄乾之九三云:『君子乾乾,夕惕若 厲, 無咎。』王弼注云:『處下體之極 處下卦之極,愈於上九之亢。』易

**颁云:『初九爲元士,九二爲大夫,九三爲諸侯。』正義云:『易之本理,以體爲君臣。** 下體之極,是人臣之體也。其冤亢龍之咎者,是人臣之極,可以愼守冤禍。 故云免亢極之 九三居

大。』杜鴻漸讓元帥表云:『祿位亢極,過踰涯量。』盧杞郭子儀碑云:『居亢無悔,其心益降。』 禍也。』漢書梁商傳贊云:『地居亢滿,而能以謹厚自終。』楊植許由碑云:『錙銖九有,亢極一 李翰書霍光傳云:『有伊、周負荷之明,無九三亢極之悔。』張說派國公碑云:『一無目牛之

洎援引故實,皆有依據。 斯蓋張佖擅改公奏,罔冒天聰。請以元狀看詳,反坐其人,以懲姦妄。」俄下詔曰:「張 一無亢龍之悔也。』况考功狀內止稱云:『受寵若驚,居亢無悔。』卽本無『亢龍無悔』 之 張佖學識甚淺,數陳失實,尙示矜容,免其黜降,可罰一月俸。」

集賢院 洎 事. 末 幾選爲太僕少卿、同 淳化中,上令史館修撰楊徽之等四人修正入閣舊圖,洎同奉詔,因討論故事,獨 知京朝官考課,拜右諫議大夫、判大理寺。 又充史館修撰、判

草奏以聞。 洎又言:

按舊史,中書、門下、御史臺爲三署,謂侍從供奉之官。今起居日侍從官先入殿

儀,侍從官先入起居,行畢,分侍立於丹墀之下,謂之「蛾眉班」。然後宰相率正班入起 庭,東西立定,俟正班入,一時起居。其侍從官東西列拜,甚失北面朝謁之儀。 請準舊

居,雅合於禮。

其隻日或遇陰霪、盛暑、大寒、泥濘,亦放百官起居。雙日宰相當奏事,卽特開延英召 儻君父焦勞於上,臣子緘默於下,不能引大體以爭,則忠良之心,有所不至矣。 不鷄鳴而起,聽天下之政,雖剛健不息,固天德之常然,而游焉息焉,亦聖人之謨訓。 對。或夷蠻入貢,勳臣歸朝,亦特開紫宸殿引見。陛下自臨大寶,十有五年,未嘗一日 初,始修貞觀故事。自天寶兵興之後,四方多故,肅宗而下,咸隻日臨朝,雙日不坐。 臣又聞古之王者,躬勤庶務,其臨朝之疏數,視政事之繁簡。唐初五日一朝,景雲 臣欲望陛下依前代舊規,隻日視朝,雙日不坐。其隻日遇大寒、盛暑、陰霪、泥濘,

臣歸朝,亦特開上閣引見,並請準前代故事處分。 亦放百官起居,其雙日於崇德、崇政兩殿召對宰臣。常參官以下及非時蠻夷入貢、勳

**麥入**不執

列

傳

第

二 十

六

張洎

日,謂宰相曰:「羣臣上章獻文,朕無不再三省覽。 時,上令以儒行篇刻於版,印賜近臣及新第舉人。 洎得之,上表稱謝,上覽而嘉之。 如脹消一表,援引古今,甚不可得。可召

盡設之,仍詔樞密直學士呂端、劉昌言及知制誥柴成務等預會,時以爲榮。 重,非他官可比,朕常恨不得爲之。」故事,赴上日設燕,敎坊以雜戲進,久罷其事。至是,令 至中書,宣諭朕意。」數月,擢拜中書舍人,充翰林學士。 上顧謂近臣曰:「學士之職,清要貴

之,以徽之爲鎭安軍行軍司馬。 柄。 欲以計傾之。 之冠也。」消與錢若水同在禁林,甚被寵顧。 若水後進年少,豈遽及此。」時翰林小吏諮事在側,昌言盧洎聞之,卽對小吏盡述熙言, 俄判吏部銓。 消方修飭邊幅以固恩寵,疑徽之遣熙以搆飛語中己,遂白於上。 上怒,召昌言質 會楊徽之、錢熙嘗言洎及若水旦夕當大用。 嘗引對選人,上顧之謂近臣曰:「張洎富有文藝,至今尙苦學,江東士人 熙罷職,通判期州 時劉昌言驟擢樞要,人望甚輕,董儼方掌財賦, 熙以語昌言,昌言曰:「洎必參政

漢、魏以降,所封之王始不之國,朝廷命卿大夫臨郡,卽稱內史行郡事。 草制,因上疏議曰:「謹按前史,皇子封王,以郡爲國,置傅相及內史、中尉等,佐王爲治。 之號,非親王不授;其揚、益等郡,或有親王遙領,朝廷命大臣臨郡者、卽皆長史、副大使知 下,以揚、益、潞、幽、荆五郡爲大都督,署長史、司馬爲上佐,卽前代內史之類也。 際,有瑯邪王、會稽王、臨川王,故謝靈運、王義之等爲會稽、臨川內史,卽其事也。 會皇子益王元傑改封吳王,行揚州、潤州大都督府長史,領淮南、鎮江兩軍節制。 東晉永和、泰元之 其大都督 唐有天 泊當

獨爲大都督,居越王之上,非便。」上令俟異日除授,丼改正之。至明年,上郊祀覃慶,遂 施行。」宰相以制命已行,難於追改。 報往反,有妨明日宣降。 倘或他日別命守將,俾臨本郡,卽不知以何名目而授除也。 號,乃是國王自爲上佐矣。若或朝廷且以長史拜受,其加銜內又無副大使、知節度使之目, 山。 府長 節度事也。 史」。 今益王以揚、潤二郡建社爲吳國王,居大都督之任,又己正領節度事,豈宜却加長史之 李載義鎭幽州,云『盧龍軍節度副大使知節度事、兼幽州大都督府長史』,卽其例 臣請質之前代,段文昌出鎮場州,云『淮南節度副大使知節度事、兼揚州大都督 茲事有關國體,况吳王未領恩命,尚可改正,乞付中書門下,商議 消又上表論列, 呂蒙正言:「越王領福州長史, 今<u>吳王</u> 臣草制之夕,便欲上陳,慮奏

給事中、參知政事,與寇準同列。 之句。與蘇易簡同在翰林,尤不協,及易簡參知政事,洎多攻其失。旣而易簡罷,卽以洎爲 著述,或賜近臣詩什,洎必上表,援引經傳,以將順其意。上因賜詩褒美,有「翰長老儒臣」 俄奉韶與李至、范杲〔四、張佖同修國史,又判史館。 洎博涉經史, 多知典故。 每上有

改焉。

消夙夜坐曹視事,每冠帶候準出入於省門,揖而退,不交一談。 準益重焉,因延與語。 先是,準知東部選事,洎掌考功,爲東部官屬。準年少,新進氣銳,思欲老儒附已以自

列傳

第

二 十

六

張

洎

也。 專修時政記,甘言善柔而已。 後因奏事異同,準復忌之。 善待之。上一夕召熙古輩侍書禁中,因問以佑得罪故。 洎 左日多讒毀良善,李煜殺潘佑,泊嘗預謀,心疑之。 捷給善持論,多爲準規畫,準心伏,乃兄事之,極口誇泪於上〔三〕。上欲進用,又知其在江 自是洗然,遂加擢用,蓋準推挽之也。旣同秉政,奉準愈謹,政事一决於準,無所參預。 翰林待韶尹熙古、吳郢皆江東人, 熙古言煜忿佑諫說太直耳,非泪謀 洎嘗

恐而退。 輔弼,上有所詢問,反緘默不言,深失訏謨之體。」端曰:「泊欲有言,不過揣摩陛下意耳,必 此意,旣而悔之,洎果迎合,覽奏不悅。 無鯁切之理。」上默然。 「臣等若各述所見,則非詢謀僉同之議,望許共爲一狀,陳其利害。」洎越次奏曰:「端等備位 相呂端、知樞密院事趙鎔等各以所見畫策,卽日具奏來上。呂端相率詣長春殿見上,言曰: 至道二年五月,四方館使曹璨自河西馳騎入奏邊事,言繼遷率萬餘衆寇靈州。 上召同知樞密院事向敏中等謂曰:「張洎上言,果爲呂端所料,殷已還其疏矣。」 翌日,洎上疏引賈捐之棄珠崖事,願棄靈武以省關西饋運。 旣以疏付洎,謂之曰:「卿所陳,朕不曉一句。」洎惶 上嘗有 上韶宰

告,滿百日,力疾請對,方拜,踣於上前,左右掖起之。明日,上章求解職,優詔不允。後月 奏事,大言寇準退後多誹謗。準但色變,不敢自辯。上由是大怒,準旬日罷。 泪旣議事不稱旨,恐懼,欲自固權位。 上已嫉準專恣,恩寵衰替。 泊慮一旦同罷免,因 未幾,洎病在

餘,改刑部侍郎,罷知政事。奉詔嗚咽,疾遂亟,十餘日卒,年六十四。 贈刑部尚書,以其二

子皆爲京官。

潘慎修掌煜記室,洎疑慎修教煜,素與慎修善,自是亦稍疎之。 於珍玩。 登其門。 弊政,朕安可踵此覆轍,卿言過也。」泊慚而退。 在翰林日,引唐故事,奏內供奉官藍敏政爲學士使,內侍裴愈副之。上覽奏,謂曰:「此唐室 師,洎亦不赴弔。 因切諫之,仲寓謝過。 詖,好攻人之短。 泪風儀灑落,文采淸麗,博覽道釋書,兼通禪寂虛無之理。終日淸談,置亹可聽。 泊有文集五十卷行于世。 素與徐鉉厚善,後因議事相忤,遂絕交。然手寫鉉文章,訪求其筆札,藏篋笥,甚 與張佖議事不協,遂爲讎隙,始以從父禮事佖,旣而不拜。尤善事內官, 李煜既歸朝,貧甚,洎獨丐索之。 後數月,人有言仲属蒱博如故,泊遂與之絕。及仲萬死郢州,葬京 性鄙吝,雖親戚無所霑,及江表故舊,亦罕 煜以白金額面器與洎,洎尚未滿意。 煜子仲萬雅好蒱博飲宴,洎 尤險 時

大理寺丞,祕書校理。 子安期,至國子博士;方回,後爲虞部員外郎。 方回子懷玉,王欽若壻,賜進士及第,

知 民 陵 知不 尉 李惟清字直臣 秩滿,遷大理寺丞。 神。然後教以醫藥,稍變風俗。 蜀民尚淫祀, 病不 下邑人。父仲行,爲章丘簿, 療治,聽於巫覡,惟淸擒大巫笞之,民以爲及禍。 時遣宦官督輸造船木,縱恣不法,惟淸奏殺之,由是 因徙家焉。 惟清,開寶中,以三史解褐涪 他日又加箠焉,

徙京 使, 否? 就改監察御史,兼總南 」惟淸曰:「臣見官賣鹽斤爲錢六十四, 西轉運使,入爲度支判官,改主客員外郎。 太平 興國三年,遷爲荆湖北路轉運判官云。 路。 嘗入奏事,太宗問曰:「荆湖累年豐稔, 民以三數斗稻價,方可買一斤。」乃韶斤減十錢 五年,改左贊善大夫,充轉運副使,升正 又無徭役, 民間蘇

京東 官 奏言以 餘 度 支許 釀 悉罷。 轉 轉鬻者,斗給耗二升,今三司給一 雍 運使。 鹽 仲宣 熙 配民非便,遂罷。 三年,大舉取 擢 一建議 屯 會募丁 田 通鹽法, 鄓 中、度支副 壯爲義軍,惟淸 幽州,惟淸以爲兵食未豐,不可輕動。 以賣鹽歲課賦于鄉村, 使還,上又問民間苦樂不 使。 曰:「若是,天下不耕矣。」三上疏諫,繇是獨選河北,而 升,民多他圖 與戶 均事,惟清 而歲課 稅均納。 **弘甚減。**」 朝廷業已興師, 言:「前在 惟清奉韶往荆湖諸路詳定, 一韶復 以其舊。 荆湖,民市清酒務 奏入不報。 未幾,出爲 纠

端拱初,遷右諫議大夫,歷戶部使,改度支使。 會遣使河朔治方田,大發兵。 惟清以盛

成功。今縱得人,未可便如古委之。此乃機事,卿所未知也。」 同。 帥,以有威名者俾安邊塞,庶節費用。」上言:「彼一時,此一時也。今之西北變詐,與古不 有衞靑、霍去病,唐有郭子儀、李晟,西北望而畏之。如此則邊事息而支用減矣。望愼擢將 鹽鐵使,遂以帳式奏御。 曰:「比開寶軍興之際[t],其數倍多,蓋以將帥未得其人,邊事未寧,屯兵至廣也。 春妨農,懇求罷廢。 選用將帥,亦須深體今之幾宜。 太宗曰:「兵夫已發矣。止令完治邊城而已。」淳化三年,遷給事 太宗曰:「費用若此,民力久何以堪?如 韓、彭雖古之名將,以彼時之見,制今之敵,亦恐不能 可減省,即便裁度。」惟清 臣聞漢 中,充

拜給事中。 至道初,就拜右諫議大夫。太宗聞其廉平,詔獎之。二年,徙廣南東、西路都轉運使,尋召 更盧守仁所發,左授衞尉少卿,黜判官李琯爲本曹員外郎,賜守仁錢十五萬。俄出知廣州。 十錢,不以聞。滁泗濠楚州、漣水軍亦以岳茶陳惡,減價市之。計虧錢萬四千餘貫,爲勾院 淮南權貨務賣岳茶,斤爲錢百五十。主吏言陳惡者二十六萬六千餘斤,惟淸擅減斤五 踰月,同知樞密院事。

六,贈戶部尚書。 即位 ,加刑部侍郎,復除御史中丞。 惟淸倜儻自任,有鉤距。 臨事 ,峻刻,所至稱強幹。然以俗吏進,無人望。纔數月,眞宗 旣去樞要,怫鬱尤甚,肆情彈擊。 咸平元年,卒,年五十

游,日聚舉子於家,談議時政。眞宗將幸河朔,永錫循服父喪,上章大言,列詆近臣,自謂有 試策不中,貶瀧水縣主簿。選爲南劍州團練副使,俄復光祿寺丞。 六年,又坐交游非類,監 致太平滅敵之術。 子永錫,蔭至光祿寺丞。 選爲戶部判官,因對,袖表以獻,又自薦揚。眞宗駐蹕大名,召赴行在, 頗涉學屬辭,尙氣少檢,喜交結。 馮拯、王濟、皇甫選多與之

次子永德,至殿中丞。

和州商稅,後至右贊善大夫。

寇準; 之。 旣 遇,身後經理其家;然委親鄉里,十年而不迎侍,厚薄失措,又何取乎。張洎初勸李煜勿降, 嫌疑,皆非君子所爲也。 士,鲜不爲反覆小人也。 而不能死之,「犬吠非主」之對,徒以辯舌,僥倖得免。 中丞 論 皆可謂知人之明。然趙好獎拔,而頗樹黨與,終以取敗, 日:張宏爲樞副,當用兵之際,循默備位;趙昌言爲御史中丞,屢上書言兵,乃兩易 |可使循默者居之乎?|宋失政矣。 昌言尚氣敢言,恕爲宋人能吏之首,庶足稱矣。 李惟清居臺端;恨失政柄,恣情鷙擊。 昌言識李沆,器王旦,陳恕取士得王曾,舉代得 厥後揣摩百端,讒毀正直,利口之 舊史稱爲俗吏,又奚責焉。 陳典貢舉,務黜南 劉昌言感趙普之 士,以避

勘 記

- (1) 耿壽昌 原作「耿受昌」,據漢書卷二四食貨志、長編卷三七改。
- (三) 令三司逐部理約 長編卷四〇作「令三司逐部理納」,宋會要職官五之三四作「並令三司逐部行
- (三)太平興國三年 「三」原作「二」,據本書卷四太宗紀、長編卷一九改。

遣催納」,疑「約」爲「納」之誤。

- (四) 范杲 原作「范果」,據本書卷二四九本傳、長編卷三五改。
- (至)極口誇洎於上 「誇」原作「談」,太宗實錄卷八〇作「誇」,據改。
- (水) 荆湖北路轉運判官 稔」一語,東都事略卷三七本傳作「荆湖」,「京」當爲「荆」之訛,據改。

「荆」原作「京」。按北宋無「京湖北路」之名,下文太宗問話有「荆湖累年豐

(七) 比開寶軍興之際 「比」原作「此」。長編卷三二作「比」,按文義,作「比」是。據改。

## 宋史卷二百六十八

## 列 傳第二十七

張遜 楊守一 趙鎔 周 瑩 王繼英

柴禹錫字玄圭,大名人。少時,有客見之曰:「子質不凡,若輔以經術,必致將相。」禹錫 柴禹錫

由 是留心問學。時太宗居晉邸,以善應對,獲給事焉。

府舊僚,多召訪外事。 太平興國初,授供奉官。三年,改翰林副使,遷如京使,仍掌翰林司。 遷宣徽北院使,賜第寶積坊。 告秦王廷美陰謀,擢樞密副使。 每夜直,上以藩 踰年,

轉南 ?院使。服勞旣久,益加勤敏。

錫曰:「延範何如人?」延範與琪妻爲疎屬,甚言其忠勤,禹錫亦傍贊之。上意其交通,滋不 厚善。會廣州徐休復密奏轉運王延範不軌狀,且言倚附大臣,無敢動搖者。 雍熙中,議廣宮城。 禹錫有別業在表識中,請以易官邸,上因是薄之。 上因訪琪 又與宰相宋琪 及禹

列

傳 第 \_--+ 七

> 柴 禹 錫

> > 張 遜

徙澶、鎭二州駐泊部署。 責禹錫, 悅。 禹錫又爲琪請盧多遜故第,上益惡其朋比。 以聽衞大將軍出知滄州。 俄知潞州,州民乞留三載,詔獎之。 在任勤於政治,部民詣濱州列狀以聞。 坐琪以詼諧罷相,不欲顯言之也。下習切 徙知永興軍府,再召爲宣徽北 改涪州觀察使,

卵旌 [節,兼之重鎭,可謂優異矣。」禹錫流涕哽咽而已。 至道初,制受鎭寧軍節度、知涇州。 入謝日,上謂曰:「由宣徽罷者不過防禦使爾,今委 咸平中,移知貝州。 是歲,契丹兵奄

院使、知樞密院事

至城下,禹錫內嚴備禦,寇尋引去。 明年,徙陝州

未幾,卒,年六十二,贈太尉。 景德初,子宗慶選尙,召禹錫歸闕,令公主就第謁見,行舅姑禮,固辭不許。頃之,還鎮。 子宗亮,太子中允,宗慶,永清軍節度

張遜,博州高唐人。 太宗在晉邸,召隸帳下。 數歲喪父,養於叔父職方員外郎幹,後隨母歸魏仁浦家,駙馬都尉

威信,其異父弟也。

歲入貢,通關市。 太平興國初,補左班殿直。 並海商人遂浮舶販易外國物,闍婆、三佛齊、渤泥、占城諸國亦歲至朝貢, 從征太原還,遷文思副使,再遷香藥庫使。 嶺南平後,交阯 遜小心謹愼,徒以攀附至貴顯,其訏謀獻替無聞焉。 之,韶以其卒分配州郡。數月,遜卒,年五十六,時至道元年也。 會判右金吾街仗蔡玉冒奏富人子爲州大校,黜官,命遜代掌其事 晉邸,遜又嘗舉賓,雅相厚善,因奏民迎準拜呼萬歲。準自辯:「實與仲舒同行,蓋遜令賓獨 幾,兼樞密副使、知院事。與同列寇準不協,每奏事,頗相矛盾。 罷 鬻,歲可獲錢五十萬緡,以濟經費。太宗允之,一歲中果得三十萬緡。 中議欲盡 賜錢二百萬,白金三千兩。遜旣至,會峽路諸漕卒數千人聚江陵,有告其謀變以應蜀寇,府 奏斥臣。」辭意俱厲,因互發其私。太宗惡之,下詔切責,遜左降右領軍衞將軍,準亦罷職。 由是犀象、香藥、珍異充溢府庫。 判度支,卽以遜爲度支使。 西蜀李順爲亂,詔發兵水陸進討,以荆渚居其要害,命遜爲右驍衞大將軍、知江陵府, 雍 一日,遜等晚歸私第,準與温仲舒並轡,有狂民迎馬首拜呼萬歲。街使王賓舊與遜同事 熙二年,錄其勞,遷領媽州刺史。三年,與安忠並命爲東上閤門使。 誅之。遜止捕首惡楊承進等二十一人斬於市,餘黨親加慰撫,飛奏以聞。太宗嘉 端拱初,遷鹽鐵使。二年,授宣徽北院使、簽署樞密院事。 遜請於京置權易署,稍增其價,聽商入金帛市之, 贈桂州觀察使,歸葬京師。 自是歲有增羨,至五 數月,會許仲宣 恣其昄

列傳

第

<u>\_</u>

-6

張遜

楊

次子虛中,娶宗室申國公女,至供奉官、閤門祗侯。 子敏中,初補 供奉官。 遜在宣徽,表言嘗業文,願改秩,即換大理寺丞,累至比部郎中。 敏中子先,進士及第。

楊守一字象先,其先河南洛陽人。 唐末避亂,徙家宋、鄭間。 守一稍通周易及左氏春

秋,事太宗於晉邸。

官,其下多貴族子弟,頗豪縱徼幸。 餘,改翰林學士(1)。 太宗卽位,補右班殿直。 守一初名守素,至是詔改之。 太平興國中,出護登州兵。 始置三班院,令守一專其事,考覈授任,漸有條制 召還, 監儀鸞司。 累遷西頭供奉 歲

年,改判四方館事。 七年,與趙鎔、柴禹錫、相里勳等告秦王廷美陰謀事,擢東上閤門使兼樞密都承旨。 雍熙中, 詔護遷雲、朔歸附安慶兵屯于潞州。三年, 轉內客省使, 仍兼都 八

承旨。 守一性質直勤謹,無他材術,徒以肇自王府,久事左右,適會時機,故歷職通顯,飾終之 端拱元年,授宣徽北院使、簽署樞密院事。 是秋,卒,年六十四。 贈太尉,中使護葬。

禮,率加常數焉。

子安期歷國子博士,坐事貶卒。 安期子夢得,進士及第。

國信,及錢俶納土,遣檢校帑廩,轉內酒坊副使。以告秦王廷美陰事,遷六宅使,領羅州 趙鎔字化鈞,滄州樂陵人。以刀筆事太宗於藩邸,卽位,補東頭供奉官。 因使吳越賜

史。掌翰林司,擢東上閤門使。

滄州 鎔私 謁,卽召鎔廷辯。 兼兵馬部署。鎔在郡完城塹,嚴戰具。 郭贄參知政事,鎔以同府之舊,嘗有所請託,贄不從。鎔摭堂吏過失以聞,贄見上,白 詞屈,出爲梓、遂州都巡檢使,改左驍衞大將軍,領郡如故。 寇嘗數百騎至境上,聞有備, 引去。 遷左神武 代還,知

大將軍。會崔翰知州,改鎔爲本州鈴轄。

王鬥殿,不勝,因誣玉言涉指斥。禹錫等遽以聞,玉坐抵法。太宗尋知其寃,自後廉事不復 使、同知樞密院事,與柴禹錫並掌機務。 又知廬州,因對,自陳願留,不許。 **嘗遺吏卒變服,散之京城察事。卒乘醉與賣書人韓** 踰年,召爲樞密都承旨,同掌三班,俄拜宣徽北院

察使。 禹錫出鎭,鎔加知院事。 眞宗卽位,改南院使、檢校太傅,以心疾求解。是秋,授壽州觀 咸平元年三月,卒,年五十五。贈忠正軍節度,錄其三子官。

鎔少涉獵文史,美書翰,委質晉邸,以勤謹被眷。本名容,太宗改爲鎔,曰:「陶鎔所以

列

傳第

二 十

七

趙鎔

周瑩

成 器也。」鎔性 好佛,多蓄古書畫。三子:忠輔,西京左藏庫副使; 忠愿,虞部員外郎;

內殿崇班

周瑩, 瀛州景城人。右領軍衞上將軍景之子也。 景家富財, 好交結, 歷事唐、

習水利,嘗浚汴口,導鄭州郭西水入中牟渠,修滑州河 堤,累遷至是官。

賊千餘,遷供奉官。 太宗潛邸時, 瑩得給事 天雄軍節度孫永祐、轉運使楊緘稱薦之,又使綏、銀州按邊事,還奏稱 左右。 卽位,補殿直, 領武騎卒巡警泉、福州。 卒纔數 百,捕劇

旨,擢鞍轡庫副

使。

都監, 者三百餘人,人以爲酷濫。 雍熙二年,爲杭、睦五州都巡檢使兼杭州都監。 加判四方館事。 與郝守濬護塞宋州決河, 代還,改崇儀使、滄州都監。 俄改三路排陣鈴轄,歷知天雄軍、眞定二 會妖僧紹倫爲變,瑩擒獲之,逮捕就戮 召拜西上閤門使,領鎮、定、高陽關

諸房公事,俄兼提點宣徽諸房、鼓司、登聞院,與劉承珪並任。 至道二年,代還。 會李繼隆討西夏, 詔瑩詣軍前,授以機事,還拜客省使,簽書樞密院

府,就遷引進使。

秋,拜宣徽北院使。 眞宗嗣位,承珪分使河北告諭,加領富州刺史。 先是,宣徽著位在樞密副使上,瑩表請居下,從之。 咸平二年,大 上聞其母老病,閔之,特封武功郡太夫

命爲隨駕部署。 從征 河朔,又爲駕前馬步都部署。

**愿因入奏,請赦其罪遣還。** 遷南院使、知樞密院事。 瑩以爲當盡誅之。 會蜀平, 部送脅從者數十百人至闕下。 。令蠻、亮廷議,上是亮議,悉原其罪 西川轉運使馬

寇,詔步兵赴寧邊軍爲援。 有軍 院,上以瑩練達軍事,乃拜永淸軍節度,兼領其任,爲三路排陣使。 功,與虎翼小校劉斌相競,爲殿直閻渥所發。 五年, 高陽關都部署闕,藩侯無足領之者, 瑩至,則寇兵已去,即日還屯所。 宰相請輟宣徽使以居其任。 以瑩故、詔勿問、止徙斌隸他軍。 上聞曰:「瑩何不持重少留,示 瑩隸人有錢仁度者, 頗 時王繼英任北 契丹入

以不測。輕於舉措,非將帥體也。」

慶路都部署。 車駕北巡,爲駕前東面貝冀路都部署(三)。 赴大名,道與寇直,力戰,有死傷者,瑩猶謂其玩寇,將悉誅之。 景德初,丁內艱,起復,代王顯爲天雄軍都部署兼知軍府事。 上謂瑩庸懦不智,以曹瑋代之,徙知澶州。 時夏州內屬,詔省戍兵還營,以減饋餉之費。 明年,改知陝州 ,俄徙永 仍手詔諭瑩,瑩遽奏乞留,以張 詔賜金帛, 興軍府,又移邠州,兼環 嘗召洺州騎士千五百人 

列傳

第二

十七七

周

瑩

王繼英

澶州 適使其自偷爾。」遂下詔督責,令其擒捕。時發卒修河防, ,境內屢有寇盜,宰相以瑩任居將帥,不能以威望鎭靖,請徙他郡。 大中祥符初,改天平軍節度。 明年,爲鎭定都部署兼知定州。 而軍中所給糗糧, 轉運使奏其曠弛, 上曰:「處之閑僻, 多腐敗不可 徙知

殿崇班,二孫永昌、永吉爲殿直 疾、求還京師。卒,年六十六,贈侍中。 七年,入朝,復遣還鎭。又以澶淵當契丹之衝,藉其廩給之厚,復命知澶州。 初諡忠穆,後改元惠。錄其二子供奉官普、顯爲內 九年,被

食;又役使不均,瑩不加恤,以故亡命者衆。

物例。 預上言:「禮成,所賜望於治所支給。」人咸笑之。 普後爲崇儀副使,顯至內殿承制。 瑩居樞近,無他謀略,及涖軍旅,歷藩鎭,功業無大過人者。 故事,大禮覃慶,外藩無賜 東封歲,瑩鎭澶淵,車駕所經,故特有襲衣、金帶、器帛之賜。祀汾陰,瑩知定州,乃

王 |繼英,開封祥符人。少從趙普給筆札,普自罷河陽,爲少保,從者皆去,繼英趨事逾

謹。<br />
| 一<br />
表<br />
一<br />
、<br />
二<br />
、<br />
、<

時眞宗在藩邸,選爲導吏兼內知客事。 太宗召見,謂曰:「汝昔事趙普,殷所備知。今奉

親賢,尤宜盡節。」及建儲,授左清道率府副率兼左春坊謁者。 謁者本宦職,副率品秩頗崇,

非趨走左右者所宜爲,俾兼領之,執政之誤也。

旨,改客省使。契丹入寇,繼英密請車駕北巡,上從之,卽命繼英馳傳詣鎭、定、高陽關閱視 行宮儲頓,宣諭將士。俄充澶州鈴轄。會大將傅潛逗撓得罪,令繼英卽軍中召還屬吏。 真宗卽位,擢爲引進使。咸平初,領恩州刺史兼掌閣門使,遷左神武大將軍、樞密都承

尋掌三班,拜宣徽北院使,與周瑩同知樞密院事。<br />
瑩出鎮,繼英遂冠樞宥,小心愼靖,

以勤敏稱,上倚賴之。

因事立功,方許擢用,不可過求僥倖,卿勿復言也。」 補軍校,白上曰:「疎外之人急於攀附者,謂臣蒙蔽不爲薦引。」上曰:「此輩雖有夤緣,亦須 景德初,授樞密使。舊制,樞密院使祖母及母止封郡太夫人,有詔特加國封。 嘗因進

年六十一。上臨哭之,賜白金五千兩,贈太尉、侍中,諡恭懿。且爲葬其祖父,贈其妻賈長 從幸澶州,契丹請和,諏訪經略,繼英預焉。明年郊祀,加特進、檢校太傅。

三年,卒,

樂郡太夫人,錄其子壻、門下親更數十人。

初,繼英幼孤,寄育外氏。 既貴,外王父、諸舅有旅殯者(三),時方奏遣其子營葬,會卒,

特詔有司給辦焉 列 傳 第 \_ + 七

Ŧ 繼 英

E 쩷

子遵式、遵誨、遵度、遵範,皆至顯宦。

王顯字德明,開封人。初爲殿前司小吏,太宗居藩,嘗給事左右。 性謹介,不好狎,未

嘗踐市肆。卽位,補殿直,稍遷供奉官。

股機務,無暇博覽羣書,能熟軍戒三篇,亦可免於面牆矣。」因取是書及<u>道德坊</u>宅一區賜之。 上每面戒之。 拜宣徽南院使兼樞密副使。是夏,制授樞密使。上謂之曰:「卿世家本儒,少遭亂失學,今典 其後居位旣久,機務益繁,副使趙昌言、寇準鋒氣皆銳,慢顯,顯或失誤,護短終不肯改, 太平興國三年,授軍器庫副使,遷尙食使。逾年,與郭昭敏並爲東上閤門使。八年春, 淳化二年(日)八月,詔加切責,黜授隨州刺史,充崇信軍節度、觀察等使,遣

職貢。 心,未可深信。所宜謹屯戍,固城壘,積芻糧,然後遴選才勇,付以邊任,縱有緩急,則備禦有 恩於靈夏,王小波干紀於巴邛, 俄 陛下曲加容納,許其內附,示以德信,伸以恩錫,所以綏懷之者至矣。 知永興軍,徙延州。 時夏臺、盆部寇擾,顯上疏曰:「間歲以來,戎事未息,李繼遷負 河右坤維並興師旅。 而繼遷翻然向化,遣弟入覲〔五〕,願修 然而狼子野

參知 路 師。 盧 者依法,自餘別爲科斷,以差其罪。章上未報,移知秦州。 往來,潛爲更代,旣可均其勞逸,抑可免於遷延。 財,且防事久則生變。 西南,密謀興舉,若分中朝之勢力,則長外寇之姦謀矣。」 行營都部署、河北都轉運使兼知定州。秋,吏民詣駐泊都部署孔守正言顯治狀,願借留。 知翰請量給審部茶紙,以酬所獻,詔遣張從式與顯同往規度。顯言:「乃者朝命以趙保吉 彼又奚能爲患哉? 政事 (`,邊城務使安靜,若今動衆開斥疆境,非便。」議遂罷。 以 真宗幸大名,內樞惟顯與副使宋湜從,言者多謂顯專司兵要,謀略非長。 時制,沿邊糧斛不許過河西,河西青鹽不得過界販鬻,犯者不以多少,處斬。 咸平初,入朝,改橫海軍節度,出知鎭州。 初,温仲舒知州日,開拓山林,諷蕃部獻其地。後朝廷雖嘗給還,而採伐如故。 聞 比 時方 前 明年秋,加鎭、定、高陽關三路都部署,許便宜從事。 積雨,契丹以皮爲弦,濕緩不堪用,顯因大破之,梟獲名王、貴將十五人及羽 至若蜀寇未平,神人共憤,謂宜申飭將帥,速期蕩平,旣免老師以費 又况邛蜀物產殷富,其間士卒驕怠,遲留顧戀,實兼有之。 二年,曹彬卒,復拜樞密使。 至於河北關防所當加謹者,誠以國家方事 十月,契丹入寇,前軍過威 郊祀,加檢校太 會湜卒,乃以 莫若勿憚 顯請犯多 轉運使

列

傳

第

\_

十七七

王題

林印二鈕, 已越亭障,顯之前陣雖有捷克,終違詔命。」上章請罪。 斬首二萬級。 顯上言:「先奉詔令於近邊布陣,及應援北平控扼之路。 上降手札,以慰其憂悸。 無何,敵

下協力,舉必成功。今公卿士大夫以至庶人,尚有異同,未可謂爲萬全之舉。 與之結援,則中國之患,未可量也。議者乃於此時請復幽薊,非計之得也。 犯塞,鑾輿輕舉,直抵窮邊,寇若不逢,師乃先老。 時之利,以奉行天罰而後可。」 帥,訓練士卒,堅城壘而繕甲兵,亦足以待敵矣。必欲復燕薊舊地,則必修文德、養勇銳,伺 明年,求致仕,不許,改河陽三城節度。 將之鎮,時議親征契丹,顯言:「盛寒在序,敵未 况今繼遷未滅, 西鄙不寧, 儻北邊部落, 凡 建議大事,上 若能選擇將

貴 表 容貸,不以一眚遂廢,苟用之有恩,必得其死力,故曰使功不如使過也。 武 \請赴行在,從之。 是年秋,遣還鎭 、專任,出師 羣臣中擇曉達邊事者爲之。蓋位高則威名著,識遠則勳勞立故也。 景德初,徙知天雄軍府。又言:「祖宗以來,多命近臣統領軍旅。今後宣徽使,宜於文 應敵,則約束將校,使相應援。 全是數者,則軍威倍壯,人心增勇矣。」旣而上 武臣以罪黜者,宜加 至若臨敵命將,則

詔鎮定出兵,會河南軍,合擊之可也。 契丹入寇,上議親征。顯復陳三策,謂:「大軍方在鎭定氏己,契丹必不南侵,車駕止駐澶 若契丹母子虚張聲勢,以抗我師, 潛遣銳兵南攻

德明遣使修貢稱藩,朝廷加賞錫,且許通青鹽以濟邊民,從顯之請也。 步兵三千於濮州渡河,橫掠澶州,繼以大軍追北掩擊,亦可出其不意也。」已而契丹請盟,趙 駕前諸軍,則令鎭定之師直衝戎帳,攻其營砦,則沿河遊兵不戰而自屈矣。 否則遣騎兵千、

論者非之。 反在顯下,時人訝之。顯居中執政,矯情以厚胥吏,齪齪自固而已。 殿前都點檢。及顯自樞密鎭孟津兼相帥,永德由太子太師爲相帥,同日宣制,永德兼大夫 年七十六。車駕至鄭州,聞之,遣宮苑使鄧永遷馳還護喪,贈中書令,諡忠肅。錄其二子。 「余年位偕極,今天子道出虎牢,不得一拜屬車之塵,是遺恨也。」言訖涕下,至京,信宿卒, 顯自三班不數年正樞任,獎擢之速,時無儗之者。顯吏軍司時,張永德以滑州節制爲 三年多,被病,詔中使偕尙醫療視。明年正月,許還京師。時車駕上陵,顯謂賓佐曰: 在藩鎭頗縱部曲擾下,

子希逸字仲莊,以蔭補供奉官。好學,尤熟唐史,聚書萬餘卷。換秩授朝奉大夫、太子 咸平初,改殿中丞、直史館,預修册府元龜,加祠部員外郎,卒。 希範至如京副使。

論曰:自柴禹錫而下,率因給事藩邸,以攀附致通顯者凡七人。若守一之質直,趙鎔之 列 傳 笰 二十 王 顧 校 勘 記

軍旅 逃於齪齪之譏。 勤謹, 服勞雖久而益修乃職, 則其被眷遇也宜矣。 有終, 吉。」此之謂也。 而 照傷於酷濫,禹錫素稱勤敏而不能不涉於朋比,王顯雖謹介自將而昧於學識,故莫 若以 張遜優於理財而未免於娼嫉,周瑩練習 湯日:「君子

#### 校勘記

- 改翰林學士 「學士」當作「副使」,見隆平集卷九、東都事略卷三三本傳和長編卷二三。
- 東面 貝冀路都部署 「東面」原作「東西」,據長編卷五七改。
- 外王 **父**諸 舅有旅殯者 旅 殯」原作「族殯」,據長編卷六二改。
- 淳化二年 史、崇信軍節度觀察處置等使,是在淳化二年九月,宋會要職官七八之五和東都事略卷 「二年」原作「三年」。 按本書卷二一〇字輔表, 王顯自檢校太傅樞密使責授隨州刺 四三本
- 至 遣弟 駝,見本書卷四八五夏國傳。 入覲 弟」 原作 子。 長編卷三六作「遣弟入觀」,據改。 按王顯此疏上於淳化 五年, 是年七月, 繼遷遣弟廷信來獻馬及駱

傳

同。

據改。

(代) 大軍方在鎮定 「軍」上原行「將」字,據長編卷五七刪。

# 宋史卷二百六十九

### 列傳第二十八

陶穀 扈蒙 王著 王祐台 子旭 孫質 楊昭儉 魚崇諒

張澹

高錫

從子冕

本所害。時穀尚幼,隨母柳氏育崇本家。 歷慈、絳、澧三州刺史,有詩名,自號應門先生。父渙,領夷州刺史,唐季之亂,爲邠帥楊崇 陶穀字秀實,邠州新平人。 本姓唐,避晉祖諱改焉。 歷北齊、隋、唐爲名族。 祖彦謙

笏 黑銀帶。 凝亦爲相,同奏爲著作佐郎、集賢校理。 會晉祖廢翰林學士,兼掌內外制。 十餘歲,能屬文,起家校書郎、單州軍事判官。 天福九年,加倉部郎中。 詞目繁委,穀言多委愜,爲當時最。少帝初,賜緋袍、靴、 改監察御史,分司西京,遷虞部員外郎、知制誥。 嘗以書干宰相李崧,崧甚重其文。 時和

列

宋

崧自 北還,因以宅券獻逢吉,逢吉不悅,而處子弟數出怨言。 初 ,崧從契丹以北,高祖入京師,以崧第賜蘇逢吉,而崧別有田宅在西京,逢吉皆取之。 其後逢吉乃誘告崧與弟嶼、義

等下獄,崧懼,移病不出

命,吾何負於陶氏子哉?」及崧遇禍,昉嘗因公事詣穀,穀問昉:「識李侍中否?」昉斂衽應 陶給事往往於稠人中厚誣叔父。」崧歎曰:「穀自單州判官,吾取爲集賢校理,不數年擢掌誥 曰:「遠從叔爾。」穀曰:「李氏之禍,穀出力焉。」 昉聞之汗出。 

訟,淹滯積時,坊市死亡喪葬,必俟臺司判狀,奴婢病亡,亦須檢驗。 常少卿。嘗上言:「頃蒞西臺,每見臺司詳斷刑獄,少有卽時決者。至於閭閻夫婦小有爭 郎,及禁民伐桑棗爲薪,並從其請。開運三年,賜金紫。 經旬不獲埋瘞。望申條約以革其弊。」從之。俄拜中書舍人。 穀 性急率,嘗與兗帥安審信集會,杯酒相失,爲審信所奏。時方姑息武臣,穀坐責授太 嘗請教習樂工、停二舞 吏因緣爲姦,而邀求不

脅者 國。」及耶律德光死,有孛光芒指北,穀曰:「自此契丹自相魚肉,永不亂華矣。」遂歸漢,爲給 日數四。 契丹主北歸,齊穀令從行。瀔逃匿僧舍中,衣布褐,陽爲行者狀。軍士意其詐,持刃陵 穀頗工歷數,謂同輩曰:「西南五星連珠,漢地當有王者出。 契丹主必不 -得歸

浼天聰,無益時政,欲乞停轉對。 中。 乾祐中,令常參官轉對。瀔上言曰:「五日上章,曾非舊制。 在朝羣臣有所聞見,卽許不時詣闕聞奏。」從之。 百官敍對,且異昌言。徒

曰:「崇諒宿留不來,有顧望意。」世宗頗疑之。崇諒又表陳母病,詔許歸陝州就養,以穀爲 仕周爲右散騎常侍,世宗卽位,遷戶部侍郞。從征太原,時魚崇諒迎母後至,穀乘間言

翰林學士

導經濟之略。」乃命承旨徐台符以下二十餘人,各撰爲君難爲臣不易論、平邊策以進。 將,僭竊者多。今中原甫定,吳、閩、幽、抖尙未平附,聲敎未能遠被,宜令近臣各爲論策,宣 自克高严,常訓兵講武,思混一天下。及覽其策,忻然聽納,由是平南之意益堅矣。 率以修文德、來遠人爲意,惟穀與竇儀、楊昭儉、王朴以封疆密邇江、淮,當用師取之。 世宗嘗謂宰相曰:「殷觀歷代君臣治平之道,誠爲不易。又念唐、晉失德之後,亂臣點 其策

於禁中,思廣勸課之道,穀爲贊辭以進。 顯德三年,遷兵部侍郎,加承旨。世宗留心稼穡,命工刻木爲耕夫、織婦、蠶女之狀,置 顯德六年,加吏部侍郎。

附宰相趙普與趙逢、高錫輩共排儀,儀終不至相位。 宋初,轉禮部份書,依前翰林承旨。 穀在翰林,與竇儀不協, 儀有公望,慮其軋己,嘗

乾德二年,判吏部銓兼知貢舉。 再為南郊禮儀使, 法物制度, 多穀所定。 時范質爲大

九二三七

列傳

第二十八

陶穀

蓋尋常馬甲,但加珂拂於前膺及後鞦爾。莊宗入洛,悉焚毀。」質命有司 全義獻人甲三百副、馬具裝二百副。 禮使,以鹵簿清游隊有甲騎具裝,莫知其制度,以問於穀。 絁爲下帬,絳韋爲絡,金銅玦,長短至膝。 又乘輿大輦,久亡其制,瀔創意造之,後承用焉。 其人甲以布爲裏,黃絁表之,青綠畫爲甲文,紅錦綠青 前膺爲人面二目,背連膺纏以紅錦騰蛇。 明德門成,詔穀爲之記 穀曰:「梁貞明丁丑歲, 如穀說,造以給用。 河南尹張 馬具裝

僕射。 授左贊善大夫,奪瀔奉兩月。 書不通,以合格聞,補殿中省進馬。 乾德中, 命庫部員外與王貽孫、周易博士奚嶼同考試品官子弟。 穀後累加刑部、戶部二尙書。 俄爲人所發,下御史府案問, 嶼責授乾州司戶, 開寶三年,卒,年六十八。 穀屬其子部於嶼, 貽孫責 贈右

名類 然奔競務進,見後學有文采者,必極言以譽之;聞達官有聞望者,則巧詆以排之,其多忌好 此 曰:「吾頭骨法相非常,當戴貂蟬冠爾。」蓋有意大用也,人多笑之。子邴,至起居舍人。 穀 強記嗜學,博通經史,諸子佛老,咸所總覽; 初,太祖將受禪,未有禪文,穀在旁,出諸懷中而進之曰:「已成矣。」太祖甚薄之。 多蓄法書名畫,善隸書。爲人雋辨宏博,

天禧四年,錄穀孫寔試秘書省校書郞。

扈蒙字日用,幽州安次人。曾祖洋,涿州別駕。祖智周,盧龍軍節度推官。父曾,內園

給皆戎服趨事,蒙冠服褒博,舉止舒緩,從義頗訝之。轉運使李穀謂曰:「蒙文學名流,不習 周廣順中,從歸德軍節度趙暉爲掌書記,召爲右拾遺、直史館、知制誥。

蒙從弟載時爲翰林學士,兄弟並掌內外制,時號「二扈」。

吏事。」**遂不之問**。

蒙

少能文,晉天福中,舉進士,入漢爲鄠縣主簿。

趙思綰叛,遣郭從義討之。

郡縣吏供

闕,掌大名市征。六年,復知制誥,充史館修撰。開寶中,受詔與李穆等同修五代史,詳定 |宋初,由中書舍人遷翰林學士,坐請託於同年||仇||華,黜爲太子左贊善大夫,稍遷左補

五年,連知貢舉。

備史官撰集。」從之,卽 官。 有裁制之事至,優恤之言,發自宸衷、 時政,故文宗實錄稍爲詳備。至後 近來 帝王言動,莫得而書。 七年,蒙上書言:「昔唐文宗每召大臣論事,必命起居郎、起居舍人執筆立於殿側,以紀 此事都廢,每季雖有內殿日曆,樞密院錄送史館,然所記者不過臣下對見辭謝 以參知政事盧多遜典其事。 緣宰相以漏泄爲虞,昧於宣播,史官疏遠,何得與聞。 唐明宗,亦命端明殿學士及樞密直學士輪修日 可書簡策者,並委宰臣及參知政事每月輪知抄錄,以 望自今凡 曆,送史 而

之功,其詞誇麗,有詔褒之。爲盧多遜所惡,出知江陵府。 九年正月,受朝乾元殿,降王在列,聲明大備。 蒙上聖功頭,以述太祖受禪、平一天下

征太原還,轉戶部侍郎,加承旨。確熙三年,被疾,以工部尚書致仕。 太宗即位,召拜中書舍人,旋復翰林學士。與李昉同修太祖實錄。 未幾,卒,年七十二。贈 太平興國四年,從

右僕射。 武之南頓君, 封禪爲郊祀,遂行其禮,識者非之。 配,於禮爲允。 及太宗卽位,禮官以爲舜郊嚳,商郊冥,周郊后稷,王業所因興也。 自 張昭、竇儀卒,典章儀注,多蒙所刊定。 雖有帝父之尊,而無預配天之祭。 太宗將東封, 蒙定議曰:「嚴父莫大於配天,請以宣祖配天。」自雍熙元年罷 初, 故自太平興國三年、六年再郊,並以太祖 太祖受周禪,追尊四廟,親郊,以宣祖 若漢高之太公,光 配

述,有鰲山集二十卷行於世。 蒙性沉厚,不言人是非,好釋典, 載字仲熙,有傳,見五代史。 不喜殺,縉紳稱善人。 有笑疾,雖上前不自禁。

王著字成象,單州單父人。 性豁達,無城府。 幼能屬文,漢乾祐中,舉進士。周祖鎮大 祐

宗入朝,遷殿中丞;即位,拜度支員外郎。 名,世宗侍行,聞著名,召置門下,因得謁見周祖。 南唐李景使其子從善來貢〔三〕,會恭帝嗣位,命著伴送至睢陽,加金部郎中、知制誥,賜金 顯德三年,充翰林學士。 廣順中,世宗鎭澶州,辟觀察支使。 六年,丁家艱, 起復。 隨世

紫。世宗靈駕赴慶陵,符后從行,公務悉資於著。

滋德殿門求見。帝怒,發其醉宿倡家之過,黜爲比部員外郞。乾德初,改兵部員外郞。 著獻頌,因以規諫。太祖甚嘉其意,下詔褒之。四年春,宿直禁中,被酒,髮倒垂被面,夜扣 兵部郎中,再知貢舉。開寶二年多,暴卒,年四十二。 年,復知制誥。數月,加史館修撰、判館事。三年,就轉戶部郞中。六年,復爲翰林學士,加 宋初,加中書舍人。建隆二年,知貢舉。時亳州獻紫芝,鄆州獲白兔,隴州貢黃鸚鵡,

藩邸舊人,我若不 屢欲相之,以其嗜酒,故遲留久之。及世宗疾大漸,太祖與范質入受顧命,謂質等曰:「王著 ·諱,當命爲相。」世宗崩乃止。 **|著善與人交,好延譽後進,當世士大夫稱** 

著少有俊才,世宗以幕府舊僚,眷待尤厚,常召見與語,命皇子出拜,每呼學士而不名。

有傳,見五代史。

宋

元 法 学 景叔, 大名莘人。 祖言, 仕唐黎陽令。父徹,舉後唐進士,至左拾遺。

肱 少篤 志詞 辟爲觀察支使。 學,性倜儻有俊氣。 漢初,重威移鎭睢陽,反側不自安,祐嘗勸之,使無反漢,不聽 晉天福中,以書見桑維翰,稱其藻麗,由是名聞京師。

鄴 帥 一是貶 杜 重威 沁州 司戶參軍(四),因作書貽鄕友以見志,辭氣俊邁, 人多稱之。 仕周 ,歷魏縣、南

樂二令。

太祖受禪,拜監察御史,由魏縣移知光州,遷殿中侍御史。 乾德三年,知制誥。

加集賢院修撰,轉戶部員外郞。

趙普曰:「六師方至,而轉運使以 能治劇者,往蒞其州足矣。」即命屆知路州 太祖 征太原,已濟河。 諸州 養罪聞,敵必謂儲峙不充,有以窺我矣, 餉饋集上黨城中,車乘塞路, 及至,饋餉無乏,路亦 上聞之, 無 壅,班師,召還 將以稽留罪轉運使。 非威遠之道 也。

者也。 會符彥卿鎭大名,頗不治,太祖以酤代之,俾察彥卿動靜, 謂曰:「此卿故鄉,所謂 畫錦

) 勝自揚州還,復判銓,酤判門下省,陟所注擬,酤多駁正。 繼以用兵嶺表,徙知襄州 湖湘 平,移知潭州 召還,攝判 盧多遜與陟善,陟因訴之,多遜素 吏部銓。 時左司 員 外郎侯

惡祐不比己,遂出祐爲鎭國軍行軍司馬。

太平興國初,移知河中府。入爲左司員外郎,拜中書舍人,充史館修撰。 未幾,知開封

府,以病請告。」太宗謂祐文章、淸節兼著,特拜兵部侍郎。月餘卒,年六十四。 初,祐掌誥,會盧多遜爲學士,陰傾趙普,多遜累諷酤比己,祐不從。一日,以宇文融排

政績,卒,年四十九。 皆其所取也。後與其子旦同入兩制,居中書。 張說事勸釋之,多遜滋不悅。及普再入,多遜果敗,與宇文融事頗類,識者服其先見。 |祐子三人:日||懿,日旦,日||旭。 旦自有傳。 初,祐知貢舉,多拔擢寒俊,畢士安、柴成務 懿字文德,勵志爲學,舉進士,嘗知袁州,有

多貪猥,民有「永寧三爨,緱氏一鎌」之謠。又知雍丘縣。 旭字仲明。嚴於治內,恕以接物,尤篤友誼。以蔭補太祝,嘗知緱氏縣。時官鄰邑者

命授京府推官,旦固辭,改判南曹。 薦旭材堪治劇,眞宗召旦謂曰:「前代弟兄同居要地者多矣,朝廷任才,豈以卿故屈之邪? <u>阗宗尹京時,素聞其能,及踐祚,三遷至殿中丞。自旦居宰府,旭以嫌不任職。</u> 由 判國子監出知潁州,荒政修舉。 王矩嘗

大中祥符間, 旦既薨,敭歷中外,卓有政績,由兵部郎中出知應天府。 卒,年六十八。

列傳第

+

八

王祐

懿子睦,旭子質,皆能其官。

以蔭補太常寺奉禮郎。後獻文召試,賜進士及第,被薦爲館閣校勘,改集賢校理,累遷 質字子野。 少謹厚淳約,力學問,師事楊億,億歎以爲英妙。 伯父旦見其所爲文,嗟賞

尙書 判尙 毁之,爲更立狄仁傑、李愬像而祠之,蔡人至今號「雙廟」。以本曹郎中召爲開封府 見於色。 職也。」卒不爲屈。宗旦得盜鑄錢者百餘人,下獄治,退告質曰:「吾以術鈎致得之。」喜 書刑部、吏部南曹,知蔡州。州人歲時祀吳元濟廟,質曰:「安有逆醜而 祠部員外郎。丁父憂,與諸弟飯脫粟茹蔬終喪。 通 判蘇州,州守黃宗旦少質,嘗因爭事,宗旦曰:「少年乃與丈人抗邪?」質曰:「事有當 質曰:「以術鈎人置之死而又喜,仁者之政,固如是乎?」宗旦慚沮,爲薄其罪。 廟食於民者。」 推官

黨,且 者勿原。著爲令。 仙觀,採古今鍊形攝生之術,撰寶元總錄 而 遁,捕得之。 時兄雍 許之自新,此法意也。 爲三司判官,質不欲兄弟並居省府,懇辭,得知壽州,徙廬州。 質論盜死,大理以謂法不當死,質曰:「盜殺其徒, 於是鄭戩、葉清臣皆言質非罪,且稱其材,起知泰州,遷度支郎中,徙荆湖 今殺人取貲 百卷。 而捕獲,貸之,豈法意乎? 逾年,韓琦知審刑院, 自首者原之,所以 」疏上不 請盜殺其 · 報 盗殺其徒,并貲 心降監 徒、 公疑壞其 非自 舒 州

北路轉運使。

史館修撰、同判吏部流內銓。 嘗攝 更捕盜人衣者, 盜叩頭曰:「平生不爲過, 江陵府事,或訴民約婚後期,民言貧無貲以辦,故違約。 擢天章閣待制,出知陝州,卒。 迫飢寒而至於此。」質命取衣衣之,遣去。 質問其費幾何,出私錢予 加

質,質曰:「范公賢者,得爲之黨,幸矣。」世以此益賢之。 之曰:「此吾家素風,爾曹當毋忘也。」范仲淹貶饒州,治朋黨方急,質獨載酒往餞。 初,旦爲中書舍人,家貧,與昆弟貸人息錢,違期,以所乘馬償之。 質家世富貴,兄弟習爲驕侈,而質克己好善,自奉簡素如寒士,不喜畜財,至不能自給。 質閱書得故券,召子弟示 或以消

部尙書。父景,梁左諫議大夫。 楊昭儉字仲寶,京兆長安人。曾祖嗣復,唐門下侍郎、平章事、吏部尚書。 祖授,唐刑

拾遺、直史館,與中書舍人張昭遠等同修明宗實錄。 昭儉 少敏俊,後唐長興中,登進士第。 解褐成德軍節度推官。 書成,遷殿中侍御史。 歷鎮、魏掌書記,拜左

初,改禮部員 外鄓。 晉祖命宰相馮道爲契丹册禮使,以昭儉爲介,授職方員外郎,

五

賜金紫。

使回

,拜中書舍人,又爲翰林學士

旋 加 虞部 鄓 中,俄以本官知制誥。不逾月三拜命,時人榮之。又爲荆南高從誨生辰國信使,

鄭受益 時 抗 驕 疏論列,請置之法。 將張彥澤鎭涇原, 暴殺從事張式,朝廷不加罪。 疏奏不報。 會有詔令朝臣轉對,或有封事,亦許以不 昭儉與刑部郎中李濤、諫議大夫 時條奏。

昭儉 章,屠害幕吏,始訴寃於丹闕,反執送於本藩。苟安跋扈之心,莫恤寃抑之苦。 薬石 昭雪,爲蠧者難免放流。 誅 彥澤以謝軍吏。」由是權臣忌之。 會請告洛陽,不赴晉祖喪,爲有司所糾,停官。 復 之論不達於聖聰,而邪佞之徒取容於左右。 上疏曰:「天子君臨四海,日有萬機,懋建諍臣,爾縫其闕。今則諫臣雖設,言路不通 陛下臨御以來,寬仁太甚,徒置兩司,殆如 御史臺紀綱之府, 虚器。 彈糾之司, 遂令節使慢侮朝 銜冤者固當 願 回睿斷

董其役,旣而塞之。晉少主喜,詔立碑記其事。 召入翰林爲學士。歲餘,改御史中丞,多振舉臺憲故事。未幾,以鞫獄之失,與知雜御史趙 未幾,起爲河南少尹,改祕書少監,尋復中書舍人。 摛翰頌美,不若頒罪己之文。」言甚切至,少主嗟賞之,卒罷其事。 昭儉表諫曰:「陛下刻石紀功,不若降哀痛 時河決數郡,大發丁夫,以本 周世宗愛其才,復 部 帥

開寶二年,人爲太子詹事,以眼疾求退。 六年,以<br />
工部尚書致仕。 太宗卽位,就加禮 礪、侍御史張糾並出爲武勝軍節度行軍司馬。

部尙書。 太平興國二年,卒,年七十六。

昭儉美風儀, 善談名理,事管有直聲。 然利口喜譏訾,執政大臣懼其構謗,多曲徇其

意

屬文, 魚崇諒字仲益,其先楚州山陽人,後徙於陝。 弱冠, 相州刺史辟爲從事。 。會魏帥楊師厚卒,建相州爲昭德軍, 崇諒初名崇遠,後避漢祖諱改之。 分魏郡州縣之半以 幼能

隸之。魏人不便,裨校張彥及帳下,囚節度使賀德倫歸款莊宗,崇諒奔歸陝。

物入貢,宰相薦爲屯田員外郞、知制誥。 歸葬,放還陝。三年,起爲陝州司馬。仕晉,歷殿中侍御史,鳳翔李儼表爲觀察支使。 明宗即位,秦王從榮表爲記室。從榮誅,坐除籍,流慶州。淸泰初,移華州。 開運末,契丹入汴,契丹相張礪薦爲翰林學士。 俄以從榮許 。奉方

契

丹主北歸,留崇諒京師

三叛,節度使白文珂在 漢祖之入,盡索崇諒所受契丹詔敕,焚於朝堂,復令知制誥。 隱帝即位,崇諒以母老求就養,除保義軍節度副使,領台州刺史,食郡奉。會舉師討 軍前,崇諒知後事。 凡供軍儲、備調發,皆促期而辦,近鎮賴之。 俄拜翰林學士,就加中書

列 傳

第二十

八

魚 崇 諒

張 灋

自岐 諒 親 迎居於陝。 屬 盡 在 鳳翔城中,踰年城破,李穀爲轉運使,庇護崇諒家數十口,皆無恙。 未幾,王仁裕罷內職,朝議請召崇諒爲學士。 崇諒請告,

彥超已懷反側, 遺崇諒充使賜官告, 仍慰撫之。 周祖 踐祚,書詔繁委,皆崇諒爲之。 廣順初,加工部侍郎,充職。 時多進策人,命崇諒就樞密院引試,考 會兗州慕容彦超加 封

定升降。

以母 有顧望意。」世宗頗疑之。 日,令本州月給錢三萬,米麪十五斛。 老病乞終養,優韶不允。 崇諒以母老思鄉里, 求解官歸養。 太宗卽位、詔授金紫光祿大夫、尚書兵部侍郎致仕。 崇諒又表陳母病,詔許歸陝州 世宗征高平,崇諒尚未至,陶穀乘間言曰:「魚崇諒逗留不來, 俄拜禮部侍郎,復爲學士。 詔給長吿,賜其母衣服、 就養。 歲餘卒。 訖太祖朝不起。 **繒帛、茶薬、緡錢,** 韶令侍母歸闕,崇諒再表 假滿

員外郎,並充史館修撰。 相桑維翰器之,妻以女。 張澹字成文,其先南陽人,徙家河南。 出爲洛陽令,秩滿,授吏部員外,復充史館修撰。 解褐校書郎,直昭文館,再遷祕書郎,充鹽鐵推官,歷左拾遺、禮部 澹幼而好學,有才藻。 晉開運初,登進士第。 周恭帝初,拜右

司員外郎、知制誥。

誥盧多遜、殿中侍御史師頌並試,覈定優劣。 建隆二年,加祠部郎中。 會秘書郎張去華上書自薦有文藝,願與澹及祠部員外郎知制 太祖令並試於講武殿,澹所對不應策問,責授

左司員外郎。 未幾,通判泰州兼海陵鹽監副使。 蜀平,通判梓州,復拜祠部郎中。

權點檢三司事。 南,內署闕學士,太祖令澹權直學士院。七年長春節, 開寶初,就轉倉部郞中。 不踰旬,宜發背卒,年五十六。太祖聞其無子,甚愍之,命中使護葬於洛 四年多,以本官復知制誥。六年,會李昉責授,盧多遜使江 攝殿中監,進酒,命賜金紫。六月,

會盧多遜,方再獲進用。 灣美風儀,善談論,歷官釐務,所至皆治。 初與詞臣校藝,黜居郎署,頗快快。 晚年附

以阻澹爾。 淳化中,太宗論及文士,曰:「澹典書命而試以策,非其所長,此蓋陶穀、高錫黨張去華 若使穀輩出其不意而遽試之,豈有不失律者邪?」

高錫字天錫,河中虞鄉人。 列 傳 第 \_ + 八 張 儋 高 家世業儒,幼穎悟,能屬文。 錫 漢乾祐中,舉進上。王晏鎮徐 九二四九

德 州 世宗嘗令翰林學士及兩省官分撰俳優詞,付教坊肄習,以奉游宴。 大小悉親決之,不復責成有司。 初, 辟掌書記 劉崇入寇,宰相 留守西洛,又辟河南府推官。 請選將拒 之。 錫徒步詣招諫匭上書,請擇賢任官, 世宗銳意親征,破崇高平,誅敗將樊愛能 坐按獄失實奪官,遷置 錫復上疏諫。 涇州, 分治衆職, 會赦得歸。 等, 疏奏不報。 由是政. 後爲蔡州 周 無

防禦推官

代之。」太宗曰:「熙載勤於乃職,聞高錫嘗求薦其弟,熙載拒之,慮爲錫所構。」帝大悟,雖 淺薄,熙載不許,錫深銜之,數於帝前言熙載裨贊無狀。 質,質奏用爲著作佐郎。 怒之,未有以發。 宋初, 事下御史府核實,責貶萊州司馬。遇赦,改均州別駕,移陳州。 乾德初, 棄官歸京師, 賜緋。 會使青州,私受節帥郭崇賂遺;又嘗致書禮州刺史爲僧求紫衣,爲人所 太宗尹京,石熙載在幕中,錫弟號應進士舉,干熙載,望首薦。 **詣匭上疏**, 明年春,遷監察御史。 請禁兵器,疏入不報。 秋,拜左拾遺、知制誥,加屯田員外 帝具以語太宗,且曰:「當爲汝擇人 建隆 |五年(www),又以書干宰相范 太平興國八年,卒。 鄎。 跳辭

韶特授將仕郎, 雅熙二年,卒,年五十。贈右諫議大夫,錄其子垂休爲固始主簿。 守右補闕,賜賚 (加等。 宋初,由膳部都官員外郎累至膳部郎中,出知益

子莊,周顯德中,詣闕上書,稱旨,擢爲諫議大夫。宰相范質以爲超擢太

冕字

以百 與?崇諒奉親篤至,反罹間毁,終身歸養,而不復起,後蒙旌賁之典,則爲善者聳動矣。 之職也。 宣祖配天,爲識者所非。 勢希榮,構讒謀己,皆無取焉。 遜之傾趙普,以致被黜,仁者有後,宜乎子旦爲宋元臣焉。 質,咸有可觀。 口明符彥卿無他志,且言以猜忌殺無辜者享國不長,因以杜太祖(以之他疑,又却盧多 論曰:自唐以來,翰林直學士與中書舍人對掌訓辭,頌宣功德,箴諫闕失,不專爲文墨 宋興,亦采詞藻以備斯選,若穀之才雋,潛之敏達,澹之治迹,錫之策慮,冕之敦 然豫成禪代之詔,見薄時君,終身不獲大用。及夫險詖忌前,酣營少檢,附 昭儉抗論跋扈,志除驕將,而多言歷詆,自取惡名,抑好訐爲直者 蒙博洽長厚,繼竇儀裁定儀制,惜乎南郊之議,請去太祖以 肱

#### 校勘記

三七王素墓誌銘改。下文同。 「肺」原作「計」。據本書目錄中和太宗實錄卷四二、東都事略卷三〇本傳、王珪華陽集卷

裁制之事 + 「事」原作「官」,據長編卷一五改。 八 校 勘 記

僔

第二

(三) 南唐李景使其子從善來貢 「子」原作「弟」。按本書卷四七八南唐李氏傳,從善爲李景之子,李

九二五二

煜之弟。又通鑑卷二九四,顯德六年六月「唐主遣其子紀公從善與鍾謨入貢」。據改。

(日) 沁州司戶參軍 太宗實錄卷四二、東都事略卷三〇本傳都作「遼州司戶參軍」。

金 建隆五年 按建隆無五年,高錫在建隆三年秋已任左拾遺、知制誥,見長編卷三、 宋史全文卷

一,「五年」凝是「二年」之誤。

(水) 太祖 原作「太宗」,誤。據本卷王述傳改。

## 宋史卷二百七十

## 列傳第二十九

許仲宣 顏衎 劇可久 楊克讓 趙逢 段思恭 蘇曉 侯陟 高防 李符 馮瓚 魏丕 邊琊 董樞 王 明

篤。 擢第,解褐授北海主簿,以治行聞。 **而至**,即焚其廟。 爾衎字祖德,兗州曲阜人。 自言兗國公四十五世孫。 再調臨濟令。 臨濟多淫祠, 少苦學,治左氏春秋。 有針姑廟者, 里人奉之尤 梁龍德中

焉,卽表爲觀察推官,且塞前事。 |衎未領書,以故規行之,尋爲吏所訟。|習遽召||衎答之,幕客軍吏咸以爲辱及正人,|習甚悔 後唐天成中,爲鄒平令。符習初鎭天平,習,武臣之廉愼者,以書吿屬邑毋聚斂爲獻賀。 長興初,召拜太常博士,图力奏留之。習致仕,衎東歸養

親。

晉祖 家財十萬餘上進。 入洛,知温恃兵力偃蹇,衎勸其入貢。 未 房 知 温鎭青州, 晉祖嘉之,歸功於衎。 復辟置幕下。 知温險愎,厚斂多不法,而每極言之,不避其患。 知温以善終,行之力也。 知温子彥儒授沂州刺史,衎拜殿中侍御 知温諸子不慧,行動令

歲,得家問,父在唐州有風痺疾,衙不奏棄官去侍疾,不復有仕宦意。 駕部郞中、鹽鐵判官。以母老懇辭,有詔止守本官。 他才術,未知何人誤有聞達。望放臣還,遂其私養。」晉祖曰:「朕自知卿,非他人薦也。」俄廢 親自掬矢,未嘗少倦。晉祖聞之,召爲工部郎中、樞密直學士,連使促召至闕,辭曰:「臣無 樞 ·密院,以本官奉朝請。 俄遷都官員外郎,充東都留守判官,改河陽三城節度副使、檢校左庶子,知州事。 踰年,上表請還侍養,授青州行營司馬。 丁父憂,哀毁甚。 歲餘,父疾不能起,行 俄召為 居半

京,自餘 乞罷免,詔書褒許,卽與其母東歸。 自今藩鎭幕僚, 細 喪亂之後,朝綱不振,行執憲頗有風采。嘗上言:「纔除御史者,旋授外藩賓佐,復有以私故 事 水假 未幾,復出爲天平軍節度副使。 不令釐 外拜,州郡無參謁之儀,出入失風憲之體,漸恐四方得以輕易,百辟無所準繩。 **|雜務。」詔惟辟召入幕如故,餘從其請。** 勿得任臺官;雖親王、宰相出鎮,亦不得奏充賓佐。 開運末,授左諫議大夫,權判河南府,召拜御史中永。 復抗表求侍養,改戶部侍郎。而又堅 非奉制 勘事, 勿得出 請

尚書右丞,俄**充**端明殿學士。 漢乾祐末,丁憂。服除,詔鄲州高行周津遣赴闕, 衎辭以足疾,不至。 太祖征兗州,駐城下,遣而往曲阜祠文宣王廟。 周廣順初,起爲 城平,以衎權

知州事。歸朝,權知開封。

隆三年春,卒于家,年七十四。 初,上表求解官,授工部尙書,致仕還鄉里,臺閣縉紳祖餞都門外,冠蓋相望,時人榮之。 時王峻持權,衎與陳觀俱爲峻所引用。 。會峻敗,觀左遷,衎罷職,守兵部侍郞。 顯德 建

衎守章句,無文藻,然諒直孝悌,爲時所推。

州 薦於朝,補徐州司法,以幹職聞。召爲大理評事,賜緋。踰年,遷大理正,坐誤治獄責授登 可久方在病告,有司糾以不赴國哀,坐免。未幾復官,遷大理卿。 司戶。 劇可久字尚賢,涿州范陽人。沉毅方正,明律令。與馮道、趙鳳爲友。 遇赦,召爲著作郎。仕晉,歷殿中少監、太子右諭德、大理少卿,賜金紫。晉祖崩, 後唐同光初,鳳

死,判官楊瑛置以大辟。有司攝治瑛,瑛具伏。 周廣順初, 改太僕卿,復爲大理卿。 會鄭州民李思美妻詣御史臺訴夫私鬻鹽,罪不至 可久斷瑛失入,減三等,徒二年半。宰相王峻

列

傳

第

二 十

九

劇可久

曲 欲殺瑛,召可久謂之曰:「死者不可復生,瑛枉殺人,其可恕耶?」可久執議益堅,瑛得冤死。 [是忤峻,改太僕卿,分司西京。 顯德三年,所舉官犯贓,可久坐停任。 明年,復起爲右庶

中允 令大官供膳。 守中、倉部郎中王瑩、司封員外郎賈玭、太常博士趙礪、國子博士李光贊、大理正蘇曉、太子 準制旨施行。 多,或有所疑誤。將救舞文之弊,宜伸畫一之規。所冀民不陷刑,吏有所守。臣等商議,望 來至漢末編敕三十三卷,及國朝制敕等。律令則文辭古質,或難以詳明;格敕則條目繁 {律 亦不能捨此而致治。今奉制旨,删定律令,有以見明罰敕法之意也。竊以朝廷之所用者, 11 事 曰:「伏以刑法者,御人之衡勒, 以 删 ;十二卷、律疏三十卷、式二十卷、令三十卷、開成格一十卷、大中統類一十二卷,後唐以 上 削 王伸等十人編集新格,勒成部秩。 世宗以刑書深古、條目繁細,難於檢討。 及 兩省 其有 仍命侍御史知雜事張湜、太子右庶子劇可久、殿中侍御史率汀、職方郎中鄧 五. 矛盾相違、輕 五年, 書成, 凡三十卷, 目日, 刑統(1)。 品以上官參詳可否,途中書門下議定。」從之。自是提等於都省集議删定,仍 · 「重失宜者,盡從改正,無或拘牽。 救弊之斧斤,有國家者不可一日而廢也。雖善、舜之世, 律令之有難解者,就文訓釋,格敕之有繁雜者,隨 又前後敕格重互,亦難詳審,於是中書門下奏 宰相請頒天下,與律、疏、令、式並行。 侯畢日,委御 史臺、尙書省四

可久復拜大理卿。

建隆三年,告老,改光祿卿致仕。卒,年七十七。

可久在廷尉四十年,用法平允,以仁恕稱。

趙逢字常夫,媽州懷戎人。性剛直,有吏幹。父崇事劉守光爲牙校。 後唐天祐中,莊

宗遣周德威平幽州,因誅崇。逢尚幼,德威錄爲部曲,令與諸子同就學。 及德威戰沒胡柳陂,逢乃游學河朔間。久之西遊,客鳳翔李從曮門下。 從職卒,侯益領

侍郎、集賢殿學士司徒翊典貢舉,擢登甲科。解褐授祕書郎、直史館。 遺、右補闕、皆兼史職。世宗嗣位、遷禮部員外郎、史館修撰。 節制,逢又依之。漢乾祐中,益入爲開封尹,表逢爲巡官,逢不樂,乃求舉進士。是歲,禮部 顯德四年,改膳部員外郎、知 周廣順中, 歷左拾

曰:「此人得非規避行役者耶? 乃妄言墜馬傷足,留於懷州。 宋 初,拜中書舍人。 太祖征澤、路,逢從行。 駕還京,有密旨除拜,逢當草制,又稱疾不入。 」對曰:「誠如聖言。」遂貶房州司戶。 次河內,聞李筠擁兵入寇,又慮太行艱險, 會恩,量移汝州 太祖謂宰相 司馬。

制誥。

逾年,轉水部郎中,仍掌誥命。 恭帝即位,賜金紫。

列傳

第二十九

趙隆

蘇

曉

幾,充樞密直學士,加 既平,誅滅者僅千家。妻朱氏病死京師,詔給葬事。 乾德初, 召赴 闕, 左諫議大夫。 授都官郎中、 蜀平,出知閬州。 知制誥, 充史館修撰, 判館事。 代還,遷給事中, 時部內盜賊攻州城, 二年,改判昭文館。 充職。 逢防禦有功。賊 六年, 權知貢

陽城。 京師。 太祖征太原,以逢爲隨軍轉運使,鑄印賜之。 開寶八年,卒。 逢白太祖乞效用,即命督其版築。 時方盛暑,逢於烈日中親課力役,因而遘疾,輿歸 會發諸道丁壯數十萬,築堤壅汾水灌晉

年,特詔錄其子極爲三班借職。 逢揚歷淸近,所至有聲,然傷慘酷,又言多詆訐,故縉紳目之爲「鐵橛」。 大中祥符三

蘇曉字表東,京兆武功人。父瓚仕後唐,歷祕書少監

理正 一。 以 長 興 讞 初,曉辟鄧州從事。 獄有 功,遷少卿。 漢祖鎮 顯德中,歷屯田郎中。 太原,表爲觀察支使。 周廣順初,由華州支使入爲大

宋初,詔與竇儀、奚嶼、張希讓等同詳定刑統爲三十卷及編敕四卷。 建隆四年,權大理

場,規其利,歲入百餘萬緡。 少卿事,遷度支郎中。 乾德三年,出爲淮南轉運使,建議權廝、黃、舒、廬、壽五州茶、置十四 開寶三年,遷司勳郎中,改西川轉運使,仍掌京城市征

紫,遷左諫議大夫。七年,監在京商稅。 籍其家。餘所連及者,多至破產,盡得所隱沒官錢。擢拜曉右諫議大夫、判大理寺,賜愈 息女。守信嘗用木爲筏以遺適,曉得守信所送書以進,太祖將捨之,曉上章固請置於法,仍 信至中牟,自到於傳舍。 先是,朝廷遣供備庫使一字信市木湊、隴間,守信盜官錢鉅萬,旣受代,爲部下所發,守 太祖命曉案之,逮捕甚衆。右拾遺、通判案州馬適妻李,即守信 九年六月,卒,年七十三。

**曉深文少恩,當時號爲酷吏。及卒,無子,有一女甚鍾愛,亦先曉卒,人以爲深刻所致。** 

|防年十六,護柩以歸。事母孝,好學,善爲詩。 高防字修己,幷州壽陽人。性沉厚,守禮法。 累世將家。父從慶,戍天井關,與梁軍戰

段洪進盜官木造器,市取其直。從恩聞之怒,將殺之。洪進懼,思緩其罪,給曰「判官使爲 之。」從恩召防詰之,防卽引伏,洪進得免。從恩遺防錢十千、馬一疋遣之。防拜受而去,終 初,張從恩爲北京副留守,奏攝太原府倉曹掾。從恩移澶州防禦使,表爲判官。 有親校

列傳

第二十

九

髙

防

以活 拜殿 守恩謀誅 言,遂 不 北 自 行 明。 中丞,充鹽鐵推官。 人,從恩益 歸契丹。 從 行遷,以城歸漢祖。 恩欲歸款契丹, 旣 而 悔之, 加禮 既行,命副使趙行 命騎 重 從 追及, 防不得已而還, 賓主如初。 以母憂去官、服除、隨從恩歷鄆、晉、潞三鎭判官。 召拜計議, 恩 漢祖 入爲樞密副使,防授國子監 遷 召防赴太原,加檢校金部 知留後,從恩所親王守恩爲巡檢,與防同領 防為陳逆順, 請固守臣節。 丞。 鄓 又居帳下歲餘,稍稍有言防自 中。 從恩留守西洛,又爲推官。 爲左右所搖, 契丹入汴, 從恩不 都 事 用 晉 防 其 與 誣

刃殺 爲 無醫驗狀,以何爲證? 刑 部員 白帕 乾祐 憲,妻族受略,僞言風 外 裹 初,授屯田 郎, 印, 吏齎印至,一如夢中所覩。 自門入 員 、授防, 且禁繫踰旬,亦當須索飲食。 外郎,改浚儀 狂 病 防寤而 瘖 令。 吏引律不加考掠,具獄上 .思曰:「白主刑,吾當爲主 時楊邠用 改開封令,遷本府 事, 願再劾,必得其情。」 與防 有隙,未幾,免職。 一請覆。 少尹 刑 馆乎? 〉, 除 防云:「其人 刑 部 俄 周祖然之,卒置於 郎中。 而 周 居數月, 旭 風不能言, 宿州 卽 位, 民以 起

泰州(三), 頌 世宗 世宗 即命防權知州事兼判海陵監事。 尹京,判官崔碩忤旨, 即位,拜左諫議大夫,賜金紫、 簡 求僚佐, 鞍勒 宰相首以防薦。 會吳師至,乃遷州民入牙城, 馬。 顯德 二年,遷給 周祖 日:「朕方欲用之。」乃以防 事 中。 分兵固守,以俟外 從 征 准 南, 初

茲淪 帶以遣之,遂罷採木之役,命吳廷祚爲節度以代防。 木筏,殺役兵。 鎭,連山谷多大木,夏人利之。 州 赴 事,復知蔡州。 騎常侍。 元年,卒,年五 鳳州 東北路計度轉運使。 亡,聞之衋傷,不能自己。 自渭而南,秦州有之。募卒三百,歲獲木萬章。夏部尚波于〔三等率諸族千餘人,涉渭奪 俄而揚帥韓令坤馳騎召防,吳軍復至廣陵,防與令坤敗之。 建 太祖甚悼惜,賜其子太府寺丞延緒詔曰:「爾父有幹蠱之才,懷匪躬之節,朕所毗倚。遽 太祖還自陳橋,防所居爲里民所略,詔賜綾絹、衣服、衾襉、鞍馬。 隆 ,爲征討之備。 其秋,召歸闕。 二年,出知秦州,州與夏人雜處,罔知敎養,防齊之以刑,舊俗稍革。 一十九。 防出與戰,俘四十七人以獻。太祖慮擾邊郡,詔諭會帥,賜所獲之俘錦袍、銀 五年,遷戶部侍郎。 澤、潞平,拜尙書左丞,賜銀器、綵帛、鞍勒馬。 復歷知察、宋二州。 矧素尚清白 防議建採造務,闢地數百里,築堡要地。 世宗謀取蜀,以防爲西南面水陸轉運制置使,屢發獨糧 諒無餘資, 殯殮所須, 特宜優恤。 再從世宗南征,判行泗州, 及城降, 歸爲樞密直學士,復出知鳳翔。 詔書嘉獎。 及征李筠,防又爲路 自渭而北,厦人有 三年,改左散 州西北夕陽 今遣供奉官 命防知州 乾德

陳彥珣部署歸葬西洛,凡所費用,並從官給。」

列

傳第

\_

十九

髙

防

馮

瓚

九二六一

解褐授秘書省校書郎,遷著作佐郎,出爲諸城令。 馮瓚字禮臣,齊州歷城人。性便佞,任數,務巧進。父知兆,後唐司農卿。 歲滿,授太子右贊善大夫。 費以蔭補,

餘,改祠部郎中,充集賢院直學士。 詣闕訴其事,詔還一官,<u>瓚洎處素俱坐降一階</u>。 韶瓚劾之。 獄成,大理斷以官當徒,追兩官告身,刑部員外郞張處素覆核無異,奏行。 仁範 漢初, 改監察御史。周廣順元年,遷殿中侍御史。河陽判官宋仁範與洛陽嫠婦交訟, 顯德初,遷刑部員外郎,充三司判官。歲

議大夫,出知舒州。境內有茲蒲魚鱉之饒,居民採以自給,防禦使司超盡征之,瓚奏奪民利, 請蠲除,從之。建隆四年春,徙知廬州。乾德三年,以本官充樞密直學士。 宋初,轉兵部郞中,加金紫階。 瓚風神俊爽,善談論,有吏材,太祖甚寵之,擢拜左諫

持重以鎭之,旦自潰矣。」城中止有雲騎兵三百,令分守城門。 夜分擊五鼓,賊悉遁去。因縱兵追之,擒上官進,斬於市。誘其餘黨千餘人,並釋其罪,境 人,掠民數萬,夜攻州城。 瓚曰:「賊乘夜奄至,此烏合之衆,以箠梃相擊,必無固志。 正可 時劍外初平,卒有亡命者散匿爲盜,命瓚知梓州。無何,蜀軍校上官進率亡命三千餘 瓚坐城樓,密令促其更籌,未

爲姦事。 裔佐王饒幕,太祖納孝明皇后,因識之。德裔輕率而檝謹厚,太祖薄德裔而厚檝,至是,檝 不可,乃削去名籍。瓚流登州沙門島,美配隸通州海門島,嶅免所居官。李檝者,嘗與王德 玩之物,皆封題將以路劉嶅,嶅方在太宗幕府。 行,密察其過,即亡入京師擊登聞鼓,訟瓚及監軍綾錦副使李美、通判殿中侍御史李檝受財 初, 太祖欲任用瓚,常與趙普言瓚有奇材。普忌之,乃遣詣蜀平寇,潛令所親信從其 急召歸闕,親問之,詞理屢屈,乃屬吏。旣而普遣人至潼關,閱其囊裝,得金帶珍 **瓚具伏,普言法當死,太祖欲貸之,普固執** 

忠,至內殿崇班、閣門祗候。 年,上親征太原,以瓚爲隨駕三司判官。凱旋,改大理卿兼判秘書省。以足疾求解,優韶免 藏充溢,乃命分之。二年,復賜金紫。明年,判大理寺,改度支判官,遷秘書少監,充職。 年冬,與禮部員外郎賈黃中、左補闕程能分掌左藏三庫。先是,貨泉與金帛通。至是,以帑 朝請,合於本司 <u></u>瓚在海上凡十年不得召,開實末,遇赦放還。 太宗卽位,授左贊善大夫。 視事。 瓚抗章請退,除給事中致仕,復舊勳階。 五年,卒,年六十七。 子克 太平興國元 JU

特冤配流。未幾,復爲御史。

列

傳

| 珝字待價,華州鄭人也。 會祖頡,石泉令。 祖操,下邳令。父蔚,太常卿。

散 大夫。 珝,晉大福六年,舉進士,解褐祕書省校書郎、直洪文館(B)。漢乾祐初,爲右拾遺,加朝 澤州饑,奉詔視民田。 周廣順元年,遷右補闕。三年,轉起居舍人。顯德二年,改

庫部員外郎。 丁外艱,服闋,授職方員外郎,知通州。 羽課醫鹽於**狼山,歲增萬餘石** 

共父,本部收尉囚之,官吏推劾累三百日,獄未具,州以狀聞。 詔珝案鞫,盡得其實。 幾,丁母憂,起復,知州事。 民以私憾誣告尉, 初, 洛陽令。 遷職方郎中,監京兆麴務,又掌建安軍権貨〔五〕,奏徙務揚州。 宋初, 兄弟迭尹赤邑,時人榮之。 詣衛州視秋稼及掌京倉。 即反坐之。 會征江表,兼領淮南轉運使。 就命權知州 乾德初,召爲倉部郎中。 建隆二年,兄时自河南令入爲吏部員外郎,復以珝爲 事,仍兼権貨務。 金陵平,知江北諸州 罷郡,又兼掌酒稅鹽礬務。 蜀平,命珝知三泉縣。 有富民訴廣陵尉謝 轉 運 事 乃富 開寶 圖 殺 未

州。 州 諫議大夫,領吏部選事。 人,藁葬城外。 又屬 郡守與護軍有忿隙者, 舊制不許以族行,僕人乃分匿其家財, 七年,移知開封府。明年夏,卒,年六十三。 但奏令易地,不致之於罪釁。 琊召官吏悉 太平 興國五年,代歸。 追取之,部送其柩歸潍 拜右

太宗卽位,

遷吏部

郎中。

召還,賜金紫,充廣南轉運使。

初至,桂州守張頌卒。

|颈,|維

子早卒,以其從子俊爲尉氏主簿。 | 琢精力有更材,帝方欲倚用,及聞其卒,歎惜數四,賻其家絹四百匹,錢二十萬。 兄阡至金部郎中,弟玢右贊善大夫,從子做至殿中丞,倚 珝

爲比部員外郎。

寇晉州,命元福將兵援之,事多咨於明。 從事。馮暉節制靈武,表爲觀察巡官。 王明字如晦,大名成安人。晉天福中,舉進士不第。 周廣順初,元福領陳州防禦使,奏署判官。 聽騎將藥元福爲原州刺史,辟爲 會劉崇

之。賊敗凱旋,公無專殺之名,不亦善乎。」元福感悟,盡発其死。 馳往止之,入白元福曰:「今軍儲無闕,丁夫數萬人,文吏懦不能制,斬之何益,不如寬以待 先是,州縣東部送丁壯餉糧,一夕,夫盡遁去。一元福怒,盡驅官吏出軍門,將就戮。 旣而崇衆宵遁,即命元 明

疏之。 顯德初,元福移鎭陝,恃功多驕恣,明以直道規之,忤其左右,多毀明於元福,元福亦稍 明以父病求歸省,元福數召明,明因謝絕之。詣闕上書,求任州縣,歷清平、郾城二

福爲建雄軍節度留鎭,因奏署明爲書記,賜緋魚。

縣合。

列傳第

二 十

九

王明

州平 倉庫。 崇珂 懼 路 各 俄 城 頗 右 T補闕 **猶豫**。 |舉淸白有吏幹者一人,給 中 險絕,舟車不通,但以丁壯數萬人轉遞, 而 ,爲本道轉運使。 爲 萬 明 ·懼,開門納款,遂據有之。因抵廣州,賊衆十餘萬拒戰。 宋 嶺 與都部署潘美等謀,命丁夫數千人,人持二炬,間道先搗賊壘,大軍蓐食,陣以待之。 炬皆發,焚其栅。賊驚,果來犯,大軍因逆擊之,賊大敗,斬首數萬,劉鋹以城降。 初, 旣而賀州未下,明入與主帥計曰「當急取之,恐援兵至, 會用兵於嶺南,選爲荆湖轉運使。 南 明乃擐甲胄,率所部護送輜重卒百人,擁丁夫數千,畚鍤皆作,堙其塹,直抵城門。 荆南 轉運使,以明爲副使。 高 繼沖入觀,授彭門節鉞,以明爲武寧軍節度掌書記。 太祖嘉其功,擢授祕書少監,領韶州刺史,充轉運使。 事 中馬士元以明塞韶,召爲左拾遺。 明徧歷部內,視民疾苦,舊無名科斂,悉條奏除之,嶺表 供億不 開寶三年,大舉南征 闕。 每下一 郡一 是夕,大風發屋 則我師勝負未可知。」諸將 蜀平, 城,必先保其簿書,守其 以明爲隨軍轉運 乾德初,召公卿近臣 選知榮州 折 俄以潘美、尹 木,衆乃驚 使。 Щ

下,即以明爲池州至岳州江路巡檢戰權都部署。 帝 密授成算。 七 年, 代 歸, 明旣視 帝召見勞問,賜襲衣、金帶、鞍勒馬。是歲,將用師南唐,以明爲黃州刺史, 事,卽完葺城 壘,訓練士卒, 擊鄂州軍於江南,斬首三百級。 衆莫解其意。 俄而 王 師自荆渚乘戰 又破萬餘 艦 而

列 傳 第 -: + 九 王 明 許 仲 亢

於武昌 ,殺江南軍七百人,拔樊山砦。 破江州軍,斬首三千級。 又破江南軍三百人於江

中,獲船十餘艘。又擊敗湖口軍萬餘衆,奪戰艦五百艘。

時南唐將朱令贇自上江領衆十五萬,連大艦沿流而下,將焚采石浮梁,

抵金陵爲援。

明率所部舟師 屯獨樹口,遣其子馳奏,請添造戰艦三百艘以襲令贇。帝曰:「非應急策也,

之,果疑大軍襲其後,逗撓不敢進。 **令**鄭

朝

夕

至

, 金陵之圍解矣。」乃密遣人諭明,令樹長木於洲浦間,若帆檣之狀。 明移檄諸軍,相爲掎角,因督兵權襲之。至小孤山,與 令贇望見

宗即位,兼領江南諸路轉運使。 召爲右諫議大夫,充三司副使。

諸軍合勢,大破之,擒令贇,衆赴水死者十五六。金陵平,詔明安撫諸郡,因命知洪州。

部侍郎。 爲鹽鐵使,遷給事中。雍熙四年,改光州刺史,出知抖州。 太平興國七年,與侯陟同判三司事。 會契丹擾邊,韶以明知眞定府。 契丹遁去。淳化初,詔歸闕,知京朝官差遣事。二 八年,召分三司〔8〕,各命使領之,改左諫議大夫, 端拱元年,代還。 表求換秩,改禮

年,卒,年七十三。

院,至工部員外郎。 子挺、扶,並進士及第。 景德中,錄幼子||族爲光祿寺主簿。 歷臺省, 累為轉運使, 皆知名。 大中祥符八年, 又錄其孫師顏爲三 挺至殿中侍御史,扶嘗直集賢

班借職, 談至殿中丞。

許仲宣字希粲, 青州人。 漢乾祐中, 登進士第, 時年十八。 周顯德初, 解褐授濟陰主

簿,考功員外郎張乂薦爲淄州團練判官。

宣度其山川形勢、地理廣袤可以爲州郡,因畫圖上之,遂升爲濉州 宋初赴調,引對便殿。 仲宣 氣貌雄偉,太祖悅之。 擢授太子中允, 受詔知北海

集 十萬,供饋無闕。南唐平,以漕輓功拜刑部郎中。 事。 初,議建牧馬監,令仲宣行視諸州,頗得善地。 帝益知其彊幹。 開寶四年,知荆南轉運事。 中謝日,召升殿獎論,賜緋。 及征江南, 又兼南面 從征抖門,掌給納,四十餘州資糧悉能 隨軍轉運事 九年,韶 兵數

親至 召還,令御史臺盡索財計簿鈎校,凡數年而畢,無有欺隱。 一大度河,渝以逆順,示以威福,夷人率服。 太宗嗣位,遷兵部郎中,驛召赴闕,賜金紫。 會言事者云,江表用兵時,仲宣乾沒官錢, 授西川轉運使,屬西南夷寇鈔邊境, 仲宣

永興軍府事

其兵。 改 》廣南轉運使,會征|交州,其地炎瘴,士卒死者十二三,大將孫全興等失律,仲宣因奏 不待報, 即以兵分屯諸州。 開庫賞賜,草檄書以論交州。 交州即送款內附,遺使

修貢。仲宣復上章待罪,帝嘉之。

權度支。 保勳,刑部郎中辛仲甫,皆以久次郎署,擢陞諫垣,仲宣爲左諫議大夫。未幾,召還,以本官 太平興國六年多,南郊畢,遷吏部郞中。 雅熙四年,出知廣州,未上,移知江陵府,俄改河南府。端拱中,遷給事中。 八年,與膳部郞中、知雜滕中正,兵部郞中劉 淳化

元年,卒,年六十一。

仲宣已預料置,奉之如其數。其才幹類此。 失措,仲宣處之晏然,人服其量。嘗從征江南,都部署曹彬令取陶器數萬,給士卒爲燈具。 則無其印,因逮捕縣更數輩及令、簿家人,下獄鞫問,果得之於令舍竈突中。 其室爭寵,令弗能禁。嬖欲陷其主,竊取其印藏之,封識如故,以授仲宣。翌日署事,發匣, 仲宣性寬恕,倜儻不檢,有心計。初,爲濟陰主簿時,令與簿分掌縣印。 令畜嬖妾,與 令聞之,倉皇

進士第。 子待用至國子博士,待問再舉及第,至殿中丞,待旦至比部員外郎。 待用子巨源,亦登

列傳第二十九 楊克讓

楊克讓字慶孫,同州馮翊人。

高祖公略,洪州都督。

晉末,舉進士不第,州將劉繼勳辟

爲戶曹掾。漢乾祐中,本府節度張彥成表授掌書記。

察推官,與通判宋琪並爲節度使趙贊所禮。 記 可 川。 周 顯德二年,調授鳳翔府司錄參軍,加兼監察御史,以祖母老解官歸養。 廣 克讓以彥成死未葬,不忍就祿,退居別墅,俟張氏子外除。時論稱之。 順 初,彦成移鎭安陽、穰下,克讓以舊職 累加朝散大夫兼殿中侍御史,連以家難 從行。 **彦成入爲執金吾,病篤,** 未幾,改 歷鎭 寧軍 奏稱其材 去 延 職 州 ·掌書 觀

善政, 州 大用,爲侯陟所沮,事見陟傳。 上言願畢襄事, 太祖素知其名,會贊入觀,復稱其才,卽起爲左補闕,掌蘄口 **墾書褒美。** 代歸闕下,疏民利病十事,稱旨。 特賜緡錢, 許葬畢赴任。 開寶三年,就命爲西川轉運副使,蜀民懷其 太祖召升殿,賜坐勞問,面賜金紫。將 権貨務。 乾德六年, 知果

年,徙 運 太 使。 车 興國初 知廣州,俄 泉州民嘯聚爲盜,克讓在福州, 就就 加刑部 兼 《轉運市 郎中,知大名府。 舶使。 明年,卒,年六十九。 卽 會錢俶、陳洪進來歸疆土,以克讓爲兩浙西南路轉 率其屯兵至泉州,與王明、 王文寶共討平之。 DA

征

南唐,命克讓知昇州行府。

昇州平,就知州事兼水陸計度轉運使事,加兵部員外郎。

事 自旦至暮,或通夕,斷决如流 **克讓** 少好 學, 手寫經籍, 盈於篋笥。 ,無有凝滯,當時稱爲能吏。 多收 圖 畫墨 跡。 歷官廉謹幹局,所至有聲。 每視

獄訟平允,則災害不生。 漢 祖建國,授左補制。 列 傳 第二十 九 段 望令諸州速决重刑,無致淹濫,必召和氣。」從之。 思 隱帝時,蝗,詔徧祈山川。 恭 思恭上言:「赦過宥罪,議獄緩刑,苟

皆登進士第。 吉、張茂宗繼領府事,皆優待之。 卒,年三十九,有集二十卷。 自教三子:日華,日嚴,日休, 府中牋疏,皆希閔所爲。 子希閔字無間。 日華都官員外郎,日嚴職方員外郎, 生而失明,令諸弟讀經史,一歷耳輒不能忘。 。將奏署本府掾,固辭不受,普優加給贍。張齊賢、李沆、薛惟 日休殿中丞。 希閔弟希甫, 淳化三年進 屬文善緘尺,趙普守西

士,至屯田員外郞。

從子日宣,亦登進士第。

賜緋。 從 契丹入汴,軍士諠譟,請立思恭爲州帥,思恭諭以禍福,拒而弗從,乃止。 天福中, 事, 段思恭,澤州晉城人。曾祖約,定州司戶。祖昶,神山令。 開運初,出爲華、商等州觀察支使。 與桑維翰同幕府。 希堯任棣州刺史兼權鹽礬制置使。 晉有天下, 希堯累歷淸顯。 劉繼勳節制同州,辟爲掌書記。 思恭解官侍養,奉章入貢,改國子四門博士, 思恭以門蔭奏署鎭國軍節度使官。 父希堯,晉祖鎭太原,辟爲 繼勳入朝,會

歷度支、駕部。

周 顯德中,定濱州田賦,世宗嘉之,賜金紫。 丁外艱,服闋,拜左司員外郎

恭募軍 罪,太祖憐其果幹,不許,令知州事。 刺 史趙廷進懼不能敵,將奔嘉州,思恭止之,因率屯兵與賊戰彭山。 建隆 士先登者厚賞,於是諸軍賈勇,大敗賊,思恭矯詔以上供錢帛給之。後度支請按其 二年,除開封令,遷金部郎中。 丁母憂,起復,俄召爲考功郎中,知泗州 乾德初,平蜀,通判眉州。 時亡命集衆,攻逼州城, 軍人皆觀望無鬥志,思

回鶻 條奏冤之。 將 吏,械其使,數日貰之。 百 萬 《撫之不可,汝其往哉!」思恭曰:「臣奉詔而往,必能治之。」帝壯之,賜窄衣、金帶、錢二 ,仍以塗涉諸部,令別齎金帛以遺之。思恭下車,矯繼業之失,綏撫夷落,訪求民病,悉 不復朝貢 馬繼業自靈州舉宗來朝,帝以思恭代知州事,仍語之曰:「馮繼業言靈州非衞、霍名 俄而回鶻入貢,路出靈州,交易於市,思恭遣吏市硇砂,吏爭直,與之競。思恭釋 使還愬其主,復遣使齎牒詣靈州問故,思恭理屈不報。 自是數年,

相告計 於通 坐擅借官庫銀造器,又妄以貢奉爲名,賤市狨毛虎皮爲馬飾,爲通判王廷範所發,降授少府 判 久之, 了; 以 詔 以 牌印、鼓角、金鉦自隨。驛書自京師來者,令齎至其所,事多稽滯。 遷右諫議大夫,知揚州。 屬 吏。 思恭辭不直,責授 朝廷方經略江表,命思恭兼沿江巡檢。 太常少卿,改知宿州。 太宗卽位,遷將作監、知秦州 每出巡,委州 因 與通 判李岧

少監、知邢州。太平興國六年,遷少府監。雍熙元年,南郊畢,表乞復舊官,再爲右諫議大夫。 二年,知壽州。 端拱初,遷給事中,尋知陝州。 淳化三年,卒,年七十三。

士、三司度支判官。從子惟幾,第進士,仕至兵部員外郞。 思恭以門資歷顯官,不知書,無學術;然踐更吏事,所至亦著勤績。 子惟一至太常博

補雷澤主簿。 侯陟,淄州長山人。漢末,舉明經。 司門員外郎姚恕凡四薦陟,爲襄城令、汝州防禦判官、濮陽襄邑令。 周廣順初,試校書郎,爲西州回鶻國信使判官,還

會出 議欲以本官領省事,改度支員外郎,依前充判官。 抗章言之, 彦上表謝, 自陳無罪, 太祖亦不窮治。 求哀盧多遜,多遜素與陟善,爲其畫計。 吏部銓,俄賜金紫。 賜緋衣、黑銀帶,遷右補闕。 師 建隆初,爲寃句令,以淸幹聞。 收金陵,陟以所部敗南唐軍千人於宣化城。 十二月,詔與戶部員 乾德三年,就改侍御史。 二年,擢爲左拾遺,仍知縣事。 (外郞、知制誥王祐等同知貢 時江表未拔,太祖厭兵,南土暑熾,軍卒疫死,方 四年,令兼領本縣屯兵,俄改淮南轉運使, 開寶五年,復爲左司員外郎。 俄爲部下所訟, 明年,入爲左司員外郎、度支判官。朝 節度袁彥頗爲不法,陟 追赴 學,未鎖宿,出 人闕,陟 度 六年,權 理窮,乃 知揚州。

列傳第

二 十

侯陟

李

右,召升殿問狀,遂寢前議,丼赦陟罪,復知吏部選事 即大言曰:「南唐平在朝夕,陛下奈何欲班師,願急取之。 議休兵,以爲後圖 陟適從揚州來,知金陵危甚, 多遜令上急變求見。 臣若誤陛下,願夷三族。」上屏左 ) 陟時被病, 令掖入,

嘗上疏言其短。至是, 普再入相, 陟頗憂恚。六年, 南郊畢, 加給事中。七年, 三司使王仁 供 陟 |贍左降,以陟與王明同判三司。 八年,卒,贈工部尙書。 頓軍需。以功遷左諫議大夫,權御史中丞事。 造便殿自首,出爲河北轉運使。征太原,爲太原東路轉運使。駕還,次鎭州,命先還上都 太平興國初,遷戶部郎中。 俄而選人有妄冒,事發,詞涉於陟。 五年,同知貢舉。開寶末,趙普在中書,陟 南曹雷德驤將奏劾之,

其人才識,朝廷佳士也。 怒,亟令克讓出典郡。其險詖如此。 且 諭 以將大用。 ) 勝有吏幹,性狡獪,好進,善事權貴,巧中傷人。 太祖嘗召刑部郎中楊克讓,命坐與語, <u></u> 勝素忌克讓,偵知之。因奏事,上問識楊克讓否,陟曰:「臣與克讓甚善,知 近聞其自言上許以大用,多市白金作飲器以自奉,臣頗怪之。」上

李符字德昌,大名內黃人。 漢乾祐中,郭從義討趙思綰於京兆,辟符在幕府,表爲京兆

府戶曹掾。 歷郿 縣主 海、保 義軍節度推官。 丁內艱,服除,調汝州防禦判官,權知州

子楊恪薦爲大理正 乾德中,知歸州轉運 司制置

宮闕 州三 剕 也; 調發芻糧 著爲令, 刑 不備, 縣丁壯給其役。 壁 部 歸 壘未設, 賜緋魚。 符領船數千艘順流 二也; 以京西諸州錢帛不登,選知京西南面轉運 七也;千乘萬騎盛暑扈行,八也。」不從。禮畢還京,改比部員外郞、 郊廟未修,三也,百司不具, 因奏對稱旨, 太祖欲幸西京, 而下。 遷起 尼郎。 有事于 事 畢, '南郊。 後荆湖轉運許仲宜隨軍討南唐, 賜金紫。 四也; 符上書陳八難曰:「京邑凋弊, 事。 符又建議鑿橫江河以通漕運, 畿內民困, 奏便宜百餘條,凡四十八事,命 五也 軍食不充,六 韶符赴荆湖 也 發和

競 司 各 課 副 一以獻。 太平興 使范旻得罪,以符代之。 國初,遷駕部,轉祠部郎中,知廣州兼轉運使。二年,符圖海外諸城及嶺外花木 在任有善政,民爲立生祠。 賜白金三千兩。 五 年, 召爲右諫議大夫、 車駕幸大名,領行在三司。 判 吏部銓 量兼大理 未幾,坐與官屬 一寺理。

普令符上言:「廷美在 七 年春, 開封 尹秦王 西洛非便,恐有他變, <u>[廷美出守西京,以</u>符知開封府。 宜遷遠郡,以絕人望。」遂有房陵之貶。 廷美事發,太宗令歸第省過。 普恐泄 趙

最

。罷職

守本官。

列

傳

第

\_\_

+

九

李

符

魏

丕

徙符嶺夷,普移符知春州。 因宋琪薦弭德超事藩邸。 水土頗善。 言,坐符用刑不當,貶寧國軍行軍司馬。 春州稍近,瘴氣甚毒,至者必死,願徙多遜處之。」普不答。先是,太宗尹京,符 符貶,德超爲樞密副使,屢稱其寃。 至郡歲餘卒,年五十九。 盧多遜貶崖州也,符白普曰:「珠崖雖遠在海中,而 會德超以事貶,帝惡其朋黨,

**将無文學,有吏幹,好希人主意以求進用,終以此敗。** 祥符五年,錄其子璜試將作監主簿。 至道二年,郊祀,追復右諫議大

萬,遷供奉官、供備庫副使。 辭也。」未幾,出監明靈砦軍。 冤,緩之。不數日,果獲<u>員</u>盜,世宗嘉其明愼。 班殿直。自陳本以儒進,願受本資官。世宗曰:「方今天下未一,用武之際,藉卿幹事,勿固 魏丕字齊物,相州人,頗涉學問。 世宗征淮甸,丕獲江南諜者四人,部送行在。 **周世宗鎭澶淵,辟司法參軍。** 歷頓丘、冠氏、元城三縣令。世宗卽位, 有盜五人獄具,丕疑其 韶獎之,賜錢十 改右

察之。還,言其無狀。 太祖即位,改作坊副使。 太祖嘗召對,語不曰:「作坊久積弊,爾爲我修整之。」」不在職盡力,以 時楊承信帥河中,或言其反側未安,命丕賜承信生辰禮物,陰

鏠 至千步。及改繡衣鹵簿,亦專敕丕裁製。丕撤本坊舊屋,爲舍衢中,收僦直及鬻死馬骨,歲得 河東,平江南,太祖皆先期諭旨,令修創器械,無不精辦。 久次轉正使。 七千餘緡,工匠有喪者均給之。太祖幸洛郊祀,三司使王仁贍議雇民車牛運法物,太祖 開寶九年,領代州刺史。 凡典工作十餘年,討澤潞、維揚,下荆廣,收川峽,征 舊床子弩射止七百步、令丕增造

坐, 儒 生,然清望官奉給不若刺 賜御書急就章、朱邸集。 雍熙四年,代郝正爲戶部使。 史之優也。」淳化初,改汝州 不退作歌以獻,因自述願授臺省之職。 端拱初,遷度支使。 是多,出為黃州刺史。 刺史。 歷知鳳州, 太宗面諭曰:「知卿本 改襄州。 還朝 ,召對便 境內久

以勞民,不悅,召丕議之。不請揀本坊匠少壯者二千餘,分爲遞鋪輸之,時以爲便。

阜, 不以誠禱之, 一夕, 雨沾足。 明年,召還,屢求退居西洛,不許。

议 禁卒, 五. 都 四年,表求致仕,授左武衞大將軍,仍領汝州刺史。 至是,詔 如禁兵之制。 左右街各募卒千人,優以廩給 五年,改領郢州刺史。 ,使傳呼備盜。 俄改領復州,遷左驍衞大將軍。咸平二年, 俄判金吾街仗。 不以新募卒引對 初,六街巡警皆用 ,遂分四營,營

卒,年八十一。

列傳

第二十

九

魏

丕

董

趣。 [煜邀不登昇元閣賦詩,不有「朝宗海浪拱星辰」之句,以風動之。 不好歌詩, 頗與士大夫遊接, 有時稱。 南唐主李煜妻卒,遣丕充书祭使, 太宗嘗賜詩,令不與柴 且使觀其意

禹錫和焉

遺、 知樞密院表奏。周廣順初,爲左補闕。 董樞,眞定元氏人。後唐淸泰中(ゼ),以獻書授校書郎。 世宗卽位,詔常參官各奏封事,樞上平吳策。 累歷賓佐。 晉天福中,爲左拾

南平,遷浚儀令。 恭帝即位,遷殿中侍御史。

廣南。 百,誣 張仁謙足疾不能戰,欲棄城走。 史臺鞫之, 太祖乾德初,遷主客員外郎。 奏樞與賊通。 詔益桂陽戍卒三千,令樞統之。 黜宋州教練使,以樞嘗貢西伐計,遷比部郎中。 會中使自成都還,備言其事,太祖並召之,庭辯曲直,仁謙遂屈。 樞固爭,戰賊敗之,因招餘衆降。 上書請伐蜀,蜀平,通判劍州。 三年,出兼桂陽監使,上書請伐 仁謙飲樞令醉,密殺降數 會全師雄叛,攻劍。 下御 刺史

率兵趨連口(云),克之。改兵部郎中,權知連州 開寶 二年,又上方略。 會劉銀令內侍曾居實侵桂陽,樞擊退之。 兼行營招撫使。 嶺南平,賜錢三百萬。 三年,大舉伐鋹,令樞 四年,

移 知襄州,又爲河北轉運使,改判西京留 初,樞罷桂陽監,以右贊善大夫孔璘氏式代之。 司 御 史臺

璘通三禮, 嘗講學於河朔。

擢第,

歷州

及升 朝,蒞桂陽,歲滿,以太子洗馬趙瑜代之。

具數聞, 至, 趙瑜非自盜,但不能發擿耳。」樞、璘並坐死,瑜決杖流海島。 即稱疾,遂以著作郞張侃代之。侃至月餘,奏瑜在任累月,得羨銀數十斤,雖送官而不 瑜, 計樞與璘隱沒可知矣。 趙州人。家世豪右,自言語練邊事。 韶下御史案之,獄具。 開寶中, 。有司計盜贓法,俱當死。 命爲易州通 擢侃為屯田員外郎。 判, 歲滿,

移桂陽。

太旭曰:

用 擊羣寇,便宜從事,以著奇績,斯亦可矣。 尙 一班、<br />
王明、<br />
許仲宣、<br />
楊克讓當官效用,以清幹稱。<br />
然仲宣寬簡持重,<br />
造次不撓,蓋人之難能 陳逆順以聳臣節,體明愼而究疑獄,治迹淸操,沒而彌章。若其自誣以救人之死,古人何加 ,患在忮刻。 ·嚴酷,處之要密之職,則非所宜。 論 王明累參戎事,預立 馮瓚省關市之苛賦,設方略以擊賊,功若可稱,而巧宦任數,竟致傾敗,理固然矣。 曰:顏衎振舉風憲,不避彊禦。 李符博通時務,乃事深文,以致投荒自弊,遂爲口實。 戰功,至若開諭元福,止其暴誅,此赴蹈之仁也。 蘇曉銳意深刻,樂致人罪,後嗣衰謝,厥報不誣。 劇可久居廷尉之任,以平允聞。趙逢果斷之士,而獨 然不能動遵規矩,速訟左降者再焉。 魏丕久典工效,以濟 段思恭遏亂兵, 侯陟吏才適 高防

列

傳

第

二 十

九

董

榅

校 勘

記

之、且多戰功,而以貪墨取敗。

惜哉!

戎用, 至於平反寃盜之獄, 救楊承信之誣, 善尤可稱。 董樞論平吳伐蜀及取廣南 成克舉

## 校勘記

(1) 凡三十卷目日刑統 「三十卷」,當爲「二十一卷」之誤。 據舊五代史卷一四七刑法志、五代會要

卷九、通考卷一六六刑考,周世宗顯德五年張湜、劇可久等人删定的刑統,只有二十一卷。 文蘇曉傳、 本書卷一九九刑法志、 長編卷四,宋太祖乾德元年竇儀等人重定的刑統, 才是三 據下

十卷。

 $\Xi$ 泰州 泰州。」下文之「海陵監」所隸也是泰州、據改。 原作「秦州」,查秦州隸屬陝西,不在淮南。 通鑑卷二九二顯德三年:「以給事中高防權知

尙波于 「丁」原作「千」。 據東都事略卷一二九、通考四裔考改。

直洪 文館 按唐代於門下省置弘文館,五代沿置。 此處「洪文館」原當作「弘文館」,蓋宋人避宋

太祖

父弘殷

諱

而

改

(宝) 鎭爲建 又掌建安軍 安軍。」是年置權貨務於此,即邊翔掌權貨的所在,見長編卷一三、宋會要食貨三六之一。 権貨 「建安軍」原作「永安軍」。 按九城志卷五載:「乾德二年, 以揚州 永貞 縣 迎變

記

據改。

(点) 召分三司 本書卷四太宗紀說:「分三司各置使。」長編卷二四說:「始分三司爲三部,各置使。」

(七) 清泰中 原作「太清中」,但後唐無太清年號,後唐末帝年號本爲清泰;「太」字是「泰」的省寫。

傳文倒置,今乙正。

(元) 連口 按本書卷二太祖紀、卷二五八潘美傳及長編卷一一均作「連州」。

(元) 右贊善大夫孔璘 「右」原作「左」,據本書卷三太깶紀、長編卷一六改。

